

**ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС
ТАЪЛИМ ВАЗИРЛИГИ**

ТОШКЕНТ ДАВЛАТ АГРАР УНИВЕРСИТЕТИ

Т.Х.ФАРМАНОВ, М.Г.МУРАТОВА

ҚИШЛОҚ ХЎЖАЛИГИ ИҚТИСОДИЁТИ ВА МЕНЕЖМЕНТИ

фанидан

МАЪРУЗАЛАР МАТНИ

ТОШКЕНТ – 2011

Маърузалар матнида қишлоқ хўжалигида эркин бозор муносабатларини шакллантиришнинг назарий, услубий ҳамда амалий асослари Кадрлар тайёрлаш Миллий дастури талаблари асосида ёритилган; тармоқда амалга оширилаётган ташкилий ва иқтисодий ислохотларнинг мазмун ва моҳияти Республика Президенти И. Каримов асарларига ва амалиётдаги меъёрий ҳужжатларга асосланган ҳолда баён этилган; қишлоқ хўжалигида мавжуд бўлган моддий-техника ва меҳнат ресурсларидан фойдаланишнинг ҳозирги ҳолати, корхоналар, тармоқларнинг ривожланиши, иқтисодий самарадорлиги илмий жиҳатдан асосланган ҳолда таҳлил қилиниб, келажакда уларнинг самарадорлиги юксалишини таъминловчи омиллар, йўллар батафсил кўрсатилган.

МУНДАРИЖА

КИРИШ

I БОБ. ҚИШЛОҚ ХЎЖАЛИГИ ИҚТИСОДИЁТИ ВА МЕНЕЖМЕНТИ ФАНИНИНГ ПРЕДМЕТИ, ОБЪЕКТИ ВА ВАЗИФАЛАРИ. ИҚТИСОДИЁТНИ МОДЕРНИЗАЦИЯ ҚИЛИШ ШАРОИТИДА ҚИШЛОҚ ХЎЖАЛИГИНИНГ ЎРНИ ВА АҲАМИЯТИ.

- 1.1. Қишлоқ хўжалигининг республика иқтисодиётидаги ўрни ва аҳамияти.
- 1.2. Аграр ислохатларни устивор йўналишлар.
- 1.3. «Қишлоқ хўжалиги иқтисодиёти ва менежменти» фаннинг предмети ҳамда вазифалари.
- 1.4. «Қишлоқ хўжалиги иқтисодиёти ва менежменти» фаннинг предметини (мақсади) тадқиқот қилиш, ўрганиш усуллари.
- 1.5. «Қишлоқ хўжалик иқтисоди ва менежменти» фанининг бошқа фанлар билан боғлиқлиги.

II БОБ. МАМЛАКАТ АГРОСАНОАТ МАЖМУАСИНИНГ РИВОЖЛАНИШИ ВА УНДА МЕНЕЖМЕНТНИНГ АҲАМИЯТИ.

- 2.1. Агросаноат мажмуасининг зарурлиги, мақсади, вазифалари ва таркиби.
- 2.2. Агросаноат мажмуаси таркибидаги тармоқлар ўртасидаги муносабатлар.
- 2.3. Агросаноат мажмуасининг ҳолати, иқтисодий-ижтимоий самарадорлик даражаси.
- 2.4. Озиқ-овқат ва халқ истеъмоли моллари мажмуаси. Давлатнинг озиқ-овқат хавфсизлиги.

III БОБ. ҚИШЛОҚ ХЎЖАЛИГИНИ БОШҚАРИШДА МЕНЕЖМЕНТ.

- 3.1. Қишлоқ хўжалик корхоналарини бошқариш тизими ва усуллари.
- 3.2. Қишлоқ хўжалигини бошқаришда менежмент ва унинг вазифалари.
- 3.3. Менежментнинг объекти ва субъекти, уларнинг ўзаро алоқадорлиги.
- 3.4. Бошқарув концепциялари ва уларнинг асосчилари.

IV БОБ. ҚИШЛОҚ ХЎЖАЛИГИ МЕНЕЖМЕНТИНИНГ ТАМОЙИЛЛАРИ, ВАЗИФАЛАРИ ВА МАЖБУРИЯТЛАРИ.

- 4.1. Иқтисодий қонунларни билишнинг аҳамияти.
- 4.2. Умумий фалсафий ва иқтисодий қонун
- 4.3. Менежмент қонунлари.
- 4.4. Менежментнинг асосий тамойиллари

V БОБ. ЕР-СУВ РЕСУРСЛАРИ, УЛАРДАН САМАРАЛИ ФОЙДАЛАНИШ

- 5.1 Ер-сув ресурсларининг қишлоқ хўжалигидаги аҳамияти ва хусусиятлари, уларнинг майдони таркиби, фойдаланувчилар бўйича тақсимланиши.
- 5.2. Ердан, сувдан фойдаланиш самарадорлигини ифодаловчи кўрсаткичлар, уларни аниқлаш тартиби.
- 5.3. Ердан, сувдан фойдаланишни самарадорлиги, уни ошириш йўллари.
- 5.4. Ер мониторинги ва давлат ер кадастри.

VI БОБ. СУВ РЕСУРСЛАРИ, УНИ БОШҚАРИШ ВА САМАРАЛИ ФОЙДАЛАНИШ. СУВ РЕСУРСЛАРИДАН ФОЙДАЛАНИШНИ БОШҚАРИШ ВА УНИНГ ТАМОЙИЛЛАРИ.

- 6.1.
- 6.2
- 6.4.
- 6.5.

VII БОБ. МЕҲНАТ РЕСУРСЛАРИ БОЗОРИ, УЛАРДАН ФОЙДАЛАНИШ ВА МЕҲНАТ УНУМДОРЛИГИ

- 7.1. Меҳнат ресурслари ва меҳнат унумдорлигининг қишлоқ хўжалигидаги аҳамияти.
- 7.2. Меҳнат ресурсларидан фойдаланиш ва меҳнат унумдорлиги даражасини ифодаловчи кўрсаткичлар, уларни аниқлаш тартиби.....
- 7.3. Қишлоқ хўжалигидаги меҳнат ресурслари, улардан фойдаланиш ва меҳнат унумдорлиги даражаси. ..
- 7.4. Қишлоқ хўжалигида меҳнат бозори ва уни ривожлантириш масалалари.
- 7.5. Меҳнат ресурсларидан фойдаланишни яхшилаш, меҳнат унумдорлигини ошириш йўллари.

VIII. ҚИШЛОҚ ХЎЖАЛИГИНИНГ МОДДИЙ ТЕХНИКА РЕСУРСЛАРИ, ФАН-ТЕХНИКА ТАРАҚҚИЁТИ, ИЛҒОР ТЕХНОЛОГИЯЛАР ВА УЛАРДАН САМАРАЛИ ФОЙДАЛАНИШ.

- 8.1. Моддий-техника ресурслари ҳақида тушунча, уларнинг аҳамияти, хусусиятлари ва туркумлаштирилиши.
- 8.2. Фан-техника тараққиёти, унинг йўналишлари, самарали технологиялар.
- 8.3. Қишлоқ хўжалигининг моддий-техника ресурслари билан таъминланганлик ҳамда улардан фойдаланганлик даражасини ифодаловчи кўрсаткичлар, уларни аниқлаш тартиби.
- 8.4. Бозор иқтисоди шароитида қишлоқ хўжалигининг моддий-техника

ресурсларини шакллантириш, бундай воситалар бозори, техника тараққиётини жорий этиш, улардан самарали фойдаланиш.

IX БОБ. ИНВЕСТИЦИЯЛАР (КАПИТАЛ ҚЎЙИЛМАЛАР), УЛАРНИНГ ИҚТИСОДИЙ САМАРАДОРЛИГИ.

9.1. Инвестициялар (капитал қўйилмалар) ҳақида тушунча, уларнинг ижтимоий-иқтисодий зарурлиги ва аҳамияти.

9.2. Қишлоқ хўжалигида сарфланаётган инвестициялар (капитал қўйилмалар)нинг манбалари, уларнинг сарфланиш йўналишлари.

9.3. Инвестициялар (капитал қўйилмалар)нинг иқтисодий самарадорлигини ифодаловчи кўрсаткичлар, уларни аниқлаш.

9.4. Инвестиция (капитал қўйилма) даражаси, динамикаси ва уларнинг иқтисодий-ижтимоий самарадорлиги.

9.5. Инвестиция (капитал қўйилма) лар кўламини кенгайтириш ва самарадорлигини ошириш йўллари

X БОБ: ҚИШЛОҚ ХЎЖАЛИГИНИНГ ЯЛПИ ВА ТОВАР МАҲСУЛОТИ, УЛАРНИНГ ТАҚСИМЛАНИШИ ВА КЎПАЙТИРИШ ЙЎЛЛАРИ.

10.1. Қишлоқ хўжалигининг ялпи ва товар маҳсулоти ҳақида тушунча, уларни аҳамияти.

10.2. Қишлоқ хўжалигининг ялпи маҳсулоти таркиби динамикаси (ўзгариши)

10.3. Қишлоқ хўжалик маҳсулотларини тақсимлаш, сотиш ва уларнинг товарлилик даражаси

10.4. Ялпи маҳсулотни кўпайтириш, унинг товарлилик даражасини ошириш йўллари

10.5. Субъектлар ўртасидаги муносабатларнинг хусусий асоси, турлари, мазмун ва моҳияти

10.6. Қишлоқ хўжалик субъектларидаги ички шартномавий муносабатлар

10.7. Шартномалар бажарилиш мониторинги

XI БОБ. ҚИШЛОҚ ХЎЖАЛИГИДАГИ (ЖОРИЙ ВА ЎРТАЧА) ХАРАЖАТЛАР, УЛАРНИ КАМАЙТИРИШ ЙЎЛЛАРИ

11.1. Қишлоқ хўжалигидаги харажатлар, уларнинг аҳамияти...

11.2. Харажатлар таркиби, уларнинг туркумлаштирилиши.....

11.3. Маҳсулот таннархи ҳақида тушунча (ўртача харажатлар), унинг турлари ва аниқланиш тартиби.

11.4. Қишлоқ хўжалик маҳсулотларининг таннарх даражаси, динамикаси ва харажатларни қисқартириш, маҳсулотлар таннархларини пасайтириш йўллари....

XII БОБ. ҚИШЛОҚ ХЎЖАЛИК МАҲСУЛОТЛАРИНИНГ БАҲОЛАРИ, УЛАРНИНГ ТАКОМИЛЛАШТИРИЛИШИ

- 12.1. Баҳонинг иқтисодий мазмуни, аҳамияти, функциялари...
- 12.2. Қишлоқ хўжалигида баҳолар тизими, уларнинг даражаси ва динамикаси..
- 12.3. Бозор иқтисодиёти шароитида баҳоларни такомиллаштириш масалалари...

XIII БОБ. КОРХОНАЛАРНИНГ ДАРОМАДЛАРИ, ФОЙДАЛАРИ, УЛАРНИНГ ТАҚСИМЛАНИШИ. ИШЛАБ ЧИҚАРИШНИНГ ИҚТИСОДИЙ САМАРАДОРЛИГИ

- 13.1. Қишлоқ хўжалик корхоналарининг даромад ва фойдалари, иқтисодий самарадорлиги ҳақида тушунча, унинг аҳамияти
- 13.2. Даромадни, фойдани, иқтисодий самарадорликни аниқлаш тартиби.
- 13.3. Қишлоқ хўжалиги даромадлари, ялпи ва соф фойдасининг ўзгариши
- 13.4. Қишлоқ хўжалигининг пул даромадларини, ялпи ва соф фойдаларини кўпайтириш, иқтисодий самарадорлигини ошириш йўллари.

XIV БОБ. ЎСИМЛИКЧИЛИК ТАРМОҚЛАРИ ИҚТИСОДИЁТИ

- 14.1. Ўсимликчилик тармоқларининг аҳамияти.
- 14.2. Ўсимликчилик тармоқлари иқтисодиётининг ҳозирги ҳолати
- 14.3. Ўсимликчилик тармоқлари иқтисодиётини ривожлантириш масалалари.

XV БОБ. ЧОРВАЧИЛИК (ҚОРАМОЛЧИЛИК, ҚЎЙЧИЛИК, ЭЧКИЧИЛИК) ТАРМОҚЛАРИ ИҚТИСОДИЁТИ..

- 15.1. Чорвачилик тармоқлари маҳсулотларининг аҳамияти
- 15.2. Чорвачилик тармоқларида етиштирладиган маҳсулотлар даражаси ва самарадорлиги
- 15.3. Чорвачилик тармоқларини, уларда маҳсулот етиштиришни ривожлантириш ва самарадорлигини ошириш йўллари

КИРИШ

Ўзбекистон–аграр-индустрлашган республика. Мамлакат иқтисодиётида қишлоқ хўжалигининг аҳамияти улкан. Чунки унда республика ялпи ички маҳсулотининг учдан бир қисмига, озиқ-овқат маҳсулотларининг 95-97 фоизга яқини яратилмоқда. Давлат миқёсидаги жами валюта тушумининг яримидан ортиғи қишлоқ хўжалик маҳсулотларини экспорт қилиш ҳисобига олинмоқда. Эндиликда қайта ишлаш саноатининг юксалиши, аҳоли сонининг ўсиши, ташқи бозор талабининг ўзгариши экологик талабларга жавоб берадиган қишлоқ хўжалик маҳсулотлари етиштириш жараёнлари янада ривожлантирилишини объектив равишда тақазо этмоқда. Шунинг учун ҳам тармокни ривожлантириш ва самарадорлигини юксалтириш зарур.

Қишлоқ хўжалигини бозор иқтисодиёти қонунлари талаблари даражасида ривожлантириш учун тармоқда эркин фаолият кўрсатиш имкониятига эга бўлган турли хилдаги мулк ва мулкчилик шакллариининг, уларга асосланган тадбиркорлик турлари ва улар ўртасидаги эркин бозор муносабатларининг назарий, услубий асосларини теранлаштириш, такомиллаштириш, инвестицияларни кўпроқ жалб этиб, фан-техника ютуқларини, янги техникаларни, илғор технологияларни ишлаб чиқаришга жорий этиш, чекланган ер ва сув ресурсларидан, доимий ва ўзгарувчи капиталдан ҳамда меҳнат ресурсларидан қисқа ва узоқ муддатларда тўлиқ ва самарали фойдаланиш йўллари аниқ белгилаш, барча харажатларни тежаш, меҳнат унумдорлигини юксалтириш, ишчи-хизматчиларни рағбатлантириш тизимини такомиллаштириш негизида фойда суммасини кўпайтириш йўллари асосланган ҳолда белгилаб олиш мақсадга мувофиқдир. Бу масалаларнинг илмий ҳамда амалий асосларини яратишда, ривожлантиришда, уларни ишлаб чиқаришга жорий этишда қишлоқ хўжалигининг ўзига хос, халқимизнинг миллий хусусиятларини эътиборга олиш зарур.

Юқоридаги муаммоларнинг эркин бозор иқтисодиёти шароитидаги қонун-қоидаларини, барча муносабатларнинг мазмун, моҳияти, сабаб ва оқибатларини, тушунчаларини, уларнинг қишлоқ хўжалигида қай даражада, қандай шаклда амал қилаётганлигини, келажакда такомиллаштириш йўллари «Қишлоқ хўжалиги иқтисодиёти» фани ўрганади. Аммо бу масалалар батафсил ёритилган маърузалар матни ва қўлланмалар бизда йўқ ҳисоби. Ушбу маърузалар матни ана шу бўшлиқни тўлдириш мақсадида яратилди.

Мамлакат қишлоқ хўжалигида давлат устуворлигида амалга оширилаётган иқтисодий ислохотларнинг йўналишлари, аҳамияти ҳамда мазмунини ёритишда Республика Олий Мажлисида қабул қилинган қонунларга, Президент И. Каримов асарларига, Президент фармонларига ҳамда Вазирлар Маҳкамасининг қарорларига асосландик. Қишлоқ хўжалигида амалга оширилаётган асосий иқтисодий муносабатларнинг, тушунчаларнинг мазмун ва моҳиятини Республика Макроиқтисодиёт ва Статистика ҳамда Қишлоқ ва сув хўжалиги вазирликлари маълумотларидан фойдаланиб, жадваллар, диаграммалар, графиклар ёрдамида ёритишга интилдик. Кадрлар тайёрлаш Миллий дастури талаблари ва Республика мувофиқлаштириш комиссияси тавсия этган намунавий дастур асосида ёзилган бу маърузалар матнида ўқитишнинг янги, замонавий, технологик хусусиятларини ҳисобга олиб, ҳар бир мавзунинг қисқача мазмуни баён этилган, назорат ва муҳокама учун саволлар ҳамда асосий адабиётлар рўйхати келтирилган.

Мазкур маърузалар матни асосан университет ва институтларда иқтисодий таълим йўналиши бўйича ўқиётган талабалар учун мўнжалланган. Ундан узлуксиз таълим тизимининг барча бўғинларида қишлоқ хўжалиги иқтисодиёти масалалари билан шуғулланувчи ўқитувчилар, талабалар, аспирантлар, тадбиркорлар ҳам фойдаланишлари мумкин. Маърузалар матни қишлоқ хўжалиги иқтисодиётига оид муаммо ва

масалаларнинг мазмун ҳамда моҳиятини тушунишга, уларни тармоқ ишлаб чиқаришига татбиқ этиш имкониятларини кенгайтиришга кўмаклашади, деган умиддамиз.

Муаллифлар ушбу маърузалар матнининг тузилиши, таркиби, муаммолар мазмунининг баён этилиш тартиби ва услуби бўйича билдириладиган барча таклиф – фикр ва мулоҳазаларни миннатдорчилик билан қабул қилиб, уларни кейинги нашрларда эътиборга олишга ҳаракат қиладилар, маърузалар матнини тайёрлаш ва чоп этишга ёрдам берганларнинг барчасига сидқидилдан самимий миннатдорчилик билдирадилар.

Мавзу 1: Жаҳон молиявий-иқтисодий инкирози шароитида Қишлоқ хўжалигини мамлакат иқтисодиётидаги ўрни ва аҳамияти. Қишлоқ хўжалиги иқтисодиёти фанининг предмети, объекти ва вазифалари.

1.1. Қишлоқ хўжалигининг республика иқтисодиётидаги ўрни ва аҳамияти

1.2. Аграр ислохотларнинг устувор йўналишлари

1.3. «Қишлоқ хўжалиги иқтисодиёти» фанининг предмети ҳамда вазифалари

1.4. «Қишлоқ хўжалиги иқтисодиёти» фанининг предмети (мақсади) тадқиқот қилиш, ўрганиш усуллари

1.5. «Қишлоқ хўжалик иқтисоди» фанининг бошқа фанлар билан боғлиқлиги

1.1. Қишлоқ хўжалигининг республика иқтисодиётидаги ўрни ва аҳамияти

Ўзбекистон Марказий Осиёнинг қулай ҳудудида жойлашган. Унинг ҳудудида азалдан инсоният учун ниҳоятда керакли ҳисобланган турли хилдаги қишлоқ хўжалик маҳсулотлари ишлаб чиқарилди. Чунки бу ҳудудда табиий-иқлим шароитлар етарлидир. Жумладан, Республикада йиллик самарали температура 25-35° ни ташкил этиб, қуёшли соат 3000дан ортиқ бўлиб, бир йилда бирнеча марта ҳосил олиш имконини беради. Ўзбекистоннинг жами ер майдони 44.4 млн. гектар (2004 й.) бўлиб, шундан 50,8 фоизини турли хилдаги қишлоқ хўжалик корхоналари, ташкилотлари ҳамда деҳқон хўжаликлари фойдаланадилар: уларнинг йиғиндиси мамлакат қишлоқ хўжалигини ташкил этади. Унинг асосий мақсади тармоқда ишлаб чиқарилаётган маҳсулотлар билан мамлакат аҳолисининг истеъмол товарларига бўлган талабини қондиришдир. Бунинг учун:

- аҳоли бирданига истеъмол қиладиган сифатли қишлоқ хўжалик маҳсулотларини барча талабларни қондирадиган даражада ишлаб чиқариш;

- қайта ишлаш саноати корхоналарининг қишлоқ хўжалик маҳсулотларига бўлган талабини қондириши лозим.

Ҳозирги даврда, бу тармоқда аҳоли истеъмол қиладиган товарларнинг 85 фоиздан кўпроғи ишлаб чиқарилмоқда. Улар ўсимликчилик ҳамда чорвачилик маҳсулотларидан иборатдир. 2004 йилда Ўзбекистон Республикаси ялпи ички маҳсулотининг 26,8 фоизи қишлоқ хўжалигида яратилган. Шу йилда барча саноат тармоқларида мамлакат ялпи ички маҳсулотининг 17,1 фоизи, қурилишда эса 4,5 фоизи яратилган. Рақамлар қишлоқ хўжалик тармоғининг мамлакат иқтисодиётидаги ўрни улкан эканлигидан далолат бермоқда. Шу йилда қишлоқ хўжалигида фаолият кўрсатаётган барча турдаги тадбиркорлар томонидан 4732,0 млрд сўмлик ялпи маҳсулот яратилган. У асосан 3535,4 минг тонна пахта, 6017,1 минг тонна дон, 3315,9 минг тонна сабзавот, 846,3 минг тонна мева, 996,3 минг тонна гўшт, 427,8 минг тонна сут, 671,5 минг тона қоракўл тери, 1859,9 млрд тона тухум ва бошқа қишлоқ хўжалик маҳсулотларидан ташкил топган.

Барча турдаги қишлоқ хўжалик маҳсулотларни ишлаб чиқаришда республика иқтисодиётида банд бўлган меҳнат ресурсларининг 40 фоизга яқини қатнашган.

Лекин Республиканинг қишлоқларида жами аҳолининг учдан икки қисми яшайди. Ишлаб чиқарилган барча маҳсулотлар 25 млн. гектарга яқин қишлоқ хўжалик ерларидан олинган, шундан 369,1 минг гектари экинзор.

Мамлакат деҳқончилиги суғоришга асосланганлиги учун катта миқдордаги сув ресурсларини талаб этади. Лекин бу талаб ички сув ресурслари билан атиги 60 фоизгагина қондирилмоқда. Бундай ҳол Амударё ҳамда Сирдарё хавзаларидан катта миқдордаги сув ресурсларини жалб этишни талаб этади. Ҳозирги даврда қишлоқ хўжалигида 42-46 млрд м³ сув ресурсларидан фойдаланилмоқда. Табиатда ер ва сув ресурслари чекланган, улар такрор ишлаб чиқарилмайдиган ресурслар ҳисобланади. Шунинг учун уларнинг ҳар бир

гектаридан, М³дан тадбиркорлик билан фан-техника ютуқларини жорий этиб, йил давомида тўлиқ ва самарали фойдаланиш лозим.

Қишлоқ хўжалик маҳсулотларини етиштиришда саноат корхоналарида ишлаб чиқарилаётган кўплаб қишлоқ хўжалик техникалари, кимёвий воситалар, ёқилғи, ёнилғи, ёғловчи материаллар ва бошқа воситалардан фойдаланилмоқда. Масалан, тармоқда 2004 йилда 78,9 мингга яқин турли хилдаги тракторлар, 22,7 мингтадан кўпроқ юк ташиш машиналари, 4,4 мингтага яқин ғалла йиғиштирадиган, бир мингтага яқин пахта терадиган камбайинлар, кўплаб бошқа техникалардан фойдаланилган. Тармоқ миқёсида ерларнинг унумдорлигини, экинларнинг эса хосилдорлигини ошириш мақсадида 332,7 минг тонна минерал ўқитлардан фойдаланилган. Қишлоқ хўжалигида ишлаб чиқарилаётган маҳсулотларни жаҳон бозорига чиқарилиши натижасида Ўзбекистоннинг маъқеи ошиб бормоқда. Ҳозирги даврда А ва Е типдаги пахта толасини ишлаб чиқариш бўйича жаҳонда Хитой, АҚШ, Ҳиндистон ва Покистон давлатларидан сўнг бешинчи ўринни, уларни экспорт қилиш бўйича эса 2-ўринни эгаллаб келмоқда. Шунинг билан биргаликда Ўзбекистон жаҳон бозорига ниҳоятда сифатли бўлган қорақўл терисини, пилласини, сабзаёт, полиз ва боғдорчилик маҳсулотларини олиб чиқиб сотмоқда. Республиканинг бу борадаги салоҳиятидан тўлиқ фойдаланилаётгани йўқ. Уни ижобий ҳал этиш учун тармоқда етиштирилаётган қишлоқ хўжалик маҳсулотларини қайта ишлаб, жаҳон бозорига тайёр маҳсулотларни чиқариш лозим. Бу борада сўнги йилларда чет эл инвестицияларини жалб этиб катта ишлар амалга оширилмоқда. Уларни келажакда жадал суръатлар билан ривожлантириш сиёсий, иқтисодий ҳамда ижтимоий жиҳатдан мақсадга мувофиқдир. Ҳозирги даврда мамлакат аҳолисининг қишлоқ хўжалик маҳсулотлари билан таъминлаш даражаси йил сайин ортиб бормоқда. 2004 йилда республика аҳолисининг жон бошига 160 кг.га яқин ун маҳсулотлари, 135 кг. пахта хом ашёси, 127 кг сабзаёт маҳсулотлари, 34 кг.дан кўпроқ картошка, 38 кг. гўшт, 164кг. сут ҳамда 72 донага яқин тухум ишлаб чиқарилган. Демак, мамлакатда аҳолининг унга бўлган талаби қондирилган. Келажакда унинг сифатини яхшилашга алоҳида эътибор бериш талаб этилади. Лекин бошқа маҳсулот бўйича халқимизнинг медицина меъёрлари бўйича талаби тўлиқ қондирилганича йўқ. Бундай ҳол Ўзбекистонда қишлоқ хўжалигини янада жадал суръатлар билан ривожлантирилишини тақозо этади. Сўнги ўн йилларда бу борада муайян ишлар амалга оширилди. Жумладан, мамлакат қишлоқ хўжалигида эркин бозор иқтисоди талабларига мос иқтисодий муносабатларни шакллантириш имкониятини берадиган, ҳуқуқий, ташкилий, иқтисодий ҳамда ижтимоий ислохотлар босқичма-босқич қатъий ишонч билан амалга оширилишини таъминлаб берадиган тадбирлар ишлаб чиқилиб, изчиллик билан ҳаётга жорий этилмоқда. Масалан, ер фуқароларга умурбод мерос қолдириш ҳуқуқи билан бепул берилмоқда, фермер хўжаликларига эса 30 йилдан 50 йилгача бўлган муддатга фойдаланиш учун ижарага берилмоқда. Қишлоқда мулк ислохоти натижасида мулкдорлар синфи барқарор равишда шаклланиб, ривожланмоқда.

Барча пахта, ғалладан ташқари бошқа маҳсулотларни етиштириб, уларни сотишда эркинлик берилди. Тадбиркорларга ишлаб чиқаришини ривожлантириш учун турли хилдаги имтиёзли кредитлар берилган. Лекин амалга оширилаётган тадбирлар ўсиб бораётган талабни тўлиқ қондира олмайди. Шунинг учун қишлоқ хўжалигида амалга оширилаётган барча турдаги ислохотларни эркинлаштириш, уларни янада чуқурлаштириш мақсадга мувофиқдир. Бу келажакда қишлоқ хўжалигининг юқори суръатларда ривожланишини таъминлаб, унинг аҳамиятини ошириб, республика иқтисодиётининг юксалишини таъминлайди.

1.2. Аграр ислохотларнинг устувор йўналишлари

Ижтимоий йўналтирилган барқарор, эркин бозор иқтисодиётига, кучли демократик ҳуқуқий давлатни барпо этиш мақсадида республиканинг барча соҳаларида, жумладан,

қишлоқхўжалигида улкан ҳуқуқий, ташкилий, иқтисодий ҳамда ижтимоий ислоҳотлар давлат раҳбарлигида босқичма-босқич амалга оширилмоқда. Даставвал, қишлоқ хўжалигида эркин бозор иқтисодиёти муносабатларини мустаҳкам барпо этилишини, юритилишини таъминлаш қобилиятига эга бўлган ҳуқуқий асоси яратилиб, ривожлантирилмоқда. Бунга республика Олий Мажлиси ва Сенати томонидан қабул қилинган қонунлар, Президентнинг Фармонлари ҳамда Вазирлар Маҳкамасининг қарорлари яққол далил бўлади.

Ўзбекистон Республикасининг:

-“Конституцияси”;

-“Мулк тўғрисида”ги;

-“Ижара тўғрисида”ги;

-“Давлат тасарруфидан чиқариш ва хусусийлаштириш тўғрисида”ги;

-“Инвестициялар тўғрисида”ги;

-“Чет эл инвестициялари тўғрисида”ги;

-“Аҳолини иш билан таъминлаш тўғрисида”ги;

-“Меҳнат кодекси”;

-“Ер кодекси”;

-“Сув ва сувдан фойдаланиш тўғрисида”ги;

-“Тадбиркорлик тўғрисида”ги;

-“Қишлоқ хўжалик кооперативлари (ширкатлар) тўғрисида”ги;

-“Фермер хўжалиги тўғрисида”ги; янги таҳрирда:

-“Қишлоқ хўжалик корхоналарини санация қилиш тўғрисида”ги қонунлари, Вазирлар Маҳкамасининг “2005-2007 йилларда фермер хўжаликларини жадал ривожлантириш чора-тадбирлари тўғрисида”ги, “Қишлоқ хўжалик маҳсулотлари контрактация шартномаларини тузиш ва бажариш тўғрисидаги Низомни тасдиқлаш тўғрисида”ги қарорлари, Ўзбекистон Республикаси Президентининг “Иқтисодий ислоҳотларни янада чуқурлаштириш, хусусий мулк манфаатларини химоя қилиш ва тадбиркорликни ривожлантириш чора-тадбирлари тўғрисида”ги, “Микрофирмалар ва кичик корхоналарни ривожлантиришни рағбатлантириш борасидаги қўшимча чора-тадбирлар тўғрисида”ги Фармонлари ва бошқалар, соҳани ислоҳ қилишнинг ҳуқуқий асосини яратади.

Яратилган ҳуқуқий асос негизда қишлоқ хўжалигида амалга оширилиши зарур бўлган ташкилий, иқтисодий ҳамда ижтимоий ислоҳотларнинг моҳияти ниҳоятда муҳим қуйидаги ҳолатларни шакллантиришга қаратилгандир:

-қишлоқ хўжалигини эркин бозор иқтисодиёти талаблари асосида бошқаришни барпо этиш, такомиллаштириш;

-мулкчиликнинг турли хилдаги шакллари барпо этиб, самаралисини ривожлантириш;

-қишлоқда бозор мулкий муносабатларини барпо этиш, ривожлантириш ва эркинлаштириш;

-тармоқда турлича мулкчиликка асосланган субъектларни барпо этиш, уларга эркин фаолият кўрсатиш учун зарур шароитлар яратиш;

-қишлоқда мулкдорлар синфини яратиш, уларнинг мулкий онгини юксалтириш;

-барча турдаги иқтисодий муносабатларни чуқурлаштириш ва эркинлаштириш;

-аҳолининг даромадининг ўсишини таъминлаш;

-қишлоқ хўжалигини барқарор ривожлантириш;

-тармоқда қишлоқ хўжалик маҳсулотларини ишлаб чиқаришда таркибий ўзгаришини таъминлаш;

-аҳолини, қайта ишлаш саноатини қишлоқ хўжалик маҳсулотлари билан таъминлашни юксалтириш, рағбатлантириш;

-аҳолини ижтимоий жиҳатдан таъминланганлигини яхшилаш ва бошқалар;

-ўтиш даврида уларни таъминлаш мақсадида қишлоқ хўжалигида ер, сув, мулк, ташкилий-таркибий, молия-кредит, солиқ, нарх, инвестиция ҳамда инновация ва бошқа ислохотлар ўзаро боғлиқ ҳолда амалга оширилмоқда.

Ер, сув ресурсларига эгалик қилишнинг ҳуқуқий асоси Ўзбекистон Республикаси Конституциясининг 55-моддасида “Ер... сув... умуммиллий бойликдир, улардан оқилана фойдаланиш зарур ва улар давлат муҳофазасидадир”¹- деб таъкидланган. Республиканинг жами ер майдонига умуммиллий бойлик, давлат мулки сифатида эгалик қилиш ҳуқуқи Ўзбекистон Олий Мажлис зиммасига юклатилган. Олий Мажлис ўз ваколатидаги ер муносабатларининг айрим масалаларини халқ депутатлари қишлоқ, шаҳар, поселка, туман ҳамда вилоят кенгашлари ва уларнинг ижроия қўмиталари зиммасига юкланган. Улар ер кодекси ва бошқа қонунларга асосланган ҳолда ерлардан оқилона самарали фойдаланишни таъминлаш мақсадида фойдаланувчиларга маълум муддатга ҳақ тўлаш эвазига фойдаланиш учун бермоқдалар, чекланган миқдордаги ерларни ким ошди савдосида сотмоқдалар. Демак, улар ер ислоҳотини амалга оширишга маъсулдорлар. Ислохот натижасида республикада яшаётган фуқароларга умрбод фойдаланиш учун 650 минг гектарга яқин ер берилди. Шунинг билан биргаликда 2005 йилнинг 1 июлига 121,6 мингта фермер хўжаликларига 3666,4 минг гектар ер узоқ муддатга (30 йилдан 50 йилгача) фойдаланиш учун ижарага берилди. Улар ердан фойдаланаётганликлари учун ер солиғини тўлайдилар.

Шу даврда чекланган миқдордаги ер бино-иншоотлари билан биргаликда хусусий мулк сифатида сотилган. Демак, ер ислоҳоти: узоқ муддатга ижарага, умрбод фойдаланишга бериш ҳамда сотиш орқали амалга оширилмоқда.

Шунинг билан биргаликда тармоқда мулк ва унга асосланган корхоналарни ислоҳ қилишни амалга ошириб келмоқда. Марказдан режали бошқарилган иқтисодиёт даврида қишлоқ хўжалигида а) давлат мулки; б) колхоз- кооператив мулки; в) шахсий мулк шакллари мавжуд бўлган. Улар тармоқдаги жами мулкнинг 99,9 фоизини ташкил этган.

Мулкчиликнинг бу турларига эгалик қилиш, улардан фойдаланиш билан боғлиқ муносабатлар эркин бозор муносабатларига мос келмаганлиги учун ҳозирги даврда республика қишлоқ хўжалигида; - давлат мулки унга асосланган давлат корхоналари:

-жамоа мулки (пайчилик мулкига асосланган ширкат хўжаликлари):

-хусусий, шахсий мулк (уларга асосланган фермер ва деҳқонхўжаликлари);

-аралаш мулк (унга асосланган қўшма корхоналар) шаклланган. Ҳозирги даврда нодавлат мулкнинг салмоғи ошиб бормоқда. Шунинг билан биргаликда, уларнинг қишлоқ хўжалик ялпи маҳсулотига салмоғи ўзгармоқда. Жумладан, 2005 йилнинг бошига келиб қишлоқхўжалиги ялпи маҳсулотининг 20,4 фоизини фермер хўжаликлари, 66 фоизига яқинини деҳқон(томорқа) хўжаликларида ишлаб чиқармоқдалар.

Демак, республика қишлоқхўжалигида ишлаб чиқарилган ялпи маҳсулотнинг 87 фоизига яқинини хусусий мулкчиликка асосланган субъектлар томонидан яратилган. Бу маълумотлар хусусий мулкнинг ҳар томонлама самарали эканлигидан далолат беради. Чунки у мулк аниқ шахсни, у ўз мулкига тўлиқ эгалик қилиб, ундан эркин фойдаланиш ҳуқуқига эга. Улар қишлоқдаги кичик бизнес вакиллари дир. Уларнинг фаолиятларини ривожлантиришга республикада сўнгги йилларда катта эътибор берилмоқда. Яъни Ўзбекистон Республикаси Вазирлар Маҳкамасининг 2004 йилнинг 24 декабридаги 607-сонли, “2005-2007 йилларда фермер хўжаликларини жадал ривожлантириш чора-тадбирлари тўғрисида”ги қарорида уч йил мобайнида рентабеллик даражаси паст бўлган 1100 та ширкат хўжаликлари негизида фермер хўжаликларини ташкил этиш кўзда тутилган.

¹ Ўзбекистон Республикасининг Конституцияси. –Т.: Ўзбекистон, 1993.

Демак, келажакда қишлоқ хўжалигида асосий товар қишлоқ хўжалик маҳсулотларини етиштириб берувчи субъектлари бўлиб фермер хўжаликлари ҳисобланади. Лекин, шунинг билан биргаликда эркин рақобат асосида бошқа мулкчиликка асосланган корхоналар ҳам фаолият кўрсатиш имкониятига эгадир.

Республикада қишлоқ хўжалик тармоғини бошқарилишини самарали бўлишлигини таъминлаш мақсадида қуйидаги ташкилий ислохотлар амалга оширилди. Мустақилликнинг дастлабки йилларида мамлакат қишлоқ хўжалигини ҳамда у билан боғлиқ бўлган тармоқларни бошқариш билан:

- Ўзбекистон қишлоқ хўжалиги вазирлиги;
- Республика мелиорация ва сув хўжалиги вазирлиги;
- Ўрмон хўжалиги вазирлиги;
- Мева сабзавот узум саноати акциядорлик жамияти;
- Давлат сув хўжалиги қурилиши қўмитаси;
- Давлат ер ресурслари қўмитаси;

-;зғўштсаноати акциядорлик жамияти ва бошқа ташкилотлар шуғулланганлар. Булар бошқаришни бозор иқтисоди талаблари асосида самарали бошқарилишини таъминлай олмадилар. Шунинг учун ҳамуларнинг фаолиятини уйғунлаштириш натижасида бошқарилиши қулай бўлган ихчам вазирликлар, компаниялар ҳамда давлат қўмиталари шакллантирилди. Ҳозирги даврда Ўзбекистон қишлоқ ва сув хўжалиги вазирлиги, Республика деҳқон ва фермер хўжаликлари уюшмаси, Ўзбекистон сабзавот-мева холдинги компанияси, Ўзбекистон қишлоқ маҳсулотлари компанияси, Ўзбекистон маҳсулотлари компанияси, Ўзбекистон маҳсулотлари компанияси ва бошқа ташкилотлар фаолият кўрсатмоқдирлар. Уларни келажакда янада такомиллаштириш талаб этилади.

Ташкилий ислохотлар билан биргаликда таркибий ўзгартиришлар ҳамамалга оширилмоқда. Республикада пахта яккахонлигининг салбий оқибатларига барҳам бериш мақсадида пахта экиладиган майдон қисқартирилиб, ўрнига асосан ғалла экила бошланди.

Шунинг натижасида ғалла ишлаб чиқариш миқдори 2005 йилда 6 млн. тоннага етказилди. Ғалла мустақиллиги сиёсатининг амалга оширилиши республика аҳолисини дон маҳсулотларига бўлган талабини тўлиқ қондирди.

Қишлоқ хўжалик субъектларининг фаолиятларини ривожлантириш, унинг самарадорлигини юксалтириш мақсадида тармоқда молия, кредит, солиқ ва баҳолар ислохоти амалга оширилмоқда. Мустақилликкача қишлоқ хўжалик корхоналари асосан давлат бюджетидан ажратилаётган маблағ ҳисобидан молиялаштирилган. Улар етиштирган барча маҳсулотларни давлат томонидан марказдан ўрнатилган харид нархларда асосан давлатнинг вакил ташкилотлари томонидан сотиб олинган. Бунда уларга ўз маҳсулотларини сотишда мустақиллик, яъни эркинлик берилмаган. 1990-йилларда хўжаликларга турли хилдаги кредитларни белгиланган тартибда давлат банки берган. Сабаби бошқа банклар бўлмаган. Қишлоқ хўжалик корхоналари 8 та хилдаги солиқларни белгиланган ставкаларда тўлаб келганлар. Тармоқда эркин бозор муносабатларини шакллантириш жараёнида нодавлат мулкчилигига асосланган субъектларни молиялаштириш тартиби тубдан ўзгарди.

Уларнинг фаолиятини молиялаштириш асосан ўзларининг маблағлари эвазига амалга оширилмоқда. Унинг манбаси бўлиб маҳсулот етиштириб сотиш, хизмат кўрсатиш натижасида олаётган пул даромадлари, асосий воситаларнинг эскириши оқибатида шаклланаётган амортизация фонди, ишлаб чиқариш воситаларини сотишдан олинаётган пул тушумлари ҳамда уларнинг фойдалари ҳисобланади. 2004 йилдан бошлаб, давлат буюртмалари миқдоридаги пахта ҳамда ғаллани ишлаб чиқариш учун зарур бўлган маблағлар давлат тижорат банклари томонидан бериладиган имтиёзли кредитлар эвазига қопланмоқда. Шу манбалардаги маблағлар етишмаган ҳолларда қишлоқ хўжалик корхоналари давлат, тижорат банкларининг, хориж давлатларининг нодавлат корхона,

ташкilotларнинг, хомийларнинг ва бошқаларнинг вақтинча бўш бўлган маблағларини жалб этмоқдалар.

Ҳозирги даврда қишлоқ хўжалик корхоналарининг фаолиятини ривожлантириш учун аксарият ҳолларда ўзларининг маблағлари етишмасдан қолмоқда. Чет элдан қишлоқхўжалигига жалб этилаётган инвестициялар жами инвестицияларнинг 6,5 фоизидан ошаётгани йўқ. Шунинг билан биргаликда молия-кредит институтларидан берилаётган маблағ талабни қондирадиган даражада эмас. Чунки қишлоқ хўжалик субъектларининг иқтисодий ҳолати молия-кредит институтлари томонидан қўллайдиган ширкатларни тўлиқ қондира олмайди.

Қишлоқ хўжалигида ирригация-мелиорация ишларини, экологик тадбирларни амалга оширишга маълум миқдордаги маблағ давлат бюджетидан ажратилмоқда. Лекин бу маблағлар таъкидланган ишларни тўлиқ амалга оширилишини таъминлай олмайди. Шунинг учун келажакда қишлоқ хўжаликдаги молия-кредит ислохотларини янада кенгайтириб, чуқурлаштириш мақсадга мувофиқдир.

Қишлоқ хўжалик корхоналари томонидан етиштирилаётган пахта хом ашёсининг ҳамда ғалланинг 50 фоизига давлат буюртмалари мавжуд. Уларни давлат томонидан белгиланган ҳарид нархларда, қолган қисмини, шунингдек, бошқа маҳсулотларни эркин, келишилган нархларда хоҳлаган миқдорда эркин сотиш имкониятига эгалар. Бу жараён қишлоқ хўжалик маҳсулотларининг маълум даражада эркинлашганлигидан далолат беради. Лекин давлат харид нархлари ички ва жаҳон бозоридаги нархлардан паст. Аммо қишлоқ хўжалик субъектлари томонидан сотиб олинаётган саноат корхоналарининг маҳсулотларининг эркин нархлари йил сайин юқори суръатларда ошиб бормоқда. Оқибатда қишлоқ хўжалик маҳсулотларининг нархи билан сотиб олинаётган саноат маҳсулотларининг нархлари ўртасида номутаносиблик мавжуд.

Шунинг натижасида қишлоқхўжалиги корхоналари томонидан яратилаётган соф фойданинг талайгина қисми саноат корхоналарининг ихтиёрига ўтиб кетмоқда. Бу масалани ижобий ҳал этиш учун давлат томонидан мақсадли дастурларни ишлаб чиқиш талаб этилади. Улар барча қатнашчиларнинг ўзаро манфаатларини эътиборга олган бўлиши лозим.

Аграр тармоқда амалга оширилаётган ислохотлар тармоқ ҳамда мамлакат иқтисодиётининг ривожланишига катта ҳисса қўшмоқда. Бу ҳақда республика Президенти И.А.Каримов Олий Мажлисининг ¹онунчилик палатаси ва Сенатнинг қўшма Мажлисидаги маърузасида куйидаги фикрларини билдирганлар. “Авваламбор, иқтисодиётнинг барқарор ўсиши таъминланди, макроиқтисодий ва молиявий барқарорлик мустаҳкамланди... Қишлоқ хўжалиги маҳсулотлари ишлаб чиқариш ҳажми ўтган йили 10,1 фоизга ошди... Қишлоқ хўжалиги ишлаб чиқаришини ташкил этиш тизими тубдан ўзгармоқда, фермерлик қишлоқда хўжалик юритишнинг энг истиқболли ва самарали шакли сифатида етакчи ўринни эгалламоқда”¹, - деб яқун ясаган. Лекин, эришилган натижалар ҳозирги ўсиб бораётган талабни тўлиқ қондираолмайди. Шунинг учун ҳамаграр тармоқда амалга оширилаётган “бозор ислохотларини чуқурлаштириш ва иқтисодиётни янада эркинлаштириш”² асосий устувор вазифа эканлигини Президент томонидан белгиланган. Энг асосий устувор вазифа мамлакатни модернизация қилиш ва аҳолига муносиб турмуш шароитини яратиб беришдир.

Уни ҳал этиш мақсадида қишлоқхўжалигини модернизация этиш натижасида тармоқни янада юқори суръатлар билан ривожлантиришни таъминлаш зарур. Бунинг учун қишлоқхўжалигидаги хусусий тармоқни устувор даражада ўсишини таъминлашга эришиш лозим. Бунинг билан биргаликда “... кичик бизнес ва фермерликни ривожлантириш

¹ Каримов И.А. Бизнинг бош ма=садимиз – жамиятни демократлаштириш ва янгилаш, мамлакатни модернизация ва ислоҳ этишдир. –Т.: Ўзбекистон, 2005. 68-70-бетлар.

² Шу манбанинг 76-б.

борасидаги ишларни чуқурлаштириш ва кўламини кенгайтириш”¹ аграр ислохотининг устувор йўналиши деб белгиланган. Уларни ижобий ҳал этилишини таъминлашга қаратилган аниқ чора тадбирлар ҳам белгиланган. Жумладан, аввал таъкидланган Вазирлар Маҳкамасининг 607-сонли қарорида 2005-2007 йилларда уч йил давомида рентабеллиги паст бўлган 1100та ширкат хўжаликлари негизида фермер хўжалиklarини тўғри ташкил этишга катта эътибор бериш зарур. Бунинг учун бўлажак фермер хўжалиklarининг раҳбарларини тўғри танлаш ҳамда улар талаб этган ер участкаларини белгиланган муддатларда ажратиб бериш масалаларини ошкораликда, адолатли тарзда ва қатъий танлов, тендер асосида ўтказилишини таъминлашга эришиш лозим. “Бунда маҳаллийчилик, уруғ-аймоқчилик ва порахўрлик ҳолларига кескин барҳам бериш лозим”², - деб алоҳида таъкидлаган Республика Президенти И.А.Каримов. Фермерликни устувор суръатларда ривожлантириш учун қуйидаги масалаларга алоҳида эътибор бериш:

-давлат тузилмаларининг қишлоқда тадбиркорлик, кичик бизнес субъекти ҳисобланган фермерлик фаолиятига аралашувини янада чеклаш;

-фермерларни тендер асосида танловини ўтказиш, уларга ер ажратиш ишларини ошкораликда, барча қонунлар талаби асосида адолатли тарзда амалга ошириш, тендер комиссиясининг аъзолигига етук, тажрибали, билимдон, ҳалол маънавиятли раҳбар, мутахассисларни жалб этиш, унинг фаолиятини тўлиқ компьютерлаштириш;

-фермерларга узоқ муддатга фойдаланиш учун ажратиб берилаётган ерларнинг сифатини яхшилаб, унумдорлигини юксалишини таъминлашга қаратилган тадбирларни ўз вақтида сифатли амалга оширилишини таъминлайдиган миқдорда маблағларни давлат бюджетидан ажратиш имкониятларини яратиб бериш;

-айрим қишлоқ хўжалик маҳсулотларига белгиланаётган давлат буюртмасини ривожланган давлатларда қўлланилаётган ўзаро манфаатли давлат дастурлари билан алмаштириш;

-фермерлик фаолиятини молиялаштириш, кредитлаштириш ишларини соддалаштириш, шартларининг юқини юмшатиш, муддатларини ва ставкаларини ўзаро манфаатли бўлишини таъминлаш;

-фермерлик фаолиятида зарур бўлган ишлаб чиқариш воситаларини эркин сотиб олиш ва ўз маҳсулотларини мустақил сотиш учун бозорларга чиқиш (нақд пулларини ўз вақтида олиш) имкониятларини кенгайтириш;

-фермерларга барча турдаги хизматларни кўрсатадиган субъектларни ташкил этиш бозор инфратузилмасини шакллантиришни, уларни моддий ресурслар ва техникалар, кадрлар билан таъминлаш билан боғлиқ бўлган жараёнларни жадаллаштириш;

-фермер хўжаликлари тўлаётган солиқ ва тўловлар мазмунини, тартибини ҳамда ставкаларини қайта кўриб чиқиш;

-фермер хўжалиklarига чет эл инвестицияларини жалб этиш масалаларига кўмаклашиш ва бошқалар мақсадга мувофиқдир.

“Биз бугун мамлакатимизни ислоҳқилиш ва янгилаш мақсадида олдимизга қўяётган ва ўз тадбиғини кутаётган энг муҳим устувор вазифалар асосан мана шулардан иборатдир”¹.

1.3. «Қишлоқ хўжалиги иқтисодиёти» фанининг предмети ҳамда вазифалари

¹ Каримов И.А. Бизнинг бош мақсадимиз – жамиятни демократлаштириш ва янгилаш, мамлакатни модернизация ва ислоҳқилиш этишидир. –Т.: Ўзбекистон, 2005. 82-бет.

² Шу манбанинг 84-бет.

¹ Каримов И.А. Бизнинг бош мақсадимиз – жамиятни демократлаштириш ва янгилаш, мамлакатни модернизация ва ислоҳқилиш этишидир. –Т.: Ўзбекистон, 2005. 91-бет.

Қишлоқ хўжалиги асосий мақсадига эришиши учун турли хилдаги маҳсулотлар етиштирилади, ишлар, хизматлар бажарилади, улар талабни қондириш мақсадида тақсимланади, сотилади. Корхоналар, бирлашмалар, тармоқлар (туман, вилоят, республика) миқёсида кечаётган бу жараёнлар эркин бозор муносабатлари асосида амалга оширилиши мақсадга мувофиқдир. Уларни назарий ва амалий жиҳатдан талаб даражасида ҳал этиш учун республикада туб ислохотларни амалга ошириш зарур.

Маъмурий-бўйруқбозликка асосланган, марказдан режали бошқарилган иқтисодиётдан эркин бозор иқтисодиётига босқичма-босқич ўтиш шароитида давлат устуворлигида қишлоқ хўжалигида талабга жавоб берадиган, самарали ҳуқуқий, ташкилий иқтисодий ва ижтимоий муносабатлар тизими яратилмоқда: мулкчиликнинг турли шакллари барпо этилмоқда, натижада эркин мулк иқтисод муносабат вужудга келмоқда, тадбиркорликнинг ҳар хил турларини яратиш, уларни ривожлантириш йўлидан борилмоқда, ер-сув ислохотлари амалга оширилмоқда; тармоқнинг чекланган ишлаб чиқариш ресурслари (ер-сув, капитал, меҳнат, тадбиркорлик қобилияти)дан самарали фойдаланиш, ишлаб чиқарилган маҳсулотларни сотиш, даромад, фойда ва уларнинг тақсимланиши, инвестицияларни жалб этиш, улардан самарали фойдаланиш, тармоқ ишлаб чиқаришини мақсадга мувофиқ жойлаштириш, ихтисослаштириш ҳамда агросаноат интеграциясини халқаро муносабатлар асосида ташкил этиш ва ривожлантириш билан боғлиқ бўлган иқтисодий муносабатлар тизими яратилиб, улар такомиллаштирилмоқда, ривожлантирилмоқда.

Юқорида таъкидланган иқтисодий муносабатлар тизимини яратишда халқимиз ҳамда қишлоқ хўжалигининг ўзига хос хусусиятларини эътиборга олган ҳолда табиий, ижтимоий, иқтисодий қонунлар, иқтисодий категориялар талабларидан оқилона фойдаланиш тақозо этилади. Демак, қишлоқ хўжалигининг барқарор иқтисодий асосини, такрор ишлаб чиқариш жараёни ривожлантирилишини таъминлайдиган иқтисодий муносабатлар тизимини яратиш ва уларни ҳаётга жорий этиш масалаларини, йўллари ўргатиш «Қишлоқ хўжалиги иқтисодиёти» фанининг ҳам предмети, ҳам мақсади ҳисобланади. «Қишлоқ хўжалиги иқтисодиёти» фани предмети (мақсади)ни ҳал этиш учун қуйидаги асосий вазифалар ечимининг назарий, услубий асосларини ўргатиш лозим:

- қишлоқ хўжалигининг босқичма-босқич ривожланишини, унинг республика иқтисодиётидаги ўрни, аҳамияти ҳамда ўзгариш қонуниятларини аниқлашни;
- тармоққа давлат раҳбарлигини, унда амалга оширилаётган аграр-иқтисодий ислохотлар мазмунини ва моҳиятининг ҳолатини, уларни ривожлантириш йўллари, масалаларини кўрсатиш;
- қишлоқ хўжалигида фаолият кўрсатаётган тадбиркорлик турлари, уларнинг фаолиятига баҳо бериш ва такомиллаштириш йўллари;
- тармоқнинг чекланган ер-сув, меҳнат ресурслари, инвестициялар ва улардан тадбиркорлик билан самарали фойдаланиш даражасига иқтисодий баҳо бериш тартибини ўрганиш, уларни такомиллаштириш ва ривожлантириш йўллари асослаб бериш;
- қишлоқ хўжалигида амалга оширилаётган доимий ва ўзгарувчан, ўртача харажатларни, уларнинг таркиби ва камайтириш йўллари, етиштирилган маҳсулотнинг ҳажминини, сифатини, самарали тақсимланишини ҳамда пул оқимларини ўргатиш;
- тармоқда иқтисодий муносабатларни амалга оширишда фойдаланилаётган баҳоларнинг тизимини, таркибини, мазмунини, даромад ва фойдани аниқлаш, уларни оқилона тақсимлаш йўллари кўрсатиш;
- қишлоқ хўжалиги ишлаб чиқаришининг қай даражада ихтисослашганлигини, жойлашганлигини ҳамда ички ва ташқи интеграциялашганлигини ва бошқа масалаларини ўрганиш.

Таянч иборалар:

Ўзбекистон иқтисодиёти, Республика халқ хўжалиги: мамлакат қшлоқ хўжалиги, Республика ялпи ички маҳсулоти, қшлоқ хўжалиги ялпи маҳсулоти; эркин бозор иқтисоди, марказдан режали бошқарилган иқтисод, иқтисодий ислохот; ер, сув ислохоти; мулк ислохоти; молия, кредит, солиқ, нарх ислохотлари, мамлакатни модернизациялаш, ислохотларини чуқурлаштириш; ширкат, фермер хўжалиги;

Қишлоқ хўжалиги, мазмуни, моҳияти, халқ хўжалигида тутган ўрни, қишлоқ хўжалиги ресурслари, тармоқ тушунчаси.

Қисқача хулосалар

Ўзбекистон иқтисодиётида қишлоқ хўжалигининг ўрни, ҳиссаси улкан. У аҳолини озиқ-овқат, қайта ишлаш саноати тармоқларини эса хомашё билан таъминлашдек вазифани бажармоқда. Келажакда мамлакат иқтисодиётини юксалтириш учун қишлоқ хўжалигини ривожлантириш объектив зарурит ҳисобланади. Бу муаммони самарали ҳал этиш механизмларини, йўлларини аниқлаб олиш зарур. Улар эса «Қишлоқ хўжалиги иқтисодиёти» фанида батафсил ёритилади. Чунки бу фан тармоқнинг барқарор иқтисодий негизини яратиш асосида уни ривожлантиришни таъминлай олиш қобилиятига эга бўлган иқтисодий муносабатлар тизимини илмий асосланган ҳолда яратиш ва уларни изчиллик билан босқичма-босқич ҳаётга жорий этиш усулларини, йўлларини тарғиб этади.

Иқтисодий муносабатлар тизимини мукамал ўзлаштириш учун назарий ҳамда амалий жиҳатдан асосланган тадқиқот усулларидан оқилона фойдаланиш мақсадга мувофиқдир. Қишлоқ хўжалиги ривожланишини ҳамда самарадорлиги юксалишини таъминловчи иқтисодий муносабатлар амалиётга татбиқ этилишини ҳал қилувчи механизмлар, усуллар ва йўлларни чуқур ўзлаштириш учун иқтисодий, ташкилий ҳамда айрим технологик фанларни билиш лозим.

Назорат ва муҳокама учун саволлар

1. Ўзбекистон қандай ҳудудда жойлашган?
2. Нима учун республикада қишлоқ хўжалигини ривожлантириш мумкин?
3. Қишлоқ хўжалигини ўзбекистон иқтисодиётидаги ўрнини қайси омиллар билан исботлайсиз?
4. Республика аҳоли жон бошига ишлаб чиқарилган қишлоқ хўжалиги маҳсулотлари миқдори маълум муддатда қанчани ташкил этган ва уларни қандай аниқлаш мумкин?
5. Нима учун қишлоқ хўжалигида иқтисодий ислохотларни амалга ошириш зарур эди?
6. Аграр иқтисодий ислохотлар тизимида қайси ислохотлар киради?
7. Қишлоқ хўжалигидаги ер ислохотининг мазмуни қандай?
8. Мулк ислохоти қандай амалга оширилмоқда?
9. Молия, кредит, солиқ ва баҳо ислохотлари қандай амалга оширилган?
10. Аграр иқтисодий ислохотларнинг натижаси нималарда намоён бўлмоқда?
11. Қишлоқ хўжалиги республика иқтисодиётида қандай ўрин тутади?
12. Қишлоқ хўжалиги ҳамда «Қишлоқ хўжалиги иқтисодиёти» фанининг мақсади нима?
13. «Қишлоқ хўжалиги иқтисодиёти» фанининг мақсадини ифодаловчи асосий вазифалар нималардан иборат?
14. «Қишлоқ хўжалиги иқтисодиёти» фанида қандай асосий усуллардан фойдаланилади?
15. «Қишлоқ хўжалиги иқтисодиёти» фанининг бошқа иқтисодий фанлар билан боғлиқлигини баён этинг.

Асосий адабиётлар

1. Абдуғаниев А. «Қишлоқ хўжалиги иқтисоди» фанидан маърузалар матни. Тошкент, ТДИУ, 2000.

2. Р.Ҳақимов ва бошқ., «Агросаноат мажмуи иқтисоди», Т.: «Ўзбекистон Ёзувчилар уюшмаси Адабиёт Жамғармаси», 2004
3. Р.Ҳ.Хусанов, М.Қосимов, «Дехқон хўжалигини юриштилинг илмий ва амалий асослари», Т.: Чўлпон, 2000
4. Б.Ходиев ва бошқ., «Кичик тадбиркорлик фаолияти асослари», Т.:Консаудитинформнашр, 2004
5. Г.В.Савицкая, «Анализ производственно-финансовой деятельности сельскохозяйственных предприятий», М.: ИНФРА, 2003
6. Л.Ф. Сухова, Н.А. Чернова, Практикум по разработке бизнес-плана и финансовому анализу предприятия» - М.: Финансы и статистика, 2002.
7. Уткин Э. А., Фролов Д. А. Управление рисками предприятия. - М.: ТЕИС, 2003
8. Коваленко Я.Н. Экономика сельского хозяйства. Москва. ЭКМЭС, 1998.
9. Йўлдошев З.Й. Бозор иқтисодиёти шароитида қишлоқ хўжалигини устувор ривожлантириш. Тошкент, 1996.

Интернет сайтлари:

1. Тошкент Давлат Иқтисодиёт Университети. www.tsue.uz
2. www.uhh.hawaii.edu University of Hawaii at Hilo – Agroecology and Environmental Quality Program.
3. www.ecfak.timacad.ru Московская сельскохозяйственная академия.
4. www.admin.ru Институт Агроэкономики и Бизнеса Приамурский.

2 Мавзу: Қишлоқ хўжалиги иқтисодиёти фанининг тадқиқот усуллари ва уларнинг аҳамияти.

2.1.«Қишлоқ хўжалиги иқтисодиёти» фанининг предмети (мақсади)ни тадқиқ қилиш, ўрганиш усуллари

«Қишлоқ хўжалиги иқтисодиёти» фани ўзининг мақсад ва асосий вазифаларини ҳал этишда барча иқтисодий муносабатларни диалектик материализм таълимотларига асосланиб, эмперик ҳолда тадқиқ этади. Амалга оширилаётган иқтисодий воқеаларни индуктив ҳамда дедуктив усулларга асосан ўрганиб, иқтисодий мушоҳада қилиш ҳамда «анализ», «синтез» усулларида кенг кўламда фойдаланилади. Жумладан, қишлоқ хўжалиги иқтисодиёти билан шуғулланувчи иқтисодчилар иқтисодий муаммолар ҳал этилишини таъминлайдиган сиёсатнинг иқтисодий принципларини, механизмларини илмий жиҳатдан асослаган ҳолда шакллантириб боришлари лозим. Бунинг учун даставвал ҳар бир муаммога тааллуқли бўлган илмий, услубий, статистик маълумотларни, мисолларни тўплаб, уларни турли усуллар ёрдамида таҳлил қилишлари, шу асосда ҳар бир иқтисодий принципга, механизмга таъсир этувчи омилларни реал хўжаликлар, тармоқлар миқёсида аниқлашлари керак.

Ҳар қандай иқтисодий принцип ва механизмнинг амал қилишини аниқлашда даставвал назарий ғояларга, сўнгра уларнинг амал қилишига асосланилади. Бу жараён муаммони тадқиқ этишнинг дедуктив усули деб номланган. Юқоридаги масалани тадқиқ этишда, ўрганишда даставвал маълумотлар, воқеалар, фактлар ўрганилади. Назарий ғояларни яратиш жараёни эса индуктив тадқиқ этиш усули деб номланган. Демак, қишлоқ хўжалигида амалга оширилаётган ҳар қандай иқтисодий муаммони аввал унинг

назариясидан, яъни ғоясидан амал қилишига қараб ўрганиш ёки бу муаммонинг амалиётга жорий этилишидан, яъни амалиётдаги ҳолатига асосланган ҳолда ғоя ёки назариясини яратишга қараб тадқиқот олиб бориш мумкин. Иккала ҳолатда ҳам иқтисодий принципларнинг, механизмларнинг, муаммоларнинг ечими самарали аниқланиши керак. Иқтисодчилар ўз ғояларига, тахминларига, айрим воқеаларга, маълумотларга асосланган ҳолда яратган ёки шакллантирган ғояларини, тахминларини гипотеза, яъни асосланмаган ғоя, деб аташади. Илмий ёки амалий гипотезалар индуктив ва дедуктив тадқиқот усуллари ёрдамида шакллантирилиши мумкин. Юқорида таъкидланган тадқиқ қилиш, ўрганиш усуллари қўлланган ҳолда яратилган, шакллантирилган принциплар, механизмлардан фойдаланиб, у ёки бу муаммони ҳал этишнинг иқтисодий сиёсати, стратегияси белгиланади. Яратилган иқтисодий сиёсатни жорий этиш механизмлари ва уларни амалга ошириш усуллари иқтисодчилар мукамал ўрганишлари лозим. Масалан, республика қишлоқ хўжалигида мулкнинг турли шакллари барпо этиш ғояси бозор иқтисодиёти ривожланган давлатлардаги назарий ғояларга ва уларнинг амалиётда ҳал этилишига асосланган. Муаммони тармоқда ҳал этишда республика қишлоқ хўжалиги амалиётидаги ҳолатлар, мисоллар, маълумотлар асос қилиб олиниб, бу жараён тобора ривожантирилмоқда ва чуқурлаштирилмоқда.

Демак, иқтисодчи мутахассислар қишлоқ хўжалигида эркин бозор муносабатларини шакллантириш ғояларини яратиб, уларни амалиётга татбиқ этиш механизмларини мукамал билишлари зарур. «Қишлоқ хўжалиги иқтисодиёти» фанининг мақсад ва вазифаларини тадқиқ қилишда иқтисодий- математик усуллар тизимидан, электрон-хисоблаш машиналаридан, компьютер техникалардан кенг қўламда фойдаланиш мақсадга мувофиқдир. Фаннинг мақсад ва вазифаларини ҳал этиш масалалари статистик, норматив ҳамда хўжалик маълумотларига асосланиб, юқоридаги усуллар ёрдамида тадқиқ этилади. «Қишлоқ хўжалиги иқтисодиёти» фани тармоқда амалга оширилаётган ташкилий, иқтисодий, ижтимоий муносабатлар мажмуасининг назарий асосларини, йўналишларини, самарадорлигини мавжуд тадқиқот усуллари ёрдамида ўргатиш орқали талабаларда тармоқ иқтисодиёти бўйича иқтисодий мушоҳада қилиш, уни ривожлантиришга оид муаммоларни қўйиш, ҳал этиш, самарадорлигини ошириш, йўналишларини белгилаб бериш қобилиятини шакллантириб, бозор иқтисоди талабларига жавоб бера оладиган аграр-иқтисодчилар тайёрлашга қўмаклашади.

2.2.«Қишлоқ хўжалиги иқтисодиёти» фанининг бошқа фанлар билан боғлиқлиги

Фаннинг предметини (мақсадини), вазифаларини ўрганишда «Иқтисодиёт назарияси», «Макроиқтисодиёт», «Микроиқтисодиёт», «Дехқончилик асослари», «Чорвачилик асослари», «Қишлоқ хўжалиги ишлаб чиқаришини бошқариш», «Меҳнатни ташкил этиш, нормалаштириш», «Статистика назарияси», «Иқтисодий кибернетика» каби фанлардан олинган назарий ва амалий билимларга асосланиш мақсадга мувофиқдир. Масалан, макроиқтисод, яъни республика иқтисодини ўрганмасдан, билмасдан қишлоқ хўжалиги иқтисодиётини, унда амалга оширилаётган иқтисодий ўзгаришлар, уларнинг аҳамиятини баҳолаб бўлмайди. Иқтисодий қонунлар, категориялар, улардан ҳар бирининг мазмунини, ҳаракат қилишини ўзлаштирмасдан қишлоқ хўжалигидаги иқтисодий муносабатлар тизимини тўғри ва самарали амалга ошириш, меҳнатни тежаш ва унинг унумдорлиги ривожлантирилишини белгилай олиш гумон. «Микроиқтисодиёт» фанидан талаб ва тақлиф қонунларини ўрганмасдан қишлоқ хўжалигида қаерларда, қандай маҳсулотларни қанча миқдорда етиштириш зарурлигини тўғри белгилаш ҳақида гап бўлиши ҳам мумкин эмас.

Ўзгарувчан, доимий ҳамда ўртача харажатлар мазмунини, миқдорини, таркибини яхши билгандагина қишлоқ хўжалик маҳсулотлари етиштириш учун сарфланадиган

харажатларни, маҳсулот таннархини ва уларни тежаш йўлларини осон ўзлаштириб олиш мумкин.

Ишлаб чиқариш воситаларини қаердан, қандай қилиб сотиб олиш ҳамда етиштирилган маҳсулотларни қачон, қимга, қандай тартибда сотиш ва бу жараёнларни бошқариш масалаларини «Менежмент ва маркетинг» фанидан олган билимлар ёрдамида самарали ечиш мумкин. Демак, талабалар ўзаро узвий боғланган барча фанлар мазмунини яхши ўрганишлари лозим.

Таянч иборалар:

Ўзбекистон иқтисодиёти, Республика халқ хўжалиги: мамлакат қшлоқ хўжалиги, Республика ялпи ички маҳсулоти, қшлоқ хўжалиги ялпи маҳсулоти; эркин бозор иқтисоди, марказдан режали бошқарилган иқтисод, иқтисодий ислохот; ер, сув ислохоти; мулк ислохоти; молия, кредит, солиқ, нарх ислохотлари, мамлакатни модернизациялаш, ислохотларини чуқурлаштириш; ширкат, фермер хўжалиги;

Қишлоқ хўжалиги, мазмуни, моҳияти, халқ хўжалигида тутган ўрни, қишлоқ хўжалиги ресурслари, тармоқ тушунчаси.

Қисқача хулосалар

Ўзбекистон иқтисодиётида қишлоқ хўжалигининг ўрни, ҳиссаси улкан. У аҳолини озиқ-овқат, қайта ишлаш саноати тармоқларини эса хомашё билан таъминлашдек вазифани бажармоқда. Келажакда мамлакат иқтисодиётини юксалтириш учун қишлоқ хўжалигини ривожлантириш объектив зарурит ҳисобланади. Бу муаммони самарали ҳал этиш механизмларини, йўлларини аниқлаб олиш зарур. Улар эса «Қишлоқ хўжалиги иқтисодиёти» фанида батафсил ёритилади. Чунки бу фан тармоқнинг барқарор иқтисодий негизини яратиш асосида уни ривожлантиришни таъминлай олиш қобилиятига эга бўлган иқтисодий муносабатлар тизимини илмий асосланган ҳолда яратиш ва уларни изчиллик билан босқичма-босқич ҳаётга жорий этиш усулларини, йўлларини тарғиб этади.

Иқтисодий муносабатлар тизимини мукамал ўзлаштириш учун назарий ҳамда амалий жиҳатдан асосланган тадқиқот усулларидан оқилона фойдаланиш мақсадга мувофиқдир. Қишлоқ хўжалиги ривожланишини ҳамда самарадорлиги юксалишини таъминловчи иқтисодий муносабатлар амалиётга татбиқ этилишини ҳал қилувчи механизмлар, усуллар ва йўлларни чуқур ўзлаштириш учун иқтисодий, ташкилий ҳамда айрим технологик фанларни билиш лозим.

III Мавзу: БОЗОР ИҚТИСОДИГА ЎТИШДА ҚИШЛОҚ ХЎЖАЛИГИГА ДАВЛАТ РАҲБАРЛИГИ ВА АМАЛГА ОШИРИЛАЁТГАН АГРАР-ИҚТИСОДИЙ ИСЛОҲАТЛАР

3.1. Ўтиш даврида қишлоқ хўжалигига давлат раҳбарлиги

3.2. Ер ислоҳоти, унинг амалга оширилиши

3.3. Мулкни давлат тасарруфидан чиқариш ва хусусийлаштириш

3.4. Молия, кредит, солиқ ва баҳолар ислоҳоти

3.1. Ўтиш даврида қишлоқ хўжалигига давлат раҳбарлиги

Қишлоқ хўжалиги республика халқ хўжалигининг энг муҳим ва йирик тармоғидир. Шунинг учун ҳам бу тармоқда ўтиш даврида бозор иқтисоди талабларига жавоб берадиган муносабатлар тизимини барпо этиш объектив зарурият ҳисобланади. Чунки

маъмурий-бўйруқбозлик асосида марказдан режали бошқарилган иқтисодиёт шароитидаги қишлоқ хўжалигидаги давлат якка ҳоқимлиги (қанча майдонга қандай экинлар экилиши, қандай маҳсулотларни, қанча миқдорда ишлаб чиқариш зарурлиги, уларни қатъий белгиланган баҳоларда сотиб олиш, ишлаб чиқариш воситалари билан таъминлаш, даромадни тақсимлаш, мулкӣ муносабатларда ва бошқаларда) тармоқда бозор иқтисоди муносабатларини талаб даражасида шакллантириш имкониятини бермайди. Дарҳақиқат, бозор иқтисоди аввалги иқтисоддан тубдан, шаклан ва мазмунан фарқ қилади. Бозор иқтисодига ўтишда, шунингдек, бозор иқтисоди шароитида қишлоқ хўжалигида маълум муносабатларни қонунлар доирасида ҳал этишда давлатнинг раҳбарлиги бўлиши лозим. Лекин у қишлоқ хўжалигидаги корхоналарнинг тўлиқ эркинлиги билан боғлиқ ҳолда амалга оширилиши зарур. Қишлоқ хўжалигига давлат раҳбарлигини асосан давлат бош ислоҳотчи сифатида муттасил амалга ошириши мақсадга мувофиқдир.

«Аграр секторни тубдан ислоҳ қилиш ва жадал ривожлантириш муаммолари ислоҳотларнинг дастлабки босқичида ҳамда Ўзбекистоннинг бозорга ўтиш стратегиясида ҳал қилувчи аҳамият касб этади. Биз қишлоқнинг устун даражада ривожланишини таъминлашни, қишлоқ хўжалигини сифат жиҳатидан янги асосларда қайта тиклашни ўз олдимизга вазифа қилиб қўйдик.»³ деб таъкидлаган Ўзбекистон Республикасининг биринчи Президенти И.А.Каримов. Шунга асосланган ҳолда давлат қишлоқ хўжалигида бозор иқтисоди муносабатларини барпо этиш мақсадида ислоҳотлар мажмуасини ишлаб чиқди ва уларнинг ҳуқуқӣ асосларини ҳам яратмоқда. Бунга республика Олий Мажлиси томонидан қабул қилинган қуйидаги қонунлар, Президентнинг фармонлари ҳамда Вазирлар Маҳкамасининг қарорлари яққол мисол бўлади:

Ўзбекистон Республикасининг:

- «Корхоналар тўғрисида»ги;
- «Мулк тўғрисида» ги;
- «Ижара тўғрисида» ги;
- «Тадбиркорлик тўғрисида» ги;
- «Давлат тасарруфидан чиқариш ва хусусийлаштириш тўғрисида» ги;
- «Инвестициялар тўғрисида» ги;
- «Чет эл инвестициялари тўғрисида» ги;
- «Аҳолини иш билан таъминлаш тўғрисида» ги;
- «Ер кодекси»;
- «Сув ва сувдан фойдаланиш тўғрисида» ги;
- «Меҳнат кодекси»;
- «Қишлоқ хўжалик корхоналарини санация қилиш тўғрисида» ги;
- «Қишлоқ хўжалик кооперативлари (ширкатлар) тўғрисида» ги;
- «Фермер хўжалиги тўғрисида» ги;
- «Қишлоқ хўжалиги корхоналарини санация қилиш тўғрисида» ги;

қонунлари, Вазирлар Маҳкамасининг «Қишлоқ хўжалик маҳсулотлари контракция шартномаларини тузиш ва бажариш тўғрисидаги Низомни тасдиқлаш тўғрисида» ги қарори, Республика Президентининг «Иқтисодий ислоҳотларни янада чуқурлаштириш, хусусий мулк манфаатларини ҳимоя қилиш ва тадбиркорликни ривожлантириш чора-тадбирлари тўғрисида»ги ва бошқа фармонлари шулар жумласидандир. Мамлакатимизда давлат раҳбарлигида қишлоқ хўжалигини молиялаштириш, кредитлаш ҳамда солиқлар тизимлари ишлаб чиқилиб, улар ҳаётга босқичма-босқич татбиқ қилинмоқда. Давлат, шунингдек, фан, техника, илғор ва самарали технологиялар тизимларини тармоқ миқёсида

³ Каримов И.А. Ўзбекистон иқтисодий ислоҳотларни чуқурлаштириш йўлида. Тошкент, 1995 йил, 59-60-бетлар.

ишлаб чиқишга ҳам, қишлоқ аҳолисини ижтимоий-иқтисодий ҳимоя қилишга ҳам раҳбарликни амалга оширмоқда.

Қишлоқ хўжалигида давлатнинг бевосита раҳбарлигида аграр ислохотларнинг негизи ҳисобланган ер ва мулк ислохотлари амалга оширилмоқда, давлат ва жамоа хўжаликлари негизида шаклланган ва мазмунан янги жамоа, ширкат, фермер, деҳқон хўжаликлари, кўшма корхоналар ташкил этилмоқда. Қишлоқ хўжалигидаги давлат корхоналарига давлатнинг раҳбарлик кўлами нодавлат хўжаликларга нисбатан кўпроқ. Шу билан биргаликда ўтиш даврида давлат талабини эътиборга олган ҳолда жамоа ва ширкат, фермер хўжаликларига ҳам қанча пахта, ғалла ва шоли маҳсулотлари етиштириш давлат буюртмаси шаклида белгилаб берилмоқда. Бу ҳол кейинчалик камайиб, уни эркин бозор қонунлари асосида шартномалар бўйича амалга ошириш таъминланади. Демак, келажакда қишлоқ хўжалигига давлатнинг раҳбарлиги янада такомиллаштирилади. Бунинг учун давлатнинг узоқ муддатга мўлжалланган дастурлари ишлаб чиқилади. Уларда томонларнинг манфаатларига алоҳида эътибор бериш мақсадга мувофиқдир. Дарҳақиқат, ишлаб чиқаришнинг равнақини фақат манфаат таъминлайди. У моддий, маънавий ва бошқа шаклларда амалга оширилади.

Давлат бу тармоқ билан боғлиқ бўлган тармоқларни ҳам (хизмат кўрсатувчи, қайта ишловчи, сотувчи) ислох қилишга алоҳида эътибор берди. Натижада бу тармоқлардаги давлат корхоналари давлат акциядорлик корхоналарига, ташкилотларига айлантирилди. Масалан, пахта заводлари, ун, нон, ёғ-мой, гўшт комбинатлари, консерва заводлари .

Натижада шу тармоқларда бозор муносабатларини эркин амалга ошириш имкониятига эга бўлган турли шаклдаги мустақил корхоналар, бирлашмалар, уюшмалар ташкил этилди. Уларнинг серкиррали фаолиятларини самарали бошқаришни таъминлаш қобилиятига эга бўлган тармоқ ташкилотлари ҳам давлатнинг бевосита раҳбарлигида ташкил этилиб, такомиллаштирилмоқда. Чунончи, Қишлоқ хўжалиги вазирлиги Мелиорация ва сув хўжалиги вазирлиги билан уйғунлаштирилиб, ягона Қишлоқ ва сув хўжалиги вазирлигига айлантирилди. Унга 2001 йилда Ўрмон хўжалиги давлат кўмитаси ҳам қўшилди. 2003 йилда шу вазирлик таркибига «Ўзгўштсаноати», «Ўзпаррандасаноат» акционерлик тармоқлари ҳам қўшиб юборилди. Натижада бу йирик вазирликнинг мақсади ва вазифаси тубдан ўзгартирилди. У ҳозирги даврда қишлоқ, сув ҳамда ўрмон хўжаликларига иқтисодий ислохотларнинг самарали тизимларини ишлаб чиқиш ва уларни амалиётга татбиқ этиш билан шуғулланмоқда.

Шу билан биргаликда «Ўзпахтасаноатсотиш» уюшмаси, «Ўздонмаҳсулот» давлат-акциядорлик корпорацияси, «Ўзқишлоқхўжаликтаъминоттузатиш» давлат кооператив кўмитаси, «Ўзмевасабзавотузумсаноат» холдинг компанияси, «Ўзқишлоқхўжаликкимё» давлат акциядорлик жамияти, Ер ресурслари кўмитаси, «Ўзагромашсервис» уюшмаси, «Ўзагросуғурта» давлат акциядорлик компанияси, «Ўзқишлоқхўжаликлизинг» акционерлик компанияси, Ўзбекистон деҳқон ва фермер хўжаликлари уюшмаси ташкил этилди. Ислохотлар фақат тармоқларда янги вазирликлар, концернлар, компаниялар ташкил этишгагина эмас, балки қишлоқ хўжалиги ва у билан боғлиқ бўлган хўжаликлар ва тармоқларнинг бошқарув тизимини бозор иқтисоди талабларига мослаштиришга қаратилмоқда. Давлат раҳбарлигида амалга оширилаётган ислохотлар тармоққа ички ҳамда чет эл инвестицияларини жалб этиш учун қулай шароитлар яратмоқда. Булар пировард натижада қишлоқ хўжалигининг янада ривожланишини, самарадорлиги ошишини таъминлайди.

3.2. Ер ислоҳоти, унинг амалга оширилиши

Ер ислоҳотини ривожлантириш мақсадида Ўзбекистон Республикасининг «Ер Кодекси»га Олий мажлисининг 2004 йилнинг 28-29 августида бўлиб ўтган сессиясида

талайгина ўзгартиришлар киритилди. Жумладан, қишлоқ хўжалик кооперативларига (ширкатларига) ҳамда бошқа корхона ташкилотларига қишлоқ хўжалик ишлаб чиқариш мақсадида ерлардан тўлиқ ва самарали фойдаланиш учун ижарага ёки доимий фойдаланишга ерларни қўшимча имконияти берилган. Қишлоқ хўжалик ерларини қишлоқ хўжалик ширкатларига маълум муддатга ижарага бериш бошқа ташкилотларга доимий фойдаланишга бериш ҳуқуқига туман ҳошоши ёки вилоят ҳокими эга. Бундай ҳолатни шакллантирилиши бизнингча, ер ислохотини соддалаштиришга эмас, балки мураккаблаштиришга, ноаниқликка олиб келиши мумкин. Чунки эндиликда ширкат хўжаликларининг раҳбарлари туман ҳокимидан ташқари яна вилоят ҳокимининг ҳам розилигини олиши зарур. Бу вақт ҳамда маблағ сарфини ошишига олиб келади. Шунинг билан биргаликда туман ҳокимларининг ролини ҳам пасайишига олиб келади. Бундай ҳолни олдини олиш учун аввалги тартибни сақлаган ҳолда интизомий жавобгарликни ҳамда маъсулиятни кучайтириш лозим.

2004 йилнинг сентябр ойидан бошлаб фермер хўжаликларига ерни ижарага бериш 30 йилдан 50 йилгача бўлган муддат белгиланади. Шу давргача эса энг ками 10 йил деб белгиланган эди. Эндиликда шу давргача чўзилган ижара муддатлари автоматик равишда 30 йилга ўзгартирилди. Масалан, фермер ерни 10,15,25 йилга ижарага олган бўлса, 2004 йилнинг сентябр ойидан бошлаб, уларнинг муддати 30 йил деб тан олинади. Агарда 30 , 65 , 40 , 50 йилга ижарага олинган бўлса, бу муддатлар сақланиб қолинади.

Қишлоқ хўжалик кооперативларида (ширкатларида) қишлоқ хўжалиги маҳсулотларини етиштириш учун умумий йиғилишнинг қарорига биноан оилага 5 йил муддатга пудратга берилади. Шу муддат тугагач, пудратчи белгиланган шартларни бузмаган бўлса, шу ерларни унга пудратга бериш янги муддатга узайтирилади.

Республикамик қишлоқ хўжалигини барқарор ривожлантиришда ер-сув ресурсларининг аҳамияти бекиёс. Чунки улар ёрдамида мамлакатимиз ички ялпи маҳсулотининг тўртдан уч қисми, халқимиз истеъмол қилаётган маҳсулотларнинг 95 фоизи етиштирилмоқда. Шундай экан, улардан келажакда янада тўлиқроқ, самаралироқ фойдаланиш долзарб муаммо ҳисобланади. Уни ҳал этиш мақсадида республика ҳукумати томонидан сиёсий, ҳуқуқий, ташкилий, иқтисодий ҳамда ижтимоий аҳамиятга эга бўлган чора-тадбирлар амалга оширилмоқда. Чунинчи, ер, сув, мулк тўғрисидаги қонунлар, кодекслар қабул қилинди. Уларда республикамикда ерларга, сувларга эгалик қилиш, улардан мақсадга мувофиқ ҳамда самарали фойдаланиш борасидаги муносабатлар тизими ва уларни амалга ошириш тартиби кўрсатилган. Ер-сув ресурсларига эгалик қилишнинг ҳуқуқий асоси Ўзбекистон Конституциясининг 55-моддасида «Ер...сув...умуммиллий бойликдир, улардан оқилона фойдаланиш зарур ва улар давлат муҳофазасидадир»¹ деб алоҳида таъкидланган.

Республикамик жами ер майдонига умуммиллий бойлик, давлат мулки сифатида эгалик қилиш ҳуқуқи Ўзбекистон Олий Кенгаши зиммасига юклатилган. Олий Кенгаш ўз ваколатидаги ер муносабатларининг айрим масалаларини халқ депутатлари қишлоқ, шаҳар, посёлка, туман ҳамда вилоят кенгашлари ва уларнинг ижроия кўмиталари зиммасига юклаган. Улар юқорида келтирилган қонун талабларидан келиб чиққан ҳолда ерларни улардан оқилона, самарали фойдаланиш мақсадида фойдаланувчиларга маълум муддатга ҳақ тўлаш эвазига фойдаланиш учун бермоқдалар. Демак, улар ер ислохотини амалга оширишга маъсулдирлар. Чунки улар ерларни самарали фойдаланиш учун ҳақиқий эгасига бериш билан боғлиқ бўлган масалаларни ҳал этадилар.

Сўнги йилларда ерлар қонунда белгиланган тартибда қишлоқ хўжалик корхоналарига турли муддатларга фойдаланиш учун ҳақ тўлаш эвазига (ер солиғи) ижарага берилмоқда. Масалан, 2002 йилнинг бошига республикамик жами ер фондининг

¹ Ўзбекистон Республикасининг Конституцияси. Тошкент. «Ўзбекистон», 1992.

56,3 фоизи ёки 25,3 млн. гектари жамоа ҳамда ширкат хўжаликларига, 642,4 минг гектари эса мустақил фермер ва деҳқон хўжаликларига узоқ муддатга фойдаланишга берилган.

Шу билан биргаликда республика фуқароларига шахсий ёрдамчи хўжаликларини, жамоа боғдорчилигини, узумчилигини яратиш ҳамда якка тартибдаги уй-жой қурилиши ва уни ободонлаштириш учун мерос қилиб қолдириш шарти ва умрбод эгалик қилиш ҳуқуқи билан белгиланган миқдорда ер берилмоқда. Демак, шу қоидага мувофиқ ерни авлоддан-авлодга мерос қилиб қолдириш таъминланган. Яъни шу ерларга эгалик қилиш ҳамда улардан фойдаланиш ҳуқуқи фуқароларга умрбод берилган. Бу республикамиз ер ислоҳотидаги энг муҳим ютуқ ҳисобланади. Лекин фуқаролар қонунларда кўрсатилган шартларни бузсалар, уларнинг ерга меросхўр сифатида эгалик қилиш ҳуқуқи юқоридаги ташкилотлар томонидан бекор этилиши ҳам кўрсатилган. Ислоҳот натижасида республика қишлоқ ҳудудларида яшаётган фуқароларга умрбод фойдаланиш учун 1990-2002 йиллар давомида 600 минг гектарга яқин қишлоқ хўжалик ерлари берилди. Бу майдон Андижон вилоятининг қишлоқ хўжалик ерларига нисбатан 2,2 марта, Фарғона вилоятиникига нисбатан 1,8 баробар кўпдир. Ерларни бериш натижасида 3,2 млн. дан ортиқ оиланинг ер билан таъминланганлик даражаси ҳозирги даврда қондирилган. 2001 йилнинг бошига келиб мамлакат аҳолиси ихтиёрида 625,8 минг гектар томорқа ерлари бор эди. Аҳоли берилган ерга қонун доирасида эгалик қилиш ҳамда ундан самарали фойдаланиш натижасида юртдошларимизни қишлоқ хўжалик маҳсулотлари билан таъминлашга улкан ҳисса қўшмоқда. 2001 йилда аҳоли ихтиёридаги ерлардан республикада етиштирилган жами дон маҳсулотларининг 19,3 фоизи, картошканинг-80 фоизи, сабзавотнинг-74,8 фоизи, полиз маҳсулотларининг-64 фоизи, узумнинг-35 фоизи олинган. Шунингдек, томорқа хўжаликларида жами гўшт маҳсулотларининг-91,1 фоизи, сутнинг-93,6 фоизи етиштирилган. Таъкидлаш керакки, ерларни юридик шахсларга узоқ муддат фойдаланиш учун ижарага бериш жараёнида маълум қийинчиликлар келиб чиқмоқда. Масалан, мустақил фаолият кўрсатиш ҳуқуқига эга бўлган фермер хўжаликлари фойдаланиш учун ер сўраб, ўзи жойлашган ҳудуддаги туман ҳокимлигига ҳамда хўжаликнинг раҳбарига ёзма равишда мурожаат этмоқдалар. Лекин бу масала айрим ҳолларда белгиланган 1 ой муддатда ҳал этилмаётир. Бунинг бир қанча сабаблари мавжуд. Дарҳол ер бериш учун туман халқ депутатлари ижроия қўмиталарининг ихтиёрида бўш ерлар йўқ. Демак, улар сўзсиз хўжалик раҳбарларига мурожаат этадилар. Хўжалик раҳбарлари эса ўз ихтиёрларидаги ерларни осонликча беришмайди. Чунки уларнинг зиммасида давлат буюртмалари бор, қолаверса, шу ерлардан маълум миқдорда фойда оладилар. Шундай экан, хўжаликлар ихтиёридаги ерларни мустақил фермер, деҳқон хўжаликларига олиб беришда юқорида кўрсатилган масалаларнинг ҳал этилишига алоҳида эътибор бериш зарур. Шу билан биргаликда мустақил фермер ва деҳқон хўжаликларига ерларни қишлоқ хўжалик йили бошланмасдан ҳамда кузги дон экинлари ҳосили йиғиштириб олингандан сўнг берилишини таъминлаш мақсадга мувофиқдир.

Ўзбекистонда ер муносабатларини ривожлантириш мақсадида Президент И.А. Каримов томонидан 1994 йил май ойида «Ерлардан фойдаланишни яхшилаш тўғрисида» махсус фармон имзоланган. Шу фармонга кўра, маълум миқдордаги ер майдонларини хусусий мулк сифатида «ким ошди» савдоларида сотишга рухсат этилган. Улкан сиёсий аҳамиятга молик тадбирдир. Шундай экан, сотилиши белгиланган ер майдонининг дастлабки баҳосини белгилаш билан боғлиқ бўлган илмий-тадқиқот ишларини ташкил этиш лозим. Унда қандай ерлар сотилаётганлиги, уларнинг қандай жойда жойлашганлиги, коммуникациялар тизимининг ривожланганлиги, олинаётган фойда миқдори, инфляция коэффициенти ва бошқа масалалар эътиборга олинishi лозим.

Ерлардан фойдаланганлик учун ягона ер солиғининг 1999 йил 1 январдан жорий этилиши муносабати билан янги муаммо шаклланмоқда. Чунки аввал ер солиғи тўлиқ маҳаллий бюджетга ўтказилар эди. Эндиликда эса бу масала тўлиқ ҳал этилмаган. Чунки

хозирги ягона ер солиғи таркиби бир нечта солиқлардан ташкил топган. Лекин уларнинг қандай тақсимланиши тўлиқ кўрсатилмаган. Оқибатда маҳаллий бюджет эвазига ерларнинг сифатини яхшилаш билан боғлиқ бўлган маблағлар миқдори қисқариши ерларнинг иқтисодий унумдорлигига салбий таъсир кўрсатиши мумкин.

Таъкидланган масалаларнинг ижобий ҳал этилиши ер муносабатлари такомиллашишини таъминлайди.

3.3. Мулкни давлат тасарруфидан чиқариш ва хусусийлаштириш

Марказдан режали бошқарилган иқтисодиёт йилларида қишлоқ хўжалигида: **а)** давлат мулки; **б)** колхоз-кооператив мулки; **в)** шахсий мулк шакллари мавжуд эди. 1992 йилгача республикада қишлоқ хўжалигида мавжуд бўлган мулкнинг 99,9 фоизини давлат ва колхоз-кооператив мулки ташкил этарди. Қишлоқ аҳолисининг шахсий мулки эса жуда ҳам кам эди. Бундай ҳол бозор иқтисоди талабларига жавоб бермайди. Бозор иқтисоди шароитида мулкчиликнинг турли шакллари ва эркин мулк муносабатлари мавжуд бўлиши, бунда хусусий мулкчиликни ривожлантиришга алоҳида эътибор берилиши лозим. Бу масалани ҳал этиш учун ҳуқуқий асослар яратилди: «Мулк тўғрисида», «Ижара тўғрисида», «Давлат тасарруфидан чиқариш ва хусусийлаштириш тўғрисида»ги қонунлар ва қарорлар, фармонлар қабул қилинди. Шуларга асосланган ҳолда тармоқда босқичма-босқич мулкчиликнинг қуйидаги турлари ташкил этилмоқда: а) чекланган миқдорда давлат мулки сақланмоқда; б) жамоа мулки, унинг турлари кенг миқёсда ташкил этилмоқда; в) хусусий, шахсий мулк ҳам ривожлантирилмоқда; г) аралаш (қўшма) мулкнинг ташкил этилишига имконият яратилмоқда.

Юқорида қайд этилган мулкчилик шакллариининг ҳажми қишлоқ хўжалигида ҳам босқичма-босқич ўзгариб бормоқда. Давлат мулкининг ҳажми, салмоғи қисқариши ҳисобига жамоа, шахсий, қўшма ва хусусий мулк шакллариининг миқдори ҳамда салмоғи ошмоқда. Масалан, Вазирлар Маҳкамасининг қарорига мувофиқ 1992 йили 224 та давлат хўжалиги (совхозлар) иқтисодий аҳволи ночор бўлганлиги учун жамоа хўжаликларига, уларнинг мулки эса жамоа мулкига айлантирилди. 1993 йилдан бошлаб жамоа ҳамда давлат мулкига асосланган хўжаликларнинг мулки ширкат мулкига (пайчиликка асосланган) айлантирилди. 1998 йилдан бошлаб зарарга (уч йил давомида) ишлаётган жамоа ва ширкат хўжаликлари мустақил фермер хўжаликларига танлов асосида айлантирилмоқда. 2003 йилнинг бошига келиб, барча жамоа хўжаликлари негизда 1866 та ширкат хўжалиги ташкил этилди. Эндиликда туманлар миқёсида фермер хўжаликлари уюшмалари тузилмоқда. 2003 йилдан бошлаб Фарғона вилоятидаги Ёзёвон туманида, Бухоро вилоятидаги Ромитан туманида, Сирдарё вилоятидаги Меҳнатобод ва Музробод туманларида фермерлар уюшмаси ташкил этилади. Тугатилаётган, санация қилинаётган корхоналарнинг мулки фермер хўжаликлари ўртасида белгиланган тартибда тақсимланмоқда. Шунинг натижасида шахсий мулк барпо этилмоқда. Давлат мулки кейинчалик сотиш шарти билан ижарага берилиши натижасида ижара мулкига айлантирилмоқда; ишчи-хизматчиларнинг хўжаликлардан олаётган даромадлари, ўз маблағлари ҳисобига давлат мулкининг маълум қисмини (акцияларини) сотиб олишлари натижасида ҳиссадорлик жамиятлари ташкил этилмоқда. Қишлоқ хўжалиги корхоналари ихтиёридаги мулкни аҳолига сотиб, улардан ўзлари, шунингдек, ёлланган меҳнатдан фойдаланиш натижасида хусусий, шахсий мулк ташкил этилиб, ривожлантирилмоқда. Хусусий мулкчиликни ривожлантиришда давлат иқтисодий ёрдам бермоқда.

Қишлоқ хўжалиги корхоналари ихтиёридаги чорвачилик фермаларини сотиб олишда давлат сотиб олувчиларга имтиёзли (фоизсиз) кредитлар ҳам берди. Натижада қишлоқда мулкдорлар синфи вужудга келиб, уларни давлат ўз ҳимоясига олган. Мулкни давлат

тасарруфдан чиқариш ва хусусийлаштириш жараёни келажакда ҳам ривожлантирилиши, такомиллаштирилиши зарур.

Қишлоқ хўжалигида мавжуд бўлган мулкдорларнинг уйғунлашишлари (мулк тармоғидаги салмоғи бўйича) натижасида кўшма мулк барпо этилмоқда. Кўшма мулкчиликни ривожлантиришда чет эл юридик ҳамда жисмоний шахслари ҳам қатнашишлари мумкин. Қишлоқ хўжалигида мулкни давлат тасарруфидан чиқариш, хусусийлаштириш натижасида нодавлат мулкнинг салмоғи ортиб бормоқда. 2003 йилнинг бошига келиб, қишлоқ хўжалигида нодавлат мулкнинг салмоғи 99 фоизни ташкил этган. Нодавлат мулкчиликка асосланган хўжаликларнинг фаолияти юксалмоқда. Уларда экилаётган экинларнинг ҳосилдорлиги, чорва ҳайвонларининг маҳсулдорлиги ошиши ҳисобига фойда кўпайиб, рентабеллик даражаси юксалмоқда. Бу, албатта, мулк ислоҳотининг натижасидир. Юқоридагиларни эътиборга олган ҳолда келажакда қишлоқларда хусусий ва шахсий мулкчиликни ривожлантиришга алоҳида эътибор бериш мақсадга мувофиқдир. Чунки ҳақиқий мулк эгасига айланган қишлоқ аҳли ундан оқилона ҳамда самарали фойдаланиши табиий.

3.4. Молия, кредит, солиқ ва баҳолар ислоҳоти

2004 йилда қишлоқ хўжалигида иқтисодий муносабатларни чуқурлаштириш мақсадида ширкат ҳамда фермер хўжаликларидан етиштирилаётган маҳсулотларни давлат буюртмаларига биноан сотиб олишда аввал ўрнатилган траншлар ўрнига эксперимент тариқасида бевосита имтиёзли банк кредитларининг суммаси сотиб олинган маҳсулотни етиштириш учун технологик карталарга биноан қилинадиган харажатлар суммасидан кам бўлмаслиги керак. Лекин бевосита банк кредитлари бўйича бериладиган маблағ яна аввалги траншдагидек минерал ўғитларни, ёқилғи ва ёғлаш материалларини ҳамда эҳтиёт қисмлар сотиб олиш мақсад қилиб қўйилган. Бундай тартиб қишлоқ хўжалик корхоналарига олаётган кредит маблағларини ўзларини хоҳишлари бўйича эркин, мустақил сарфлаш имкониятини бермайди. Шунинг оқибатида олинаётган кредит маблағлари доим ҳам самара келтирмайди. Чунки кўпчилик ҳолларда қишлоқ хўжалик корхоналари ишлаб чиқариш йилнинг дастлабки ойларида кўпроқ маблағни ерни ҳайдашга, уни экишга тайёрлашга, ариқ - зовурларнинг техник ҳолатини яхшилашга сарфлаши лозим. Лекин бевосита кредитдаги маблағ уларни таъминлаш қобилиятига эга эмас. Яъни харажатлар кредит маблағлари билан таъминланмаган. Шундай ҳолат минерал ўғитларни сарфлаш жараёнида ҳам содир бўлмоқда. Шунинг учун бевосита берилаётган кредит маблағларини сарфлаш эркинлиги корхоналарга берилиши мақсадга мувофиқдир. 2004 йилда ҳам давлат буюртмалари бўйича сотиб олинган пахта хом-ашёсининг нархи билан унинг чигит уруғи қишлоқ хўжалик техникаларининг эркин нархлари ўртасида номутаносиблик сақланиб қолган. Масалан, пахта хом-ашёсининг давлат харид нархи 2004 йилда 15,4 фоизга ошган бўлса, пахта экилган майдонга ишлов берадиган култиваторнинг нархи 33,7 фоизга, ер ҳайдайдиган ТТЗ – 60.11 ва ТТЗ – 100.11 русумли тракторларнинг эркин нархи 22.1 – 26,3 фоизга ошган. Бундай ҳол қишлоқ хўжалиги корхоналарининг иқтисодиётига салбий таъсир кўрсатмоқда.

Жаҳондаги иқтисодий жиҳатдан энг бақувват ҳисобланган АҚШда рақобатга асосланган эркин бозор иқтисодий муносабатлари ниҳоятда такомиллашган. Улар мамлакатдаги барча субъектларнинг иқтисодиётини юксалишини таъминламоқдалар. Жумладан, 2,5 млнга яқин фермер хўжаликлари 199-2002 йилларда ўртача 350 млн. тоннага яқин ғалла ишлаб чиқаришга эришишган. Шундан 200 млн. тоннага яқини ички талабни қондирган. қолгани эса чет мамлакатларга экспорт қилинган. Кичик бизнес вакили ҳисобланган фермер хўжалигида ишлаётган бир киши (1998-2000 йилларда ўртача) 150 га яқин кишиларни озиқ-овқат ва хом-ашёга бўлган талабини қондирган.

АҚШ фермерлари томонидан яратилаётган қишлоқ хўжалиги маҳсулотлари эркин бозор муносабатлари асосида сотилмоқда. Масалан, мамлакатда етиштирилаётган буғдойни сотиш билан асосан «АҚШ буғдой ассоциацияси» шуғулланади. Бу ассоциация қишлоқ хўжалиги вазирлиги томонидан бюджетдан ҳамда фермерларнинг ажратаётган маблағлари эвазига фаолият кўрсатади. Унинг асосий мақсади мамлакатда етиштирилаётган буғдой донини ички ва ташқи бозорда самарали сотиш. Мақсадни ҳал этш учун ассоциация таркибида 27 та «буғдой комиссияси» ташкил этилган. Шундан 13 таси мамлакатнинг ички бозорида, 14 таси эса чет элларда, АҚШ да мавжуд бўлган ҳамда етиштирилиши мумкин бўлган буғдойни сотиш билан шуғулланиди. Уларнинг кўпчилигида юқори малакали ходимлар уддабуронлик билан фаолият кўрсатмоқдалар. Улар аввал фермерлар билан биргаликда қанча миқдорда, қандай сифатли буғдой донини етиштириш имкониятларини Аниқлаб олишиб, сўнг истеъмолчилар билан боғланишадилар. Шундан сўнг буғдой сотувчи фермерларни уни олувчи билан боғлаб, олди-сотди шартномаларини тузадилар. Буғдой донини сотаётган ҳар бир фермер ассоциацияси ходими томонидан сотилган ҳар бир бушель буғдой дони учун ярим исит миқдорида шу комиссиянинг жамғармасига ажратадилар.

Ассоциация жамғармасининг бойитиш мақсадида унинг ходимлари кўпроқ маҳсулотларни олувчиларни топишга ҳаракат қилишади. Шундай қилиб, улар буғдой донини ишлаб чиқарувчи фермерларга маҳсулотларини вақтида сотиш бўйича хизмат кўрсатадилар. Фермерлар эса асосан бозор талабини эътиборга олган тарзда сифатли маҳсулот етиштириш билан шуғулланиди.

АҚШ фермерлари давлат сиёсатини ички ва ташқи бозор талабларини эътиборга олган ҳолда ҳам сифатли қишлоқ хўжалиги маҳсулотларини етиштиришга киришадилар. Жумладан, улар фан, Янги техникаларни, самарали технологияларни изчиллик билан ўзларининг барча фаолиятларига жорий этишга ҳаракат қиладилар. Шу мақсадда, аксарият фермерлар илмий ташкилотлар билан яқин алоқада бўлишади. Шу жараёнда илмий ташкилотларнинг ходимлари ҳам фаол ҳаракатда бўладилар. Улар ўзларидаги фан, техника ҳамда технологик янгиликлар билан фермерларни бевосита хабардор этиб, ўзларининг таклифларини фермерлар ишлаб чиқаришига жорий этишда фаол иштирок этадилар. Бу муносабат томонларнинг келишган ҳолда тузилган шартномаларида батафсил акс эттирилади. Фермерлар илғор Ван, Янги техника ва технологияларнинг самарали деб ҳисоблашгач, илмий муассасалар бўлган муносабатларини янада ривожлантиришга интиладилар. Бир мисол, АҚШ да энг кўп буғдой етиштирадиган штатлардан бири Монтана штати ҳисобланади. У ерда 1 млн. гектардан ошиқроқ майдонга буғдой экилади. Ҳар бир гектар майдонда сўнгги йилларда 18-20 центнердан буғдой ҳосили олинган. Шу штатда Лес Ауер деган фермер⁴ 600 га яқин майдонни шудгор қилиб, ўғитлардан фойдаланган ҳолда буғдой экади.

У қишлоқ хўжалик институтларининг илмий ходимларининг таклифларини ўз фермер хўжалиги ишлаб чиқаришига жорий этиш мақсадида шартнома тузган. Олимларнинг таклифларига кўра, кўрашудгорлаш ўрнига ерларни культивация қилишга, ўғитларни ишлатиш ўрнига гербицидлардан фойдаланишга ўтган. Шуларнинг натижасида ҳар бир бушель ғалла экиш харажатларини камайтириб, буғдойнинг шосилдорлигини оширишга эришган. Натижада хўжаликда меҳнат унумдорлиги ҳамда фойда суммаси сезиларли даражада ошган. Олимлар ҳам ўз меҳнатлари учун етарли миқдорда маблағ олганлар. Хуллас, Янги агротехник тадбир томонлар учун манфаатли бўлган.

Олимларнинг буғдой етиштириш соҳасидаги агротехник тадбирларни такомиллаштиришга оид самарали таклифларини ўз хўжалиги фаолиятида синаб юқори

⁴ Сулеманов М. Америка =ишло= хўжалиги. Т. Абу Али ибн Сино номидаги тиббиёт нашриёти. 2000 й. 49 бет.

натижага эришган Лес Ауер бугдой экиладиган майдонини икки маротаба кенгайтиришни режалаштирган. Бундай мисоллар АҚШ фермер хўжаликлари фаолиятида талайгина.

Голландияда жаҳонга тарқалган чиройли, нафис гулларнинг Уруғларини етиштириш билан шуғулланадиган фермерлар ўз фаолиятларни олимлар билан чамбарчас боғлаганлар. Иқтисодиёти ривожланган давлатларда ҳар қандай корхонани самарали фаолият кўрсатишига катта эътибор берилади. Бунинг учун бўлажак бошқарувчиларни тайёрлашга ҳаракат қилинади. Шу мақсадда, АҚШ мактабларида 10 га тўлган ўқувчилардан бошлаб бара субъектлар фаолиятини бошқариш билан боғлиқ бўлган билимларни босқичма-босқич ўқитишни йўлга қўядилар. Улар мактабда олган билимларини келажакда институт ва университетларда янада теранлаштириб борадилар. Малакали, уддабурон бошқарувчиларни тайёрлашда корхоналар ҳам катта роль ўйнайди. Шу мақсадда, корхоналарнинг раҳбарлари, эгалари билим масканларига боришиб иқтидорли, билимли талабаларни танлаб олиб, уларни тайёрлаш билан боғлиқ бўлган харажатларни молиялаштирадилар. Уларни ўқишни битирганларидан кейин иш билан таъминлайдилар. Ёш мутахассислар шу корхона олдидаги бурчини бажаришга ҳаракат қиладилар. Бундан томонлар ҳар томонлама манфаатдор. Юқорида келтирилган ва маърузада айтиладиган айрим чет эл тажрибаларини Республика қишлоқ хўжалигидаги кичик корхона ҳисобланган фермер хўжаликларининг серқиррали фаолиятида қўллаш мақсадга мувофиқдир. Бунинг учун биринчидан, фермерларнинг ўзлари баркамол, етук, билимдон, тадбиркор раҳбар бўлишлари керак. Иккинчидан эса, корхоналар, ташкилотлар, олимлар, мутахассислар ўзларининг хизматларини фермерларга кўрсатиш мақсадида улар билан алоқаларни ривожлантиришлари зарур. Хуллас, томонлар ўртасидаги муносабатларни ўзаро манфаатли тарзда ривожлантиришга эришишлари шарт. Шундагина кичик корхона ҳисобланган фермер хўжаликларининг ёнида бошқаларнинг иқтисодити ривожланади.

Бу ҳолатни XII мавзунини ўрганишда ҳам фойдаланиш лозим.

Қишлоқ хўжалигида эркин бозор муносабатларини шакллантириш мақсадида молия, солиқ, кредит ҳамда баҳолар тизимини ислоҳ этиш объектив зарурият ҳисобланади. Чунки давлат мулкчилигига асосланган корхоналарнинг фаолиятини молиялаштириш, уларга вақтинча фойдаланиш учун бўш бўлган маблағларни кредит шаклида бериш, етиштирилаётган маҳсулотларнинг харид қилиш баҳолари давлат томонидан марказдан режали тарзда амалга оширилар эди. Эркин бозор иқтисодиёти шароитида эса корхоналар ишлаб чиқариши учун зарур бўлган маблағларни энг аввало ўзлари ишлаб топишлари керак. Маблағ етишмаган ҳолларда уни четдан ўзаро манфаатли тарзда олишга, ишлаб чиқарган маҳсулотларини эса бозор талаблари асосида сотишга ҳаракат қилишлари лозим. Шундай экан, бозор иқтисодиётига босқичма-босқич давлат раҳбарлигида ўтилаётган даврда республикамиз қишлоқ хўжалигида молия, кредит, солиқ ҳамда баҳолар ислоҳоти қай тарзда амалга оширилмоқда?

Бу ўринда таъкидлаш керакки, қишлоқ хўжалик ерларига, йирик ирригация-мелиорация иншоотларига нисбатан давлат мулкчилиги сақланиб қолганлиги туфайли янги ерларни комплекс ўзлаштириш, фойдаланилаётган ерларнинг унумдорлигини ошириш мақсадида амалга оширилаётган ирригация ва мелиорация тадбирлари, йирик ирригация-мелиорация иншоотларини қуриш, таъмирлаш ва улардан фойдаланиш учун давлат бюджетидан маблағ ажратилмоқда. Қишлоқ ҳудудларида экологик муҳитни соғломлаштириш билан боғлиқ бўлган тадбирларга ҳам, қишлоқ хўжалигидаги уруғчилик, селекция, наслчилик, ветеринария соҳаларига ҳам маблағлар бюджетдан берилмоқда. Бундан ташқари тармоқдаги давлат ташкилотларининг фаолиятлари ҳам бюджетдан ажратилаётган маблағлар эвазига молиялаштирмоқда. Ширкат, фермер, мустақил деҳқон хўжаликлари эса ишлаб чиқариши учун талаб этилган маблағларнинг асосий қисмини ўз ҳисобларидан сарфламоқдалар.

Улар ишлаб чиқариш воситаларини ўз фойдалари, амортизация фонди ҳамда асосий воситаларни тугатишдан олаётган маблағлари ҳисобидан харид қилмоқдалар. Бундай маблағлар етишмаган ҳолларда четдан вақтинча бўш бўлган маблағларни манфаатли равишда жалб этишга ҳаракат қилмоқдалар.

Шунингдек, бу жараёнда ҳомийларнинг ажратмалари, турли хилдаги кредит институтларининг вақтинча бўш бўлган маблағлари, барча инвесторларнинг сармоялари жалб этилмоқда. Бунда ўзаро манфаатлар эътиборга олинмоқда. Қишлоқ хўжалик корхоналари акционерлик-тижорат банкларидан асосий воситалар учун узоқ, айланма воситалар учун эса қисқа муддатли кредитлар оладилар. Уларни олишда кредит ставкаларининг фоиз даражасига ҳамда қайтариб бериш вақтининг бошланишига алоҳида эътибор беришлари лозим. Лекин ҳозирги даврда қишлоқ хўжалик корхоналари кам фойда олаётганлиги, рентабеллиги пастлиги учун кредит институтлари уларга жуда ҳам оз миқдорда кредит маблағлари бермоқдалар. Бу уларнинг талабларини мутлақо қондира олмапти. Шунинг учун қишлоқ хўжалик корхоналари банклардан кредит олиш учун етиштираётган маҳсулотларини ва оладиган даромадларини ҳам гаровга қўйишлари керак.

Ўтиш даврининг ҳозирги босқичида давлат эҳтиёжлари учун талаб этилмаган миқдордаги пахта, ғалла, шоли маҳсулотлари етиштиришни давлат бюджетидан махсус фондлар орқали молиялаштириш амалга оширилмоқда. Лекин бу маблағ қишлоқ хўжалик ишлаб чиқариши учун зарур бўлган ёқилғи, ёнилғи, минерал ўғитлар, эҳтиёт қисмлар сотиб олиш учун сарфланмоқда. Қишлоқ хўжалик корхоналари бундай маблағларнинг атиги 7 фоизинигина иш ҳақи сифатида сарфлаши мумкин. 93 фоизи юқоридаги йўналишлар учун сарфланади. Бу борада хўжаликлар учун эркинлик берилмаган. Келажакда бу жараёни қисман бўлса ҳам такомиллаштириш, яъни корхоналарга бундай маблағларни сарфлашда эркинлик бериш мақсадга мувофиқдир. Қишлоқ хўжалигига ички ва ташқи инвестицияларни жалб этишга алоҳида эътибор бериш лозим. Унинг ҳуқуқий асослари яратилган. Чунончи, «Инвестицион фаолият тўғрисида», «Чет эл инвестициялари тўғрисида»ги қонунлар қабул қилинган. Демак, эндиликда корхоналар ҳамкорлар қидириб топишга ҳаракат қилишлари керак. Шунингдек, давлат каналлари орқали келажакда инвестицияларнинг бир қисмини қишлоқ хўжалигига йўналтириш ҳам фойдадан холи эмас.

Ўтиш даврида қишлоқ хўжалик корхоналаридан олинаётган солиқлар тизими ҳам такомиллаштирилмоқда. 1999 йилгача улар даромад, ер, сув, мулк, акциз ва бошқа турдаги солиқларни, тўловларни тўлар эдилар. 1999 йилнинг 1 январидан бошлаб корхоналардан ягона ер солиғи олинмоқда. Унинг миқдори ер унумдорлигига (ернинг бал бонитет классларига) қараб белгиланади. Лекин ягона ер солиғи миқдорини (ставкасини) аниқлаш тартибини хўжаликлар билмайдилар. Улар туман солиқ инспекциялари томонидан берилган ставкалар бўйича солиқ суммасини аниқлаб, белгиланган муддатларда маҳаллий бюджетга ўтказадилар.

Ягона ер солиғининг жорий этилиши хўжаликлар учун анча қулайлик туғдирди. Чунки 10 та солиқ тури бўйича ҳисоб-китоб қилгандан кўра, ягона солиқни ҳисоблаш анча енгил. Лекин ягона ер солиғи жорий этилиши билан бюджетга тўланаётган сумма қисқариш ўрнига ошди. Бу ҳол хўжаликларни анча ўйлантирмоқда. Шунинг учун унинг ставкаларини кўриб чиқиш ҳозирги вақтда хўжаликлар учун энг муҳим масала ҳисобланади. Чунки сўнгги йилларда тупроқ унумдорлигининг пасайиш тенденцияси кузатилмоқда. 1992 йилдан қишлоқ хўжалик корхоналари етиштираётган барча маҳсулотларини эркин сотиш имкониятларига эга бўла бошладилар. Бу тармоқда баҳолар ислохоти амалга оширилаётганлигидан далолат беради.

Ҳозирги даврда хўжаликлар етиштираётган маҳсулотларини бир қанча турдаги нархларда сотмоқдалар. Жумладан:

- давлат эҳтиёжига керак бўлган пахта, буғдой, шоланинг режалаштирилган ҳосилга нисбатан 30 фоизини давлат харид нархларида;
- етиштирилган ҳослининг давлат буюрмаларидан ортиғини ҳамда давлат эҳтиёжи учун олиш маҳсулотларни олувчилар билан тузилган шартномаларда кўрсатилган келишилган баҳоларда (уларни шартнома баҳолари ҳам деб аташади);
- эркин сотиладиган маҳсулотларни эркин баҳоларда сотмоқдалар;
- хўжалик ичида истеъмол қилинадиган ёки фойдаланиладиган маҳсулотларни эса уларнинг таннархларида ўтказмоқдалар.

Булар бозор иқтисодиёти талабларига тўлиқ жавоб бермайди. Шунинг учун уни келажақда янада такомиллаштириш талаб этилади.

3.4. Фермер хўжалиги ҳақида тушунча, унинг мақсад ва вазифалари.

Республика кишлоқ хўжалигида давлат раҳбарлигида, босқичма-босқич амалга оширилаётган иёстисодий ислохотлар натижасида мулкнинг хилма-хил турлари ва уларга асосланган корхона турлари шаклланган. Жумладан, хусусий мулкга асосланган фермер хўжаликлари ташкил этилмоқда. Янги тахрирдаги “Фермер хўжаликлари тўғрисида”ги қонуннинг 3-моддасида, “Фермер” хўжалиги ижарага берилган ер участкаларидан фойдаланган ҳолда кишлоқ хўжалиги товар ишлаб чиқариш билан шуғулланувчи, мустақил хўжалик юритувчи субъектдир”, деб тушунча берилган. Хозирги даврда фермер хўжалиги кишлоқ хўжалигида хўжалик юритувчи субъект сифатида кичик, тадбиркорлик вакили ҳисобланади. Чунки 2005 йилнинг 1-июлига битта фермер хўжалигида ўртача 6,5 та ёлланма ишчилар сони тўғри келган. Фермер хўжалиги зиммасига қуйидаги вазифа қўйилган. Яъни узок муддатга ижара ерлардан, мавжуд бўлган барча ресурслардан йил давомида оқилона, тўлиқ ва самарали фойдаланиш натижасида ички ва ташқи бозор талабларини қондирадиган миқдорда, сифатли кишлоқ хўжалик маҳсулотларини ишлаб чиқариш, қайта ишлаш, истеъмолчиларга ҳолда етказиш ҳамда турли хилдаги хизматлар кўрсатиш оқибатида кўпроқ фойда олиш. Бу фермер хўжалигининг сиёсий ва иқтисодий аҳамиятга эга бўлган асосий мақсадидир. Уни тўлиқ ҳал этиш учун фермер хўжалиги бир қанча муҳим вазифаларни амалга оширишни белгилаб олади:

- 30 йилдан 50 йилгача ижарага олинган ер участкасида, шу ҳақдаги шартномага ва ихтисослашувга мувофиқ ўз ишлаб чиқариш фаолиятини тўғри ташкил этиш;
- хўжалик фаолиятини юритиш мақсадида амалга оширилиши зарур бўлган барча ташкилий, иқтисодий ва ижтимоий муносабатларнинг сифати, ўз вақтида амалга оширилишини таъминлайдиган турли хилдаги контракция шартномаларини тўғри ва сифатли тузиш;
- экологик талабларга ва атроф муҳитни муҳофаза қилишнинг барча қоидаларига риоя этишга эришиш;
- ижарага олинган ер участкаларини йил давомида оқилона, тўлиқ, самарали фойдаланиш мақсадида унинг унумдорлигининг оширилишини таъминлайдиган ирригация-мелиорация тадбирларини илмий асосланган ҳолда ишлаб чиқиш ҳамда уларни вақтида, сифатли амалга оширилишини таъминлаш;
- хўжалик фаолиятини самарали юритиш учун талаб этилган маблағларнинг миқдорини белгилаш ва уларнинг манбаларини оқилона аниқлаш, хўжалиқда мавжуд бўлган барча ресурслардан самарали фойдаланишини таъминлайдиган тадбирларни аниқ ишлаб чиқиш ва уларни ҳаётга тадбиқ этилишига эришиш;
- хўжалик уставида кўзда тутилган кишлоқ хўжалик маҳсулотларини етиштиришга қаратилган тадбиркорликни қўллаб, уларга камроқ меҳнат, маблағ сарфлаш эвазига ишлаб чиқариш, уларни истеъмолчиларга сифатли ҳолда етказиб бериш, хизматларни кўрсатиш, мулкни мустақил, ўз хоҳишига кўра тасарруф этиш;

- тузилган контракция шартномаларига мувофиқ давлат эҳтиёжлари (пахта, дон) учун қишлоқ хўжалиги маҳсулоти назарда тутилган миқдорда, сифатда етказиб берилишини таъминлаш;

- ҳарид қилинадиган маҳсулотга олдиндан ҳақ тўланадиган фьючерс контрактлари тузиш;

- маркетинг ишларини амалга ошириб, сотадиган барча турдаги давлат буюртмасидан ташқари бажараётган ишлари ва кўрсатаётган хизматларига эркин нарх белгилаш;

- ўз фаолиятининг барча соҳаларида фан ютуқларини, янги техника ҳамда самарали технологияларни изчиллик билан ҳаётга тадбиқ этиш;

- барча ходимларининг билим ва малакасини давр талабини эътиборга олган ҳолда ошириш, уларни маънавиятли, маърифатли, ҳалол, пок, муомалали яхши инсонлар бўлишини таъминлаши, улар меҳнатининг натижасига қараб моддий ва маънавий рағбатлантириш;

- солиқлар, йиғмалар ва бошқа мажбурий тўловларни қонун ҳужжатларида белгиланган тартибда ўз вақтида тўлиқ тўлаш;

- тадбиркорлик фаолиятини ҳуқуқий ва меъёрий ҳужжатлар асосида юритиш, кўпроқ пул даромадларни олиш, уларни мустақил тасарруф этиш, ҳажми чекланмаган миқдорда соф фойда олиш, унга эркин эгалик қилиш ва самарали фойдаланиш;

- акциялар ва турли хилдаги қимматли қоғозларни олиш;

- кичик бизнес корхоналари учун яратилган имтиёзлар ва проференцияларнинг барча турларидан имконият доирасида тўлиқ ва самарали фойдаланиш;

- ўз ҳуқуқлари ва қонуний манфаатларини ҳимоя этиш учун судга мурожаат этиш, зарур бўлган ҳолларда фермер хўжалигини давлат бош ислоҳотчи, қонун устиворлиги, эркинлик ҳамда мустақиллик ва бошқа томонлари асосида амалга оширсан, самарали бўлади.

Республикада фермерликни ривожлантиришнинг сиёсий, иқтисодий ва ижтимоий моҳияти қуйидагиларга қаратилган.;

- қишлоқда турли турдаги мулк шакллари ва уларга эгалик қилиш, фойдаланувчи корхоналарни ташкил этиш, юритиш ва ривожлантириш;

- тармоқдаги барча мулк муносабатларни шакллантириш, ривожлантириш, модернизациялаштириш ҳамда эркинлаштириш;

- турли мулкчиликга асосланган субъектларнинг эркин фаолият кўрсатиши учун ҳуқуқий, меъёрий, иқтисодий шароитларни яратиш;

- қишлоқдаги мулкдорлар синфининг мулкий онгини барқарор юксалтириш;

- қишлоқ хўжалигида янги иш жойларини барпо этиш, тармоқдаги аҳолини иш билан бандлигини юксалтириб, ишсизлар сонини камайтириш;

- аҳолининг ва қайта ишлаш саноати корхоналарини қишлоқ хўжалик маҳсулотлари билан таъминлашни юксалтириш;

- аҳолининг даромадини кўтариш, уларнинг турмуш даражасини юксалтириш ва бошқалар.

3.5. Фермер хўжагининг ҳуқуқий, иқтисодий асослари, уларни ташкил этиш тартиби

Ўзбекистон республикасининг Президенти ва ҳукумати фермерликга оид бўлган жаҳон тажрибаси, мамлакатнинг ўзига хос хусусиятларини эътиборга олган ҳолда республикада фермерликни босқичма-босқич ривожлантириш жараёнини амалга оширмоқда.

Даставвал, Ўзбекистонда фермер хўжалиklarини ташкил этиш ва ривожлантиришнинг ҳуқуқий, меъерий ҳужжатлари яратилди. Жумладан, - 1998 йилда “Фермер хўжалиги тўғрисида”ги қонун Олий Мажлис томонидан қабул қилинди.

- Ўзбекистон Республикаси Президентининг 2003 йил 27 октябрдаги “2004-2006 йилларда фермер хўжалиklarини ривожлантириш Концепцияси тўғрисида”ги ПФ – 3342 – сонли фармони;

- Вазирлар Маҳкамасининг 2003 йил 30 октябрдаги “2004-2006 йилларда фермер хўжалиklarини ривожлантириш Концепциясини амалга ошириш чора-тадбирлари тўғрисида”ги 476-сонли қарори;

- Вазирлар Маҳкамасининг 2004 йил 24 декабрдаги “2004-2007 йилларда фермер хўжалиklarини жадал ривожлантириш чора-тадбирлари тўғрисида”ги 607-сонли қарори;

- қайта ташкил этилаётган қишлоқ хўжалиги корхонаси негизида фермер хўжалигини ташкил этишда танлов ғолибларини аниқлаш тўғрисидаги Низом (2005 йил 4 январ) ва бошқалар. Асосан шу ҳужжатларга қатъий риоя этган ҳолда қишлоқ ҳудудларида фермер хўжалиklари ташкил этила бошлади. Мустақиллик йилларининг дастлабки даврида деҳқон, фермер хўжалиklари ҳақида аниқ тушунча бўлмаган эди. Бу ҳол 1998 йилда “Фермер хўжалиги тўғрисида”ги қонуни қабул қилиши билан ечилди. Шу қонуннинг 5-моддасида Фермер хўжалиги аксарият ҳолларда ортиқча меҳнат ресурслари бўлмаган ерларда ва ҳудудларда ташкил этилади. Деҳқончилик маҳсулоти етиштиришга ихтисослаштирилган фермер хўжалиklarига ижарага бериладиган ер участкаларининг энг кам ўлчами пахтачилик ва ғаллачилик учун 10 гектар, боғдорчилик, узумчилик, сабзавотчилик ва бошқа маҳсулотларни етиштириш учун эса 1 гектарни ташкил этади.

Чорвачилик маҳсулоти етиштиришга ихтисослаштирилган фермер хўжалиги камида 30 та шартли бош чорва моли бўлган тақдирда ташкил этилади. Фермер хўжалигига ижарага бериладиган ер участкаларининг энг кам миқдори бир шартли бош чорва молга ҳисобланганда Фарғона водийси вилоятларига, Тошкент, Самарқанд ва Хоразм вилоятларидаги суғориладиган ерларда камида 0,3 гектарни, қолган вилоятларда. Қорақалпоғистон Республикасида эса 0,45 гектарни, суғорилмайдиган ерларда эса камида 2 гектарни ташкил этиши, Низомда эса аниқ ер участкалари (контурлар) берилиши кўрсатилган. Булар мамлакатда фермерликни ташкил этишнинг ўзига хос хусусиятларини белгилаб беради.

Ўзбекистонда фермер хўжалиklarини ташкил этиш қуйидаги икки хил тартибда амалга оширилмоқда:

- биринчиси, меҳнат ресурслари бўлмаган ёки кам бўлган ерларда ва ҳудудларда:

- иккинчиси, уч йил давомида рентабеллик даражаси паст бўлган ширкат хўжалиklари негизида ташкил этилади. Иккала усулда ҳам фермер хўжалигини уни бўлажак раҳбари ташкил этади. У ўзининг мол-мулкини кўрсатиши зарур. Фермер хўжалигининг иқтисодий негизини унинг мол-мулки ташкил этади, унга қуйидагилар киритилиши мумкин:

Бинолар иншоотлар, қишлоқ хўжалик экинзорлари ва кўчатзорларни, дов-дарахтлар, чорва моллари, паррандалари, мавжуд бўлган барча қишлоқ хўжалик техникалари, инвентарлари, асбоб ва ускуналари, транспорт воситалари, етиштираётган барча маҳсулотлари, уларни сотиш ва хизмат кўрсатишдан олинаётган барча маблағлари, фойдаси, интеллектуал мулки ва бошқалар. Сўнг бўлажак аъзолар билан келишган ҳолда тасдиқлаб олади.

Фермер хўжалигининг устави Республика Вазирлар Маҳкамаси томонидан тасдиқланган, “Намунавий Устав” асосида тузилиб, қуйидагиларни қамраб олган бўлиши керак:

- фермер хўжалигининг номи;

- фермер хўжалиги бошлиқининг фамилияси, ўзининг ва отасининг исми ва яшаш жойи;
- фермер хўжалигининг жойлашган жойи тўғрисидаги маълумотлар ва почта манзили;
- фермер хўжалигининг ихтисослашуви ва фаолиятининг асосий турлари, йўналишлари;
- унинг устав фондининг миқдори ва бошқалар.

Фермер хўжалигининг уставига асосланган ҳолда унинг бизнес-режаси ишлаб чиқилади. Сўнгра фермернинг раҳбари белгиланган тартибда талаб этилган ер участкасини олишга киришади. Биринчи усулда фермер раҳбари ер олиш учун қандай хўжалик ҳудудида жойлашишини эътиборга олган ҳолда, унинг ширкат раҳбарига, тугатилаётган ширкат хўжаликларида эса эса тендер ўтказувчи комиссиясининг раҳбарининг номига ариза беради. Аризалар белгиланган тартибда, муддатда кўриб чиқилади. Унда фермернинг, хўжалигининг барча имкониятлари; мутахассислиги, маълумоти, тармоқдаги иш стажи, пул маблағлари, мавжуд бўлган яроқли техникалари ҳамда раҳбарнинг билими, қобилияти, дунёқараши, маънавиятли, мафқуралик ва бошқа қобилиятлари эътиборга олинади. Шундай хусусиятларга ва имкониятга эга бўлган фуқароларга талаб этилган ерни 30 йилдан 50 йилгача бўлган муддатга ижарага бериш тўғрисида қарор қабул қилинади. Бу қарорлар вилоят ҳокими раҳбарлигидаги комиссия томонидан белгиланган муддатда, тартибда кўриб чиқилиб қарор қабул қилиниши шарт. Бу бир қанча муаммоларни вужудга келтирмоқда. Бўлажак фермерлар масофанинг узоқлиги муносабати билан ортиқча вақт, маблағ сарфламоқдалар. Масалан, 2005 йилда ташкил этилаётган фермерларнинг 99.7 фоизига туман ҳокимларининг, 99.6 фоизига вилоят ҳокими томонидан тузилган комиссиянинг қарорлари берилган. Шундан сўнг фермер хўжалигини рўйхатдан ўтказиш белгиланган тартибда амалга оширилади.

Фермер хўжалиги давлат рўйхатидан ўтганидан сўнг ташкил этилган деб ҳисобланади. У тўлиқ юридик шахс мақомини олиш учун ўзи алоқа қиладиган банкларда турли хилдаги ҳисоб ва рақамларини очиши, туманнинг солиқ, статистика ташкилотларида рўйхатдан ўтиб, ўз муҳрига, бланкаларига эга бўлиши керак. Шундан сўнг фермер хўжалиги тўлиқ фаолият юритадиган юридик шахс мақомига эга бўлади.

3.6. Республикада фермер хўжаликларини ривожланиши ҳамда самарадорлиги

Ўзбекистонда фермер хўжаликлари мавжуд бўлган ҳуқуқий ва меъёрий ҳужжатлар асосида ривожлантирилмоқда. 2005 йилнинг 1 июлига келиб, фермер хўжалиklarининг умумий сони 121.6 мингтани ташкил этиб, уларга 3666.4 минг гектар ер узоқ муддатга фойдаланиш учун ижарага берилган. Шу ерларда 794.3 минг киши фаолият кўрсатиб кишлоқ хўжалигида етиштирилган ялпи маҳсулотнинг 20.4 фоизини (2004 й) яратганлар.

Фермер хўжалиklarининг ривожланишини шартли равишда уч даврга бўлиш мақсадга мувофиқдир.

I – Давр – 1989-1998 йилгача бўлган муддатни ўз ичига олади.

II – Давр – 1998 йилдан 2001 йиллардан ташкил топган.

III – Давр – 2002 йилдан бошланган ҳисобланади.

Биринчи ва иккинчи даврларда фермер хўжаликлари асосан жамоа ҳамда ширкат хўжалиklarининг ҳудудида меҳнат ресурслари бўлмаган ёки кам бўлган ҳудудларда ташкил этилган. Ўша даврларда кишлоқлардаги фуқароларнинг билими, тажрибаси ҳамда иқтисодий ресурслари кам бўлганлиги муносабати билан фермер хўжалиklarининг ривожланиш даражаси пастроқ бўлган. Лекин юқоридаги масалаларни ҳал этишга давлат томонидан эътибор берилиши натижасида 2000-2001 йилларда фермер хўжалиklarининг бир оз ривожланишини таъминлади. Яъни иккинчи даврда фермер хўжалиklarининг сони 140 фоизга ортиб, 2001 йилда 55,4 мингтани ташкил этган. Уларга беркитилган ер шу

йиллар ичида 136.2 фоизга кўпайган. Фермер хўжалиklarининг қишлоқ хўжалик ялпи маҳсулотидаги улуши 3.5% дан 7,1 % кўтарилган. Рақамларнинг далолат беришича, иккинчи даврда фермер хўжалиklarининг сонини, уларга ижарага берилган ерларини ўсиши ялпи маҳсулот таркибидаги улушига нисбатан юқори суръатларда бўлган. Бундай ҳол фермер хўжалиklари асосан экстенсив усулда ривожлантирилганлигидан далолат беради. Бу усулдан интенсив усулга ўтиш чора-тадбирлари республика ҳукумати томонидан ишлаб чиқилиб, уларни ҳаётга тадбиқ этишга алоҳида эътибор берилди. Жумладан, кредит, солиқ тўловлар бўйича ҳамда маҳсулотларни эркин сотиш имкониятлари. Шунинг билан биргаликда фермер хўжалиklarини иқтисодий негизини мутаҳкамлаш борасида тадбирларни амалга оширилиши таъминланди.

Асосланган чора-тадбирлар натижасида учинчи даврнинг дастлабки йилларида фермер хўжалиklarининг ривожланиши ҳамда фаолиятининг самарадорлиги маълум даражада таъминланди. Чунинчи, 2005 йилнинг июнига фермер хўжалиklarининг умумий сони 2001 йилга нисбатан 119.6 % га ортиб, ер майдонлари 2,5 мартага кўпайган. Уларнинг қишлоқ хўжалигида яратилган ялпи маҳсулотидаги салмоғи салкам 2 баробарга кўпайиб, 2004 йилда 20,4 фоизини ташкил этган. Шу йилда уларнинг пахта ишлаб чиқаришдаги салмоғи – 51.9 %, ғалла ишлаб чиқаришдаги салмоғи эса 55 % дан ошиб кетди.

Бизнинг ҳисоб китобларимизга кўра, жами фермер хўжалиklарида мамлакат ялпи ички маҳсулотининг 6 фоизи яратилмоқда. Бу маълумотлар фермер хўжалиklarининг Ўзбекистон иқтисодиётидаги ўрни ва аҳамиятининг улкан эканлигидан далолат бермоқда. Шунинг учун ҳам Республика Президенти И.А.Каримов Олий Мажлис қонунчилик палатаси ва Сенатининг кўшма мажлисида қилган маърузасида “...фермерлик қишлоқда хўжалик юритишнинг энг истиқболли ва самарали шакли сифатида етакчи ўрнини эгалламоқда”, деб ниҳоятда истиқболли ҳулоса қилган.

Юқорида таъкидланган асосий индикаторлар келажакда фермерлик ҳаракатининг ривожланиши ва уларнинг серқиррали фаолияти самарадорлигининг юксалиши натижасида янада улкан ва юқори бўлади. Ҳозирги ўтиш даврида улар фаолиятининг самарадорлигини юксалтириш мақсадида уларнинг ихтиёридаги барча ресурслардан йил давомида тўлиқ ва самарали фойдаланишга эришиш зарур.

Бу масала ер, сув ресурсларига бевосита тааллуёлidir. Чунки улар табиатда чекланган ҳисобланиб, такрор ишлаб чиқарилмайди. 2005 йилнинг 1 июлига фермерларга узоқ муддатга ижарага 3666,4 минг гектар ер берилган, шу ернинг 60 фоизига яқини маълум даражада шўрланган ҳисобланади. Бундай ҳолат сўзсиз улар томонидан ишлаб чиқарилаётган маҳсулотларнинг юсилдорлигига ҳамда уларнинг сифатига салбий таъсир этиб, уларга сарфланаётган харажатларнинг 20-30 фоизига ошишига олиб келади.

Бундай ҳолатни бартараф этиш мақсадида фермер хўжалиklари барча ерларни сифатли, текис шудгорлаб, мавжуд бўлган коллектор – зовурларни белгиланган муддатларда сифатли тозалаб, уларнинг техник ҳолатини яхшилашга эришишлари керак. Лекин 2003-2004 йилларда шу борада амал оширилган ишлар барча талабларга тўлиқ жавоб бермайди. Масалан, 2004 йилда мавжуд бўлган ички коллекторларнинг атиги 18 %, хўжалиklараро коллекторларнинг эса 21% тозаланган. Техник талабларга кўра, улар ҳар 2-3 йилда тўлиқ тозаланиши лозим. Шу йили ёпиқ дренажларнинг фақатгина 1,4 % ювиш йўли билан тозаланган, 23 % га яқин ерлар нотекис ҳайдалган. Бундай ҳолат биринчидан, фермер хўжалиklарида шу ишларни тўлиқ ва сифатли амалга оширилишини таъминлай оладиган миқдорда маблағнинг етишмаслиги, иккинчидан, эса уларда экскаватор, бульдозер ва скреперларнинг йўқлиги ҳамда шу ишларни сифатли амалга оширадиган малакали мутахассисларнинг камлиги туфайли юз берган. 2005 йилнинг бошига 103,9 мингга яқин фермер, 1400 ширкат хўжалиklари, 937 та муқобил МТП ва бошқа қишлоқ хўжалик ташкилотларида 9,7 мингга хайдов, 16,7 минггага яқин ишлов берадиган

тракторлар, кам миқдорда экскаваторлар, бульдозерлар бўлган. Келажакда шундай ҳолатни бартараф этишда давлатнинг ҳамда бошқа корхона ва ташкилотларнинг иқтисодий кўмаги жуда зарур.

Даставвал давлатнинг турли хилдаги иқтисодий механизмларни ишга солган ҳолда фермер хўжаликларига кўмаклашиши мақсадида мувофиқдир. Чунки, уларга давлат мулки ҳисобланган ер узоқ муддатга ижарага берилади. Шундай экан ижарага берилаётган ер ва шу ерлардаги барча ирригация ва мелиорация иншоотлари сифатли, талабга жавоб берадиган ҳолатда фермер хўжаликларига берилиши лозим деб ўйлаймиз. Шунинг билан биргаликда турли хилдаги корхоналар, ташкилотлар, мулкдорлар орасида тартибот, ташвиёт ишларини кенг кўламда амалга ошириб, уларни фермерлик ҳаракатига жалб этиш лозим. Бунда уларга кўрсатилаётган хизматлари учун маълум даражада имтиёзларни жорий этиш мумкин. Жумладан, фермер хўжаликларида етиштирилаётган маҳсулотлар билан, ҳамда солиқ ва божхона тўловлар борасида имтиёзлар бериш зарур.

Ҳозирги даврда аксарият туманларда ҳокимликлар томонидан фермер хўжаликларида экинларни самарали, яъни алмашлаб экишни жорий этилишини таъминлаш мақсадида экинларни жойлаштиришда ҳамда давлат буюртмаларини белгилашда фермерларга қонун доирасида эркинлик берилаётгани йўқ. Шунинг оқибатида фермер хўжалигига ажратилаётган барча ерларга пахта ҳамда донли экинлар экилмоқда. Бундай ҳол сўзсиз биринчидан, асосланган алмашлаб экиш схемасининг жорий этилишини таъминлаш имкониятини бермайди, иккинчидан эса фермер аъзолари ўзларининг қишлоқ хўжалик маҳсулотларига бўлган талабини қондира олмайди. Шундай ҳолатнинг олдини олиш учун фермер хўжаликларида экинларни жойлаштиришда қонун доирасида эркинлик бериш мақсадга мувофиқдир. Шунинг билан биргаликда фермер хўжаликларида пахта хом ашёси ва ғалла бўйича берилаётган давлат буюртмаларини еисеартириш лозим.

Фермер хўжаликлари ерларининг сифат ҳолатининг ёмонлашишига ҳамда иқтисодий салоҳиятини пасайишига 2003-2005 йиллар мобайнида 20 минг гектар ер майдонда 3000 дан ортиқ қонунбузарликларга йўл қўйилганлиги сўзсиз таъсир этган. Шундан 25 фоизида берилган ерлардан тўлиқ фойдаланилмаган, 17,8 фоизида ерлар ҳокимликлар томонидан ижарага тўлиқ берилмасдан олдин эгаллаб олинган, 37,2 % да экилган экинлар майдони яширилган, қолган 20 % да эса ерлардан хўжасизларча фойдаланишга йўл қўйилган.

Ҳозирги даврда фермер хўжаликлари томонидан фойдаланилаётган сув ресурслари тўғрисида аниқ маълумотлар йўқ даражасида, чунки унинг ҳисоб-китоби Республика сув хўжаликлари томонидан тўлиқ ва тўғри йўлга қўйилгани йўқ.

Шундай бўлганлиги муносабати билан фермер хўжаликларида сувдан тўлиқ ва самарали фойдаланишига доимо ҳам эътибор берилаётгани йўқ. Бу сўғоришга асосланган деҳқончиликда ниҳоятда муҳим масала. Уни бозор иқтисодиёти шароитларида ҳал этиш учун, энг аввало, фермер хўжаликларининг сув ресурсларига бўлган талабини тўғри аниқлаб, сўнгра уларни хўжаликларнинг талабини қондирадиган миқдорда ҳамда вақтида етказиб беришни йўлга қўйиш лозим. Шунинг билан биргаликда сувдан фойдаланганлик учун ҳақ тўлаш механизмини асосланган ҳолда қўйиш зарур. Бу масалаларни сувдан фойдаланувчилар уюшмаси бажариши мақсадга мувофиқдир. Бугунги кунда Республикада 886 тага яқин СФУ фаолият кўрсатмоқда. Лекин, улар томонидан барча фермер хўжаликларида тўлиқ хизмат кўрсатилаётгани йўқ. Чунки уларнинг маблағлари ҳамда моддий-техник ресурслари етарли даражада эмас. Шундай экан, эндиликда бу уюшмаларнинг фаолиятларини тўғри ташкил этишга ҳам алоҳида эътибор бериш вақти келди.

Юқорида таъкидланганларнинг барчаси ҳам ҳал этилиши мумкин бўлган масалалардир. Сабаби 2004 йилда фаолият кўрсатаётган барча фермер хўжаликлари

Республика Президенти И.А.Каримов рахбарлигида белгилаб берилган аграр–иқтисодий ислохотларни изчиллик билан амалга ошириш натижасида ердан фойдаланиш коэффициенти 0,07 пунктга сувдан фойдаланиш коэффициенти эса 0,04 пунктга, оширишга, бир гектар экин майдонига сарфланаётган ёқилғи 44, кгга минерал ўғитларнинг сарфи эса 42,7 кг.га тежаб, пахта хосилдорлигини 26,4 % га, ғаллачиликда эса ширкатларга нисбатан 12,4 % га оширишга эришдилар. Булар фермер хўжаликларининг ривожланиб, фаолият самарадорлигининг юксалаётганлигидан далолат беради.

Буларга иқтисоди ривожланган давлатларнинг тажрибаларидан фойдаланиш ҳам маълум даражада таъсир этган. Масалан, Олмонияда, Фарангистонда, Нидерландияда, АҚШда қишлоқ хўжалик маҳсулотларининг асосий қисми фермер хўжаликларида ишлаб чиқарилади. Масалан, АҚШда 2.5 млн. фермер хўжалиги йилига 300-350 млн. тонна ғалла ишлаб чиқармоқда. Улардаги фермер хўжаликлари асосан йирик, иқтисоди мутаҳкам. Уларга тўлиқ эркинлик берилган. Лекин рақобат асосида ривожланмоқда.

3.7. Ўзбекистонда фермер хўжаликларини ривожлантириш истиқболлари

Республика қишлоқ хўжалигида фермерлик хўжалик юретишининг энг истиқболли ва самарали шакли эканлигини эътиборга олган ҳолда келажакда "... фермерликни ривожлантириш борасидаги ишларни чуқурлаштириш ва кўламини кенгайтириш муҳим устувор вазифа"⁵ эканлигини Президент И.А.Каримов алоҳида устирган.

Фермерликни ривожлантиришга устуворликнинг берилиши асосан қуйидаги ҳолатлар билан исботланади;

- жаҳон тажрибасида, республикада фермер хўжалиги қишлоқда хўжалик юретишининг асосий шакли ҳисобланганлиги;
- фермер ерларни узоқ муддатга ижарага олиб, ердан фойдаланиш ҳуқуқига барқарор эга бўлаётганлиги;
- фермер мулк эгаси бўлиб, унга эгалик қилиш ҳамда фойдаланишни эркин, мустақил равишда амалга ошираётганлиги;
- фуқаролар онгида фермерлик ҳаракатига ишончнинг барқарор равишда ўсиб бораётганлиги;
- фермер юридик шахс ҳисобланиб, барча муносабатларни шартномалар асосида амалга оширилаётганлиги;
- давлат буюртмасидан ортиқча ишлаб чиқарган барча турдаги маҳсулотларни эркин сотиш имкониятига эгалиги;
- фермер тадбиркорлик фаолияти натижасида олаётган пул даромадларини ва соф фойдасини мустақил тасарруф этаётганлиги ва бошқалар.

Келажакда фермерликни самарали фаолият кўрсатаётган ширкат хўжаликлари худудида ҳамда сурункасига зарар кўриб ишлаётган ҳамда паст рентабелли ҳисобланган ширкатлар негизида ривожлантирилиши белгиланган. Бунга юқорида кўрсатилган Вазирлар Маҳкамасининг 476 ва 607 қарорлари яққол далил бўлди. Шу қарорларда зарар кўриб ишлаётган, паст рентабелли ва истиқболсиз ширкат хўжаликларини фермер хўжаликларига айлантириш дастури ишлаб чиқилган (1-жадвал).

Рақамларнинг далолат беришича, 2005-2007 йилларда Ўзбекистонда фаолият кўрсатаётган ширкатларнинг 71,6 фоизи негизида фермер хўжаликларини такшил этилиши белгиланган. Чунки тугатилаётган ширкат хўжаликлари ёки сурункасига зарар кўраётган ёки паст рентабелли ҳисобланади. Ҳақиқатда ҳам улар самарасиз субъектлар ҳисобланади. Бу жараён вилоятлар миқёсида турлича суръатларда амалга оширилиши белгиланган.

⁵ Каримов И.А. Бизнинг бош ма=садимиз – жамиятни демократлаштириш ва янгилаш, мамлакатни модернизация ва ислош этишдир. –Т.: Ўзбекистон, 2005. 82 б.

Таянч иборалар:

Тадбиркорлик, иқтисодий негизи, шакллари, жамоа хўжаликлари, жамоа мулки, ширкатлар, фермер хўжаликлари, деҳқон хўжаликлари, қўшма корхоналар, қўшма мулклар, хусусий корхоналар, хусусий мулк.

Қисқача хулосалар

Республикада эркин бозор иқтисодиётини барпо этиш ва ривожлантириш учун қишлоқ хўжалигининг барча соҳаларида бозор муносабатларини шакллантириш объектив зарурият ҳисобланади. Бу масалани ягона тизим шаклида давлат раҳбарлигида босқичма-босқич амалга ошириш мақсадга мувофиқдир.

Амалга оширилиши зарур бўлган агроиқтисодий ислоҳотларнинг ҳуқуқий асослари яратилмоқда. Буни Олий Мажлис томонидан қабул қилинган қонунлар, Президент фармонлари ва Вазирлар Маҳкамасининг қарорлари исботлайди.

Ҳуқуқий ҳамда меъёрий ҳужжатларга асосланган ҳолда қишлоқ хўжалигида:

- ер ислоҳоти амалга оширилмоқда. Бунда ерга нисбатан умуммиллий бойлик деб қаралмоқда, яъни давлат мулкчилиги сақланган ҳолда юридик ва жисмоний шахсларга ердан фойдаланишга эгаллик қилиш ҳуқуқи берилмоқда;
- мулк ислоҳотини амалга оширишга катта эътибор берилмоқда. Натижада тармоқда нодавлат мулкчилик шаклларида жамоа, хусусий, шахсий ҳамда аралаш мулкчилик турлари босқичма-босқич барпо этилиб, ривожлантирилмоқда;
- шаклан ва мазмунан афзал туб молия, кредит, солиқ ва баҳо ҳамда ташкилий-таркибий ислоҳотлар амалга оширилмоқда.

Амалга оширилаётган аграр-иқтисодий ислоҳотлар натижасида мамлакат қишлоқ хўжалигининг маълум даражада ривожланиши таъминланмоқда. Лекин бу жараён ҳам бозор иқтисодиёти талабларига тўлиқ жавоб бера олмайди. Шунинг учун ҳам келажакда барча йўналишлар бўйича иқтисодий ислоҳотларни янада чуқурлаштириш зарур. Асосий эътибор қишлоқ хўжалик ишлаб чиқаришининг ривожланишини таъминлайдиган шахсий ва хусусий ҳамда аралаш мулкчилик турларини ривожлантиришга, солиқ, молия-кредит ва баҳо ислоҳотларини такомиллаштиришга қаратилиши мақсадга мувофиқдир.

Назорат ва муҳокама учун саволлар

1. Қишлоқ хўжалигига давлат раҳбарлиги қандай амалга оширилмоқда?
2. Аграр-иқтисодий ислоҳотлар йўналишлари қандай амалга оширилмоқда?
3. Ер ислоҳоти қандай тартибда амалга оширилмоқда?
4. Мулкни давлат тасарруфидан чиқариш деганда нимани тушунасиш?
5. Мулкни хусусийлаштириш деганда нимани тушунасиш?
6. Молия-кредит ислоҳотлари қандай амалга оширилмоқда?
7. Солиқ ва тўловлар тизимининг ўзгаришини тушунтириб беринг.

Асосий адабиётлар

1. Ўзбекистон Республикасининг «Фуқаролик Кодекси», “Тадбиркорликка оид қонун ҳужжатлари тўплами”, Т.: “Шарқ”, 2002.
2. Ўзбекистон Республикасининг «Меҳнат Кодекси», Т.: «Адолат», 1996
3. Ўзбекистон Республикасининг «Маъмурий жавобгарлик тўғрисидаги Кодекси», Т.: «Адолат», 1995

4. Ўзбекистон Республикасининг янги тахрирдаги 2004 йил 26 августдаги «Фермер хўжалиги тўғрисида»ги Қонуни, «Халқ сўзи» газетаси, 2004 йил 15 октябр
5. Ўзбекистон Республикасининг 1998 йил 30 апрелдаги «Дехқон хўжалиги тўғрисида»ги Қонуни, «Ўзбекистон Республикаси банклари томонидан кичик ва ўрта бизнесни қўллаб-қувватлаш бўйича қонунчилик ҳужжатлари тўплами», Т.: «Ўзбекистон», 2002 й.
6. Бланк И.А. «Основы финансового менеджмента». 2-х томах, К.: «Ника-центр» «Эльга», 1999.
7. Барнс Л.Б. и др., «Преподавание и метод конкретных ситуаций» – М., 2000
8. Богатин Ю.В. Швандар В.А., «Инвестиционный анализ. учебное пособие», - М.: ЮНИТИ, 2001
9. М.Н. Баканова, А.Д. Шереметова, «Экономический анализ: ситуации, тесты, примеры, задачи, выбор оптимальных решений, финансовое прогнозирование», - М.: Финансы и статистика, 2004

Интернет сайтлари:

1. www.uhh.hawaii.edu University of Hawaii at Hilo – Agroecology and Environmental Quality Program.
2. www.ecfak.timacad.ru Московская сельскохозяйственная академия.
3. www.admin.ru Институт Агрэкономики и Бизнеса Приамурский.
4. Мардонова А.Т., Исҳоқова С.А. Аграр соҳада мулкый муносабатларни рўёбга чиқаришнинг долзарб услублари. www.ski.ilm.uz
5. Саратовская сельскохозяйственная академия. www.tstu.ru
6. Rozvoj integrace a infrastruktura. www.deloitte.com

Мавзу 4: Агросаноат мажмуасининг тузилмаси, унинг зарурлиги, мақсади ва вазифалари. Республика агросаноат мажмуасини инкироз шароитида ривожлантириш имкониятлари.

- 4.1. Агросаноат мажмуасининг зарурлиги, мақсади, вазифалари ва таркиби.
- 4.2. Агросаноат мажмуаси таркибидаги тармоқлар ўртасидаги муносабатлар
- 4.3. Агросаноат мажмуасининг ҳолати, иқтисодий-ижтимоий самарадорлик даражаси
- 4.4. Озиқ-овқат ва халқ истеъмоли моллари мажмуаси. Давлатнинг озиқ-овқат хавфсизлиги

4.1. Агросаноат мажмуасининг зарурлиги, мақсади, вазифалари ва таркиби

Ўзбекистон Республикаси Президентининг «2004-2006 йилларда фермер хўжаликлариин ривожлантириш концепцияси тўғрисида» ги Фармойишини қишлоқ хўжалиги ишлаб чиқиришга жорий этиш натижасида фермер хўжаликлар фаолиятини қўллаб-қувватлаш мақсадида жойларда инфратузилма объектлари, жумладан 2004 йилнинг 1-ярим йилида 196 банк, ёқилғи-мойлаш материаллари билин таъминлаш бўйича 236 пункт, минерал ўғитлар билан таъминлаш бўйича 205 пункт, 267 муқобил машина-трактор парки, 222 сувдан фойдаланувчилар уюшмаси ташкил этилди. Уларнинг ташкил этилиши билан агросаноат мажмуасининг учинчи бўғини - қишлоқ хўжалиги тармоқларига хизмат кўрсатувчи «4 лар» тизимининг таркиби янада ривожлантирилиши таъминланади. Улар қишлоқ хўжалиги тармоғидаги корхоналарга, фуқароларга банк хизматларини кўрсатишда, хўжаликларни минерал ўғитлар, ёқилғи ва мойлаш материаллари билан таъминлашда, маҳсулот ишлаб чиқариш жараёнида бажариладиган экин майдонларини ҳайдаш, уларга ишлов бериш ҳамда етиштирилган ҳосилотни териб олиш билан боғлиқ бўлган ишларни сифатли бажаришда ўз хизматларини кўрсатмоқдалар. Шунинг натижасида айниқса, фермер ва деҳқон хўжаликларининг раҳбарларининг вақтларини тежаш имкониятини яратиб бермоқдалар. Бу тадбирлар келажакда ҳам янада ривожлантирилиши лозим. Чунки ҳозирги даврдаги фаолият кўрсатаётган инфратузилма бўғинларида хўжалик субъектлари талабни тўлиқ қондираётгани йўқ. Муқобил машина-трактор паркларини ташкил этишда мол-мулкни тақсимлаш, муқобил МТП га кириш бадалларини аниқлашда фермер хўжалигини балл – гектарларига муносиб равишда ҳисоблаш тақлиф этилган. Бу тартиб бизнинг талабга тўлиқ жавоб бермайди. Чунки бунда экин турларининг майдонлари эътиборга олинмаган. Буни қуйидаги мисол билан исботлаш мумкин. Иккита ҳар бир 30 гектар ерга эга бўлган фермерлар мавжуд. Уларнинг ерларини бонитет балли ҳам бир хил яъни 60 балл. Шунда уларнинг балл гектари бир хилда 1800 балл гектарга тенг бўлади. Лекин биринчи фермерда 10 га майдонга буғдой, 20 га га эса пахта экилади. Иккинчисида эса аксинча. Шунда биринчи фермер муқобил машина – трактор паркига, иккинчи фермер нисбатан кўпроқ мурожаат этади. Чунки унда пахта майдони кўпроқ бўлаганлиги учун техникалар ёрдамида бажариладиган ишларнинг ҳажми кўп. Шунинг учун юқоридаги масалани ҳал этишда экин турларининг майдонини ҳам эътиборга олиш мақсадга мувофиқдир.

Республикамиз эркин бозор иқтисодиётига босқичма-босқич ўтиши таъминланаётган йилларда мамлакат аҳолисининг ўртача сони бир йилда 310-320 минг нафарга ёки 1,3 фоизга ўсмоқда. Шу билан бирга саноат корхоналари сони ва ишлаб чиқариш қувватлари ҳам йил сайин ошиб бормоқда. Бу ҳолат республикада хомашё, озиқ-овқат маҳсулотлари

ва халқ истеъмоли моллари ишлаб чиқариш ривожлантирилишини тақозо этмоқда. Бу муаммоларни ечиш учун энг аввало қишлоқ хўжалик ишлаб чиқариши ва у билан узвий боғлиқ бўлган хизмат кўрсатиш ҳамда қайта ишлаш тармоқларининг мутаносиб равишда ривожланишини таъминлашга эришиш, сўнгра тайёр озиқ-овқат маҳсулотлари ишлаб чиқарувчи ва уларни истеъмолчиларга етказувчи тармоқларнинг ташкилий, техникавий, технологик, иқтисодий ва ижтимоий боғланишини таъминлаш лозим.

Кўриниб турибдики, қишлоқ хўжалигини барқарор равишда ривожлантириш, самарадорлигини юксалтириш учун уни янги қишлоқ хўжалик машиналари, техникалари, транспорт ва кимёвий воситалар, минерал ўғитлар, ёқилғи ҳамда ёғловчи материаллар, қурилиш материаллари, озуқа моддалари билан тўлиқ ва мутаносиб равишда таъминлаб, мустақкам моддий-техника базасини барпо этиш керак. Демак, қишлоқ хўжалигининг келажакдаги ривожига даставвал унинг учун зарур бўлган ишлаб чиқариш воситалари ишлаб чиқарувчи саноат тармоқлари фаолиятига бевосита, шунингдек, аграр соҳанинг равнақи унга хизмат кўрсатувчи, яъни қишлоқ хўжалиги корхоналарини ишлаб чиқариш воситалари билан таъминловчи, тармоқдаги машина-трактор ва бошқа техникаларни таъмирловчи, хўжалик объектларини қурувчи, ирригация-мелиорация ва кимёвий, транспорт хизматларини бажарувчи тармоқлар фаолиятига ҳам боғлиқдир.

Қишлоқ хўжалиги ишлаб чиқариши самарадорлиги эса тармоқда етиштирилган хомашёлардан аҳолининг барча талабларини тўлиқ ва сифатли қондира оладиган озиқ-овқат, газлама, кийим-бош, оёқ кийим ва бошқа маҳсулотлар ишлаб чиқарувчи саноат тармоқларининг серқиррали фаолиятига ҳам боғлиқ.

Юқоридагилардан маълум бўлишича, республика фуқароларининг тайёр озиқ-овқат ва ноозиқ-овқат маҳсулотларига бўлган талабининг тўлиқ қондирилиши бу муаммо ҳал этилишини таъминлашда қатнашувчи барча тармоқларга турли хилдаги ишлаб чиқариш воситаларини ишлаб чиқардагидан саноат тармоқлари, қишлоқ хўжалиги, унга хизмат кўрсатувчи, қишлоқ хўжалик маҳсулотларини қайта ишлаб, тайёр маҳсулот даражасига етказувчи ва уларни истеъмолчиларга етказиб берувчи барча тармоқларнинг техникавий, технологик, иқтисодий ҳамда ижтимоий боғланишини объектив ҳолда тақозо этади. Шунинг учун улар мақсадга мувофиқ равишда жойлаштирилиб, ихтисослаштирилиб, халқ хўжалиги миқёсида меҳнат тақсимоли амалга оширилишини таъминлашлари зарур. Юқорида таъкидланган тармоқлар ягона мақсад йўлида ўзаро боғланиши натижасида республика агросаноат мажмуаси шаклланади. Мамлакат агросаноат мажмуасининг асосий мақсади – аҳолини сифатли озиқ-овқат ва халқ истеъмоли товарлари билан талаб даражасида таъминлашдир. Бу муаммо улкан сиёсий, иқтисодий ва ижтимоий аҳамиятга эга бўлиб, унинг талаб даражасида ҳал этилиши аҳоли турмуш даражасини юксалтиради, фаровон яшашини таъминлайди. Шунинг учун ҳам бу масалага Республика ҳукумати томонидан алоҳида эътибор берилмоқда, яъни агросаноат мажмуасига қирувчи барча тармоқларни ривожлантириш билан боғлиқ бўлган чора-тадбирлар ишлаб чиқилиб, ҳаётга босқичма-босқич жорий этилмоқда.

Республика агросаноат мажмуасида мақсадга эришиш қўйидаги асосий вазифалар ечилишини тақозо этади:

- агросаноат мажмуаси таркибидаги барча тармоқлар мақсадга мувофиқ ҳолда ташкилий, технологик, техникавий, иқтисодий ва ижтимоий жиҳатдан ўзаро узвий боғланишини таъминлаш;
- мажмуа таркибидаги корхоналарни барча омилларни эътиборга олган ҳолда мақсадга мувофиқ оқилона жойлаштириш;
- уларнинг ихтисослаштирилиши ва интеграциялашувини таъминлаш;
- самарали фаолият кўрсатишини таъминлаш мақсадида барча корхоналарни замонавий техникалар билан жиҳозлаш, уларда илғор технологияларни жорий этиш;

- агросаноат мажмуаси таркибидаги корхоналар ихтиёридаги барча ресурслардан (табиий, капитал, меҳнат) тадбиркорлик билан оқилона фойдаланиб, ишлаб чиқариш жараёнларини автоматлаштириш, механизациялаш, электрлаштириш ва кимёлаштириш орқали доимий ва ўзгарувчан харажатларни камайтириб, экологик талабларга жавоб берадиган маҳсулотларни зарур миқдорда ишлаб чиқариш, уларни истеъмолчиларга етказиб бериб, кўпроқ фойда олишни таъминлаш;

- агросаноат мажмуаси таркибидаги корхоналар ўртасида улар маҳсулотларини ўзаро самарали айрибошлаши таъминладиган нархларнинг мақсадга мувофиқ миқдорини маълум муддатларга белгилаш;

- мажмуада фаолият кўрсатаётган раҳбар, ишчи ва хизматчиларнинг малакаларини ошириш, улар меҳнатларининг миқдorigа, пировард натижасига кўра рағбатлантирилишини ривожлантириш ва бошқалар.

Агросаноат мажмуаси мақсад ҳамда вазифаларидан келиб чиққан ҳолда унинг таркиби қуйидаги 4 та бўғиндан ташкил топиши мумкин:

1-бўғин – агросаноат мажмуаси таркибидаги корхоналар учун ишлаб чиқариш воситаларини ишлаб чиқарувчи саноат тармоқлари. Улар таркибан қишлоқ хўжалик машинасозлик, тракторсозлик саноати; кимё саноати; нефть маҳсулотлари саноати, микробиология саноати; озик-овқат машинасозлик, станоксозлик саноати; қурилиш материаллари саноати ва бошқалардан ташкил топади. Уларнинг кўлами, айниқса, машинасозлик ва станоксозлик саноати тармоқларининг кўлами республикадаги барча омилларни эътиборга олган ҳолда чекланган.

Шу бўғиндаги тармоқларнинг асосий мақсади – агросаноат мажмуаси таркибидаги, хусусан, қишлоқ хўжалиги ва унга ирригация-мелиорация, техника таъминоти ва таъмирлаш, кимёлаштириш, зооветеринария, электрлаштириш хизматларини кўрсатувчи ҳамда қишлоқ хўжалик маҳсулотларини қайта ишловчи пахта тозалаш саноати, дон маҳсулотлари, мева, сабзавот, узум саноати, гўшт-сут саноати, енгил ва озик-овқат саноати корхоналарини ва ниҳоят, тайёр маҳсулотларни етказиб беришда зарур бўлган ишлаб чиқариш воситалари (машина, трактор, станок, кимёвий воситалар, ёқилғилар, озуқа моддалари) билан таъминлашдир. Демак, биринчи бўғин таркибидаги тармоқлар ривожланишни таъминлайдиган моддий-техника базасини барпо этишга улкан ҳисса қўшади. Уларнинг моддий-техника базаси талаб даражасида шакллантирилиши натижасида ишлаб чиқариш жараёнлари автоматлаштирилиб, механизациялаштирилиб, электрлаштирилиб, жонли меҳнат сарфи қисқартирилиб, меҳнат унумдорлигининг юксалиши таъминланади. Улар шу тармоқлардаги меҳнат характерининг ўзгаришига таъсир этади, яъни оддий меҳнат индустриалашган меҳнатга айланиб боради. Бу соҳа тармоқларида минглаб корхона фаолият кўрсатиб, жами ички маҳсулотнинг 65-70 фоизи яратилмоқда.

2 – бўғин – агросаноат мажмуасининг асосий тармоғи ҳисобланган қишлоқ хўжалигидан ташкил топади. Унинг барча тармоқлари–ўсимликчилик ҳамда чорвачилик тармоқларида саноат тармоқлари учун хомашёлар (пахта хомашёси, бошоқли донлар, каноп, зиғир, қанд лавлаги, жун, тери, кунжут, узум), аҳоли истеъмоли учун эса гўшт, сут, сабзавот, полиз, мева маҳсулотлари етиштирилади.

Тармоқда 2003 йилнинг 1 январига 1877 та ширкат, 80 мингга яқин мустақил фермер, 100 тага яқин давлат хўжаликлари, 3,5 млн. га яқин оилавий-деҳқон хўжалиги ҳамда хўжалик ҳисобидаги 18 та корхона, 24 та бюджет ташкилоти ва инвестицион маблағлардан молиялаштириладиган 1 та ташкилот фаолият кўрсатмоқда. Қишлоқ хўжалигидаги барча хўжаликлар 2002 йили 5,2 млн. тонна дон маҳсулотлари етиштиришга эришдилар. Шундан 58,7 фоизи йирик товар ишлаб чиқарувчи ҳисобланган ширкат ҳамда давлат хўжаликлари ҳиссасига, 27,2 фоизи фермер хўжаликлари ва 14,1 фоизи оилавий-деҳқон хўжаликлари улушига тўғри келади. Барча хўжаликлар 773 минг тонна картошка етиштирган. Шундан

7,2 фоизи жамоа, ширкат ва давлат, 3,7 фоизи фермер ва 89,1 фоизи оилавий-деҳқон хўжаликларида етиштирилган. Шу йили етиштирилган қишлоқ хўжалиги маҳсулотларининг 9,9 фоизи фермер, 65,5 фоизи оилавий-деҳқон хўжаликлари, қолган қисми йирик товар ишлаб чиқарувчилар улушидир.

Пахта хомашёсини етиштириш билан асосан йирик товар ишлаб чиқарувчи ҳисобланган жамоа, ширкат ва давлат хўжаликлари шуғулланмоқдалар. Чунки улар шу соҳага ихтисослашган. Уларда пахта хомашёсини етиштириш учун зарур бўлган тадбиркорлик билан бирга, барча турдаги зарур ишлаб чиқариш воситалари мавжуд. Бу ўринда эслатиб ўтиш керакки, пахта хомашёсини етиштириш билан фермер хўжаликлари ҳам шуғулланмоқдалар. Бироқ республикада етиштирилган пахта ялпи ҳосили салмоғида уларнинг ҳиссаси унчалик катта эмас.

Қишлоқ хўжалиги агросаноат мажмуасининг асосий, яъни марказий тармоғи ҳисобланади. Унинг барқарор ривожланиши ишлаб чиқариш воситаларини ишлаб чиқарувчи, қишлоқ хўжалигига хизмат кўрсатувчи, етиштирилган қишлоқ хўжалик маҳсулотларини қайта ишловчи, сақловчи ҳамда истеъмолчиларга етказиб берувчи барча тармоқлар фаолиятига боғлиқ. Чунки, улар қишлоқ хўжалик корхоналарини талаб этилган барча турдаги техникалар, кимёвий воситалар, ёқилғи-ёнилғи, қурилиш материаллари, станоклар билан ўз вақтида таъминлаб, мавжуд қишлоқ хўжалик техникаларини арзон ва сифатли таъмирлаб, тармоқнинг ривожланишини таъминлайдиган хизматларни кўрсатиб, унда етиштирилган маҳсулотларни йиғиб-териб, қайта ишлаб, истеъмолчиларга сифатли ҳолда етказиб берсалар, қишлоқ хўжалигининг ривожланишига катта ҳисса қўшган бўладилар. Қишлоқ хўжалиги ривожланиши натижасида мажмуа таркибидаги тармоқларнинг ҳам юксалиши таъминланади. Масалан, тармоқнинг кўлами кенгайса, ишлаб чиқариш воситаларига бўлган талаб ортади. Бу талабни қондириш учун саноат тармоқлари интенсив фаолият кўрсатиш билан ҳажман кенгайишга ҳам эришишлари лозим. Тармоқда қишлоқ хўжалик маҳсулотлари ҳажмининг барқарор равишда ўсиши уларни қайта ишловчи тармоқлар самарали фаолият кўрсатишини талаб этади. Демак, агросаноат мажмуаси таркибидаги барча тармоқлар қишлоқ хўжалиги билан бевосита боғлиқ. Шунинг учун республика қишлоқ хўжалигини мақсадга мувофиқ ташкил этиш ва замон талаби асосида бошқаришга алоҳида эътибор бериш лозим. Бу муаммони ҳал этишда тармоқнинг мақсад ва вазифаларидан келиб чиқиш зарур. 2003 йилнинг бошига тармоқни ташкил этиш ва бошқариш билан Республика қишлоқ ва сув хўжалиги вазирлиги шуғулланмоқда.

Унинг таркибида:

- қишлоқ хўжалик ишлаб чиқариши;
- сув хўжалиги тармоқлари;
- ўрмон хўжалиги тармоқлари мужассамлашган.

Вазирликнинг мақсади ва фаолият кўрсатиш йўналишлари қилиб Ўзбекистон Республикаси Вазирлар Маҳкамаси томонидан куйидагилар белгиланган:

- қишлоқ ва сув хўжалиги бўйича илм-фаннинг барча йўналишларини жаҳон андозаларига мослаштирган ҳолда ривожлантириш;
- фан-техника тараққиётини эътиборга олган ҳолда ягона фан-техника сиёсатини ва мониторингини амалга ошириш;
- селекция, уруғчилик ва наслчилик билан шуғулланадиган фанларни тартибга солиш ҳамда ривожлантириш;
- қишлоқ ва сув хўжалигида амалга оширилаётган аграр-иқтисодий ислохотларни чуқурлаштириш жараёнини тартибга солиш, унинг мониторингини амалга ошириш;
- деҳқончилик, чорвачилик тизимларини такомиллаштириш, ривожлантириш, уларнинг ҳаётга татбиқ этилишини таъминлайдиган машиналар тизимини, технологияларни барпо этиш;

- эркин бозор талабини эътиборга олган ҳолда экинларни алмашлаб экиш сиёсатини амалга ошириш, уни таъминлайдиган даражада экинларни мақсадга мувофиқ жойлаштиришга эришиш ҳамда мониторингини бажариш;
- наслчиликни, уруғчиликни ташкил этиш;
- чорвачилик учун барча сервис хизматларини ташкил этиш, уларнинг амалга оширилишини таъминлаш;
- давлат сув кадастрини юритиш, сув ресурсларидан самарали фойдаланишни таъминлаш, сув хўжалиги объектларидан тўлиқ фойдаланиш, ерларнинг мелиоратив ҳолатини яхшилашга оид тадбирларни амалга ошириш;
- ўрмон хўжалигини ривожлантириш, ўрмонларни назорат қилиш ва улардан самарали фойдаланиш;
- тармоқ талабини кондирадиган кадрларни тайёрлаш, қайта тайёрлаш ва малакасини ошириш, уларни оқилона, самарали рағбатлантириш ва бошқалар.

3-бўғин. У қишлоқ хўжалигини ташкил этиш ҳамда унинг ривожланишига хизмат кўрсатадиган тармоқлар, жумладан, экинларни, чорва ҳайвонларини сув билан таъминлайдиган, ерларнинг мелиоратив ҳолати яхшиланишини таъмин этувчи чоратадбирлар тизимини амалга оширадиган сув хўжалиги тармоғи; қишлоқ хўжалигида фойдаланилаётган барча техникаларга сервис хизмати кўрсатадиган тармоқ; тармоқда йирик бино-иншоотларни қурувчи, мавжудларини таъмирловчи тармоқ; тармоққа зооветеринария хизмати, шунингдек, ҳашаротларга, зараркурандаларга, бегона ўтларга қарши курашиш мақсадида кимёвий хизмат кўрсатадиган соҳаларни ўз ичига олади.

Қишлоқ хўжалигини ёқилги, ёнилғи ва ёғловчи материаллар ҳамда электроэнергия билан таъминлайдиган тармоқлар ҳам шу соҳа таркибига киради.

Юқорида таъкидланган тармоқлар қишлоқ хўжалигига барча турдаги ишларни, хизматларни ўз вақтида, сифатли кўрсатишлари натижасида турли хилдаги қишлоқ хўжалик маҳсулотлари етиштиришга улкан ҳисса қўшадилар. Жумладан, улар техникаларни таъмирлаб, экинлар экиладиган майдонларни агротехник муддатларда сифатли ҳайдаб, экишга тайёрлаб, экиб, униб чиққан ўсимликларга ишлов бериб, етиштирилган ҳосилни белгиланган муддатларда сифатли йиғиб олиш натижасида қишлоқ хўжалик маҳсулотларининг миқдорини оширишга, уларнинг сифатини яхшилашга бевосита таъсир кўрсатадилар. Уларни оқилона ҳамда уддабуронлик билан сотиш натижасида эса қишлоқ хўжалик корхоналари фойда массасини кўпайтиришга эришишлари мумкин.

Бу тармоқлар юқори унумли техникалар ёрдамида барча турдаги иш ва хизматлар механизациялаштирилишини, автоматлаштирилишини, электрлаштирилишини ҳамда кимёлаштирилишини таъминлашга кўмаклашиб, жонли меҳнат сарфи камайтирилиши эвазига меҳнат унумдорлиги даражаси ошишига муайян ҳисса қўшадилар. Бу соҳадаги тармоқларнинг асосий мақсади – қишлоқ хўжалик корхоналарига барча турдаги хизматларни, ишларни муддатида, сифатли бажаришдир.

4-бўғин. Унга қишлоқ хўжалик маҳсулотларини қайта ишловчи, сақловчи ва истеъмолчиларга етказиб берувчи тармоқлар, жумладан, пахта тозалаш, донни, канопни, қанд лавлагини, гўшт ва сутни, тамакини, сабзавот ва полиз маҳсулотларини, мева, узумни қайта ишлаш, енгил ва бошқа саноат тармоқлари; бозор талабини эътиборга олган ҳолда тайёр маҳсулотларни улгуржи ва чакана ҳолда етказиб берадиган савдо тармоқлари киради. Республика агросаноат мажмуаси таркибига қирувчи барча тармоқларни 1-чизмадан кўриш мумкин. Бундай туркумлаштириш маълум даражада шартли ҳам ҳисобланади. Ҳозирги даврда мамлакат агросаноат мажмуасига 2210 га яқин корхона киради. Буларга фермер хўжаликлари ҳам қўшилса, унда уларнинг умумий миқдори 85 мингдан ошади.

Республика агросаноат мажмуасини барқарор ривожлантиришда мамлакатда мавжуд бўлган иқтисодий ҳамда ижтимоий инфратузилмаларнинг ҳам аҳамияти, таъсири улкан. Улар агросаноат мажмуаси таркибидаги барча тармоқларнинг ривожланишини таъминлаш мақсадида банк, суғурта, инвестиция, солиқ, лизинг, соғлиқни сақлаш, таълим-тарбия, маънавий, маданий, санат, коммунал хизматларни амалга оширадilar. Шунинг учун барча мажмуалар ўртасидаги муносабатлар ўзаро манфаатли ҳолда амалга оширилгани маъқул.

Мавзу 5: Агросаноат мажмуасининг ҳолати. Ижтимоий-иқтисодий самарадорлик даражаси.

5.1. Агросаноат мажмуасининг ҳолати, иқтисодий-ижтимоий самарадорлик даражаси

Республика агросаноат мажмуаси таркибидаги тармоқларнинг ташкилий, техникавий, технологик, иқтисодий ҳамда ижтимоий ўзаро боғланиши, яъни интеграциялашуви натижасида меҳнат тақсимоли амалга оширилмоқда. Бу ҳол агросаноат мажмуаси ихтиёридаги барча ресурслардан, шу жумладан, чекланганларидан ҳам самарали фойдаланилишини таъминлашга, техника ва технологияларни ривожлантиришга, ишлаб чиқариш жараёнларини механизациялаштиришга, автоматлаштиришга, электрлаштиришга, компьютерлаштиришга ҳамда тармоқларни бошқаришни такомиллаштиришга қаратилган. Улар талаб даражасида амалга оширилиши натижасида харидоргир, рақобатбардош озиқ-овқат ҳамда халқ истеъмоли моллари ишлаб чиқариш ҳажми ортади. Улар истеъмолчиларга сифатли ва қулай усуллар билан етказиб борилиши натижасида аҳолининг шу маҳсулотлар билан таъминланиши даражаси ортиб, мажмуа таркибидаги тармоқларнинг фойдалари кўпаяди. Натижада агросаноат мажмуасининг иқтисодий самарадорлиги юксалади.

Агросаноат мажмуасининг иқтисодий самарадорлик даражасини қатор кўрсаткичлар ёрдамида аниқлаш мумкин.

Жумладан, Республика агросаноат мажмуасининг ялпи маҳсулоти. У мажмуа таркибидаги тармоқлар корхоналари бир йил мобайнида ишлаб чиқарган тайёр маҳсулот ва кўрсатган хизматлар миқдоридан ташкил топади. Ялпи маҳсулотнинг миқдори ҳар бир тармоқ бўйича абсолют, яъни натурал кўрсаткичлар ёрдамида ҳисобланади (тонна, дона, банка, литр, шиша идишда, тонна.км, эт.гектар.). Бу кўрсаткич ёрдамида агросаноат мажмуасидаги тармоқлар ялпи маҳсулотининг миқдори алоҳида- алоҳида аниқланиб, аввалги йиллардаги рақамлар билан таққосланиб, тармоқларнинг қандай ҳолатдалиги аниқланади. Масалан, қишлоқ хўжалик машинасозлиги корхоналари 1997 йилда 2852 дона трактор, 1049 дона пахта териш машиналари ишлаб чиқарган бўлса, 2000 йилда тегишлича 954, 337 донадан ишлаб чиқарган. Бу рақамлар шу муддатда тармоқ маҳсулотларининг камайиб бораётганлигини исботлайди. Шу йилларда қишлоқ хўжалигида ғалла етиштириш 2,1 млн. тоннадан 5,2 млн. тоннага етгани унинг ҳажми 2,5 мартага ошганлигини кўрсатади. Натижада нон ва нон маҳсулотлари ишлаб чиқариш сезиларли даражада кўпайди. Пахта хомашёси етиштириш ҳажми 1991-2002 йилларда 4,1 млн. тоннадан 3,2 млн. тоннага тушган, яъни 20 фоизга камайган. Шунинг натижасида пахта толасининг миқдори ҳам 1,2 млн.тоннадан 1,05 млн. тоннага тушган ёки 12,5 фоизга камайган. Бундай ҳол ўсимлик ёғи, совун ишлаб чиқариш ҳажмининг камайишига олиб келган. Шу йилларда спиртли ичимликлар ишлаб чиқариш нисбатан ошган.

Лекин бу натурал кўрсаткичлар агросаноат мажмуасининг умумий ҳолатини ифодамай олмайди. Бунинг учун агросаноат мажмуаси ялпи маҳсулотининг қийматини аниқлаш лозим. Ялпи маҳсулот қиймати мажмуа таркибидаги барча корхоналар бир йилда ишлаб

чиқарган тайёр маҳсулотларнинг, кўрсатган хизматларнинг бозор баҳоларидаги қийматидан иборат. Айрим корхоналарда ишлаб чиқарилган баъзи маҳсулотларнинг маълум бир қисмидан корхона ишлаб чиқаришини ривожлантириш учун фойдаланилади, маълум миқдордагиси эса шу йилнинг ўзида сотилмай қолади.

Ялпи маҳсулот қийматини ҳисоблашда маҳсулотларнинг бир неча марта ҳисобга олинишини бартараф этиш мақсадида, агросаноат мажмуасининг барча тармоқларида яратилган қўшилган қиймат суммасини ҳисобга олиш мақсадга мувофиқдир. Чунки қўшилган қиймат – бу, корхона томонидан ишлаб чиқарилган маҳсулот қийматидан етказиб берувчилардан сотиб олинган ва истеъмол қилинган хомашё ва материаллар қиймати (амортизация суммасидан ташқари) чиқариб ташланганидан сўнг қолган қисмининг бозор баҳоларидаги қийматидир. Мажмуа ялпи маҳсулотининг ҳақиқий баҳолардаги қийматини республика ялпи миллий маҳсулоти таркибидаги салмоғини аниқлаб, унинг мамлакат иқтисодиётидаги улуши ва ўзгаришини ҳам аниқлаш мумкин. Агарда агросаноат мажмуаси ялпи маҳсулотининг республика ялпи миллий маҳсулотидаги салмоғи ўсаётган бўлса, ялпи миллий маҳсулот ошган ҳолда мажмуанинг мамлакат иқтисодиётидаги ўрни юксалаётганлигидан далолат беради. Агросаноат мажмуаси ялпи маҳсулотининг ҳақиқий баҳоларда ҳисобланган қийматидан шу йилдаги асосий иқтисодий кўрсаткичларни, жумладан, ишлаб чиқаришнинг рентабеллик даражасини, меҳнат унумдорлигини, фондлар қайтимини аниқлашда фойдаланиш мумкин. Агросаноат мажмуаси иқтисодиётининг қатор йиллардаги ўзгаришини аниқлаш учун унинг ялпи маҳсулоти қийматини ўзгармас, яъни қиёсий баҳоларда аниқлаш мақсадга мувофиқдир. Ҳозирги даврда қиёсий баҳо сифатида 1996 йилдаги ўртача баҳолар олинмоқда. Шу тартибда ялпи маҳсулотнинг қиймати аниқланиб, уни аввалги йиллардаги рақамлар билан таққослаш орқали агросаноат мажмуаси ялпи маҳсулоти қийматининг ўзгаришини аниқлаш мумкин. Шундай қилиб, ялпи маҳсулот қийматига ва бошқа кўрсаткичлар даражасига баҳолар ўсишининг таъсири бартараф этилади. Агросаноат мажмуаси ялпи маҳсулотининг 1996 йил баҳоларидаги қиймати мажмуанинг реал ялпи маҳсулоти эканлигидан далолат беради. Шу реал ялпи маҳсулот қиймати кўрсаткичидан фойдаланган ҳолда агросаноат мажмуасида қатор йиллардаги меҳнат унумдорлиги, фондлар қайтими, сиғими каби кўрсаткичлар даражасини аниқлаб, уларнинг ўзгаришини ҳам билиб олиш, бу кўрсаткичларни мажмуа таркибидаги тармоқлар миқёсида аниқлаб, уларнинг ўзгаришини таҳлил қилиш мумкин.

Агросаноат мажмуасининг тармоқлари бўйича мамлакат экспортидаги, яъни валюта тушумидаги салоҳияти, яъни улуши. Уни билиш учун агросаноат мажмуаси тармоқларидаги корхоналарнинг экспорт қилган маҳсулотларига, хизматларига олинган валюта шаклидаги ҳақ тушумларининг бир йиллик йиғиндисини аниқлаш зарур. Уни ягона валюта бирлигида кўрсатиш учун АҚШ долларига давлат курсига биноан аниқлаш лозим, келажакда ўз мавқесини ошириб бораётган еврода ҳам ҳисоблаш мақсадга мувофиқдир.

Агросаноат мажмуаси барча валюта тушумининг республика жами валюта тушумига нисбати билан мажмуанинг салмоғини аниқлаш мумкин. Ҳозирги даврда бу кўрсаткичнинг салмоғи 60 фоизга яқинлашиб қолган. Шундан 24-26 фоизини пахта толасини сотишдан олинаётган валюта ташкил этмоқда.

Ҳозиргача ишлаб чиқарилаётган пахта толасининг 95,3 фоизи четга экспорт қилинмоқда. Шунинг натижасида сезиларли миқдордаги валюта республикага олиб келинмоқда. Агарда 1992 йилда ишлаб чиқарилган 1250,8 минг тонна пахта толасидан 1066,9 минг тоннаси четга экспорт қилиниб, 890,4 млн. АҚШ доллари миқдоридаги чет эл валютаси олинган бўлса, 2001 йили ишлаб чиқарилган 1250,8 минг тонна пахта толасининг 829,4 минг тоннаси четга сотилиб, 912,4 млн. АҚШ доллари миқдоридаги чет эл валютаси республикага тушган. Ҳар бир тонна пахта толаси 1100 АҚШ долларига сотилган. Шу

билан бирга маълум миқдордаги озиқ- овқат маҳсулотлари ҳам четга сотилмоқда. Уларни сотиш натижасида олинган валюта 2000 йилда 76,2 млн., 2001 йили 58,2 млн. АҚШ долларини ташкил этган (2-жадвал).

2-жадвал

Айрим агросаноат маҳсулотлари экспорти натижалари

	Ўлч. бирл.	Йиллар									
		1992	1993	1994	1995	1996	1997	1998	1999	2000	2001
Ишлаб чиқарилган пахта толаси	Минг тонна	1250 ,8	1356 ,0	1253 ,2	1254 ,0	1175 ,0	1141 ,9	1147 ,1	1021 ,6	1025 ,2	957, 1
Шундан: Экспорт қилингани	Минг тонна	1066 ,9	1184 ,5	1187 ,6	1025 ,3	1077 ,7	980, 3	908, 6	1118 ,7	778, 3	829, 4
Экспортда н тушган валюта	Млн. АҚШ долла р	890, 4	1211 ,6	1516 ,7	1798 ,9	1748 ,3	1579 ,4	1361 ,0	906, 2	897, 1	912, 4
Экспорт қилинган агро озиқ- овқат маҳсулотла ри эвазига олинган валюта	Млн. АҚШ долла ри					30,9	60,0	33,3	62,2	76,2	58,2

*Мақроиктисодиёт ва статистика вазирлиги маълумотлари асосида тузилган.

Демак, мамлакат экспорт салоҳиятини белгиловчи муҳим кўрсаткич бўйича қишлоқ хўжалиги билан «Ўзпахтасаноат» уюшмасининг салмоғи катта. Бу яхши, лекин келажакда пахта толасини четга сотишнинг мақсадга мувофиқ миқдорини сақлаган ҳолда уни қайта ишлаб, истеъмол учун тайёр ҳисобланган халқ истеъмоли товарлари экспортга чиқарилишини ривожлантиришга алоҳида эътибор қаратиш лозим. Шу билан бирга қишлоқ хўжалигида сабзавот, полиз ҳамда боғдорчилик, чорвачилик маҳсулотларини қайта ишлаш соҳаларини ривожлантириб, олинган сифатли, экологик жиҳатдан тоза ҳисобланган тайёр маҳсулотларни ҳам чет элларга сотишни ривожлантиришга алоҳида эътибор бериш вақти келди.

Бу муаммони ҳал этиш жараёнида республикада қайта ишлаш тармоқларининг ривожланиши, янги иш жойларининг ташкил этилиши, савдо соҳаларининг тараққиёти таъминланади. Натижада нафақат иқтисодий, балки аҳолини иш билан таъминлашдек ижтимоий аҳамиятга молик бўлган муаммо ҳам маълум даражада ҳал этилади.

Аҳолининг озиқ - овқат ва халқ истеъмоли товарлари билан таъминланганлик даражаси. Бу кўрсаткичнинг мутлақ даражасини аниқлаш учун агросаноат мажмуасида ишлаб чиқарилиб, истеъмолчиларга сотилган маҳсулотлар (турлари бўйича) миқдорини республика аҳолисининг умумий сонига тақсимлаш лозим. Шунда жон бошига тўғри келадиган маҳсулот миқдори аниқланади. Агарда унинг миқдори йил сайин ортиб, тиббиёт меъёрларига яқинлашса, у ҳолда бу аҳолининг яшаш шароити юксалаётганлигидан, халқнинг фаровон ҳаёт кечириши таъминланаётганидан далолатдир.

Агросаноат мажмуаси, тармоқлари ва корхоналарида фойдаланилаётган, сарфланаётган ишлаб чиқариш фондларининг, қилинаётган харажатларнинг самарадорлиги. Бу кўрсаткичларни аниқлаш учун агросаноат мажмуасининг ялпи маҳсулотини, миллий маҳсулотини ҳамда соф фойда суммасини ишлаб чиқариш

фондларига, харажатлар суммасига тақсимлаш зарур. Шунда 1 сўмлик ишлаб чиқариш фондлари, харажатлари эвазига олинган ялпи маҳсулот, миллий маҳсулот ҳамда соф фойда суммаси аниқланади. Агарда бу кўрсаткичларнинг мутлак (абсолют) миқдори ошиб борса, у ҳолда бу фондларнинг, харажатларнинг иқтисодий самарадорлиги ошаётганлигидан далолат беради.

Агросаноат мажмуаси тармоқларининг, корхоналарининг рентабеллик даражаси.

Уни аниқлаш учун тармоқларнинг, корхоналарнинг соф фойдасини жами харажатлар суммасига тақсимлаб, натижани 100 га кўпайтириш лозим. Чунки бу кўрсаткич фоизда аниқланади. Шу билан биргаликда агросаноат мажмуасининг ижтимоий самарадорлигини аниқлашда бир қанча кўшимча кўрсаткичлардан, жумладан, тармоқлар бўйича бир кишининг ўртача ойлиги, кадрларнинг билимлилик салмоғи, аҳоли жон бошига кўрсатилаётган хизматлар миқдори ва бошқалардан ҳам фойдаланиш мумкин.

Сўнгги йилларда республика агросаноат мажмуасида ижобий ўзгаришларга эришилмоқда. Агарда 1993 йилда республика қишлоқ хўжалигида 2,2 млн. тонна дон маҳсулотлари етиштирилган бўлса, 2002 йилга келиб, бу миқдор 4,7 млн. тоннани ташкил этди. Натижада дон ва дон маҳсулотлари ишлаб чиқариш 1993 йилдаги 506 минг тоннадан 2000 йилга келиб 750 минг тонна этди ёки 48,2 фоиз ошди. Бу аҳолининг дон ва дон маҳсулотлари билан таъминланиш даражаси юксалишига олиб келди.

Шу йиллар ичида кондитер маҳсулотлари ишлаб чиқариш 6,7 фоизга, этил спирти (пищевой) ишлаб чиқариш 3,6 мартага кўпайди (3-жадвал).

3-жадвал

Республика агросаноат мажмуасида ишлаб чиқарилаётган айрим маҳсулотлар миқдори*

Маҳсулот номи	Ўлчов бирлиги	Йиллар							
		1993	1994	1995	1996	1997	1998	1999	2000
Дон маҳсулоти	Минг тонна	2142,4	2466,9	3215,2	3562,0	3775,6	4147,7	3600	3002
Пахта толаси	Минг тонна	1356,0	1253,2	1254,0	1175,0	1141,9	147,1	1021,6	1025,2
Нон ва нон маҳсулотлари	Минг тонна	506	618,4	571,3	486,6	545,2	717,2	739,0	749,4
Озуқабоп ем	Минг тонна		1287	533,8	730,3	688,6	726,3	767,4	665,2
Этил спирти (озука)	Минг дал	977	1037	1705	2251	3379	4049	3818	3572
Гўшт ва гўшт маҳсулотлари	Минг тонна	78,3	57,3	38,2	22,9	30,1	44,3	125,4	121,6
Узум виноси	Минг дал	8,3	6,9	6,6	7,7	7,7	6,1	6,4	5,6
Ўсимлик ёғи	Минг тонна	290,4	301,7	230,7	232	234,6	189,3	195,9	2113

*Республика Макроиктисодиёт ва Статистика вазирлиги маълумотлари асосида тузилган.

Эслатиб ўтиш керакки, республикада гўшт ва суг маҳсулотларини ишлаб чиқариш ўтиш босқичининг дастлабки йилларида анчага қисқарган эди. Лекин 1999 йилдан бошлаб бу соҳада ҳам ўзгаришлар бўлмоқда. Умуман олганда, агросаноат мажмуасининг фаолияти аста - секин ривожланиб бормоқда. Натижада айрим соҳаларининг иқтисодий самарадорлиги юксалмоқда.

6 мавзу: Агросаноат мажмуаси таркибидаги тармоқлар ўртасидаги муносабатлар.


6.1. Агросаноат мажмуаси таркибидаги тармоқлар ўртасидаги муносабатлар

Қишлоқ хўжалиги корхоналарига хизмат кўрсатувчи инфратузилма субъектларини ташкил этилиши билан улар ўртасидаги муносабатлар ҳам ривожлантирилиши, самарали бўлиши керак эди. Афсуски, ҳозирча унчалик, яъни талаб даражасижа эмас. Чунки улар кўрсатаётган хизматларнинг нархлари асосланмаган ҳолда юқори. Масалан, 2004 йилда 1 гектар майдонидаги пахта ҳосилини «Кейс - 2022» русумли комбайн ёрдамида териб олиш учун ўртача 100614 сўм миқдорида хизмат ҳақи белгиланган, бир гектар буғдой ҳосилини «Кейс – 2166, 2366» русумли комбайнда йиғиштириб олиш учун эса 43198 сўм нарх белгиланган. Бундай нархлар ҳозирги даврда фаолит кўрсатаётган фермер хўжаликлари учун жуда юқори ҳисобланади. Шунинг учун кўпчилик фермерлар хўжаликлар муқобил машина – паркларига эмас, бошқаларга шу ишларни бериш учун мурожаат этмоқдалар. Шунинг натижасида муқобил машина-трактор паркларидатехникалардан фойдаланишнинг самарадорлиги юқори эмас. Шунинг учун бу масалани қайта кўриб чиқиш мақсадга мувофиқ.

Агросаноат мажмуаси таркибида агросаноат корхоналарини ташкил этиш вақти келди. Унинг таркиби қуйидагича бўлши мумкин. Туман ёки туманлараро миқёсда шундай агросаноат корхонаси тузилса, бир қанча масалаларни ижобий ҳат этилиши таъминланади:

- қишлоқ ҳудудларидаги ишсизларни ш билан таъминлаш;
- тайёр бозорбоп маҳсулотларни кўпроқ ишлаб чиқариш;
- чиқимсиз технологияларни жорий этилиши;
- хўжаликларнинг пул тушумларини кўпайиши ва бошқалар.


Минтақа (ҳудуд) агросаноат корхонасининг таркиби ва уларнинг алоқалари



Агросаноат мажмуасининг мақсадидан келиб чиққан ҳолда унинг ишлаб чиқариш жараёнида ўзаро узвий боғланган қуйидаги босқичлар мавжуд:

- ◆ агросаноат мажмуаси таркибидаги тармоқлар учун ишлаб чиқариш воситалари ишлаб чиқариш;
- ◆ қишлоқ хўжалик маҳсулотлари ишлаб чиқариш;
- ◆ мажмуа такрор ишлаб чиқариш жараёнида ишлаб чиқариш, техникавий ва технологик хизматларни амалга ошириш;
- ◆ қишлоқ хўжалик маҳсулотларидан озиқ-овқат ҳамда истеъмол товарлари ишлаб чиқариш;
- ◆ озиқ-овқат ҳамда халқ истеъмоли товарларини истеъмолчиларга етказиб бериш.

Масалани тўғри ва самарали ҳал этиш учун барча босқичлар ўртасидаги муносабатлар ҳамма турдаги қонунлар асосида самарали амалга оширилишини таъминлаш лозим. Бу муносабатларни уларнинг мазмун ҳамда шаклини эътиборга олган ҳолда қуйидагича гуруҳлаштириш мумкин: ҳуқуқий, ташкилий, техникавий, технологик, иқтисодий ва ижтимоий.



Бозор иктисодиёти шароитида барча турдаги эркин муносабатларнинг ҳукуқий асоси яратилиши зарур. Шунинг учун ҳам республикада бу масалага алоҳида эътибор

берилмоқда. Бунга мамлакат Олий Мажлиси томонидан қонунлар босқичма-босқич қабул этилаётганлиги яққол далил бўлади. Уларга агросаноат мажмуаси таркибидаги барча хўжаликлар, албатта, риоя этишлари лозим. Шунинг учун улардаги раҳбар ва мутахассислар барча қонунларнинг мазмунини ҳамда уларни амалга ошириш йўлларини яхши билишлари керак. Лекин ҳаётда доимо ҳам шундай эмас. Чунончи, бир корхона иккинчисидан зарур бўлган маҳсулотни шартнома асосида сотиб олиб, унинг ҳақини вақтида тўламайди.

Бундай ҳол қонун талаби тўлиқ бажарилмаётганлигидан далолат беради. Ҳуқуқий давлатда қонун устуворлиги таъминланиши керак.

Қишлоқ хўжалик корхоналари ўз ишлаб чиқаришларининг ривожланишини ва самарадорлиги юксалишини таъминлаш мақсадида сифатли, арзон, экологияга салбий таъсир кўрсатмайдиган зарур қишлоқ хўжалик машиналарини, кимёвий воситаларни, ёқилғи, ёнилғи материалларини бевосита саноат тармоқларидан сотиб олиш учун шартнома тузадилар. Улар шунингдек, техникаларини таъмирлатиш, ерларини ҳайдатиш, ҳосилни йиғиб-териб олиш мақсадида ихтисослашган машина-трактор парклари билан, ҳашаротларга ҳамда зараркурандаларга қарши кураш мақсадида эса кимёвий хизматларни амалга оширадиган ташкилотлар билан, экинларнинг сувга бўлган талабини қондириш учун сув хўжалиги ташкилотлари билан шартномаларни расмийлаштирадилар. Шартномаларнинг шартлари бажарилишини томонлар, албатта, таъминлашлари керак. Шунда буюртмачининг ҳам, бажарувчининг ҳам фаолияти самарали бўлиб, яхши натижаларга эришилади. Лекин амалиётда буюртмани бажарувчилар шартномада кўрсатилган муддатда техникаларни, минерал ўғитларни, кимёвий воситаларни, ёқилғини, озуқа моддаларини истеъмолчиларга етказиб бермаяптилар, уларни сув билан тўлиқ таъминламаяптилар. Бундай камчиликлар аксарият ҳолларда шу тадбирлар тўғри ташкил этилмаганлиги оқибатида юз бермоқда. Мажмуадаги муносабатлар мақсадга мувофиқ ташкил этилмаганлиги етиштирилаётган маҳсулот миқдорига, унинг сифатига салбий таъсир этади. Чунончи, талаб этилган сув экинга вақтида берилмаслиги оқибатида аввало, унинг ўсиши сусайиб, ҳосил тўплаши камаяди, талаб этилган техника вақтида бориб, ҳосилни териб олмаса, ҳосил салмоғи камайиб, сифати пасаяди. Шунинг учун шартномада кўрсатилган шартлар муддатида, сифатли амалга оширилишини таъминлайдиган барча чора-тадбирларни кўриш мақсадга мувофиқдир. Бунинг учун томонлар жуда интизомли, масъулиятли, бир-бирига ҳурматда, маданиятли бўлишлари керак. Бу бозор иқтисоди муносабатларининг энг муҳим талабидир.

Бозор иқтисодиёти шароитида хўжаликлар фаолиятининг ривожланиши ва самарали бўлиши иқтисодий муносабатлар амалга оширилишига ҳам бевосита боғлиқ. Масалан, мажмуа таркибидаги тармоқлар ўртасида товар айирбошлаш жараёнида пул-товар муносабатларини амалга оширишда эквивалентликни, яъни мутаносибликни сақлашга алоҳида эътибор бериш лозим. Гап бу ерда баҳо ҳақида бормоқда. Бунда талаб ва таклиф қонунларининг талаблари ҳам инкор этилмаслиги шарт.

Демак, баҳолар талаб ва таклифдан келиб чиққан ҳолда ўзаро мутаносиб бўлиши мақсадга мувофиқдир. Лекин агросаноат мажмуасида бундай мутаносиблик, афсуски, тўлиқ таъминлангани йўқ. Айниқса, қишлоқ хўжалик маҳсулотларининг баҳолари билан қишлоқ хўжалигида фойдаланилаётган саноат корхоналари маҳсулотларининг баҳоларини белгилаш масаласи доимо саноат тармоқлари фойдасига ҳал этилмоқда. Жумладан, 1991-2002 йилларда қишлоқ хўжалик маҳсулотларининг баҳоси уларнинг турлари бўйича 70-90 марта ошган бўлса, саноат маҳсулотларининг баҳолари эса 700-900 мартага ўсган. Улар ўртасидаги ўсиш фарқи **1 га 10 ни ташкил этган**. Яъни қишлоқ хўжалик маҳсулотларининг баҳоси 1 марта ошган бўлса, шу тармоқда фойдаланилаётган, саноат маҳсулоти ҳисобланган ишлаб чиқариш воситаларининг баҳолари 10 мартага ошган.

Қишлоқ хўжалиги ҳамда саноат тармоқлари маҳсулотларининг баҳолари ўртасидаги номуносибликни яна қуйидаги маълумотлардан ҳам кўриш мумкин:

1991 йилда бир дона «ТТЗ-80» маркали тракторни сотиб олиш учун 3,7 тонна пахта хомашёсини сотишдан олинган пул етган бўлса, 2002 йилда шу тракторни сотиб олиш учун эса 89,7 тонна пахта хомашёсини сотиш керак бўлган. Бу борадаги муносиблик 1991 йилда 1:3,7 бўлган бўлса, 2002 йилда 1:89,7 бўлган, яъни фарқ 24,2 марта ташкил этган.

Шунингдек, хизмат кўрсатувчи корхоналар бажараётган хизматлар учун нархлар асосланмаган ҳолда юқори даражада эканлигига ҳам алоҳида эътибор бериш зарур. Жумладан, 2002 йилда туманларда барпо этилган машина-трактор парклари 1 гектар шולי майдонидаги ҳосилни ўриб, янчиб берганлиги учун 38 минг сўмдан (Қорақалпоғистон Республикасида) 78 минг сўмгача (Тошкент вилояти хўжаликларидан) ҳақ олганлар. Республика ҳудудида фаолият кўрсатаётган машина-трактор парклари қишлоқ хўжалик корхоналарига ерларни ҳайдаш, ғалла, пахта ҳосилини йиғиб- териб бериш учун ҳам юқори нархлар қўймоқдалар. Бундай ҳоллар техника-таъмирлаш хизматини кўрсатувчи корхоналар фаолиятида ҳам мавжуд.

Бунинг объектив ва субъектив сабаблари бор. Саноат корхоналари давлат тасарруфидан чиқарилиб, акционерлик корхоналарига айлантирилиши натижасида тўлиқ иқтисодий эркинликка эгадирлар. Шунинг учун улар талаб ва таклифни ҳамда ўзларининг бозордаги ўрнини эътиборга олган ҳолда маҳсулотларига эркин баҳоларни белгиламоқдалар. Қишлоқ хўжалик корхоналари эса давлат мулки ҳисобланган ерларда маҳсулот етиштирмоқдалар, шунингдек, етиштирилаётган асосий маҳсулотлар (пахта, ғалла, шולי)га давлат буюртмаси мавжудлиги туфайли бу маҳсулотларнинг харид нархлари давлат томонидан белгиланмоқда. Бу масалани келажакда қишлоқ хўжалигига оид давлат дастурлари ишлаб чиқилиши билан алмаштиришга босқичма- босқич ўтиш натижасида ҳал этиш имкониятиларини шакллантириш мақсадга мувофиқдир.

Давлат қишлоқ хўжалик ишлаб чиқаришининг мавсумийлигини эътиборга олган ҳолда корхоналар фаолияти бир меъёрда амалга оширилишини таъминлаш мақсадида йилнинг биринчи чорагидаёқ давлат эҳтиёжлари учун зарур бўлган маҳсулотлар қийматининг 50 фоизи миқдоридан маблағни қишлоқ хўжалик корхоналарига ўтказиб бермоқда. Бунинг учун Республика Молия Вазирлиги қошида давлат буюртмаларига керак бўлган маҳсулотларни сотиб олиш мақсадида махсус фонд ташкил этилган. Бу фонддан ўтказилган маблағ эвазига қишлоқ хўжалик корхоналари ёқилғи, ёнилғи, ёғловчи материаллар, минерал ўғитлар, кимёвий воситалар ҳамда қишлоқ хўжалик техникалари учун бутловчи материаллар сотиб олишлари керак. Чунки бу маблағ айнан шундай харажатлар учун сарфланиши қатъий белгиланган, уни хўжаликлар бошқа мақсадларга сарфлай олмайди. Буни махсус банк назорат қилади. Республикада шу масала билан асосан акциядорлик- тижорат «Пахтабанк»и ва «Ғаллабанк»и шуғулланмоқда.

Бу соҳада ҳам иқтисодиётни эркинлаштириш жараёнини чуқурлаштиришга оид тадбирлар ишлаб чиқиб, уларнинг амалиётга жорий этилишини таъминлашга ҳаракат қилиш зарур. Бундан ташқари қишлоқ хўжалик корхоналари етиштираётган маҳсулотларининг сифатини яхшилаб, уларни ички ва ташқи эркин бозорга чиқариб, сотиш йўллари кидиришлари керак. Бунинг ҳуқуқий асослари яратилган. Улардан фойдаланиш учун маҳсулот сотувчилар савдо-сотик билан боғлиқ бўлган барча ташкилий, иқтисодий муносабатларни яхши ўзлаштириб олишлари керак.

Агросаноат таркибидаги корхоналар ўртасида пул-товар муносабатларини амалга ошириш жараёнида ҳам узилишлар юз бермоқда. Жумладан, қишлоқ хўжалик корхоналари саноат корхоналаридан пахта териш машиналарини, ҳайдов ва чопиқ тракторларини, минерал ўғитларни, кимёвий воситаларни, ёнилғи, ёқилғи материалларини олиб, уларнинг ҳақини белгиланган муддатда тўлай олмаётирлар. Худди шундай ҳолат хизмат кўрсатувчи

корхоналарининг бажарган ишларига, хизматларига ҳақ тўлаш борасида ҳам содир бўлмоқда. Қайта ишлаш саноати корхоналари эса қишлоқ хўжалик корхоналаридан пахта хомашёсини, дон маҳсулотларини, сабзавот-полиз, боғдорчилик ҳамда чорвачилик маҳсулотларини шартномлар асосида сотиб оламоқдалар. Афсуски уларнинг ҳақини белгиланган муддатларда тўлай олмаётирлар. Бундай ҳоллар мажмуа таркибидаги корхоналарнинг иқтисодий беқарорлиги шаклланишига маълум даражада сабаб бўлмоқда. Чунки уларнинг ўзаро қарзлари ортиб бормоқда. Бундай ҳолни қуйидаги маълумотлардан кўриш мумкин (1-жадвал).

1-жадвал

Республика агросаноат мажмуаси таркибидаги айрим тармоқлар корхоналари ўртасидаги ўзаро қарзларнинг ўзгариши (млн.сўм)

№		1998 йил		2001 йил		2002 йил	
		деби торлик	креди торлик	деби торлик	креди торлик	деби торлик	креди торлик
1.	«Ўзпахтасаноат» уюшмаси	4759,2	4821,65	35594,3	2855,1	747,9	59,2
2.	«Ўзмевасабзавотузумсаноат» холдинг компанияси	263,9	264,99	521,45	215,3	197,6	81,25
3.	«Ўзгўштсаноат» уюшмаси	310,5	142,2	896,4	287,4	288,7	202,1
4.	«Ўздонмаҳсулот» корпорацияси	762,1	6145,63	535,3	9314,3	70,2	151,6
5.	«Ўзбексавдо»	186,3	309,45	302,1	655,1	162,2	211,7
6.	«Ўзёғмойтамакисаноат»	254,8	985,7	1165,0	1919,0	457,2	194,7
7.	«Ўзенгилсаноат»	207,7	75,64	90,8	320,5	43,7	423,7
8.	«Ўзавтотранс»	52,2	1671,3	416,6	4886,6	798,1	292,4
9.	«Ўзқишлоқхўжаликтаъминот-тузатиш» қўмитаси	1456,8	7982,35	2033,3	23987,9	139,6	300,5
10.	«Ўзбекнефтгаз»	181,6	1370,9	958,4	676,6	527,7	49,4
11.	Энергия назорати	53,97	2498,1	605,7	2342,3	1122,3	93,8
12.	«Ўзозиковқатсаноат»	73,5	303,8	232,2	653,2	315,9	215,0
13.	«Ўзқишлоқхўжаликкимё»	95,14	13640,6	1485,1	15924,5	1561,0	116,7
14.	«Ўзжамоақурилиш»	133,6	924,9	298,65	1269,66	223,5	137,3
15.	«Ўзагроводоканал»	19,8	487,5	53,1	772,6	268,2	158,5
16.	«Ўзагрокоммуналхизмат»	31,8	396,1	57,0	245,8	179,2	62,0
17.	Хусусий чорва фермалари	673,6	174,0	664,0	216,8	98,6	124,6
18.	Дехқон хўжаликлари	1498,0	941,2	6779,4	2402,3	452,6	255,2
19.	Жамоа-ширкат хўжаликлар	20954	101610,3	51029,9	189206,2	243,5	186,2

* Республика Макроиктисодиёт ва статистика вазирлиги ҳамда Қишлоқ ва сув хўжалиги вазирлиги маълумотлари асосида тузилган.

Жадвалдаги маълумотларнинг далолат беришича, дебиторлик ва кредиторлик қарзлар барча тармоқларда мавжуд, лекин энг кўп кредиторлик ҳамда дебиторлик қарзлари жамоа ва ширкат хўжаликларига тўғри келмоқда. Агарда улар 1998 йилгача барча сотган қишлоқ хўжалик маҳсулотлари учун 101,6 млрд. сўмлик ҳақни қайта ишлаш корхоналаридан олишолмаган бўлса, 2002 йилнинг бошига келиб, бу кўрсаткич 189,2 млрд. сўмга етган ёки унинг умумий миқдори шу йиллар ичида 86,2 фоизга ўсган. Бу маблағларни вақтида

тўламаган корхоналар «Ўзмевасабзавотузумсаноат» холдинг компанияси, «Ўзпахтасаноат», «Ўзгўштсусаноат» уюшмалари, «Ўздонмахсулот» компанияси ва бошқа тармоқлар таркибидадир.

Қишлоқ хўжалик корхоналари сотган маҳсулотлари учун маблағларини вақтида олаолмаганликлари сабабли улар ҳам «Ўзқишлоқхўжаликтаъминоттузатиш» кўмитаси, «Ўзқишлоқхўжаликкимё», автотранспорт, энергетика ва бошқа тармоқларнинг маҳсулотлари, хизматлари учун тўланадиган маблағларни вақтида бера олмаётирлар. Булар шу тармоқлар ўртасидаги иқтисодий муносабатлар бузилаётганлигидан далолат бермоқда. Натижада корхоналар ўртасида ўзаро ишончсизлик муҳити ривожланмоқда. Корхоналар қарз маблағларини қонун йўли билан ундириш учун хўжалик суждларига мурожаат этмоқдалар, улар эса тушган даъволарни кўриб, тегишли қарорлар чиқармоқдалар. Шунинг натижасида вақтдан ютқазиб, маблағларини ола оламётганликлари оқибатида мажмуа таркибидаги корхоналарнинг ишлаб чиқариши талаб даражасида ривожланмаяпти.

Демак, келажакда агросаноат мажмуаси таркибидаги корхоналар ўртасидаги иқтисодий муносабатларнинг пул-товар муносабатлари асосида йўлга қўйилишини таъминлашга алоҳида эътибор бериш керак.

7 Мавзу: Озиқ-овқат ва халқ истеъмоли молларини ишлаб чиқариш мажмуаси. Давлатнинг озиқ-овқат хавфсизлиги.

7.1. Озиқ-овқат ва халқ истеъмоли моллари мажмуаси. Давлатнинг озиқ-овқат хавфсизлиги

Республика ҳукуматининг энг муҳм вазифаларидан бири аҳолининг истеъмол товарларига нисбатан ўсиб бораётган талабини қондиришдир. Чунончи, аҳоли озиқ-овқат ҳамда ноозиқ-овқат маҳсулотлари билан тўлиқ таъминланиши натижасида уларнинг фаровон ҳаёт кечиришлари учун асос яратилади. Бу муаммони агросаноат мажмуаси ҳал этади. Агросаноат мажмуасида барча тармоқлар ўзаро уйғунлашиши (интеграциялашуви) ҳамда ихтисослашиши натижасида аҳолининг икки хил эҳтиёжини қондирадиган маҳсулотлар ишлаб чиқарилиб, истеъмолчиларга етказиб берилиши зарур.

Улардан биринчиси озиқ-овқат маҳсулотлари ишлаб чиқариш. У озиқ-овқат маҳсулотлари мажмуасини ташкил этади. Унга нон ва нон маҳсулотлари, қандолат, шакар, гўшт ва гўшт маҳсулотлари, чой, узум виноси, коньяк, ароқ, турли хилдаги консервалар ва бошқа маҳсулотлар киради. Бу озиқ-овқат маҳсулотлари инсон организми учун зарур моддаларни бериб, унинг соғлом ўсишини таъминлайди.

Шу билан бирга агросаноат мажмуаси аҳоли учун ҳаёт кечириш жараёнида фойдаланиладиган товарлар ишлаб чиқаради. У халқ истеъмоли моллари мажмуасини ташкил этади. Унда оёқ кийими, кийим-бош, газламалар, саноат спирти, техника ёғлари ва бошқа маҳсулотлар ишлаб чиқарилади. Шу мажмуа ривожланиши билан аҳолининг яшаш шароити ўзгаради. Бу ерда аҳолининг зарур бўлган бошқа буюмлар, воситалар, шунингдек, уй-жой билан таъминланиши, унга турли хилдаги хизматлар кўрсатилиши ва бошқалар ҳам эътиборга олинishi керак.

Аҳолининг озиқ-овқат маҳсулотлари билан таъминланиши давлатнинг озиқ-овқат хавфсизлигига ҳам боғлиқ. Чунки мамлакат миқёсида озиқ-овқат маҳсулотлари ишлаб чиқариш ҳажми унга бўлган мамлакат эҳтиёжини ташқи омилларга (чет эл давлатларига) боғланмаган ҳолда таъминлаши лозим. Шунинг натижасида мамлакат миқёсида сиёсий-иқтисодий ҳамда ижтимоий барқарорлик таъминланади. Ўзбекистон Республикаси собиқ СССР таркибида бўлган даврда унинг ун ва ун маҳсулотларига бўлган талаби асосан республикага четдан келтириладиган маҳсулотлар эвазига қондирилди. Бу ҳолатни

республика мустақиллиги даврида сақлаб қолиш мутлақо мақсадга мувофиқ эмас эди. Шунинг учун ҳам республика ҳукумати ўтиш даврининг биринчи йилларидан бошлаб ғалла мустақиллиги сиёсатини изчиллик билан амалга ошириб келмоқда. Бунга эришиш учун самарали ҳисобланган пахта хомашёси ишлаб чиқариш ҳажмини камайтиришга ҳаракат қилинди. Натижада «иккинчи нон» ҳисобланган картошка етиштириш ҳам ривожлантирилди. Ҳозирги даврда маҳсулотнинг бу тури чет элдан сотиб олинаётгани йўқ, чунончи, бу борада ҳам давлат хавфсизигига эришилмоқда, лекин ҳозирги даврда республика аҳолиснинг гўшт ва гўшт маҳсулотлари, сут ва сут маҳсулотлари, ёғ маҳсулотлари билан таъминланиш даражаси тиббиёт нормативига нисбатан анча паст. Бу масалани ҳал этиш мақсадида агросаноат мажмуаси марказий бўғини ҳисобланган қишлоқ хўжалигининг барча тармоқларини интенсив ривожлантиришга алоҳида эътибор берилмоқда. Бунда чорвачилик тармоқларини устувор суръатларда ривожлантиришга ҳаракат қилинмоқда. Жумладан, паррандачиликни саноат негизида ривожлантиришга алоҳида аҳамият берилмоқда. Қорамолчилик, қўйчилик билан шуғулланадиган нодавлат корхоналари учун ҳар томонлама иқтисодий имкониятлар яратилмоқда. Уларни молиявий маблағлар билан барқарор равишда таъминлаш мақсадида имтиёзли кредитлар бериш йўлга қўйилмоқда, солиқ имтиёзлари берилмоқда, уларнинг ишлаб чиқаришлари учун зарур бўлган, чет эллардан келтириляётган воситалар божхона тўловларидан озод этилмоқда. Буларнинг ҳаммаси халқ истеъмоли моллари миқдорини кўпайтиришга йўналтирилган тадбирлар ҳисобланади.

Аҳолининг озиқ-овқат ва халқ истеъмоли товарлари билан таъминланишини юксалтириш учун энг аввало, агросаноат мажмуаси таркибидаги барча тармоқларнинг моддий-техника базаси мустаҳкамланишини, фан-техника янгиликлари ҳамда илғор, самарали технологиялар ишлаб чиқаришга изчил жорий этилишини ўзаро боғлиқ ҳолда таъминлаш зарур. Шу билан бирга мажмуа таркибидаги қайта ишлаш тармоқлари кўламини кенгайтириб, ишлаб чиқариляётган маҳсулотлар ассортиментини кўпайтириб, уларнинг рақобатбардошлигини таъминлаб, сифатли сақлаб, аҳолига ўз вақтида етказиб берилишига эришиш лозим.

Юқорида таъкидланган муаммоларни ҳозирги замон талаби даражасида ҳал этиш учун:

- агросаноат мажмуаси таркибидаги машинасозлик, нефть, кимё ва бошқа саноат тармоқлари қишлоқ хўжалигини ва унинг маҳсулотларини қайта ишловчи тармоқларни арзонроқ, сифатли, унумдор ишлаб чиқариш воситалари билан таъминлашлари;
- қишлоқ хўжалик тармоқлари мавжуд бўлган барча ишлаб чиқариш воситаларидан оқилона фойдаланган ҳолда талабни қондирадиган миқдорда сифатли маҳсулотларни ишлаб чиқаришлари;
- қишлоқ хўжалиги тармоқларининг ривожланишини таъминлаш мақсадида уларга турли хилдаги хизматларни вақтида, сифатли ва арзон нархларда амалга ошириш, жумладан, экинларни сув билан, техникалар, кимёвий воситалар, ўғитлар, озуқа-ем, ёқилғи, ёнилғилар билан, техникаларни таъмирлаш ва хизматлар кўрсатиш;
- қишлоқ хўжалигида етиштирилган маҳсулотларни нобуд этмасдан вақтида, сифатли тайёрлаб, қайта ишлаб, тайёр маҳсулотлар истеъмолчиларга етказиб берилишини таъминлаш лозим. Бунда маҳсулотларни сотиб олиб, қайта ишлаш корхоналари кўламини ривожлантиришга алоҳида эътибор бериш, республика Президенти И.Каримов таъкидлаганларидек, қишлоққа саноатни олиб бориш керак. Шу билан тармоқдаги аҳолининг иш билан таъминланиши, реал даромад олиши учун катта имконият яратилади;
- республика агросаноат мажмуаси таркибидаги тармоқлар ўртасидаги барча ўзаро муносабатларни (баҳолар, солиқлар, тўловлар) такомиллаштиришга ва уларни эркинлаштиришга қаратилган тадбирларни ҳамма бўғинларда ишлаб чиқиб, уларнинг ҳаётга татбиқ этилишини таъминлашга эришиш керак.

Бу тадбирлар туфайли аҳолининг озиқ-овқат ҳамда истеъмол товарлари билан тиббиёт меъёрлари даражасида таъминланишига эришилади. Бу ҳол давлатнинг озиқ-овқат хавфсизлиги таъминланганлигидан далолат беради.

Таянч иборалар:

Давлат раҳбарлиги, давлат бош ислохотчи, мулкни давлат тассаруфидан чиқариш, мулкни хусусийлаштириш, ер ислохоти, иқтисодий ислохотлар.

Қисқача хулосалар

Республика иқтисодиётини мустаҳкамлаш, аҳолини истеъмол товарлари билан таъминлашдек сиёсий, иқтисодий, ижтимоий вазифани ҳал этишда мамлакат агросаноат мажмуасининг аҳамияти катта. Шунинг эътиборига олган ҳолда агросаноат мажмуасини оқилона шакллантириш мақсадга мувофиқдир. Бунда мажмуа таркибини тўғри шакллантиришга алоҳида эътибор бериш лозим.

Агросаноат мажмуасининг марказий бўғини қишлоқ хўжалиги ҳисобланади. Уни ривожлантириш учун барча турдаги воситаларни ишлаб чиқарувчи тармоқларни, ҳар хил хизматлар бажарувчи соҳаларни ҳамда шу тармоқда етиштирилган маҳсулотларни қайта ишловчи ва уларни талабни қондириш мақсадида истеъмолчиларга сифатли қилиб етказиб бериш тармоқларни ўзаро боғлиқ ҳолда мақсадга мувофиқ ташкил этиш, жойлаштириш зарур.

Агросаноат мажмуасининг иқтисодий, ижтимоий самарадорлигини аниқлаш мақсадида тегишли кўрсаткичлар тизимидан фойдаланиш зарур. Бунда уларнинг мақсад ва вазифаларини эътиборга олиш керак. Агросаноат мажмуасини ривожлантириш мамлакат озиқ-овқат хавфсизлигини таъминлаш билан бирга халқ истеъмоли моллари ҳажмининг кўпайишини, уларнинг сифати яхшиланишини таъминлайди.

Келажакда агросаноат мажмуасини ривожлантириш учун қишлоқларда мажмуа билан боғлиқ бўлган тармоқларни ривожлантириш, улар ўртасидаги муносабатларни такомиллаштириш мақсадга мувофиқдир.

Назорат ва муҳокама учун саволлар

1. Агросаноат мажмуасини шакллантиришнинг зарурлигини исботланг.
2. Агросаноат мажмуасининг мақсади ва вазифалари нималардан иборат?
3. Агросаноат мажмуаси таркибига нималар киради?
4. Агросаноат мажмуасининг ривожланишини қандай кўрсаткичлар ифодалайди, улар қандай аниқланади?
5. Агросаноат мажмуасининг республика иқтисодиётидаги ўрнини қандай кўрсаткичлар ифодалайди ва улар қандай аниқланади?
6. Агросаноат мажмуасининг озиқ-овқат ҳамда халқ истеъмоли моллари мажмуаларини шакллантиришдаги аҳамиятини тушунтириб беринг.
7. Агросаноат мажмуасининг давлат озиқ-овқат хавфсизлиги муаммосини ҳал этишдаги аҳамиятини изоҳлаб беринг.

Асосий адабиётлар

1. Ўзбекистон Республикасининг «Фуқаролик Кодекси», “Тадбиркорликка оид қонун ҳужжатлари тўплами”, Т.: “Шарқ”, 2002.
2. Ўзбекистон Республикасининг «Меҳнат Кодекси», Т.: «Адолат», 1996

3. Ўзбекистон Республикасининг «Маъмурий жавобгарлик тўғрисидаги Кодекси», Т.: «Адолат», 1995
4. Ўзбекистон Республикасининг янги тахрирдаги 2004 йил 26 августдаги «Фермер хўжалиги тўғрисида»ги Қонуни, «Халқ сўзи» газетаси, 2004 йил 15 октябр
5. Ўзбекистон Республикасининг 1998 йил 30 апрелдаги «Дехқон хўжалиги тўғрисида»ги Қонуни, «Ўзбекистон Республикаси банклари томонидан кичик ва ўрта бизнесни қўллаб-қувватлаш бўйича қонунчилик ҳужжатлари тўплами», Т.: «Ўзбекистон», 2002 й.
6. Бланк И.А. «Основы финансового менеджмента». 2-х томах, К.: «Ника-центр» «Эльга», 1999.
7. Барнс Л.Б. и др., «Преподавание и метод конкретных ситуаций» – М., 2000
8. Богатин Ю.В. Швандар В.А., «Инвестиционный анализ. учебное пособие», - М.: ЮНИТИ, 2001
9. М.Н. Баканова, А.Д. Шереметова, «Экономический анализ: ситуации, тесты, примеры, задачи, выбор оптимальных решений, финансовое прогнозирование», - М.: Финансы и статистика, 2004

Интернет сайтлари:

2. www.ecfak.timacad.ru Московская сельскохозяйственная академия.
3. www.admin.ru Институт Агрэкономии и Бизнеса Приамурский.
4. Мардонова А.Т., Исҳоқова С.А. Аграр соҳада мулкый муносабатларни рўёбга чиқаришнинг долзарб услублари. www.ski.ilm.uz
5. Саратовская сельскохозяйственная академия. www.tstu.ru

8 Мавзу: Республикада ер ислоҳоти. Унинг босқичлари ва аҳамияти.

8.1. Ер ислоҳоти, унинг амалга оширилиши

Ер ислоҳотини ривожлантириш мақсадида Ўзбекистон Республикасининг «Ер Кодекси»га Олий мажлисининг 2004 йилнинг 28-29 августда бўлиб ўтган сессиясида талайгина ўзгартиришлар киритилди. Жумладан, қишлоқ хўжалик кооперативларига (ширкатларига) ҳамда бошқа корхона ташкилотларига қишлоқ хўжалик ишлаб чиқариш мақсадида ерлардан тўлиқ ва самарали фойдаланиш учун ижарага ёки доимий фойдаланишга ерларни қўшимча имконияти берилган. Қишлоқ хўжалик ерларини қишлоқ хўжалик ширкатларига маълум муддатга ижарага бериш бошқа ташкилотларга доимий фойдаланишга бериш ҳуқуқига туман ҳоҳоши ёки вилоят ҳокими эга. Бундай ҳолатни шакллантирилиши бизнингча, ер ислоҳотини соддалаштиришга эмас, балки мураккаблаштиришга, ноаниқликка олиб келиши мумкин. Чунки эндиликда ширкат хўжаликларининг раҳбарлари туман ҳокимидан ташқари яна вилоят ҳокимининг ҳам розилигини олиши зарур. Бу вақт ҳамда маблағ сарфини ошишига олиб келади. Шунинг билан биргаликда туман ҳокимларининг ролини ҳам пасайишига олиб келади. Бундай ҳолни олдини олиш учун аввалги тартибни сақлаган ҳолда интизомий жавобгарликни ҳамда маъсулиятни кучайтириш лозим.

2004 йилнинг сентябр ойидан бошлаб фермер хўжаликларига ерни ижарага бериш 30 йилдан 50 йилгача бўлган муддат белгиланади. Шу давргача эса энг ками 10 йил деб белгиланган эди. Эндиликда шу давргача чўзилган ижара муддатлари автоматик равишда 30 йилга ўзгартирилди. Масалан, фермер ерни 10,15,25 йилга ижарага олган бўлса, 2004 йилнинг сентябр ойидан бошлаб, уларнинг муддати 30 йил деб тан олинади. Агарда 30 , 65 , 40 , 50 йилга ижарага олинган бўлса, бу муддатлар сақланиб қолинади.

Қишлоқ хўжалик кооперативларида (ширкатларида) қишлоқ хўжалиги маҳсулотларини етиштириш учун умумий йиғилишнинг қарорига биноан оилага 5 йил муддатга пудратга берилади. Шу муддат тугагач, пудратчи белгиланган шартларни бузмаган бўлса, шу ерларни унга пудратга бериш янги муддатга узайтирилади.

Республикамиз қишлоқ хўжалигини барқарор ривожлантиришда ер-сув ресурсларининг аҳамияти бекиёс. Чунки улар ёрдамида мамлакатимиз ички ялпи маҳсулотининг тўртдан уч қисми, халқимиз истеъмол қилаётган маҳсулотларнинг 95 фоизи етиштирилмоқда. Шундай экан, улардан келажакда янада тўлиқроқ, самаралироқ фойдаланиш долзарб муаммо ҳисобланади. Уни ҳал этиш мақсадида республика ҳукумати томонидан сиёсий, ҳуқуқий, ташкилий, иқтисодий ҳамда ижтимоий аҳамиятга эга бўлган чора-тадбирлар амалга оширилмоқда. Чунончи, ер, сув, мулк тўғрисидаги қонунлар, кодекслар қабул қилинди. Уларда республикада ерларга, сувларга эгалик қилиш, улардан мақсадга мувофиқ ҳамда самарали фойдаланиш борасидаги муносабатлар тизими ва уларни амалга ошириш тартиби кўрсатилган. Ер-сув ресурсларига эгалик қилишнинг ҳуқуқий асоси Ўзбекистон Конституциясининг 55-моддасида «Ер...сув...умуммиллий бойликдир, улардан оқилона фойдаланиш зарур ва улар давлат муҳофазасидадир»¹ деб алоҳида таъкидланган.

Республикамиз жами ер майдонига умуммиллий бойлик, давлат мулки сифатида эгалик қилиш ҳуқуқи Ўзбекистон Олий Кенгаши зиммасига юклатилган. Олий Кенгаш ўз ваколатидаги ер муносабатларининг айрим масалаларини халқ депутатлари қишлоқ, шаҳар, посёлка, туман ҳамда вилоят кенгашлари ва уларнинг ижроия кўмиталари зиммасига юклаган. Улар юқорида келтирилган қонун талабларидан келиб чиққан ҳолда ерларни улардан оқилона, самарали фойдаланиш мақсадида фойдаланувчиларга маълум муддатга ҳақ тўлаш эвазига фойдаланиш учун бермоқдалар. Демак, улар ер ислохотини амалга оширишга маъсулдилар. Чунки улар ерларни самарали фойдаланиш учун ҳақиқий эгасига бериш билан боғлиқ бўлган масалаларни ҳал этадилар.

Сўнгги йилларда ерлар қонунда белгиланган тартибда қишлоқ хўжалик корхоналарига турли муддатларга фойдаланиш учун ҳақ тўлаш эвазига (ер солиғи) ижарага берилмоқда. Масалан, 2002 йилнинг бошига республикада жами ер фондининг 56,3 фоизи ёки 25,3 млн. гектари жамоа ҳамда ширкат хўжаликларига, 642,4 минг гектари эса мустақил фермер ва деҳқон хўжаликларига узоқ муддатга фойдаланишга берилган.

Шу билан биргаликда республика фуқароларига шахсий ёрдамчи хўжаликларини, жамоа боғдорчилигини, узумчилигини яратиш ҳамда яқка тартибдаги уй-жой қурилиши ва уни ободонлаштириш учун мерос қилиб қолдириш шарт ва умрбод эгалик қилиш ҳуқуқи билан белгиланган миқдорда ер берилмоқда. Демак, шу қоидага мувофиқ ерни авлоддан-авлодга мерос қилиб қолдириш таъминланган. Яъни шу ерларга эгалик қилиш ҳамда улардан фойдаланиш ҳуқуқи фуқароларга умрбод берилган. Бу республикада ер ислохотидаги энг муҳим ютуқ ҳисобланади. Лекин фуқаролар қонунларда кўрсатилган шартларни бузсалар, уларнинг ерга меросхўр сифатида эгалик қилиш ҳуқуқи юқоридаги ташкилотлар томонидан бекор этилиши ҳам кўрсатилган. Ислохот натижасида республика қишлоқ ҳудудларида яшаётган фуқароларга умрбод фойдаланиш учун 1990-2002 йиллар давомида 600 минг гектарга яқин қишлоқ хўжалик ерлари берилди. Бу майдон Андижон вилоятининг қишлоқ хўжалик ерларига нисбатан 2,2 марта, Фарғона вилоятиникига нисбатан 1,8 баробар кўпдир. Ерларни бериш натижасида 3,2 млн. дан ортиқ оиланинг ер билан таъминланганлик даражаси ҳозирги даврда қондирилган. 2001 йилнинг бошига келиб мамлакат аҳолиси ихтиёрида 625,8 минг гектар томорқа ерлари бор эди. Аҳоли берилган ерга қонун доирасида эгалик қилиш ҳамда ундан самарали фойдаланиш натижасида юртдошларимизни қишлоқ хўжалик маҳсулотлари билан таъминлашга улкан ҳисса қўшмоқда. 2001 йилда аҳоли ихтиёридаги ерлардан республикада етиштирилган

¹ Ўзбекистон Республикасининг Конституцияси. Тошкент. «Ўзбекистон», 1992.

жами дон маҳсулотларининг 19,3 фоизи, картошканинг-80 фоизи, сабзавотнинг-74,8 фоизи, полиз маҳсулотларининг-64 фоизи, узумнинг-35 фоизи олинган. Шунингдек, томорқа хўжаликларида жами гўшт маҳсулотларининг-91,1 фоизи, сутнинг-93,6 фоизи этиштирилган. Таъкидлаш керакки, ерларни юридик шахсларга узоқ муддат фойдаланиш учун ижарага бериш жараёнида маълум қийинчиликлар келиб чиқмоқда. Масалан, мустақил фаолият кўрсатиш ҳуқуқига эга бўлган фермер хўжаликлари фойдаланиш учун ер сўраб, ўзи жойлашган ҳудуддаги туман ҳокимлигига ҳамда хўжаликнинг раҳбарига ёзма равишда мурожаат этмоқдалар. Лекин бу масала айрим ҳолларда белгиланган 1 ой муддатда ҳал этилмаётир. Бунинг бир қанча сабаблари мавжуд. Дарҳол ер бериш учун туман халқ депутатлари ижроия қўмиталарининг ихтиёрида бўш ерлар йўқ. Демак, улар сўзсиз хўжалик раҳбарларига мурожаат этадилар. Хўжалик раҳбарлари эса ўз ихтиёрларидаги ерларни осонликча беришмайди. Чунки уларнинг зиммасида давлат буюртмалари бор, қолаверса, шу ерлардан маълум миқдорда фойда оладилар. Шундай экан, хўжаликлар ихтиёридаги ерларни мустақил фермер, деҳқон хўжаликларига олиб беришда юқорида кўрсатилган масалаларнинг ҳал этилишига алоҳида эътибор бериш зарур. Шу билан биргаликда мустақил фермер ва деҳқон хўжаликларига ерларни қишлоқ хўжалик йили бошланмасдан ҳамда кузги дон экинлари ҳосили йиғиштириб олингандан сўнг берилишини таъминлаш мақсадга мувофиқдир.

Ўзбекистонда ер муносабатларини ривожлантириш мақсадида Президент И.А. Каримов томонидан 1994 йил май ойида «Ерлардан фойдаланишни яхшилаш тўғрисида» махсус фармон имзоланган. Шу фармонга кўра, маълум миқдордаги ер майдонларини хусусий мулк сифатида «ким ошди» савдоларида сотишга рухсат этилган. Улкан сиёсий аҳамиятга молик тадбирдир. Шундай экан, сотилиши белгиланган ер майдонининг дастлабки баҳосини белгилаш билан боғлиқ бўлган илмий-тадқиқот ишларини ташкил этиш лозим. Унда қандай ерлар сотилаётганлиги, уларнинг қандай жойда жойлашганлиги, коммуникациялар тизимининг ривожланганлиги, олинаётган фойда миқдори, инфляция коэффициенти ва бошқа масалалар эътиборга олинishi лозим.

Ерлардан фойдаланганлик учун ягона ер солиғининг 1999 йил 1 январдан жорий этилиши муносабати билан янги муаммо шаклланмоқда. Чунки аввал ер солиғи тўлиқ маҳаллий бюджетга ўтказилар эди. Эндиликда эса бу масала тўлиқ ҳал этилмаган. Чунки ҳозирги ягона ер солиғи таркиби бир нечта солиқлардан ташкил топган. Лекин уларнинг қандай тақсимланиши тўлиқ кўрсатилмаган. Оқибатда маҳаллий бюджет эвазига ерларнинг сифатини яхшилаш билан боғлиқ бўлган маблағлар миқдори қисқариши ерларнинг иқтисодий унумдорлигига салбий таъсир кўрсатиши мумкин.

Таъкидланган масалаларнинг ижобий ҳал этилиши ер муносабатлари такомиллашишини таъминлайди.

1-жадвал
Зарар кўриб ишлаётган, паст рентабелли ва истиқболсиз
ширкат хўжаликларини 2005-2007 йилларда фермер хўжаликларига айлантириш
дастури (сони)¹

Минтақалар (вилоятлар)	Мавжуд ширкат хўжаликлар сони	2005-2007 йилларда фермер хўжалик- ларига айлантириладиган сони		Шу жумладан		
				2005	2006	2007
Қорақалпоғистон Республикаси	90	82.2	74	40	14	20
Андижон	186		117	28	45	44
Бухоро	118		46	32	23	21
Жиззах	53		33	33	-	-
Қашқадарё	100	75	75	31	22	22
Навоий	66	47	31	10	12	9
Наманган	135		109	30	45	34
Самарқанд	197		137	41	50	46
Сурхондарё	133		82	22	31	29
Сирдарё	32		20	20	-	-
Тошкент	194		123	16	53	54
Фарғона	156	92.9	145	56	54	35
Хоразм	90	97.8	88	47	21	20

Жумладан, шу йиллар мобайнида Навоий вилоятида 47 фоизга яқин ширкат хўжаликлари фермер хўжаликларига айлантирилса, Фарғона вилоятида 92.9 фоизи, Хоразм вилоятида эса 97,8 фоизи айлантирилади. Келажакда бу вилоятларда фақатгина фермер хўжаликлари фаолият кўрсатиши мумкин.

Лекин эркин бозор иқтисоди шароитида барча фаолият кўрсатаётган субъектларга бир хил шароит яратилиши талаб этилади. Шундай шароитда рақобат асосида субъектлар ўз фаолиятини ривожлантиришга интилади. Шу қарорда 2005 йилда 406 та ширкат хўжаликлари фермер хўжаликларига айлантирилиши белгиланган. Ҳақиқатда эса 445 та ширкат хўжалиги тугатилиб, фермер хўжаликларига айлантирилади. Бу албатта ижобий ҳол. Устувор йўналишнинг самарали бўлишини таъминлаш мақсадида “Фермерларга хизмат кўрсатиш, уларни зарур моддий ресурслар ва техника билан таъминлаш бўйича бозор инфратузилмасини шакллантириш жараёнини тезлаштириш зарур” деб Президент И.А.Каримов ўзининг юқорида қайд этилган маърузасида алоҳида таъкидлаган.

Бу муҳим масалани ҳал этиш мақсадида қишлоқда бозор инфратузилмасини шакллантиришга катта эътибор берилмоқда. қишлоқ ҳудудларида 2003-2005 йилларда муқобил МТПлар, ЕММ, минерал ўғитларни ва бошқа кимёвий воситаларни сотиш шаҳобчалари, сувдан фойдаланувчилар уюшмаси, мини банклар ва бошқалар шакллантирилиб, ривожлантирилмоқда. Лекин ташкил этилган бозор инфратузилма субъектлари ўзларининг олдида қўйилган вазифаларни тўлиқ ва самарали ҳал этишга эришганларича йўқ. Чунки уларда бинолар, техникалар бўлган ҳолда малакали мутахассислар билан тўлиқ таъминланмаган.

¹ Ра=амлар Республика Вазирлар Маъкамасининг 2004 йил 24 декабрдаги 607-сонли =арори иловасидан олинган.

Қишлоқларда барпо этилаётган бозор инфратузилмаси субъектларининг аксарият қисми тижорат корхоналари ҳисобланади. Уларда бино, иншоотларни, машина, трактор ва техникаларни етарли миқдорда барпо этиш учун имтиёзли кредитлаш тизимини ишлаб чиқиш мақсадга мувофиқдир. Улар шунингдек бошқа манбалардан маблағларни жалб этишга алоҳида эътибор беришлари зарур. Шунинг билан биргаликда кўрсатаётган хизматларини, сотаётган маҳсулотларининг нархларини асосланган ҳолда ўрнатишлари лозим. Уларнинг ижобий ҳал этилиши келажакда барпо этиладиган бозор инфратузилмаси субъектларини тўғри ташкил этилишини таъминлайди. Чунки 2005-2006 йилларда мамлакат қишлоқ ҳудудларида 688 та муқобил МТПлар, 672 та сувдан фойдаланувчилар уюшмаси, 1269 та ЕММ, минерал ўғитлар, кимёвий воситаларни сотиш билан шуғулланадиган шаҳобчаларни ва бошқаларни ташкил этиш белгиланган.

Фермер хўжаликларини ривожлантиришда устуворлик шартнома мажбуриятларини тўлиқ бажарилишини таъминлашга қаратилган. Бозор иқтисодиёти шароитида барча субъектлар учун ҳар қандай муносабатларнинг (айниқса иқтисодий) асосини тўғри тузилган шартномалар ташкил этади. Шулар асосида ўзаро муносабатларини амалга оширадilar. Шартнома шартлари бажарилмаган ҳолларда хўжалик субъектларининг инкирозга учрашига асос бўлади. Фаолият кўрсатаётган фермерлар шартномаларни бажаришга катта эътибор бермоқдалар. Лекин шунга қарамадан шартнома шартларининг бажарилмаганлик ҳолатлари ҳам мавжуд. Масалан, фермерлар ўзларининг банклардаги ҳисоб варақасидаги маблағларни зарур бўлган пайтларда ололмаётганлиги, зарур бўлган ишлаб чиқариш воситаларини керак бўлган пайтда уларни сотувчи шаҳобчаларидан тўлиқ ололмаётганлиги ҳоллари мавжуд. Сўзсиз бу камчиликларга келажакда барҳам бериш керак.

Фермерликни келажакда ривожлантириш борасидаги ишларни чуқурлаштириш ва қўллашни кенгайтиришнинг асосий йўналишлари ушбу ўеув қўлланманинг 2-бобида батафсил ёритилганлиги муносабати билан бу бобда айримлари ёритилган.

Барча белгиланган чора-гадбирларни келажакда ҳал этилиши натижасида мамлакатда фермерлик янада барқарор ривожланиб, унинг самарадорлиги юксалди.

Фермер хўжалигини шу хўжаликнинг ўн саккиз ёшга тўлган, қишлоқ хўжалигида тегишли билим-малака ва иш тажрибасига, яхши муомала қилиш қобилиятига эга бўлган баркамол аъзоларидан бири бошқариши мумкин. Фермер хўжалигининг Уставидаги Устав фондида кўрсатилган қуйидаги воситалар, маблағлар унинг мулки ҳисобланади. Чунончи:

- уй-жойлар, хўжалик иншоотлари, қишлоқ хўжалик экинлари ва кўчатзорлари, кўп йиллик дарахтлар, маҳсулдор чорва моллари, паррандалар, қишлоқ хўжалик техникаси, асбоб-ускуна, транспорт воситалари, пул маблағлари, интеллектуал мулк объектлари;

- ишлаб чиқариш фаолияти натижасида етиштирилган маҳсулотлар;
- ишлаб чиқарилган маҳсулотларни сотишдан, иш ва хизматлар кўрсатишдан тушган пул маблағлари, олинган фойда;
- олинган кредит маблағлари;
- аъзоларининг қимматли қоғозлари, улар эвазига олинган дивидентлар;
- юридик ва жисмоний шахсларнинг беғараз хайрия, эҳсонлари ва бошқалар.

Шу мулклардан самарали фойдаланиш натижасида хўжаликни ривожлантириш унинг аксарият аъзолари шахсий меҳнатига боғлиқ. Бу шаклдаги хўжалик фаолият кўрсатиш жараёнидаги ишларга айрим ҳолларда, яъни аъзоларининг қуввати етмаганда меҳнат шартномасига асосланган ҳолда ишчи-хизматчиларни ёллаши мумкин.

Фермер хўжалиги ўз мулкидан, меҳнат ресурсларидан оқилона фойдаланган ҳолда иxtисослашиши бўйича шартномалар асосида қишлоқ хўжалик маҳсулотлари етиштириш, уларни қайта ишлаш, хизматлар кўрсатиш, маҳсулотларни сотиш, шунинг натижасида олган пул даромадларини тақсимлаш, ишчи-хизматчиларини рағбатлантириш ҳамда

ижтимоий ҳимоялаш, фаолиятини ривожлантириш билан боғлиқ бўлган фаолиятларни кўрсатади. Унинг иқтисодий негизини 1 оила аъзоларининг мол-мулки, маҳсулотлари ташкил этади ва хўжалик фаолиятини «Фермер хўжалиги тўғрисида»ги қонун асосида юритади. Фермер хўжалиги ўз мулки, ижарага олган ерлардан, машина, техникалардан самарали фойдаланган ҳолда талаб этилган қишлоқ хўжалик маҳсулотларини етиштириш, уларни қайта ишлаш ҳамда сотиш билан шуғулланади. Тадбиркорликнинг бу шакли иқтисодий жиҳатдан ривожланган давлатларда салмоқли ўринни эгаллайди. АҚШ, Франция, Голландия давлатларида улар жуда яхши ривожланган.

Республикамызда ҳам фермер хўжаликлари аста-секин ривожланмоқда. 2002 йилнинг 1 январига уларнинг умумий сони 55445 тага етган. Уларга 1054,7 минг гектар ер майдони узоқ муддатга ижарага берилган. Шу майдонда 386,2 минг раҳбар ва ишчи фаолият кўрсатмоқда, шулардан 10,3 фоизи вақтинча ёлланган ишчилардир. Уларнинг бажараётган ишлари, ишлаб чиқараётган маҳсулотлари ҳажми йилдан-йилга ошиб бормоқда. 2001 йилда бу хўжаликларда 744 минг тонна дон, 664 минг тонна пахта, 30,3 минг тонна картошка, 55,6 минг тонна полиз, 42,6 минг тонна турли хилдаги мева ва бошқа турдаги маҳсулотлар етиштирилди. Фермер хўжаликлари пахта ва дон маҳсулотларини белгиланган давлат буюртмаларини бажариш учун шартномалар асосида давлат ташкилотларига сотмоқдалар. Бошқа маҳсулотларни шартнома асосида эркин ҳолда сотиб, пул даромадларини кўпайтирмоқдалар.

Фермер хўжаликларининг иқтисоди жамоа, ширкат хўжаликларидагига нисбатан юқорироқ бўлмоқда. Бунинг бир қанча сабаблари мавжуд, яъни жамоа, ширкат хўжаликларида асосий воситалар нисбатан кўплиги сабабли уларнинг харажатлар таркибидаги салмоғи фермер хўжалигидагидан юқори, шунингдек, умумишлаб чиқариш, умумхўжалик харажатлари ҳам кўпроқ. Дехқон хўжаликларида харажатлар асосан уруғлик, ёкилғи, озуқа ҳамда агротехник тадбирларни амалга оширишга сарфланади. Бу хўжаликлар ихтиёридаги воситалардан фойдаланганлик учун уларнинг эскириши билан боғлиқ бўлган харажатлар доимо ҳам ҳисобга олинмайди. Бундай ҳол талабга жавоб бермайди. Шунинг учун бу масалани ижобий ҳал этиш зарур.

Ҳозирги даврда фермер хўжаликларининг ер майдони бўйича ҳажми жуда кам. 2002 йилнинг 1 январига республика миқёсида 1 та фермер хўжалигига ўртача 19 гектар ер берилган. Бу кўрсаткич 8,7 гектардан (Андижон вилоятида) 36 гектаргача (Қорақалпоғистон Республикасида), етиштирилаётган маҳсулотлари ҳажми ҳам унчалик кўп эмас. Фермер хўжаликларининг бу ўртача кўрсаткичлари оптималга нисбатан 3-4, АҚШ, Франция, давлатларидагига нисбатан эса ўнлаб марта кам. Шунинг учун ҳам майда фермер хўжаликларида қишлоқ хўжалик техникаларидан фойдаланиш имконияти чекланган. Сабаби – фермерлар ҳозирги даврда ишлаб чиқариш воситалари билан етарли даражада таъминланган эмас. Давлат томонидан берилаётган эътиборга қарамасдан улар доимо ҳам молиявий маблағлар, кредитлар билан талаб даражасида таъминланаётгани йўқ. Келажакда фермер хўжаликларини ривожлантириш самарадорлигини юксалтириш учун ташкилий, иқтисодий, ижтимоий тадбирлар тизимини амалга ошириш мақсадга мувофиқдир.

Ҳукумат томонидан фермер хўжаликлари сонини кўпайтиришга қаратилган ташкилий тадбирлар амалга оширилмоқда. Чунончи, 2002 йилнинг 5 январида Республика Вазирлар Маҳкамасининг «Қишлоқ хўжалик корхоналарини фермер хўжаликларига айлантириш тўғрисида»ги 8-сонли қарори қабул қилинди. Унда республикадаги норентабел 37 та хўжалик фермер хўжаликларига айлантирилиши режалаштирилган. Келажакда уларни ривожлантиришни таъминлайдиган иқтисодий тадбирларни ҳам белгилаш мақсадга мувофиқдир.

Фермер хўжаликлари билан биргаликда мустақил юридик шахс мақомига эга бўлган дехқон хўжаликлари ҳам қишлоқ хўжалигида тадбиркорлик билан

шуғулланмоқдалар. Дехқон хўжалиги оилавий майда товар хўжалиги бўлиб, оила аъзоларининг шахсий меҳнати асосида мерос қилиб қолдириладиган, умрбод эгалик қилиш учун оила бошлиғига (меросхўрга) фойдаланишга беркитилган томорқа ер участкасида қишлоқ хўжалиги маҳсулотлари етиштиради. Бу маҳсулотларни даставвал ўз талабларини қондириш учун ишлатиб, ортиқчасини турли хилдаги бозорларда истеъмолчиларга сотади. Дехқон хўжалиги фаолиятини «Дехқон хўжалиги тўғрисида»ги қонун асосида амалга оширади. Дехқон хўжаликлари таркибига томорқа ерларига эга бўлган оила хўжаликларини ҳам киритиш мумкин. Уларнинг асосий мақсади – шахсий меҳнатлари, мол-мулкларидан фойдаланган ҳолда ўз талабларини ҳамда бошқаларнинг талабларни қондириш учун қишлоқ хўжалик маҳсулотлари етиштириш. Оила хўжаликлари чорвачилик, сабзавот, полиз маҳсулотлари билан истеъмол бозорини тўлдиришда фаол қатнашмоқдалар. Аҳоли истеъмол қилаётган маҳсулотларнинг аксарият қисмини дехқон хўжаликлари етказиб бермоқда.

Улар 2000-2001 йилларда республикада етиштирилган жами гўшт ва гўшт маҳсулотларининг 91-92 фоизини, суг маҳсулотларининг 93-94 фоизини, картошканинг 80-82 фоизини, сабзавотнинг 74-76 фоизини, пахта хомашёсининг 17-19 фоизини, дон маҳсулотларининг эса 19-21 фоизини етиштирдилар. Боғдорчилик, сабзавот ҳамда полиз маҳсулотларини кўшни давлатларга ҳам чиқариб сотмоқдалар. Шунинг натижасида ўз иқтисодиётини юксалтиришга ҳаракат қилмоқдалар.

Фермер ҳамда дехқон хўжаликларида экинларнинг ҳосилдорлиги, чорва ҳайвонларининг маҳсулдорлиги жамоа, ширкат хўжаликларидагига нисбатан анча юқори. Чунки уларда мулк ва унга эгалик қилиш имкониятлари мавжуд. Ўз меҳнатлари натижаларига ўзлари эгалик қилади. Шундай экан, келажакда фермер, дехқон хўжаликларининг фаолиятини янада ривожлантиришга алоҳида эътибор бериш мақсадга мувофиқдир.

Бозор иқтисодиёти шароитида барча корхоналар, шу жумладан, ҳар қандай турдаги қишлоқ хўжалиги корхоналари фаолият кўрсатиш натижасида фойда олиши зарур. Акс ҳолда инқирозга учрайди. Демак, бундай корхоналар иқтисодиётини ривожлантириш объектив зарурият ҳисобланади. Одатда, тадбиркорлик шакллари иқтисодиётини барқарорлаштириш ҳамда юксалтириш мақсадида бир қанча тадбирлар амалга оширилади. Жумладан, сурункасига зарар кўриб фаолият кўрсатаётган корхоналар негизида тадбиркорликнинг самарали шакллари ташкил этилиб, мулкчиликнинг ҳам бошқа тури барпо этилади. Натижада мулк фойдаланувчилар ихтиёрига берилади. Чунончи, республикада қишлоқ хўжалигида 1998-1999 йилларда сурункасига зарар кўраётган корхоналарни санация қилиш (иқтисодий соғломлаштириш), тармоқда ислохотларни янада чуқурлаштиришнинг кўшимча чора-тадбирлари белгиланди: мамлакатимиз Вазирлар Маҳкамаси 1999 йил 25 декабрда 453-сонли қарор қабул қилди. Қарорда 1998-1999 йилларда сурункасига зарар кўриб фаолият кўрсатаётган қишлоқ хўжалик корхоналари негизида мулквий пайга асосланган қишлоқ хўжалик кооперативларини (ширкатларни), фермер ва дехқон хўжаликларини ташкил этиш назарда тутилган.

Шу асосда вилоят ва туман ҳокимларининг ҳам қарори қабул қилиниб, комиссиялар тузилади. Бу комиссиялар ҳукумат комиссияси билан келишилган ҳолда сурункасига зарар кўриб фаолият кўрсатаётган жамоа хўжаликлари иқтисодиётини соғломлаштириш бўйича батафсил дастур тузишлари лозим. Дастурда тугатилаётган хўжалик ихтиёридаги ер майдонлари, асосий воситалар, моддий-товар воситалари, бошқа мулклар, тугалланмаган ишлаб чиқариш ҳамда ортиқча ҳисобланиб, сотилиши лозим бўлган асосий воситалар, моддий-товар буюмлари, тузилган шартномалар тўлиқ текширилиши кўзда тутилиши талаб этилади. Дебиторлик қарзларини тўлаш бўйича аниқ тадбирлар ишлаб чиқилади. Санация қилиш муддатида (йигирма тўрт ой) хўжалик

иқтисодиётини молиявий жиҳатдан соғломлаштириш ва унинг ривожланишини (бизнес режа) таъминлаш бўйича режаларнинг бажарилишини таъминлайдиган тадбирларни тузиш ва уларнинг иқтисодий жиҳатдан асосланиши кўрсатилади.

Хўжаликлар иқтисодиётини соғломлаштириш бўйича тузилган худудий комиссиялар меҳнат ресурслари билан шуғулланадиган ташкилотлар билан биргаликда янгитдан барпо этиладиган хўжаликлар учун талаб этиладиган меҳнат ресурсларининг миқдорини аниқлашлари лозим. Бунда маҳсулот етиштириш бўйича технологик карталар ва бошқа меъёрий ҳужжатлардан фойдаланиш керак.

Туман комиссияси сурункасига зарар кўриб ишлаётган хўжаликни тугатиш тўғрисида эълон бериб, унинг негизида фермер хўжалиklarини тузиш ҳақида қарор қабул қилди. Қарорни тегишли кредиторларга етказиб, улар билан бўладиган иқтисодий муносабатларни амалга ошириш тартибини келишиб олади. Эълонга мувофиқ мустақил фермер хўжалиklари ташкил этишни хоҳлаган хўжалик аъзоларининг аризаларини белгиланган тартиб ва мазмунда қабул қилади. Ташкил этиладиган фермер хўжалиklари тендер (танлов) асосида аниқланади. Улар тўғрисида туман ҳокимининг қарори чиқарилиб, давлат рўйхатидан ўтказилади. Рўйхатдан ўтказилган фермер хўжалиklарига тугатилаётган хўжаликнинг барча ер майдонлари, асосий воситалари, материал ва хомашёлари, дебиторлик, кредиторлик қарзлари тақсимланади. Ер майдонлари рўйхатдан ўтказилган фермерларнинг аризаларига, етиштириладиган маҳсулотларига, хўжаликдаги ишчилар сонига мувофиқ равишда бўлинади. Бунда унумли ҳамда унуми пастроқ бўлган ер майдонлари мутаносиб равишда тўғри тақсимланишига алоҳида эътибор бериш мақсадга мувофиқдир. Ер майдонлари ташкил этилаётган фермер хўжалиklари ўртасида тақсимланганидан сўнг уларга ерга эгалик ҳуқуқини берувчи далолатнома берилади.

Тугатилаётган хўжаликларнинг мулклари ва манба билан қопланмаган кредиторлик қарзлари янгитдан ташкил этилаётган фермер хўжалиklарига қуйидаги тартибда тақсимланади: даставвал санация қилинаётган хўжалик ихтиёрида мавжуд бўлган барча мол-мулкларнинг миқдори, қиймати, дебиторлик ва кредиторлик қарзлари суммаси белгиланган тартибда батафсил рўйхатга олинади. Хўжаликлар ихтиёридаги ижтимоий соҳа объектлари эса баланс қиймати (айрим ҳолларда эркин келишилган баҳолар) бўйича маҳаллий ҳокимият балансида ўтказилади. Шу билан биргаликда ташкил этилаётган фермер хўжалиklарининг талабларидан ортиқча ҳисобланган машиналар, механизмлар, бошқа техникалар ўзга юридик ва жисмоний шахсларга келишилган бозор баҳоларида сотилиб, тушган пул хўжаликнинг кредиторлик қарзларини тўлашга сарфланади.

Ишга яроқсиз ҳисобланган машина-механизм ва техникалар белгиланган тартибда хўжалик ҳисобидан чиқарилади.

Сотилган ва ҳисобдан чиқарилган асосий воситалар қиймати бошланғич баланс баҳоларида ҳисобдан чиқарилиши зарур. Тақсимланадиган асосий воситаларнинг миқдори, қиймати шу суммага камайтирилади.

Санация этиладиган хўжаликлардаги ишчи, маҳсулдор, ўстириш ва боқувга қўйилган чорва ҳайвонлари ҳам тўлиқ хатловдан ўтказилиб, уларнинг баҳолари (барча харажатлари қўшилиб) аниқланади. Шундан келиб чиққан ҳолда ва талабни эътиборга олиб, бу молларнинг эркин сотиш баҳолари белгиланади ва улар шу баҳолар бўйича сотилади. Улар бошланғич қийматларида ҳисобдан чиқарилиб, тақсимланадиган асосий воситаларнинг умумий миқдори ва қиймати шу суммага камайтирилади.

Юқорида кўрсатилган тартибда тугатилаётган хўжаликнинг ҳақиқатда тақсимланиши лозим бўлган мулки, дебиторлик ҳамда кредиторлик қарзлари аниқланади.

Масалан, тугатилаётган хўжаликнинг мулки қуйидагилардан ташкил топган дейлик: жами – 200 млн. сўм.

Шундан:

- асосий воситалар қиймати – 80 млн. сўм;

- тугалланмаган қурилиш қиймати – 15 млн. сўм;
- сотиб олинган акциялар суммаси – 5млн. сўм;
- ишлаб чиқариш заҳиралари қиймати – 29 млн. сўм;
- тугалланмаган ишлаб чиқариш харажатлари – 20 млн. сўм;
- тайёр маҳсулот – 20 млн. сўм;
- келгуси давр харажатлари – 1 млн. сўм;
- пул маблағларининг суммаси – 10 млн. сўм;
- дебиторлик қарзлари суммаси – 20 млн. сўм.

Ташкил этиладиган фермерларга юқоридаги мулклардан қуйидагилар тақсимланади:

- 80 млн. сўмлик асосий воситалар;
- 15 млн. сўмлик тугалланмаган қурилиш қиймати;
- 29 млн. сўмлик ишлаб чиқариш заҳиралари.

Тақсимланиши лозим бўлган жами мулк қиймати – 124 млн. сўм. Шундан сотилиши ҳамда ҳисобдан чиқарилиши лозим бўлган мулк қиймати – 24 млн. сўм. Уларга қуйидагилар киради:

- КАМАЗ – 3 млн. сўм; автомашина;
- молхона – 4 млн. сўм;
- маҳаллий ҳокимият балансига ўтказиладиган ижтимоий соҳа объектлари – 3 млн. сўм;
- маҳсулдор моллар – 10 млн. сўм;
- боқувдаги ва ўстиришдаги чорва моллари – 4 млн. сўм.

Фермер хўжаликлари ўртасида тақсимланадиган мулк 100 млн. сўмга тенг (124-24).

Шу мулк ташкил этилаётган фермер хўжаликлари ўртасида ерларнинг миқдорини, сифатини эътиборга олган ҳолда қуйидаги тартибда тақсимланади: тугатилаётган хўжаликнинг жами ер майдони 3000 гектарни ташкил этган, шундан 500 гектари 40 баллик, 500 гектари 50 баллик, 800 гектари 60 баллик, 600 гектари 70 баллик, 400 гектари 80 баллик, 200 гектари 90 баллик. Ҳар хил баллик ер майдонини унинг балларига кўпайтириб, жами гектар баллини аниқлаймиз:

$$(500 * 40) + (500 * 50) + (800 * 60) + (600 * 70) + (400 * 80) + (200 * 90) = 20000 + 25000 + 48000 + 42000 + 32000 + 18000 = 165000 \text{ га/балл}$$

Тақсимланадиган мулк суммасини жами гектар баллига нисбати билан 1 гаҒбалл.га тўғри келадиган мулк қийматини аниқлаймиз. Бу қиймат хўжаликда 606 сўмни ташкил этган (100 млн. сўм: 165 минг гаҒбалл).

Шундан сўнг ҳар бир фермер хўжалигининг гектар баллини ҳам аниқлаб чиқиш зарур. Масалан, фермер хўжалигига жами 50 гектар ер берилган дейлик. Шундан 20 гектари 50 баллик, 20 гектари 70 баллик, 10 гектари 80 баллик. Унда бу фермернинг жами гектар балли 3200 ни $= (20 * 50) + (20 * 70) + (10 * 80)$ ташкил этган. Шу гектар баллини хўжалик бўйича 1 гаҒбалга тўғри келадиган миқдорга кўпайтириб, фермер хўжалигига тўғри келадиган мулк қийматини аниқлаймиз. У 1939,2 минг сўмни (3200x606) ташкил этади. Бошқа фермер хўжаликлари гектар балли ҳам шу тартибда ҳисобланади.

Тугатиладиган хўжаликнинг кредиторлик қарзи 150 млн. сўмни ташкил этган. Уларни қуйидаги манбалар ҳисобига маълум миқдорда қоплаш мумкин:

- дебиторлик қарзини тўлаш ҳисобига – 20 млн. сўм;
- тайёр маҳсулотни сотиш ҳисобига - 20 млн. сўм;
- асосий ва айланма воситаларни сотиш ҳисобига – 21 млн. сўм;
- кредиторлик қарзини тўлаш ҳисобига – 9 млн. сўм.

Демак, тугатилаётган хўжаликнинг ташкил этилаётган фермерлар ўртасида манба билан қопланмасдан тақсимланадиган кредиторлик қарзи – 90 млн. сўмга тенг (150-20-20-

21-9). Тақсимланадиган кредиторлик қарзини хўжаликнинг жами гектарга баллига бўлиб, 1 гага баллига тўғри келадиган суммани аниқлаймиз.

Тугатилаётган хўжаликда 1 гага баллига манба билан қопланмаган 545,5 сўм (90 млн. сўм: 165 минг га 1 балл) кредиторлик қарзи тўғри келар экан. Шу суммани биринчи ташкил этилаётган фермернинг гектар баллига кўпайтириш натижасида унга тўғри келадиган кредиторлик қарзи суммасини аниқлаймиз. Бу 1745600 сўмни (3200 га балл х 545,5 сўм) ташкил этади.

Тугатилаётган хўжалик мулкларининг фермерлар ўртасида тақсимланган суммаси аниқлангандан сўнг фермер хўжаликларига уларнинг миқдори ва қийматини тасдиқловчи далолатнома берилади. Шундан сўнг фермер хўжаликлари кредиторлар билан қарзларини тўлаш шартларини ёзма равишда келишиб оладилар.

Фермер хўжаликлари шундай тартибда ташкил этилади.

Тугатилган ширкат хўжаликлари негизда 2004 йилнинг 9 ойи ичида танлов асосида 15335 фермер хўжалиги янгидан ташкил этилди. Уларнинг умумий сони 102,0 мингтага етказилди. Натижада жами фермер хўжаликларининг ер майдони 12 фоизга кўпайиб, 2004 йилнинг 10 ойига келиб 2,8 млн. гектарни ташкил этди. Уларда фаолият юритаётган меҳнат ресурсларининг сони шу давр ичида 19,8 фоизга кўпайиб, умумий миқдори 801 минг кишини ташкил этган.

Республикада фермер ва деҳқон хўжаликларини ривожлантиришга қаратилган чоратadbирлар амалга оширилиши оқибатида уларни иқтисодий ривожланмоқда. Фақатгина 2004 йилнинг 1 чорагида фермер хўжаликлари томонидан ишлаб чиқарилган ялпи маҳсулот суммаси 2003 йилнинг ҳудди шу даврига нисбатан 109 фоизга ошган. Шунинг натижасида фермер хўжаликлари қишлоқ хўжалигининг жами ялпи маҳсулотига салмоғи 2004 йилнинг дастлабки ойларида 16 фоизни ташкил этган. Деҳқон хўжаликларининг улуши эса 65,7 фоизга тенг бўлган. Ҳозирги кунда фермер хўжаликларида асосан ўсимликчилик тармоқлари устувор суратларда ривожлантирилмоқда. Келажакда уларда чорвачилик тармоқларини ҳам ривожлантиришга алоҳида эътибор бериш зарур.

4.8. Қишлоқ хўжалигидаги қўшма корхоналар

Республика мустақиллигига қишлоқ хўжалик тармоғида аралаш (қўшма) мулк ва унга асосланган қўшма корхоналар бўлмаган. Мустақиллик натижасида эркин бозор иқтисоди барпо этилиши мулкчиликнинг шу турини ва унга асосланган тадбиркорлик шаклини ташкил этиш ҳамда у фаолият юритиши учун ҳуқуқий, иқтисодий асослар яратиб берди. Жумладан, «Мулк тўғрисида»ги, «Инвестицион фаолият тўғрисида»ги, «Чет эл инвестициялари тўғрисида»ги қонун, Республика Президентининг Фармонлари ҳамда Вазирлар Маҳкамасининг қарорлари қабул қилинди. Уларда мулкнинг аралаш (қўшма) шакллари мулкдорларнинг моддий ва пул маблағларини бирлаштириш йўли билан ҳосил этилиши таъкидланган. Қишлоқ хўжалигида фаолият кўрсатаётган ширкат, фермер хўжаликлари қайта ишлаш саноати корхоналари билан аралаш (қўшма) мулкчиликка асосланган корхоналарни ташкил этишда уларнинг шакллантирилаётган Устав фондидаги улушларини келишган ҳолда белгилашлари мумкин. Бу улуш масалан, 50:50 ёки уларнинг қўшма корхона фаолиятидаги аҳамиятига кўра, 30:70 ёки 70:30 бўлиши мумкин. Агарда ширкат ёки фермер хўжаликлари чет эл юридик шахслари (корхоналари) билан қўшма корхона ташкил этадиган бўлсалар, чет эл корхонасининг қўшган улуши умумий шакллантирилаётган Устав фондининг 30 фоизидан кам бўлмаслиги шарт. Аралаш (қўшма) мулкка эгаллик қилиш ҳиссавий иштирок этиш принципи асосида ҳам, шунингдек, ўз маблағларини бирлаштирган мулкдорлар ўртасида

даромадларни уларнинг қўшган маблағининг улушига қараб тақсимлаш усулларида ҳам амалга оширилиши мумкин.

Қўшма корхоналарни ташкил этиш натижасида ишлаб чиқаришни юксалтириш ривожланган давлатлардагидек республикамизда ҳам мустақиллик йилларида кенг раванк топмоқда. Жумладан, машинасозлик, тўқимачилик ва енгил саноат, озиқ-овқат, пахта тозалаш, мева, узум саноати тармоқларида. Лекин мамлакат қишлоқ хўжалигида қўшма корхоналарни ташкил этиш жараёни талаб даражасида амалга оширилаётгани йўқ. Бу муаммо ҳал этилишини таъминлайдиган асосий шартлар мавжуд. Энг аввало, чет эл корхоналарининг ҳамда фуқароларининг қонун доирасида эркин фаолият юритиш ва мулкига эгаллик қилиш кафолати таъминланган. Шунинг билан биргаликда экологик жиҳатдан барча талабларга жавоб берадиган турли хилдаги қишлоқ хўжалик маҳсулотлари қишлоқ хўжалик корхоналари томонидан барқарор равишда ишлаб чиқарилмоқда. Масалан, пахта хомашёси, буғдой, шоли, карам, помидор, узум, ўрик, олма, қовун, тарвуз, ер ёнғоқ, гўшт, сут, қоракўл териси, жун, қимиз, қумрон, турп, сабзи ва инсон организми учун зарур моддаларга бой бўлган бошқа маҳсулотлар.

Уларни қайта ишлашда ўзларининг меҳнатларини сарфлайдиган оддий, серҳаракат, инсофли, диёнатли, янги техника ва технологияга чанқоқ бўлган фуқаролар ҳам мавжуд.

Республикада халқ истеъмоли молларини ишлаб чиқариш билан шуғулланувчи чет эл юридик ва жисмоний шахсларига солиқ ҳамда божхона тўловларига оид айрим имтиёзлар ҳам жорий этилган. Келажакда республикада чет эллик инвесторларга яратилган барча имкониятларни етказиб, уларни тушунтира оладиган ҳамда уларнинг ишонч ва эътиборларини қозониш имкониятига эга бўлган қишлоқ хўжалик ишлаб чиқаришининг раҳбарларига, тадбиркорларига кўп нарса боғлиқ. Улар ташқи бозорни ўрганган ҳолда манфаатдор ҳамкорларни қидириб топишлари лозим. Бунинг учун анча билим ва меҳнат сарфлаш талаб этилади. Улар ташқи бозорда ўзларини ва маҳсулотларини танитиш билан бирга ўз ўринларини эгаллашга интилишлари керак. Шундай тадбирлар натижасида чет эллик ҳамкорларни топиш, уларнинг маблағларини жалб этиш орқали бу борадаги фаолиятни ривожлантиришга эришиш мумкин.

Республика қишлоқ хўжалигида етиштирилаётган маҳсулотларни қайта ишлаш, уларни истеъмол учун тайёр бўлган маҳсулотларга айлантириш учун турли хилдаги қўшма корхоналарни ташкил этиш мумкин. Бу жараён мамлакат қишлоқ хўжалигига янги техникалар, илғор, самарали технологиялар кириб келишини таъминлайдиган чет эл валюталари оқимини кўпайтиради. Натижада тармоқнинг моддий-техника базаси мустаҳкамланиб, ишлаб чиқариш кучларининг ривожланиши ва мақсадга мувофиқ жойлашиши таъминланади. Қишлоқ хўжалигида қўшма корхоналарнинг ташкил этилиши халқаро миқёсда меҳнат тақсимотини ривожлантиришга ҳам ижобий таъсир кўрсатади.

Улар туфайли қўшимча иш жойлари ташкил этилиб, аҳолини иш билан таъминлаш муаммоси ҳал қилинишига маълум даражада улуш қўшилади. Бу корхоналарда фаолият кўрсатаётганларнинг моддий шароити яхшиланишини таъминлайди. Пировард натижада аҳолининг сифатли маҳсулотлар билан таъминланиш даражаси юксалиб, турмуш даражаси ошади.

Таянч иборалар:

Фермер хўжалиги, фермернинг мақсади ва вазифаси, фермерни ташкил этишнинг ҳуқуқий асослари, фермер хўжалигининг иқтисодий негизи, фермернинг мол-мулки, фермерни ташкил этишдаги хусусиятлар, фермер хажми, фермерликни ташкил этиш тартиблари, ер ижараси муддати, фермерликнинг ривожланиши (сони, ер майдони, ишлар сони, етиштирилаётган маҳсулотлари) фермерликни ташкил этиш даври, унинг самарадорлиги, харажат, ялпи пул даромад, соф фойда, бозор инфратузилмаси.

Қисқача хулосалар

Қишлоқ хўжалигида амалга оширилган аграр-иқтисодий ислохотлар натижасида нодавлат турлар ҳисобланган жамоа, шахсий, хусусий ва аралаш мулкчилик шакллари босқичма-босқич барпо этилиб, муттасил ривожлантирилмоқда.

Жамоа мулкчилигига асосланган жамоа, қишлоқ хўжалиги кооперативлари, шахсий ва хусусий мулкчилик асосида фермер ва деҳқон хўжаликлари ва кичик корхоналар ташкил қилиниб, тараққий эттирилмоқда.

Аралаш (қўшма) мулкчилик негизида қўшма корхоналар ташкил этилмоқда, лекин уларнинг ривожланиши ҳозирги даврда талабга тўлиқ жавоб бера олмайди.

Келажақда шахсий, хусусий ҳамда аралаш мулкчиликка асосланган корхоналарни ривожлантиришга эътиборни кучайтириш мақсадга мувофиқдир.

Назорат ва муҳокама учун саволлар

1. Фермер хўжалик тўғрисида сизнинг тушунчангиз қандай?
2. Фермер хўжалигининг мақсад ва вазифаси нимадан иборат?
3. Фермер хўжалигини ташкил этишнинг ҳуқуқий асосларини қандай ҳужжатлар ташкил этади?
4. Фермер хўжмалигини ташкил этишдаги хусусиятлар нималардан иборат?
5. Фермер хўжалиги қандай тартибларда ташкил этилмоқда?
6. Фермер хўжаликларини республика иқтисодиётидаги ўрни ва аҳамиятини қандай қилиб исботлайсиз?
7. Фермерликни ривожлантириш босқичлари қандай?
8. Фермерликнинг ривожланишини, самарадорлигини қайси кўрсаткичлар ёрдамида изоҳлаб берасиз?
9. Нима учун фермерликни ривожлантиришга устуворлик берилган?
10. Фермерликни ривожлантиришдаги устуворлик йўналишлари нималардан иборат ва бошқалар.
11. Тармоқда мулкчилик муносабатларининг ҳуқуқий асослари қайси қонунларда ўз аксини топган?
12. Қишлоқ хўжалигида мулкчиликнинг қандай шакллари мавжуд?
13. Қишлоқ хўжалигида қандай мулк субъектлари мавжуд?
14. Нималар корхоналарнинг мулк объекти ҳисобланади?
15. Жамоа, ширкат хўжаликлари ҳақида тушунча беринг.
16. Фермер ва деҳқон хўжаликлари таърифини изоҳлаб беринг.
17. Фермер хўжаликлари ривожланишининг самарадорлигини исботлаб беринг.
18. Қўшма корхоналар ҳақида тушунча беринг.

Асосий адабиётлар

1. Ўзбекистон Республикасининг «Фуқаролик Кодекси», «Тадбиркорликка оид қонун ҳужжатлари тўплами», Т.: «Шарқ», 2002.
2. Ўзбекистон Республикасининг «Меҳнат Кодекси», Т.: «Адолат», 1996
3. Ўзбекистон Республикасининг «Маъмурий жавобгарлик тўғрисидаги Кодекси», Т.: «Адолат», 1995
4. Ўзбекистон Республикасининг янги таҳрирдаги 2004 йил 26 августдаги «Фермер хўжалиги тўғрисида»ги Қонуни, «Халқ сўзи» газетаси, 2004 йил 15 октябр
5. Ўзбекистон Республикасининг 1998 йил 30 апрелдаги «Деҳқон хўжалиги тўғрисида»ги Қонуни, «Ўзбекистон Республикаси банклари томонидан кичик ва ўрта

бизнесни қўллаб-қувватлаш бўйича қонунчилик ҳужжатлари тўплами», Т.: «Ўзбекистон», 2002 й.

6. Бланк И.А. «Основы финансового менеджмента». 2-х томах, К.: «Ника-центр» «Эльга», 1999.
7. Барнс Л.Б. и др., «Преподавание и метод конкретных ситуаций» – М., 2000
8. Богатин Ю.В. Швандар В.А., «Инвестиционный анализ. учебное пособие», - М.: ЮНИТИ, 2001
9. М.Н. Баканова, А.Д. Шереметова, «Экономический анализ: ситуации, тесты, примеры, задачи, выбор оптимальных решений, финансовое прогнозирование», - М.: Финансы и статистика, 2004

Интернет сайтлари:

1. www.ecfak.timacad.ru Московская сельскохозяйственная академия.
2. www.admin.ru Институт Агроэкономики и Бизнеса Приамурский.
3. Мардонова А.Т., Исҳоқова С.А. Аграр соҳада мулкый муносабатларни рўёбга чиқаришнинг долзарб услублари. www.ski.ilm.uz
4. Саратовская сельскохозяйственная академия. www.tstu.ru
5. ЛБР – сельскохозяйственная техника, комбайны, косилки, сеялки, запчасти к сельхозтехнике www.lbr.ru
6. Radio Tashkent International. http://info.uzpak.uz/FuzbFeconom_uzb/
7. Recently Published Books. www.eastview.com

V боб. ЕР-СУВ РЕСУРСЛАРИ, УЛАРДАН САМАРАЛИ ФОЙДАЛАНИШ

5.1 Ер-сув ресурсларининг қишлоқ хўжалигидаги аҳамияти ва хусусиятлари, уларнинг майдони таркиби, фойдаланувчилар бўйича тақсимланиши

5.2.Ердан, сувдан фойдаланиш самарадорлигини ифодаловчи кўрсаткичлар, уларни аниқлаш тартиби

5.3. Ердан, сувдан фойдаланиш самарадорлиги, уни ошириш йўллари

5.4. Ер мониторинги ва давлат ер кадастри

5.1 Ер-сув ресурсларининг қишлоқ хўжалигидаги аҳамияти ва хусусиятлари, уларнинг майдони таркиби, фойдаланувчилар бўйича тақсимланиши

Ернинг жамиятдаги аҳамияти беқиёсдир. Унда фуқаролар яшаши учун бинолар қурилади, турли маҳсулотлар етиштирилади. Демак, ернинг қишлоқ хўжалиги ишлаб чиқаришидаги аҳамияти улкан. Чунки у шу тармоқнинг энг асосий ишлаб чиқариш воситаси ҳисобланади. Ерга уруғ, кўчат экиб, ишлов бериш натижасида турли хилдаги маҳсулотлар етиштирилади. Демак, тармоқда етиштириладиган барча турдаги маҳсулотлар ердан, сувдан фойдаланган ҳолда олинар экан. Инглиз иқтисодчиси Уильям Петтининг айтишича, «ер – бойликнинг онаси...».

Республика деҳқончилиги суғоришга асосланган. Шунинг учун сув ҳам ер каби энг зарур восита ҳисобланади. Қишлоқ хўжалигидан олинаётган маҳсулотлар, масалан, пахта, шоли, тамаки, сабзавот, полиз, маккажўхори, буғдой, арпа, ем-хашакларнинг аксарият қисми суғориладиган ерларда етиштирилади. Қишлоқ хўжалигида етиштирилаётган ялпи маҳсулотнинг 95 фоизга яқини суғориладиган ерлардан олинади. Саноатнинг қишлоқ хўжалик хомашёларига, аҳолининг эса озиқ-овқат маҳсулотларига бўлган талаби қондирилишида ер ва сувнинг аҳамияти жуда катта. Ерлардан, сувлардан қанчалик оқилона, самарали фойдаланилса, ишлаб чиқариладиган маҳсулотлар ҳажми шунчалик кўпаяди, натижада юқорида таъкидланган талабларнинг қондирилиш даражаси ортади. Лекин ердан асосий восита сифатида фойдаланишда унинг бир қанча хусусиятларини эътиборга олиш мақсадга мувофиқдир:

а) ер майдонининг чекланганлиги ва такрор ишлаб чиқарилмаслиги. Она замин табиатан чекланган, унинг майдонини инсон кенгайтира олмайди. Чунки у табиат маҳсули ҳисобланади. Бошқа асосий воситаларни, масалан, тракторларни, машиналарни талабни қондириш мақсадида хоҳлаганча ишлаб чиқариш мумкин;

б) ернинг табиат маҳсули эканлиги. Ерни табиат яратган. Шунинг учун унинг келажакдаги тақдири табиатга боғлиқ. Бошқа асосий воситалар, яъни бинолар, иншоотлар, комбайнлар, тракторлар инсон меҳнатининг маҳсулидир. Зарурият туғилганда улар инсон томонидан ишлаб чиқарилиши мумкин. Ерни эса инсон ишлаб чиқара олмайди;

в) ер - қишлоқ хўжалигининг абадий ишлаб чиқариш воситасидир. Республика худудида мавжуд бўлган ерлардан қишлоқ хўжалик маҳсулотлари етиштиришда биздан олдинги авлодлар фойдаланган, ҳозирги даврда биз фойдаланмоқдамиз, келажакда эса авлодларимиз фойдаланади;

г) ерни қишлоқ хўжалиги маҳсулотлари етиштириш мақсадида бир жойдан иккинчи жойга кўчириб юриш имконияти чекланган. Ундан жойлашган маконида, яъни стационар ҳолатда оқилона фойдаланиш мумкин. Лекин машина ва тракторларни талаб этилган жойга олиб бориб, турли хилдаги ишларни амалга ошириш, бино-иншоотларни ҳам талаб этилган жойга қуриш мумкин;

д) ернинг юқори қатлами ҳисобланган тупроқ унумдорлигининг мавжудлиги, яхши қараш натижасида унинг ошиб бориши. Дарҳақиқат, тупроққа вақтида ишлов берилса, ўғитланса, унинг унумдорлиги ошиб бориши мумкин. Лекин бошқа асосий воситалар ишлаб чиқариш жараёнида қатнашиши оқибатида жисмоний жиҳатдан ишдан

чиқади. Улар вақт ўтиши билан фан-техника тараққиёти натижасида маънавий жиҳатдан ҳам эскиради.

Лекин ерга эътибор берилса, ундан фан-техника ютуқларини жорий этган ҳолда оқилона, самарали фойдаланилса, унумдорлиги ошиб бориши мумкин. Аммо бу, унинг унумдорлиги чекланмаган, дегани эмас. Шундай экан, ернинг унумдорлигидан тадбиркорлик билан фойдаланиш мақсадга мувофиқдир.

Қишлоқ хўжалигида ернинг юқори қатлами ҳисобланган тупроқ унумдорлиги катта аҳамият касб этади. Ҳаётда тупроқ унумдорлигининг қуйидаги турлари мавжуд: табиий, сунъий ва иқтисодий унумдорлик. Тупроқнинг табиий унумдорлиги–табиат маҳсулидир. У табиатнинг таъсири натижасида узоқ йиллар мобайнида шаклланади. Унинг ҳолати қуёш нури ҳамда ёгингарчилик миқдорига, шамол ва сувларнинг таъсирига боғлиқдир. Уларнинг ижобий таъсирида тупроқ табиий унумдорлиги яхши бўлади. Сунъий ва иқтисодий унумдорлик эса инсон меҳнати натижасида шакллантирилиб, оширилиши мумкин. Жумладан, меҳнат, маблағ сарфлаб, ерларнинг ирригацион, мелиоратив ҳолатини яхшилаб, уруғ экиб, уларни ўғитлаш, яхши сифатли ишлов бериш орқали тупроқнинг иқтисодий унумдорлиги юксалтирилиши мумкин. Қишлоқ хўжалигида фойдаланиладиган сувларнинг сифати ҳам барча вилоятларда бир хилда бўлмай, бир-бирларидан фарқ қилади.

Масалан, Андижон, Наманган ва Фарғона вилоятларининг аксарият ҳудудларида экинларни суғоришда фойдаланиладиган сувларнинг сифати яхши, яъни уларнинг таркибида ҳосилдорликка салбий таъсир этувчи турли хилдаги минераллар кам, лекин Қорақалпоғистон Республикаси, Хоразм вилояти ҳудудларида фойдаланилаётган сувларнинг таркибида хлор ва бошқа моддалар кўп. Шунинг учун ҳам уларнинг сифати ниҳоятда ёмон. Бундай ҳол қишлоқ хўжалик маҳсулотлари етиштириш ҳажмига, сифатига салбий таъсир кўрсатади. Келажақда ерларнинг унумдорлигини ошириш, сувларнинг сифатини яхшилашга қаратилган барча тадбирлар мажмуасини самарали амалга ошириш орқали зарур қишлоқ хўжалик маҳсулотлари ҳажмини, миқдорини кўпайтиришга ва сифатини яхшилашга эришиш мумкин.

2002 йилнинг 1 январига республикамизнинг умумий ер майдони 44410,3 минг гектарни ташкил этган. Шу майдон фойдаланувчилар бўйича қуйидагича тақсимланган (5-жадвал).

5-жадвал

Ўзбекистон Республикасининг ер фонди ва унинг фойдаланувчилар бўйича тақсимланиши*

№	Ердан фойдаланувчилар	1999 йил		2001 йил	
		минг. га	фоиз	минг. га	фоиз
	Жами ер фонди Шундан	44405.0	100.0	44410.3	100.0
1	Қишлоқ хўжалик корхоналари ва ташкилотлари фойдаланаётган ерлар	25295.9	57.0	24968.6	56.3
2	Ўрмон хўжалик корхоналари ерлари	8696.5	19.6	8409.2	18.9
3	Саноат, транспорт, муҳофаа, алоқа ва бошқа ташкилотлар ерлари	1883.0	4.2	1928.1	4.3
4	Аҳоли яшаш жойлари	230.4	0.5	234.0	0.5
5	Захирадаги ерлар	7488.6	16.9	7469.6	16.8
6	Гидротехника ва бошқа сув хўжалиги ташкилотлари ерлари	799.3	1.8	819.2	1.8
7	Табиат муҳофазаси, соғломлаштириш	11.3	0.03	72.5	0.2

	ва маданий аҳамиятга эга ерлар				
8	Бошқа ерлар	-	-	509.1	1.2

*Ўзбекистон Республикаси ер ресурслари давлат қўмитаси маълумотлари асосида тузилган.

Республикада жами ер фондининг 56,3 фоизидан қишлоқ хўжалик корхоналари ва ташкилотлари, 18,9 фоизидан эса ўрмон хўжалиги корхоналари фойдаланмоқдалар. Лекин 2002 йилнинг бошига улар фойдаланаётган ерлар саноат, транспорт, алоқа, муҳофаа ташкилотларига, аҳоли учун уй-жойлар, шаҳар хўжаликлари қурилишига ажратилиши муносабати билан 1999 йилдагига нисбатан 614,6 минг гектарга ёки 1,4 фоизга камайган. Бу жараён давом этаверади. Чунки келажакда ҳам республикада саноат, транспорт, алоқа тизими ривожланади. Аҳоли ўсиши натижасида уларнинг яхши яшаши учун қўшимча ер майдонлари ажратилаверади. Экологияни яхшилаш мақсадида табиатни муҳофаза этиш, соғломлаштириш учун қўшимча майдонлар ажратилади. Бу ҳаёт талабидир.

Республика ер фондининг 7,2 фоизидан ҳозирги даврда юқоридаги мақсадларни ҳал этишда фойдаланилмоқда. Шунинг билан бирга келажакда мамлакатимиз халқ хўжалигини ривожлантириш учун имкониятлар, жумладан, заҳирадаги ердан фойдаланиш имконияти мавжуд. Ҳозирги даврда шундай ерларнинг умумий майдони 7.5 млн. гектарга яқин. Бу жами ер майдонининг 16.8 фоизини ташкил этади.

Лекин барча ер фондининг 75.2 фоизидан қишлоқ ва ўрмон хўжалиги корхоналари, ташкилотлари фойдаланмоқдалар. Шу майдоннинг 26694.1 минг гектари қишлоқ хўжалик ерлари ҳисобланади.

б-жадвал.

Республика қишлоқ хўжалик ерларининг таркиби

Қишлоқ хўжалик ер турларининг номи	1999 й		2000 й.	
	минг га	% да	минг га	% да
Жами фойдаланилган қишлоқ хўжалик ерлари	26766.4	100.0	26694.1	100.0
Шундан: жами экин майдони	4061.9	15.1	4056,2	15.1
Ундан				
Суғориладиган экин майдони	3317.3	12.4	3309,4	12.3
Лалми ер майдони	747.6	2.7	783,5	2.9
Жами кўп йиллик дарахтзор ерлар	355.7	1.3	342,6	1.3
Яйловлар ва пичанзорлар	22271.0	83.1	22209,7	83.1
Бўз ерлар	77.8	0.02	85,6	0.03

Уларнинг таркиби қуйидагича:

- ҳайдаладиган ерлар. Улар суғориладиган ҳамда лалми ерлардан ташкил топган, тупроғи энг унумдор ҳисобланади. Айниқса, суғориладиган ерларники. Бу ерларда сувдан фойдаланган ҳолда пахта хомашёси, шоли, буғдой, арпанинг асосий қисми, маккажўхори, картошка, сабзавот, полиз маҳсулотлари етиштирилмоқда. Шунинг учун улардан йил мобайнида тўлиқ ва самарали фойдаланиш мақсадга мувофиқдир. Уларнинг майдони 4056,2 минг гектарни ташкил этади.

- яйловлар ва пичанзорлар. Улар 22263.4 минг гектар. Бу ерларда чорва ҳайвонлари боқилиб, улар учун турли хилдаги ем-хашаклар етиштирилади. Бу ерларда асосан қўйчилик ривожланган.

- кўп йиллик дарахтзорлар майдони, яъни боғзорлар, токзорлар, тутзорлар, дарахтзорлар майдони. Кўп йиллик дарахтзорлар билан 353 минг гектарга яқин майдон банд.

Шу ерлардан фойдаланган ҳолда хўжаликлар қайта ишлаш саноатини хомашё, аҳолини эса озиқ-овқат маҳсулотлари билан талаб даражасида таъминлаш учун турли хилдаги маҳсулотлар етиштироқда. Республиканинг жами ер фонди ундан фойдаланувчилар бўйича 2001 йилда қуйидагича тақсимланган:

- қишлоқ хўжалиги билан шуғулланадиган барча корхоналарга, ташкилотларга 24968,6 минг га ер фойдаланиш учун узок муддатга ижарага берилган. Бу ерлардан фойдаланган ҳолда (Қишлоқ ва сув хўжалиги вазирлиги, Фермер ва деҳқон хўжаликлари уюшмаси, «Ўзмевасабзавотузумсаноат» холдинг компанияси, «Ўзпаррандасаноат», «Ўзгўштсаноат» уюшмалари ва бошқа ташкилотлар) турли хилдаги қишлоқ хўжалик маҳсулотлари етиштирадилар;

- ўрмон хўжалиги корхоналарига – 8409,2 минг га ер берилган;

- шаҳар, саноат, транспорт, алоқа муҳофаа ва бошқаларга – 2671,2 минг га ер берилган;

- захирадаги ерлар – 7469,6 минг гектарни ташкил этади.

Ер майдонининг тақсимланиши келажакда у ёки бу соҳалар ривожланиши натижасида ўзгариши мумкин.

Республикада сув ресурслари манбалари чекланган. Уларнинг умумий миқдори 49,4 млрд. м³ атрофида бўлиши мумкин. Шундан 30,6 млрд. м³ ёки 61,9 фоизи йирик дарёларнинг сувидан, 16,5 млрд. м³ республика ҳудудидаги майда дарёларнинг сувларидан, қолган қисми эса ер ости ҳамда коллектор-зовурлардан олинadиган сувлардан иборат. Мавжуд сув ресурслари ҳозирги ўсиб бораётган талабни тўлиқ қондира олмайди. Шу сув ресурсларининг аксарият қисми қишлоқ хўжалиги тармоғида ишлатилади. Сув ресурслари давлат муҳофазасида, мулкчилик шакллари бўйича тақсимланмаган.

5.2. Ердан, сувдан фойдаланиш самарадорлигини ифодаловчи кўрсаткичлар, уларни аниқлаш тартиби

Ер, сув кишлоқ хўжалигининг энг асосий ишлаб чиқариш воситалари экан, улардан қандай фойдаланилганини билиш зарур. Бунинг учун қуйидаги кўрсаткичлардан фойдаланиш мумкин:

а) **Умумий ер фондидан фойдаланиш коэффиценти (фоизи).** Унинг даражасини аниқлаш учун кишлоқ хўжалигида ҳақиқатда фойдаланилган ер майдонини фойдаланиш мумкин бўлган ер майдонига тақсимлаш лозим. Буни қуйидаги тенглик ёрдамида аниқлаш мумкин:

$$ЕФК_{к} = \frac{ФЕ}{ФМЕ}; \text{ ёки } \frac{ФЕ}{ФМЕ} \times 100;$$

Бунда: ЕФК–умумий ер фондидан фойдаланиш коэффиценти, (фоизи);
ФЕ–кишлоқ хўжалигида фойдаланилган ер майдони, га;
ФМЕ – фойдаланилиши мумкин бўлган ер майдони, га.

Бу кўрсаткич коэффицентда ёки фоизда аниқланиши мумкин. Уни аниқлаш натижасида ердан фойдаланишнинг тўлиқлик даражаси аниқланади. Уни ҳақиқий даражаси, яъни коэффиценти 1 дан ёки 100 фоиздан ортиқ бўлиши мумкин эмас. Бу кўрсаткични аниқлаш натижасида тармоқда (хўжалиқда) қанча ердан фойдаланилган ва қанчасидан фойдаланилмаганлиги билинади. Шундан сўнг бундай ҳолнинг сабаблари аниқланиб, уларни бартараф этиш чора-тадбирлари ишлаб чиқилади.

б) **Сувдан фойдаланиш коэффиценти.** У ҳақиқатда суғорилган майдонни шу сув билан суғорилиши мумкин бўлган майдонга тақсимлаш натижасида аниқланади. Бунинг учун қуйидаги тенгликдан фойдаланиш мумкин:

$$СФК_{к} = \frac{СМ}{СММ}; \text{ ёки } \frac{СМ}{СММ} \times 100;$$

Бунда: СФК-сувдан фойдаланиш коэффиценти ёки фоизи;
СМ-ҳақиқатда суғорилган майдон, га;
СММ-суғорилиши мумкин бўлган майдони,га.

Буни аниқлаш натижасида сувдан фойдаланиш даражаси белгиланади. Бу кўрсаткични аниқлашда экинларга сув бериш меъёрига алоҳида эътибор бериш мақсадга мувофиқдир. Чунки унга риоя қилинса, албатта, сувдан фойдаланиш даражаси юқори бўлади. Демак, унинг даражаси, яъни коэффиценти 1 дан ёки 100 фоиздан юқори бўлмаслиги лозим. Агарда юқори бўлса, унда экин майдонлари сифатли суғорилган бўлмайди.

в) **Фойдаланиш мумкин бўлган ерлардан бир йилда неча марта фойдаланилганлик даражаси.** Уни аниқлаш учун ҳақиқатда уруғ, чигит экилган майдонни мавжуд экин экилган ер майдонига тақсимланади. Бунда қуйидаги тенгликдан фойдаланиш мумкин:

$$ЕФС_{к} = \frac{УЭМ}{ФМ}$$

Бунда: ЕФС-ердан фойдаланиш сони, яъни 1 га майдондан неча марта фойдаланилганлик сони;

УЭМ- бир йил мобайнида уруғ, чигит экилган майдон, га;
ФМ- фойдаланилган ер майдони, га;

Бу кўрсаткич ёрдамида бир майдонга неча марта экин экиб, фойдаланилганлик даражаси, яъни сони аниқланади. Демак, унинг сони бирдан кўп бўлиши мақсадга мувофиқдир. Бунинг учун мавжуд бўлган ерлардан бир неча марта экин экиб, ҳосил олишга интилиш лозим.

г) **Ер (экин) майдонларининг маҳсулдорлиги, ҳосилдорлиги.** Бу кўрсаткич асосан экин турлари ҳамда умумий майдон бўйича, натурал ҳамда қиймат кўринишларида аниқланади, яъни улар 1 гектар фойдаланилган майдондан қандай маҳсулотларни қанча миқдорда (кг, цен, тонна) ҳамда неча сўмлик маҳсулот ёки фойда олинганлиги аниқланади. Бунинг учун қуйидаги тенгликдан фойдаланиш мумкин:

$$\text{ЭХк} \frac{ЯХ}{ЭМ};$$

Бунда: ЭХ- 1 га экин майдонидан олинган ҳосил миқдори, ц;

ЯХ- экин экилган майдондан олинган ялпи ҳосил миқдори, ц. ёки тоннада;

ЭМ- экин экилган ҳақиқий майдон, га.

Бу кўрсаткич ёрдамида 1 гектар экин экилган майдондан қанча миқдорда ҳосил олинганлиги экин турлари бўйича алоҳида-алоҳида аниқланади. Унинг миқдори қанча кўп бўлса шунча яхши. Бу кўрсаткич у ёки бу экин экилган майдоннинг маҳсулдорлигини исботлайди. Жами экин майдонлари маҳсулдорлигини аниқлаш учун кўрсаткични қуйидаги қиймат кўрсаткичларида аниқлаш, бунинг учун ҳар бир экиннинг ялпи ҳосили қийматини аниқлаб олиш лозим. Сўнгра уларнинг йиғиндисини аниқлаш керак.

$$\text{ЕМ к} \frac{ЯМК}{ЭМ} : \frac{ЯДК}{ЭМ} : \frac{СФ}{ЭМ}$$

Бунда: ЕМ- фойдаланилган ерларнинг маҳсулдорлиги. Яъни, бир гектар экин экилган ёки яйлов, пичанзор майдондан неча сўмлик ялпи маҳсулот, ялпи даромад ҳамда соф фойда олинганлиги аниқланади;

ЯМК- олинган ялпи маҳсулот қиймати, сўмда;

ЭМ- экинлар экилган майдон, га;

ЯДК- олинган ялпи даромад суммаси;

СФ- олинган соф фойда суммаси.

д) **Сувдан фойдаланиш самарадорлиги.** Бу кўрсаткич ёрдамида ҳар бир метр куб сув эвазига олинган ялпи маҳсулот миқдори, қиймат, даромад ва соф фойда суммаси қуйидаги тенглик ёрдамида аниқланади:

$$\text{СФСк} \frac{ЯХ}{ФСМ} : \frac{ЯМК}{ФСМ} : \frac{ЯДК}{ФСМ} : \frac{СФ}{ФСМ}$$

Бунда: СФС-сувдан фойдаланиш самарадорлиги;

ФСМ-фойдаланилган сув миқдори. Бу натура ҳамда қиймат кўринишида аниқланади. Бунда 1 м³ сувдан фойдаланиш натижасида қанча миқдорда пахта, ғалла ва бошқа маҳсулотлар етиштирилганлиги ҳамда неча сўмлик ялпи маҳсулот ва ялпи даромад, соф фойда олинганлиги аниқланади.

е) **Суғориш системаси (тизими)дан фойдаланиш коэффициенти.** Унинг даражасини аниқлаш учун шу тизимнинг охирида экинларни суғориш мақсадида берилган сув миқдорини шу тизим бошида олинган сув миқдorigа тақсимлаш зарур. Бунда қуйидаги тенгликдан фойдаланиш мумкин:

$$\text{СТФКк} \frac{СТОЭБС}{СТБОСМ};$$

Бунда: СТФК – суғориш системаси (тизими)дан фойдаланиш коэффициенти;

СТОЭБС – суғориш тизимининг охирида экинларга берилган сув миқдори;

СТБОСМ – су-ориш тизимининг бошида олинган сув миқдори.

Бу кўрсаткич даражаси ёки коэффициенти 1 га интилиши керак. Чунки суғориш системасининг бошида олинган сув экин майдонларига тўлиқ етказилиши лозим. Агар унинг даражаси паст бўлса, демак, сувнинг маълум миқдори тизим давомида ёки

парланган ёки тупроққа сизиб кетган ёки оқиб кетган бўлиши мумкин. Бу кўрсаткич системанинг ҳолатини ҳам исботлайди.

5.3. Ердан, сувдан фойдаланиш самарадорлиги, уни ошириш йўллари

Ер-сув – умуммиллий бойликдир. Ўзбекистон Республикаси халқи ҳаёти, фаолияти ва фаровонлигининг асоси сифатида улардан оқилона ҳамда самарали фойдаланиш зарурлиги «Ер кодекси» да, «Сувдан фойдаланиш тўғрисида»ги қонунда алоҳида таъкидланган. Республика ҳудудидаги барча корхоналар, фуқаролар бу қонуний талабни бажаришлари шарт. Шунинг учун улар тупроқ унумдорлигини сақлаш ва оширишга, сувни ифлос қилмасликка, шунинг негизидан улардан талаб даражасида самарали фойдаланишга катта эътибор беришлари лозим. Шу маъсулиятни ҳис этган ҳолда қишлоқ хўжалик корхоналари уни ижобий ҳал этишга, фойдаланиш мумкин бўлган майдонлардан тўлиқ ва самарали фойдаланишга интиломқдалар. Республика қишлоқ хўжалигида 2002 йилнинг бошига 236,7 млн. га ердан фойдаланишга эришилган. Шу ерлардан турли мақсадларда фойдаланилмоқда. Энг асосий мақсад аҳолининг озиқ-овқат, саноатнинг эса хомашё маҳсулотларига бўлган талабини қондиришдир. Бунинг учун 4056,2 минг гектар (2001 й) майдонга турли хилдаги экинлар экиб, улардан юқори ҳосил олишга ҳаракат қилинмоқда. (7-жадвал).

7-жадвал

Республика экин майдонларининг миқдори (минг га)*

Кўрсаткичлар	Йиллар							
	1993	1994	1995	1996	1997	1998	1999	2000
Жами экин майдони	4229	4240	4165	4007	4116	4029	4019	3774
Шундан:								
-ғалла майдони	1280	1522	1656	1740	1757	1686	1720	1611
-техника экинлари майдони, ундан:	1731	1579	1532	1525	1536	1614	1613	1471
Пахта майдони	1695	1540	1492	1487	1511	1631	1517	1443
Картошка, сабзавот ва полиз майдони	249,8	258,4	238,2	214,6	222,4	229,5	231,4	233,8
Озуқа экинларининг майдони	967,8	876,5	731,6	521,6	500,4	497,5	452,8	458,0

*Республика Макроиктисодиёт ва статистика вазирлиги маълумотлари асосида тузилган.

Республикада экин экилаётган майдон йилдан-йилга камайиб бормоқда. Бундай ҳол экинзорларни, аҳолига тураржойларни қуриш, саноат, суғориш иншоотларини барпо этиш учун ажратилиши оқибатида юз бермоқда. Бу объектив жараён келажакда ҳам юз беради. Шунинг учун ҳам мавжуд ерлардан йил давомида оқилона, самарали фойдаланиш зарур. 1993-2003 йилларда республиканинг умумий экин майдони 173.5 минг гектарга ёки 4,1 фоизга қисқарган. Лекин шу даврда ғалла майдони салкам 400 минг гектарга кўпайган. Бу ғалла ҳосили кўпайишига ижобий таъсир этди. Ғалла майдонининг кенгайиши асосан пахта ҳамда озуқа экинлари майдонлари камайиши эъвазига таъминланган. Шу даврда пахта экиладиган майдон 260,6 минг гектарга, озуқа

экинлари экиладиган майдон эса 410 минг гектарга қисқарган. Шу майдонлардан маълум қисми юқоридаги йўналишларга берилган. Пахта майдонининг қисқартирилиши натижасида пахта яккаҳоқимлиги бартараф этилди. Лекин озуқа экинлари майдонларининг қисқартирилиши амалда алмашлаб экиш тартибининг бузилишига олиб келди ҳамда чорва ҳайвонларининг мустаҳкам ем-хашак базасини барпо этишга салбий таъсир кўрсатмоқда. Шу боис келажакда ердан фойдаланиш самарадорлигини юксалтириш учун алмашлаб экишни жорий этишга алоҳида эътибор қаратиш зарур.

Ҳозирги даврда экинлар экилаётган ерлардан тўлиқ ва самарали фойдаланишга барча хўжаликлар алоҳида эътибор бермоқдалар. Бу ҳаракат ижобий натижалар бермоқда. Сўнгги йилларда бошоқли дон экинларининг ҳосилдорлиги ошиб бормоқда (8-жадвал).

8-жадвал

Ўзбекистон Республикаси қишлоқ ва сув хўжалиги вазирлиги таркибидаги жамоа, ширкат, давлат хўжаликлариди бошоқли дон ва пахта ҳосилдорлиги (ц)

Вилоятлар	Бошоқли дон					Пахта				
	1996	1998	1999	2000	2004	1996	1997	1997	1998	2000
Қорақалпоғистон	13,4	14,1	20,5	22,1	23,9	13,9	18,3	10,6	13,0	13,1
Андижон	48,6	64,6	65,2	70,2	57,7	28,7	30,1	24,3	30,2	31,8
Бухоро	24,1	24,8	32,9	35,6	51,5	28,6	26,3	29,5	31,3	27,2
Жиззах	8,0	12,7	13,0	16,3	20,8	12,6	15,1	13,7	21,1	14,8
Қашқадарё	11,2	15,5	17,0	14,9	26,8	21,7	24,3	22,9	21,9	17,7
Навоий	16,3	21,7	28,1	26,8	40,9	23,2	224,6	25,7	27,3	25,1
Наманган	31,4	29,4	29,9	34,0	46,5	26,2	26,4	21,9	23,8	25,9
Самарқанд	17,3	21,7	21,8	27,8	37,3	22,2	25,8	25,8	25,2	18,0
Сурхондарё	25,4	26,6	14,9	21,4	39,8	31,0	28,4	27,9	25,8	21,8
Сирдарё	14,4	20,1	21,0	20,4	31,2	14,0	14,0	13,1	17,1	12,9
Тошкент	21,8	25,9	25,7	27,7	34,6	23,9	22,9	20,1	24,9	23,9
Фарғона	30,5	29,4	28,9	32,9	50,2	23,6	29,0	22,8	25,2	29,9
Хоразм	18,1	45,4	51,9	48,9	39,4	28,7	32,3	21,8	29,0	22,7
Республика бўйича	18,9	23,0	23,3	26,8	35,4	22,5	24,1	21,0	23,7	21,7

1996-2004 йиллар мобайнида бошоқли дон экинлари ҳосилдорлиги республика бўйича 87,3 фоизга ошиб, 35,4 ц.ни ташкил этган. Бу кўрсаткич Сурхондарё вилоятидан ташқари барча вилоятларда ошган. Бошоқли дон экинлари ҳосилдорлигининг ошиши асосан республика ҳукуматининг ғалла мустақиллиги сиёсати амалга оширилиши

натижасидир. Бу сиёсатни амалга ошириш мақсадида барча қишлоқ хўжалик корхоналарининг раҳбарлари уруғчиликни ривожлантиришга, илғор технологияларни жорий этишга, янги техникалардан фойдаланишга алоҳида эътибор бермоқдалар. Етиштирилаётган доннинг бир қисми аҳолига берилиши натижасида дончиликка уларнинг ҳам қизиқиши кескин ортди. Улар ўз талабларини қондириш мақсадида ғаллачиликни ривожлантиришга интиломоқдалар.

Республикада жами экин майдонининг 38,2 фоизи, яъни 1443,7 минг гектарига (2000 й.) пахта экилди. Шу майдонларнинг ҳар гектаридан ўртача 21-24 ц. атрофида пахта хомашёси етиштирилмоқда. Унинг даражаси республика вилоятларида 12,9 центнердан 31,8 центнергача фарқ қилмоқда. Сирдарё, Жиззах вилоятлари ҳудудидаги ерларнинг мелиоратив ҳолати ёмон, тупроғи шўрланган. Шунинг учун бу ерлардан кам пахта, ғалла ҳосили олинмоқда. Қорақалпоғистон Республикаси ерлари шўрланишдан ташқари сифатли, яъни суғориладиган сув билан ҳам тўлиқ таъминланмаган. Ўзбекистон Республикаси қишлоқ хўжалигининг сув ресурсларига бўлган талаби охириги йилларда (2000-2001 й.) 49,4 млрд. м³ ни ташкил этмоқда. Лекин сув манбаларида сув камлиги сабабли тармоққа 42 млрд. м³ сарфланмоқда. Натижада тармоқнинг сув билан таъминланганлик даражаси 85 фоиздан ошмаётир. Бундай ҳол, албатта, ердан фойдаланиш самарадорлигига салбий таъсир кўрсатмоқда.

Шундай ҳолат мавжудлигига қарамай, республикада бир қанча хўжаликлар ғалла, пахта экилган майдонлардан юқори ҳосил олиб, ердан самарали фойдаланмоқдалар. Бунинг учун улар экин экиладиган ерларни вақтида, сифатли ҳайдаб, сара уруғларни янги технологиялар асосида экиб, парваришга алоқадор бошқа тадбирларни эътибор билан ўтказмоқдалар. Экинларга агротехник муддатларда сув, ўғит бермоқдалар. Етиштирилган ҳосилни ҳам қисқа муддатда сифатли қилиб йиғиштириб олмақдалар. Бу жараёнда хўжалик раҳбарлари, мутахассислари барча имкониятлардан тўлиқ ва самарали фойдаланмоқдалар.

Ҳозирги даврда (2004й) ерлардан фойдаланиш самарадорлиги жамоа ва ширкат хўжаликларига нисбатан фермер ҳамда деҳқон хўжаликларига юқори. Масалан, бошоқли дон экинлари ҳосилдорлиги жамоа ва ширкат хўжаликларига 33,0 ц. бўлган бўлса, фермер хўжаликларига 33,9 ц., деҳқон хўжаликларига эса 39,8 ц. бўлган, картошка ҳосилдорлиги ҳам 110,2 центнердан 173,1 центнерга, сабзавот экинлариники эса 153,2 центнердан 182,8 центнерга етган. Бунга асосан мулк ва унга эгаликнинг ўзгариши, яъни манфаатдорлик таъсир кўрсатган.

Қишлоқ хўжалик экинлари ҳосилдорлигининг ошиши ердан фойдаланиш самарадорлиги юксалишини таъминлайди.

Республикада ҳар гектар қишлоқ хўжалик еридан фойдаланишнинг иқтисодий самарадорлиги 1997-2000 йиллар мобайнидагина ошган (9-жадвал). Ҳақиқатда эса шундай эмас. Чунки унга баҳоларнинг ошиши бевосита таъсир кўрсатган.

9-жадвал

Ўзбекистонда ер ва сув ресурсларидан фойдаланишнинг самарадорлиги даражаси динамикаси

№	Кўрсаткичлар	Ўлчов бирлиги	Йиллар				
			1996	1997	1998	1999	2000
1	Пахта ҳосилдорлиги	га\ц	22,5	24,1	21,0	23,7	21,7
2	Бошоқли дон ҳосилдорлиги	га \ц	18,9	19,3	23,0	23,3	26,8

3	1000 м ³ сув эвазига етиштирилган: -пахта хомашёси миқдори -ялпи маҳсулот қиймати	кг сум	- -	- -	101 10410	106 14700	113 31440
4	1 га қишлоқ хўжалик еридан олинган ялпи маҳсулот қиймати	сум		2032	2496	5879	13114
5	1 балл эвазига етиштирилган пахта ҳосили	кг	41	44	38	43	39

Пахтачиликда сувдан фойдаланишнинг самарадорлиги ҳам ортмоқда. Лекин эришилган натижалар ўсиб бораётган талаб даражасида эмас. Ер-сув ресурсларидан фойдаланишнинг иқтисодий самарадорлигини ошириш учун бир қанча ташкилий, иқтисодий тадбирларни амалга ошириш лозим. Даставвал қишлоқ хўжалик ерларини ундан фойдаланувчилар ихтиёрига узоқ муддатга фойдаланиш учун бериш масаласини тўлиқ ҳал этиш зарур. Бунинг учун қишлоқ хўжалик ерларини танлов асосида юридик шахс мақомига эга бўлган фермер ва деҳқон хўжаликларига қишлоқ хўжалик йили бошланишидан олдин, яъни январь, февраль, март ойларида ҳамда кузги экинларни экишдан олдин, яъни июнь, июль, август ойларида 10 йилдан 50 йилгача бўлган муддатга беришни йўлга қўйиш лозим. Ҳозирги даврда бу масала тўлиқ ечилмаган.

Ширкат хўжаликларида қишлоқ хўжалик экинлари экиладиган ерларни пудратчиларга бир йилга эмас, балки камида алмашлаб экишни жорий этиш муддатига фойдаланиш учун ижарага бериш мақсадга мувофиқдир. Бу ердан фойдаланувчи ижара пудратида ишлайдиган фуқароларда тўлиқ ишончни шакллантиради. Сўзсиз, бу ҳол, ердан фойдаланишга бўлган муносабат ижобий томонга ўзгаришини таъминлайди.

Шулар билан биргаликда иқтисодий унумдорлигини ошириш мақсадида ерларнинг мелиоратив ҳолатини тубдан яхшилашни таъминловчи тадбирларни комплекс амалга оширишни ривожлантириш жуда муҳим муаммо ҳисобланади. Бу муаммони ечишда давлат бош ижрочи бўлиши лозим. Ҳозирги вақтда бу тадбирлар 27-30 минг га да амалга оширилмоқда. Бу, сўзсиз, камдир. Агарда бу муҳим тадбир қишлоқ хўжалик корхоналарига тўлиқ юкланса, бажарилмаслиги муқаррар. Чунки уларнинг техник, иқтисодий қуввати етмайди. Давлатнинг эса техник, иқтисодий имконияти улкан. Хўжаликлар ерларининг мелиоратив ҳолатини яхшилашда ирригация ва мелиорация давлат ҳиссадорлик ташкилотлари хизмат қилиб, улардан ўз ҳақларини олишни таъминлайдиган иқтисодий муносабатларни йўлга қўйиш лозим.

Ер-сув ресурсларидан фойдаланишнинг иқтисодий самарадорлигини юксалтириш учун ер-сув муносабатларини такомиллаштириш, чуқурлаштириш, яъни либераллаштириш масалаларини ҳал этишни тезлаштириш мақсадга мувофиқдир. Бунинг учун ер ва сувнинг баҳоларини ва улардан фойдаланганлик учун тўланадиган ҳақларни, солиқлар миқдорини реалроқ аниқлаш лозим. Бунда бозор иқтисоди қонунлари талабларига асосланиш, шунингдек, ер ва сув ресурсларининг чекланганлиги, такрор ишлаб чиқарилмаслиги, ҳолати, сифати, истеъмолчиларга узоқ-яқинлиги, ишлаб чиқариш воситалари ҳамда инфратузилмалар билан таъминланганлиги, олинаётган маҳсулот, фойда суммаси каби индикаторларни ҳам эътиборга олиш зарур.

Ерлардан, сувлардан тўлиқ ва самарали фойдаланиш учун:

- ер-сув ислохотларини қонунлар асосида яхши ўтказиш, уларни фойдаланувчиларга бериш, сотиш;

- захланиб, шўрланган ерларда ирригация ва мелиорация тадбирларини вақтида сифатли амалга ошириш;
- янги, самарали техникаларни, илғор технологияларни ишлаб чиқаришга жорий этиш;
- илмий ва амалий жиҳатдан асосланган алмашлаб экишни тиклаш;
- экологияга салбий таъсир кўрсатмаган ҳолда кимёвий воситалардан оқилона фойдаланиш;
- селекция, уруғчиликни, агротехник тадбирларни сифатли амалга ошириш;
- ишчи ва хизматчиларни моддий ва маънавий рағбатлантириш билан боғлиқ бўлган масалаларни ҳал этиш;
- ер ва сув муносабатларини такомиллаштириш ва эркинлаштириш лозим.

5.4. Ер мониторинги ва давлат ер кадастри

Янги асрда ёш, мустақил, келажаги порлоқ ва буюк республикамиз тинчликка, демократияга асосланган ҳолда сиёсий, иқтисодий ҳамда ижтимоий жиҳатдан ривожланган давлатлардан бирига айланиши муқаррар. Бунинг учун эса у ўз ҳудудидаги барча бойликлардан оқилона, самарали фойдаланиши лозим, шу жумладан, ер-сув ресурсларидан ҳам.

2002 йилнинг бошида республикамизнинг жами ер майдони 44896,0 минг гектардан иборат. Ер мамлакатимизнинг умумий бойлиги эканлиги Республика Конституциясида ва «Ер кодекси»да алоҳида таъкидланган. Ер -халқимиз ҳаёти, фаолияти ва фаровонлигининг асосидир. Ундан фақат бугунни эмас, келажак авлодларнинг ҳам манфаатларини кўзлаб, илмий асосланган ҳолда, оқилона, самарали фойдаланиш, уни муҳофаза этиш умуммиллий долзарб масала ҳисобланади. Ўта муҳим бу вазифа ҳал этилишини таъминлаш мақсадида Ўзбекистон Республикаси Вазирлар Маҳкамаси 2000 йилнинг 23 декабрида «Ер мониторинги тўғрисидаги Низом»ни тасдиқлади. Ер мониторинги республика ер фондидаги барча ўзгаришларни ўз вақтида илмий асосланган ҳолда аниқлаш, ерларга тўлиқ баҳо бериш (сифат ҳамда иқтисодий жиҳатдан), уларга таъсир этувчи салбий жараёнларнинг олдини олиш ва оқибатларини изчил тугатиш мақсадида ернинг ҳолатини кузатиб бориш билан боғлиқ бўлган ахборотлар тизимидан иборатдир. Республикаимизнинг барча ерлари мониторинг объекти ҳисобланади.

Ер мониторинги Ўзбекистон Республикаси Ер ресурслари давлат қўмитаси, Ўзбекистон Республикаси Вазирлар Маҳкамаси ҳузуридаги геодезия, картография ва давлат кадастри бош бошқармаси, Ўзбекистон Республикаси қишлоқ ва сув хўжалиги вазирлиги, республикадаги бошқа манфаатдор вазирликлар, идоралар ва ташкилотларнинг бевосита иштирокида амалга оширилади.

Низомда вазирликлар ва идоралар фаолиятини ва ер мониторинги маълумотларини умумлаштиришдек муҳим вазифа Ўзбекистон Республикаси Ер ресурслари давлат қўмитаси зиммасига юклатилган. Демак, юксак давлат аҳамиятига молик бўлган вазифани муваффақиятли ҳал этишда қўмита таркибидаги барча идоралар, ташкилотлар фаол қатнашишлари зарур. Юқоридагилардан келиб чиққан ҳолда «Ўздаверлойиха» институтининг Ер кадастри шўъба корхонаси ер мониторинги амалга оширилишини таъминлашга қуйидаги йирик масалаларни ҳал этиш билан ҳисса қўшишни режалаштирмоқда: қишлоқ хўжалик ерлари тупроқ мониторингини амалга ошириш учун тупроқшунослик тадқиқотларига оид тўпланган барча маълумотларни умумлаштириб, мониторинг тадқиқотларини олиб бориш мақсадида республика, вилоятлар ҳамда туманлар ҳудудида асосий майдонларни ташлаш ва уларни асослаш; вақт ўтиши билан тупроқларнинг асосий хусусиятлари ўзгарганлигини исботловчи маълумотларни теран ва тўлиқ таҳлил этиш; тадқиқот олиб бориладиган асосий ҳамда экологик майдонларда тупроқларнинг ҳолатини исботловчи кўрсаткичлар мажмуасини

асослаш, ташкил этиш ҳамда юритиш; тупроқнинг ҳолатини кузатиш, унга оид маълумотларни сифатли тўплаш ҳамда уларга ўзгартиришлар киритиш керак. Бунинг учун қишлоқ хўжалик ерлари тупроқларини сув ва шамол эрозияси таъсири оқибатида ўзгариши мониторинги; қишлоқ хўжалик ерлари тупроқлари шўрланганлик даражасининг ўзгариш жараёни мониторинги; қишлоқ хўжалик ерлари тупроқлари оғир металллар билан захарланганлик ҳамда захарланганлик даражасининг ўзгариши мониторинги; қишлоқ хўжалик ерлари тупроқларининг техноген ўзгариши мониторинги; нефть маҳсулотлари салбий таъсири натижасида тупроқларнинг ифлосланиши мониторинги; барча ўсимликларнинг оғир металллар билан захарланиш даражаси мониторинги; қишлоқ хўжалик ерлари тупроқларининг гербицит ва пестицидлар билан захарланиш даражаси мониторинги; минерал ўғитлардан фойдаланиш натижасида тупроқлар таркибидаги ўзгаришлар мониторинги амалга оширилади.

Илмий ҳамда амалий жиҳатдан муҳим ҳисобланган бу ишларни ўз вақтида, сифатли бажариш учун малакали мутахассисларга эгамиз. Лекин, бу борада кўзланган мақсадга эришиш катта маблағни талаб этади. Бу маблағ эвазига эса корхонанинг моддий-техника таъминоти барпо этилиши ҳамда ривожлантирилиши лозим.

Ер мониторинги ер таркибидаги ўзгаришларни ўз вақтида аниқлаш, ерларга баҳо бериш, салбий жараёнларнинг олдини олиш ва оқибатларини тугатиш учун ер фондининг ҳолатини кузатиб туриш тизимидан иборат. Давлат ер кадастри юритишни, ердан фойдаланишни, ер тузишни, ер фондидан белгиланган мақсадда ва оқилона фойдаланиш устидан давлат назоратини амалга оширишни, ерларни муҳофаза қилишни ахборот билан таъминлаш ер мониторинги асосида амалга оширилади.

Давлат ер кадастри ерларнинг табиий, хўжалик ва ҳуқуқий режими, уларнинг тоифалари, сифат кўрсаткичлари ва баҳоси, ер участкаларининг жойлашган манзили ва ўлчамлари, уларни ер эгаларига, ердан фойдаланувчиларга, ижарачиларга ҳамда мулкдорларга тақсимлаш тўғрисидаги зарур, ишончли маълумотлар ва ҳужжатлар тизимидан иборат. Давлат ер кадастри ер муносабатларини тартибга солиш, ердан оқилона фойдаланиш ва уни муҳофаза қилиш, ер тузишни ташкил этиш, ер учун тўланадиган ҳақ миқдорини асослаш, хўжалик фаолиятига баҳо бериш мақсадида барча ташкилот, корхоналарда фуқароларни ер тўғрисидаги маълумотлар билан таъминлашга мўлжалланган. Давлат ер кадастри ернинг қийматини (баҳосини) аниқлашни тақозо этиб, ўз ичига олган бўлади. Давлат ер кадастрининг маълумотлари ерлардан фойдаланиш ва уларни муҳофаза қилишда, ер участкалари бериш (сотишда) ва уларни олиб қўйишда, ер учун тўланадиган ҳақ миқдорини белгилашда, ер тузиш ишларини ўтказишда, хўжалик фаолиятига баҳо беришда ҳамда ерлардан фойдаланиш ва уларни муҳофаза қилиш юзасидан бошқа тадбирларни амалга оширишда мажбурий тартибда татбиқ этилади. Давлат ер кадастри бутун республика учун ягона тизим асосида давлат бюджети маблағлари ҳисобидан давлат ер кадастри ва ер тузиш хизмати органлари (Давлат ер қўмитаси) томонидан юритилади.

Демак, ер кадастри қуйидагилардан ташкил топади:

- ердан фойдаланувчилар;
- ер майдони, унинг таркиби, сифати;
- ерни иқтисодий баҳолаш.

Ерларни иқтисодий баҳолаш бир қанча иқтисодий муҳим масалаларни ҳал этишга қаратилган бўлиши лозим. Энг аввало, ер умумхалқ, давлат мулки сифатида баҳоланиши мақсадга мувофиқдир. Шунда мамлакат миллий бойлигининг таркиби–ернинг қийматини, улушини аниқлаш имконияти яратилади. Шунинг билан биргаликда ернинг асосий восита сифатида баҳоланиши ҳам ҳал этилиши лозим. Юқоридаги муаммоларнинг ҳал этилиши бозор иқтисодиёти шаклланаётган

Ўзбекистонда ҳам ер муносабатларини такомиллаштиришга муайян хисса қўшиши мумкин.

Республикада қишлоқ хўжалик ерларининг қийматини баҳолаш мақсадида 1998 йилда «Услубий қўлланма» ишлаб чиқилган. Унда суғориладиган ерларнинг меъёрий қийматини аниқлаш тартиби батафсил ёритилган.

Суғориладиган ерларнинг қийматини аниқлаш учун:

- барча суғориладиган майдонларнинг тупроқлари турлари бўйича, уларнинг барча хусусиятларини, ҳолатини эътиборга олган ҳолда бонитировка қилиниб, бонитет балли ишлаб чиқилди. Барча хусусиятлари бўйича энг унумдор, яхши тупроқ 100 балл қилиб белгиланган. Айрим хусусиятларини (шўрланганлик, тошлоқ, эрозия...) эътиборга олган ҳолда тупроқнинг банитет балли пасайиб боради; бу ҳол тупроқнинг табиий унумдорлигини ифодалайди;
- табиий унумдорликка асосланган ҳолда иқтисодий омиллар (инвестицияларни амалга ошириш натижасида меҳнат маблағ, техника...) таъсирида етиштирилиши мумкин бўлган маҳсулотнинг меъёри аниқланган. Барча омиллардан оқилона фойдаланиш натижасида 1 балл 40 кг. пахта хомашёсини етиштириш қобилиятига эга эканлиги ҳисоб-китоблар асосида аниқланган. Демак, маҳсулот етиштириш билан боғлиқ бўлган барча омиллар меъёр доирасида бўлса, у тупроқнинг 1 балли 40 кг. пахта етиштириш имкониятига эга экан.
- қишлоқ хўжалигининг жойлашишини, ихтисослашишини эътиборга олган ҳолда 1га-га, 1 ц-га сарфланиши мумкин бўлган харажатлар меъёри ишлаб чиқилган;
- тупроқнинг иқтисодий унумдорлигига асосланган ҳолда ишлаб чиқарилиши лозим бўлган маҳсулотларнинг миқдори, уларни сотиш каналлари бўйича ўртача сотиш баҳоларини эътиборга олган ҳолда меъёрий ялпи маҳсулот қийматини аниқлаш тартиби кўрсатилган.
- юқоридагиларга асосланган ҳолда ҳар бир гектар суғориладиган майдондан олиниши мумкин бўлган соф фойда миқдорини аниқлаш тартиби ҳам кўрсатилган. Шуларга асосланган ҳолда 1 гектар суғориладиган ернинг баҳосини (қийматини) ушбу формула ёрдамида аниқлаш мумкин:

$$E_{\text{кк}} = \frac{C_{\text{ФмК}}}{C_{\text{ф}}}$$

Бунда: $E_{\text{к}}$ - 1 га ернинг қиймати (сўмда);

$C_{\text{Фм}}$ - олинадиган соф фойда меъёри (сўмда);

K - ерларнинг ҳолатларини ифодаловчи коэффициент;

$C_{\text{ф}}$ - банк ссуда капиталининг йиллик фоизи (фоизда).

Шу формуладан фойдаланган ҳолда хўжаликнинг 80 баллга эга бўлган 1 гектар ери баҳосини аниқлаш керак бўлса, шу бир гектар ердан олиниши мумкин бўлган ялпи маҳсулот қийматидан меъёрий харажатлар суммасини айириб, олиниши мумкин бўлган соф фойда суммаси аниқланади. Бу майдон кам шўрланган, ундан 25 центнер пахта ҳосили олиш мумкин, дейлик. Агарда ҳар бир тонна пахта 2002 йил харид баҳоларида 104,6 минг сўмга сотилса, унда 267,5 минг сўмлик (2,5x104,6) ялпи маҳсулот олиш мумкин. Ҳар бир тонна пахта хомашёсини етиштириш учун 90,0 минг сўм харажат қилинадиган бўлса, шу майдондан (2,5*(104,6-90,0)) = 36,5 минг сўмлик соф фойда олиш мумкин. Банк ссуда капиталининг йиллик фоизи 30 фоиз бўлса, 1 га ернинг қиймати:

$$E_{\text{кк}} = \frac{36,5 \times 0,85}{30,0} \cdot 100 \text{к} 103,41 \text{ минг сўмга тенг бўлар экан.}$$

Агарда шу майдон ҳар томомлама яхши бўлса (Қ-1.2), унда унинг қиймати ($\$6,5 \times 1,2 \times 300 \times 100$) қ146 минг сўмга тенг бўлади. Ер майдони кам шўрланганлиги учун унинг қиймати 42,6(146,0-103,4)минг сўмга арзонроқ экан.

Лекин ер ресурсларининг чекланганлиги ва уларга нисбатан бозор талаби оша бориши натижасида уларнинг қиймати янада юқори бўлиши мумкин. Шундай тартибдан фойдаланган ҳолда ширкат хўжаликларининг суғориладиган ерлари қиймати аниқланиб, улар хўжаликнинг «пай фонди» таркибига қўшилмоқда.

Лекин келажакда иқтисодий эркинлаштириш жараёнида ерларнинг қийматини аниқлаш тартибини такомиллаштириш лозим. Бунда ер рентасига алоҳида эътибор бериш мақсадга мувофиқ. Чунки давлат мулкнинг эгаси сифатида мутлақ ер рентасини олиши, дифференциал ренталар эса ер эгаси билан ундан фойдаланувчилар ўртасида тақсимланиши лозим. Шу билан биргаликда бозор шароитида ерга бўлган талабни ҳам эътиборга олиш зарур.

Давлат ер кадастрини юритиш топография – геодезия, картография, тупроқ, агрохимё, геоботаника жиҳатидан ва бошқа йўналишда текшириш ва изланишлар олиб бориш, ерларни ҳисобга олиш ва уларга баҳо бериш, ер эгаларининг, ердан фойдаланувчиларнинг, ижарачиларнинг ҳамда мулкдорларнинг ер участкаларига бўлган ҳуқуқларини рўйхатга олиш билан таъминланади. Ер мониторинги ва давлат ер кадастри «Ер кадастри» қонуни асосида амалга оширилади.

Давлат мулкни уни тасарруфидан чиқариш натижасида акционерлик, пайчилик мулкларига биргаликда эгалик қилиб, ишлаб чиқаришни ташкил этувчилар тадбиркорлардир. Улар бозор иқтисодиётига хос бўлган, аввал бизда мавжуд бўлмаган янги масалаларни, муносабатларни мукамал билишлари лозим. Даставвал улар мулкни давлат тасарруфидан чиқариш ва хусусийлаштириш тартибини яхши билишлари зарур. Шунинг билан биргаликда акциялар, уларнинг турларини, мазмунини қандай қилиб акциядорларга берилишини, сотилишини ҳамда дивидентларини аниқлашни билишлари лозим. Пайларни аниқлашни, уларни пайчиларига етказишни шу билан боғлиқ бўлган муносабатларни амалга ошириш қобилиятларига эга бўлишлари зарур. Ҳозирги даврда ташкил этилаётган акциядорлик, пайчилик, мулкчиликка асосланган хўжаликларнинг ҳар бир мутахассиси юқоридаги масалаларни бажара олиш имкониятларига эга эмаслар. Бу масалаларни муваффақиятли ҳал этиш учун шу тадбиркорларнинг билимларини ошириш ишларини ташкил этиш лозим. Шу билан биргаликда мулкчилик шаклларини ташкил этишни таъминлайдиган қўлланмаларни ишлаб чиқиб, уларни амалиётда синаб, тадбиркорларга етказиш зарур.

1. Қишлоқ хўжалигида сушт суръатлар билан қўшма мулкчиликка асосланган тадбиркорлик корхоналари ташкил этилмоқда. Улардаги раҳбар тадбиркорлар ташқи иқтисодий муносабатлар амалга оширилишининг контрактларини, инвестиция сиёсатини, тартибини, маҳсулотларнинг даромадларини ўзаро тақсимлаш билан боғлиқ бўлган масалаларни билишлари зарур. Улар ички ҳамда ташқи бозорнинг ҳолатини, маълумотлар, рекламалар ҳамда бошқариш санъатини ҳам эгаллашлари керак. Бу тоифадаги тадбиркорлар аввалгиларига нисбатан анча малакали, билимдон, уддабурон бўлишлари лозим.

Юқорида таъкидланганлардан кўриниб турибдики, республикамиз қишлоқ хўжалигида тадбиркорликнинг турли шакллари ташкил топмоқда. Улар қишлоқ хўжалигини ривожлантиришга ижобий ҳисса қўшмоқдалар. Лекин, улар ўз фаолиятларини амалга оширишда анчагина қийинчиликларга учрамоқдалар. Масалан, ташкилий, ҳуқуқий, ижтимоий ҳамда иқтисодий масалаларни ҳал этиш борасида. Чунончи, ерларни олишда, тадбиркорлик шаклларини ташкил этишда, кредит олишда, маҳсулотларини сотишда, улар учун ҳақ олишда мушкулликларга дуч келмоқдалар. Шунинг оқибатида улар ишчи-хизматчиларига ўз вақтида иш ҳақи бера олмайдилар. Бу

масалаларни ҳал этишда маҳаллий ҳокимият ёрдам қўлини чўзиши зарур. Шундагина қишлоқ хўжалигида ҳам тадбиркорлар кўпайиб, тадбиркорлик ривожланиши таъминланади.

Таянч иборалар:

Ер фонди, қишлоқ хўжалик ерлари, тупроқнинг сунъий ва иқтисодий самарадорлиги, ердан фойдаланишни иқтисодий самарадорлиги, ер мониторинги, кадастри, ернинг қийматини иқтисодий баҳолаш.

Қисқача хулосалар

Ер ва сувга нисбатан давлат мулкчилиги сақланган ҳолда улардан йил давомида тўлиқ ва самарали фойдаланиш ҳуқуқи жисмоний ҳамда юридик шахсларга узоқ муддатга ҳамда умрбод берилмоқда.

Улардан тўлиқ ва самарали фойдаланганлик даражасини маълум бир кўрсаткичлар тизими ёрдамида таҳлил этиш лозим.

Кейинги йилларида ерлардан, сувлардан фойдаланишнинг самарадорлиги талаб даражасида эмас. Сабаби – ерларнинг ирригация-мелиорация ҳолати ёмонлашаётганлиги, илмий ва амалий жиҳатдан асосланган алмашлаб экиш тўлиқ жорий этилмаётганлиги, суғориш иншоотларининг ишга яроқлилиқ ҳолати пасайиши, ер ва сувлардан самарали фойдаланганлик учун рағбатлантиришнинг сустлигидир.

Келажакда ер ва сув ресурсларидан фойдаланиш даражасини ҳамда иқтисодий самарадорлигини ошириш учун тупроқ унумдорлигини, сувнинг сифатини яхшилашга қаратилган барча тадбирлар ўз вақтида, сифатли бажарилишини таъминлаш зарур.

Мамлакат миқёсида ер-сув мониторинги ва кадастрлари талаб даражасида амалга оширилишини таъминлаш керак.

Назорат ва муҳокама учун саволлар

1. Ер ва сув ресурсларининг қишлоқ хўжалигидаги аҳамияти, ер ва сув ресурслари қишлоқ хўжалигининг асосий воситаси эканлиги.
2. Ер ва сувларнинг таркиби, уларни хусусиятлари нималардан иборат?
3. Ер кадастри, унинг таркиби, амалга оширилиши ҳақида нималарни биласиз?
4. Ер мониторинги, унинг мазмуни ҳақида-чи?
5. Ер ва сув ресурсларидан фойдаланиш даражасини ҳамда самарадорлигини оширишнинг қандай йўллари бор?

Асосий адабиётлар

1. Ўзбекистон Республикасининг «Фуқаролик Кодекси», «Тадбиркорликка оид қонун ҳужжатлари тўплами», Т.: «Шарқ», 2002.
2. Ўзбекистон Республикасининг «Меҳнат Кодекси», Т.: «Адолат», 1996
3. Ўзбекистон Республикасининг «Маъмурий жавобгарлик тўғрисидаги Кодекси», Т.: «Адолат», 1995
4. Ўзбекистон Республикасининг янги таҳрирдаги 2004 йил 26 августдаги «Фермер хўжалиги тўғрисида»ги Қонуни, «Халқ сўзи» газетаси, 2004 йил 15 октябр
5. Ўзбекистон Республикасининг 1998 йил 30 апрелдаги «Дехқон хўжалиги тўғрисида»ги Қонуни, «Ўзбекистон Республикаси банклари томонидан кичик ва ўрта бизнесни қўллаб-қувватлаш бўйича қонунчилик ҳужжатлари тўплами», Т.: «Ўзбекистон», 2002 й.

6. Бланк И.А. «Основы финансового менеджмента». 2-х томах, К.: «Ника-центр» «Эльга», 1999.
7. Барнс Л.Б. и др., «Преподавание и метод конкретнѐх ситуаций» – М., 2000
8. Богатин Ю.В. Швандар В.А., «Инвестиционнѐй анализ. учебное пособие», - М.: ЮНИТИ, 2001
9. М.Н. Баканова, А.Д. Шереметова, «Экономический анализ: ситуации, тестѐ, примерѐ, задачи, вѐбор оптимальнѐх решений, финансовое прогнозирование»,- М.: Финансѐ и статистика, 2004

Интернет сайтлари:

1. Московская сельскохозяйственная академия. www.ecfak.timacad.ru
2. Приамурский Институт Агрэкономики и Бизнеса www.admin.ru
3. Петранева Г.А. Экономика и управление в сельском хозяйстве, Академия, 2003. <http://textbook.ru/catalogue/book/33320.html>
4. Попов Н.А. «Основы рыночной агроэкономики и сельского предпринимательства», М.: Тандем, 2002, <http://rbip.bookchamber.ru/description7897.htm>
5. Попов Н.А. Экономика отраслей АПК. Курс лекции, 2002, <http://family.taukita.ru/item22219310.htm>

VI БОБ. ҚИШЛОҚ ХЎЖАЛИГИНИНГ МОДДИЙ-ТЕХНИКА РЕСУРСЛАРИ, ФАН-ТЕХНИКА ТАРАҚҚИЁТИ, ИЛҒОР ТЕХНОЛОГИЯЛАР ВА УЛАРДАН САМАРАЛИ ФОЙДАЛАНИШ

6.1. Моддий-техника ресурслари ҳақида тушунча, уларнинг аҳамияти, хусусиятлари ва туркумлаштирилиши

6.2. Фан-техника тараққиёти, унинг йўналишлари, самарали технологиялар. Қишлоқ хўжалигининг моддий-техника ресурслари билан таъминланганлик ҳамда улардан фойдаланганлик даражасини ифодаловчи кўрсаткичлар, уларни аниқлаш тартиби

6.4. Бозор иқтисоди шароитида қишлоқ хўжалигининг моддий-техника ресурсларини шакллантириш, бундай воситалар бозори, техника тараққиётини жорий этиш, улардан самарали фойдаланиш

6.1. Моддий-техника ресурслари ҳақида тушунча, уларнинг аҳамияти, хусусиятлари ва туркумлаштирилиши

Давлатнинг, аҳолининг ҳамда ташқи бозорнинг талабларини сифатли қишлоқ хўжалик маҳсулотлари билан қондириш учун уларни етиштиришни кўпайтириш объектив зарурият ҳисобланмоқда. Бунинг учун талаб этилган миқдорда турли хилдаги ресурслар мавжуд бўлиши керак. Масалан, ер, сув, бино, иншоотлар, машиналар, тракторлар, ўрмон, боғлар, чорва ҳайвонлари, табиий ресурслар (ёғин, харорат) кимёвий воситалар, меҳнат ресурслари. Лекин бу моддий-техника ресурслари таркибига маблағлар ва бошқалар кирмайди. Улар қишлоқ хўжалигининг моддий-техника ресурсларини ташкил этади. Шу ресурслар ёрдамида қишлоқ хўжалигида турли хилдаги ишлар, хизматлар бажарилиб, маҳсулотлар етиштирилади. Уларнинг сифатини, ҳолатини яхшилаш, янгиларини яратиш мақсадида фан-техника тараққиёти амалга оширилади. Шунинг натижасида серҳосил, тезпишар навлар, сермаҳсул чорва зотлари, ҳар томонлама қулай ва самарали ҳисобланган техникалар, илғор технологиялар яратилди.

Шу ресурсларнинг қишлоқ хўжалик ишлаб чиқаришидаги аҳамияти ниҳоятда улкан. Чунки барча турдаги деҳқончилик маҳсулотларини етиштиришда ердан фойдаланилади. Демак, ер бўлмаса, юқоридаги маҳсулотларнинг етиштирилиши таъминланмайди. Мамлакатимиз деҳқончилиги суғоришга асосланганлиги муносабати билан сув ресурсларининг аҳамияти улкан. Қишлоқ хўжалигининг моддий-техника ресурсларини иқтисодий мазмуни, моҳияти ва барпо этилиши ҳамда фойдаланилиши бўйича 3-чизмадаги тартибда туркумлаштириш мумкин. Жумладан:

I – барпо этилиши бўйича;

II – ишлаб чиқаришга муносабати бўйича;

III – ишлаб чиқаришда қатнашишига кўра;

IV – такрор ишлаб чиқарилиши бўйича.

Демак, қишлоқ хўжалигининг моддий-техника ресурслари республика халқ хўжалиги ресурсларининг муҳим қисми ҳисобланади. Улар мулк сифатида тармоқнинг, корхоналарнинг иқтисодий негизини, асосини ташкил этади. Корхоналарнинг моддий-техника базаси мустаҳкам бўлса, уларда иқтисодий жиҳатдан ривожланиш учун асос мавжудлигидан далолат беради. Қишлоқ хўжалигининг моддий-техника ресурслари барпо этилиши бўйича табиий ва иқтисодий ресурслардан иборат. Табиий ресурслар ер, сув, ўрмон, чорва ҳайвонлари, иссиқлик ҳамда ёғингарчилик миқдоридан ташкил топади. Уларнинг асосий қисми давлат тасарруфида бўлиб, корхоналарга, фуқароларга фойдаланиш учун берилади.

Иқтисодий ресурслар эса иқтисодий потенциалнинг таркибий қисми бўлиб, моддий, молиявий ҳамда меҳнат ресурсларидан ташкил топади. Қишлоқ хўжалигини:

- моддий-техника ресурсларига ишлаб чиқаришнинг моддий воситалари: бинолар, иншоотлар, машиналар, тракторлар, комбайнлар, барча турдаги кимёвий воситалар, ўғитлар, уруғликлар, ем-хашаклар, ёқилғи, ёғловчи, қурилиш ва бошқа материаллар қиради.
- молиявий ресурсларига давлат томонидан ажратиладиган маблағлар, хўжаликларнинг жорий, валюта счётидаги, ғазнадаги пуллари, амортизация фонди, акциялардан олаётган фойдалари, банк кредитлари ҳамда ички ва ташқи инвестицияларини амалга ошириш натижасида олинаётган маблағлар, таъсисчилар ва бошқа манбалардан келиб тушаётган маблағлар қиради.

Уларнинг қишлоқ хўжалиги ишлаб чиқаришидаги ўрни ва аҳамияти жуда улкан. Чунки такрор ишлаб чиқариш жараёнида деҳқончилик ва чорвачилик маҳсулотлари талаб даражасида етиштирилиши ҳамда иш ва хизматлар кўнгилдагидек бажарилиши барча ресурсларнинг миқдорига ҳамда сифатига боғлиқ. Республика деҳқончилиги суғоришга асосланганлиги сабабли суғориладиган ерлар ва сув ресурсларининг таъсири жуда катта. Тармоқнинг моддий-техника базаси мустаҳкамланиши, ишлаб чиқариш жараёнларининг амалга оширилиши асосан молиявий ресурслар билан боғланган. Шундай экан, келажакда қишлоқ хўжалигининг моддий-техника ресурслари талаб даражасида барпо этилишига алоҳида эътибор бериш зарур. Уни давлат, тармоқ ва хўжаликлар миқёсида амалга ошириш мақсадга мувофиқдир.

Қишлоқ хўжалигининг моддий-техника ресурслари тармоқда фойдаланиладиган ва фойдаланилмайдиганларга бўлинади. Тармоқда у ёки бу мақсадда фойдаланиладиганлари – фойдаланиладиган ресурсларни, тармоқда мавжуд бўлиб, айрим объектив ва субъектив сабабларга кўра, вақтинча фойдаланилмаётганлари эса фойдаланилмаётган захира ресурсларни ташкил этади. Фойдаланиладиган захира ресурсларга захирадаги мелиоратив ерлар, айрим сув ҳавзаларидаги сувлар, ўрмонзорлар қиради.

Тармоқ корхоналарида фойдаланиладиган моддий-техника ресурслари барча ресурсларнинг энг муҳим қисми ҳисобланади. Улар ишлаб чиқариш жараёнида қатнашишига кўра, қуйидагича гуруҳларга бўлинади:

- ишлаб чиқариш жараёнида бевосита ишлатиладиган, яъни қатнашадиган ресурслар;
- ишлаб чиқаришда билвосита қатнашадиган ресурслар.

Ишлаб чиқаришда бевосита ишлатиладиган ресурслар ёрдамида турли хилдаги маҳсулотлар ишлаб чиқарилади, ишлар ва хизматлар бажарилади. Уларга экин экилган ерлар, яйлов ва пичанзорлар, экинларни суғориш учун сарфланаётган сувлар, машина, ер ҳайдаётган, экинларга ишлов бераётган тракторлар, комбайн, маҳсулотни кўпайтириш учун сарфланаётган кимёвий воситалар, ўғитлар, ҳайвонларга бериладиган ем-хашаклар, чорва ҳайвонлари, мевали дарахтлар ва бошқалар қиради. Шулар ёрдамида кўпроқ, яхшироқ маҳсулот етиштириш таъминланади. Корхоналарнинг оғбор, идора бинolari, айрим иншоотлари, техникалари, алоқа воситалари, компьютерлари ишлаб чиқариш жараёнида билвосита қатнашадилар. Уларни маҳсулот етиштиришга алоқаси чекланган.

Моддий-техника ресурсларининг маҳсулот етиштиришда, қишлоқ хўжалигини ривожлантиришда аҳамияти улкан. Шунинг учун уларни яратиш, барпо этиш, такрор ишлаб чиқариш зарур. Шу билан бирга улар меҳнатнинг характерини ўзгартириб, унумдорлиги юксалишини таъминлайди. Масалан, хўжаликнинг моддий-техника базаси қанчалик мустаҳкам (у замонавий машиналар, тракторлар, комбайнлар, станоклар билан таъминланган бўлса), барча ишлар шу техника воситалари ёрдамида бажарилиши

таъминланади. Меҳнатнинг индустриалашганлигини кўрсатувчи бундай шароит натижасида кўл кучи билан бажариладиган ишлар камаяди. Бу меҳнатнинг характери ўзгараётганлигидан далолат беради, айти пайтда ишчи-хизматчиларнинг билими, малакаси оширилиши талаб этади.

Қишлоқ хўжалигининг моддий-техника ресурслари ўзига хос бир қанча хусусиятларга эга. Айрим моддий ресурслар табиат маҳсули ҳисобланади. Жумладан, ер, сув, ҳарорат, ёғингарчилик (улар ҳақида ер ва сув ресурслари масалаларига бағишланган бобда батафсил тўхталиб ўтилган). Уларнинг барпо этилиши ҳамда такрор ишлаб чиқарилиши кўпроқ табиатга боғлиқ. Лекин қишлоқ хўжалигида банд бўлган фуқаролар ўзларининг билимларини, тажрибаларини ҳамда тадбиркорлигини ишга солган, фан-техника ютуқларидан, илғор технологиялардан фойдаланган ҳолда бу табиий омиллардан самарали, ўринли фойдаланишга ҳаракат қиладилар, аксарият ҳолларда яхши натижаларга эришадилар. Шунинг учун ҳам тармоқ ишлаб чиқариши табиатга ҳам боғлиқ.

Қишлоқ хўжалиги моддий-техника ресурслари таркибига чорва ҳайвонлари, ўсимликлар, мевали дарахтлар қатнашиши тармоқнинг муҳим хусусияти эканлигига алоҳида эътибор бериш, шунингдек, саноат тармоқларида ишлаб чиқарилган моддий-техника воситалари, тракторлар, машиналар, механизмлар, дастгоҳлар, кимёвий воситалар, ёқилғи, ёнилғи ҳамда ёғловчи материаллар ва бошқаларнинг иштирокини ҳам эътиборга олиш лозим. Саноат тармоқларида ишлаб чиқарилган моддий-техника воситалари, маълумки, инсон меҳнати натижасида яратилади. Улардан фойдаланиш самарадорлиги тармоқ ишлаб чиқаришининг мавсумийлигига ҳам боғлиқ.

Қишлоқ хўжалигининг мустаҳкам моддий-техника базасини яратишда юқорида таъкидланган хусусиятларни эътиборга олиш, шунингдек, ишлаб чиқаришнинг жойлашганлиги ҳамда ихтисослашганлигига алоҳида аҳамият бериш мақсадга мувофиқдир. Шу билан бирга илғор технологияларнинг жорий этилишини ҳамда технологик жараёнларда бажариладиган барча ишларни механизациялаштириш, автоматлаштириш имконини яратиш лозим.

Юқоридаги талабларга жавоб берадиган моддий-техника ресурслари асосан қуйидаги манбалар ҳисобига барпо этилади:

- корхонанинг маблағлари;
- четдан жалб этиладиган маблағлар.

Биринчисига корхоналарнинг маҳсулот сотиш, иш ва хизматлар бажариш натижасида олаётган пул даромадлари, тақсимланмаган фойдадан ажратилаётган маблағ, амортизация фондидан ажратилаётган маблағ, амортизация фонди ҳисобланган маблағ, фойдаланилмаётган айрим ишлаб чиқариш воситаларини сотишдан, ижарага берилаётган воситалардан фойдаланиш натижасида ва бошқа манбалардан олинган маблағлар киради. Бунда хўжаликларнинг акциялар чиқариб сотишдан олаётган пул даромадлари ҳам муҳим манба ҳисобланади. Лекин бу масала республика қишлоқ хўжалигида ҳозирча ҳал этилгани йўқ. Жуда муҳим бўлган бу масалани келажакда, албатта, ҳал этиш зарур.

Иккинчисига ирригация-мелиорацияга, экологияга ҳамда ижтимоий соҳаларга давлат бюджетидан ажратилаётган маблағлар, давлат эҳтиёжлари учун сотиб олинаётган маҳсулотларга давлат ҳисобидан ажратиладиган транш маблағлари, тижорат институтларининг кредит маблағлари, турли манбалардан жалб этилаётган инвестициялар, ҳомийларнинг, ҳамкорларнинг маблағлари ва бошқа манбалардан жалб этиладиган маблағлар киради. Бу маблағлар ҳисобига қишлоқ хўжалик корхоналари моддий-техника воситаларини уларни ишлаб чиқарувчиларнинг бевосита ўзларидан ёки биржалардан, кўرғазмалардан, аукционлардан шартномалар асосида сотиб олиб, моддий-техника базаларини мустаҳкамлашлари, айрим ҳолларда фойдаланиш учун ижарага олишлари мумкин. Шундай тартибда шакллантирилган моддий-техника ресурсларидан

хўжаликлар йил мобайнида тўлиқ ва самарали фойдаланишса, барча турдаги тадбирларни вақтида, сифатли амалга оширишлари аниқ.

6.2. Фан-техника тараққиёти, унинг йўналишлари, самарали технологиялар

Қишлоқ хўжалигини устувор даражада ривожлантириш учун унинг моддий-техника базасини мустаҳкамлаш керак. Тармоқнинг моддий-техника ресурслари шакллантирилиши, ривожлантирилиши, улардан самарали фойдаланиш масалалари фан-техника тараққиётига ва унинг даражасига бевосита боғлиқ. Фан-техника тараққиёти деганда, қишлоқ хўжалиги билан боғлиқ бўлган барча фанларнинг ривожланиши, тараққий топиши, билимли, малакали кадрлар тайёрланиши натижасида самарали янги техникалар яратилиши, мавжудлари эса такомиллаштирилишини назарда тутиш лозим. Бу ўринда таъкидлаш керакки, фан ривожланиши натижасида шу давргача бўлмаган мутлақо янги фан – «Моддий-техника ресурслари» ҳам яратилиши мумкин. Бу жараён фан-техника инқилобидан далолат беради. Демак, фан-техника тараққиёти инқилоби - интеллектуал онг ривожланишининг маҳсулидир. Бунинг учун интеллектуалларни тайёрлайдиган таълим, ихтирочилик тизимини янги босқичга кўтариш тақазо этилади. Улар қишлоқ хўжалиги учун зарур бўлган қулай ва самарали машина, трактор, механизм, ускуналар яратилишини, мавжудлари такомиллаштирилишини, серҳосил, тезпишар экин навлари, сермахсул чорва зотлари, илғор технологияларни яратадиган фанларнинг, фан-техника, технология ривожланишини таъминлайди. Натижада моддий-техника ресурсларининг миқдори ошади, сифати яхшиланади.

Бу жараённи республикамиз мисолида ҳам кўриш мумкин. Чунончи, фан-техникани тараққий эттириш йўлидан борилаётган Ўзбекистонда қишлоқ хўжалиги учун қишлоқ хўжалик машинасозлик саноати корхоналарида янги, сифатли хайдов, ишлов берувчи тракторлар, пахта терадиган машиналар, кимё саноатида полиэтилен қувурлар, плёнкалар ишлаб чиқарилмоқда. Ёмғирлатиб, тупроқ остидан, томчилатиб суғориш учун янги самарали техникалар барпо этилмоқда. Бу ҳол қишлоқ хўжалигида самарали, илғор технологиялар жорий этилишини таъминлайди.

Фан-техника тараққиёти ягона давлат сиёсати асосида кечиши, бу жараёнда қатнашувчиларнинг ташаббускорлиги, тадбиркорлиги ҳам уйғунлашиши лозим.

Фан-техника тараққиётининг асосий мақсади янги, самарали қишлоқ хўжалик техникаларини, экологик талабларга жавоб берадиган кимёвий воситаларни, янги навларни, зотларни яратиш, мавжуд воситаларни такомиллаштириш, меҳнатнинг характерини ўзгартириб, унинг унумдорлигини ошириш, ишлаб чиқариладиган маҳсулотлар миқдорини кўпайтириш, сифатини яхшилаш, уларни қайта ишлаб, истеъмолчиларга етказиб бериш орқали аҳоли, корхоналар ва ниҳоят, давлатнинг иқтисодиётини юксалтиришдир.

Фан-техника тараққиёти қишлоқ хўжалигида қуйидаги йўналишлар бўйича амалга оширилиши мақсадга мувофиқдир:

- янги ерларни комплекс ўзлаштириш, зах ва шўрланган ерларнинг мелиоратив ҳолатини яхшилаш, сув билан таъминланиш тадбирларини амалга оширадиган ишлаб чиқариш воситаларини яратиш, такомиллаштириш;
- тезпишар, кам сув талаб этадиган, сифатли ва серҳосил уруғ навларини, сермахсул чорва зотларини яратиш;
- қишлоқ хўжалик ишлаб чиқаришида амалга ошириладиган барча иш жараёнларини автоматлаштириш, электрлаштириш, кимёлаштириш ҳамда механизациялаштиришни таъминлайдиган воситаларни яратиш, мавжудларини такомиллаштириш;
- қишлоқ хўжалигига сервис хизматларини кўрсатиш, тармоқда ишлаб чиқарилган маҳсулотларнинг зарур миқдорини қайта ишлаб, сифатли сақлаб, истеъмолчиларга

вақтида, яхши ҳолатда етказиб бериш қобилиятига эга бўлган тадбиркорлик субъектларини шакллантириш;

- қишлоқ хўжалиги иқтисодиётининг эркинлаштирилишини таъминловчи иқтисодий механизмларни яратиш ва уларни ҳаётга изчиллик билан жорий этиш;
- фан-техника тараққиёти натижаларини қишлоқ хўжалиги ишлаб чиқаришининг барча соҳаларига ўз вақтида жорий этиш қобилиятига эга бўлган мутахассис кадрларни тайёрлаш, фаолият кўрсатаётганлари рағбатлантирилишини такомиллаштириш имкониятига эга бўлган механизмларни яратиш.

Фан-техника тараққиётининг шу йўналишлар бўйича амалга оширилиши натижасида қишлоқ хўжалиги учун зарур бўлган моддий-техника ресурсларини яратиш, мавжудларини эса такомиллаштириш таъминланади.

Фан-техника тараққиёти натижасида яратиладиган моддий-техника ресурслари қишлоқ хўжалигида янги, самарали технология вужудга келиши, бу жараён ривожлантирилишини таъминлайди. Бу технологиялар иш жараёнларининг белгиланган муддатда, сифатли бажарилишига, меҳнат унумдорлиги ошишига ва харажатлар камайишига олиб келади. Ҳозирги вақтда пахтачиликда «Андижон технологияси» яратилиб, республикада кенг кўламда жорий этилмоқда. Бу усулда чигит аввалдан олиб қўйилган пушталарга республикада ишлаб чиқарилаётган (дастлабки йилларда у Хитой республикасида валютага олиб келинар эди) плёнка остига экилмоқда.

Натижада тупроқ намлиги ва ҳарорат сақланиб, чигитнинг тез униб чиқишига эришилмоқда. Плёнкалардан фойдаланиш пуштада бегона ўтлар пайдо бўлишини кечиктиради. Бу ҳол биринчидан, яганани, ўтларни йўқотиш ишларини камайтириш, иккинчидан, сув сарфини қисқартириш имконини бермоқда.

Чигитни плёнка остига экиш натижасида пахта ҳосилининг эрта пишиши ҳамда уни қисқа муддатда юқори навларда териб олиш таъминланмоқда. Шу туфайли Андижон вилоятида пахта ҳосилдорлиги 1999-2002 йилларда ўртача 32 центнерни ташкил этди. Бу, республикада энг юқори кўрсаткичдир. Вилоятда 1 ц. пахта етиштириш учун 9,8 минг сўм сарфланмоқда. Бу республикадаги бу борадаги ўртача кўрсаткичдан 13,6 фоизга кам. Натжалар илғор технологиянинг афзалликларини бот-бот исботламоқда.

Бу ўринда таъкидлаш керакки, янги технологияни қўллаш учун шарт-шароит яратиш, уни амалга ошириш жараёнида айрим камчиликларга йўл қўйилмоқда. Масалан, чигит экиш сеялқалари технология талаблари даражасида такомиллаштирилмаган. Пуштага ёпилган плёнка вақтида, тўлиқ йиғиштириб олинмай, далаларда қолиб кетаётгани туфайли тупроқнинг ҳолатига ҳамда айрим бажариладиган ишларга салбий таъсир кўрсатмоқда. Ҳозирги даврда уларни бартараф этиш борасида илмий ва амалий ишлар олиб борилмоқда ва бу каби камчиликлар чигит плёнка остига экиладиган далаларни экишга тайёрлаш, экиш ва ундан кейинги амалларни бажариш жараёнида ҳам кузатилмоқда. Ғўзаларни суғоришда «Исроил технологияси» ҳам жорий этилмоқда. Бу технологиянинг асосий мақсади сувни тежашга қаратилган. Шу усулдан фойдаланиш натижасида 1 га пахта майдонига 4-5 марта кам сув бериш таъминланади. Голландияда етиштирилган картошка уруғи уларнинг техникалари билан экилиб, ўсимликларга ҳам голланд техникаларида ишлов берилиб, уларнинг ҳосили ҳам шу технологиялар билан йиғиштириб олинди. Бу жараёнда маҳаллий тажрибалардан ҳам кенг фойдаланилди. Натижада республикада картошкачилик ривожланди. Ҳозирги даврда аҳоли истеъмоли учун четдан картошка сотиб олишга барҳам берилган. Чорвачилик тармоқларида ҳам илғор технологиялар жорий этилмоқда. Улар вақтни, меҳнатни, маблағни тежаш имкониятини беради. Натижада маҳсулот ҳажми, меҳнат унумдорлиги ошиши ва ниҳоят, соф фойда суммаси кўпайиши таъминламоқда. Шунинг

учун самарали технологияларни яратишга, уларни ҳаётга татбиқ этишга доимо катта эътибор бериш лозим.

Қишлоқ хўжалигининг моддий-техника ресурслари билан таъминланганлик ҳамда улардан фойдаланганлик даражасини ифодаловчи кўрсаткичлар, уларни аниқлаш тартиби

Қишлоқ хўжалик корхоналарини моддий-техника ресурслари билан талаб даражасида таъминлашга доимо катта эътибор берилмоқда. Чунки бу сарфланадиган меҳнат ҳамда маблағ харажатлари камайиши, меҳнат унумдорлиги юксалиб, фойда суммаси кўпайиши учун имконият яратади. Шундай экан, қишлоқ хўжалик корхоналарининг моддий-техника воситалари билан таъминланиш ва бу воситалардан фойдаланиш жараёнини ва бу борадаги ўзгаришларни билиш талаб этилади. Бунинг учун бир қанча кўрсаткичлардан фойдаланиш мумкин. Энг аввало, бу борадаги асосий кўрсаткич – жамоа, ширкат ҳамда қўшма ва давлат корхоналарининг, ҳиссадорлик жамиятларининг моддий-техника ресурслари билан таъминланганлик даражасини аниқлаш керак. Маълумки, хўжалик ўз фаолиятида амалга оширадиган ишларни тез ва сифатли бажаришга интилади, бу жараёнда техника воситалари ўртасида мутаносибликни таъминлашга алоҳида эътибор беради. Сабаби – тракторлар кўп, уларга тиркаладиган механизмлар кам ёки акси бўлса, кутилган самарага эришиб бўлмайди. Чорва ҳайвонлари кўп бўлиб, ем-хашак кам бўлиши ҳам фойдасиздир. Демак, корхоналар самарали мувозанатдаги моддий-техника ресурслари билан талаб даражасида таъминланган бўлишлари керак. Унинг даражасини куйидаги формула ёрдамида аниқлаш лозим:

$$MTP_{\text{ТДК}} \frac{(E_k + (A\Phi_k - A_c) + A\Phi_k + BГ_k)}{KХ_e};$$

Бунда: $MTP_{\text{ТД}}$ – моддий-техника ресурслари билан таъминланганлик даражаси, сўм;

E_k - қишлоқ хўжалик ерларининг қиймати (сўмда);

$A\Phi_k$ - асосий воситаларнинг ўртача йиллик қиймати (сўмда);

A_c – асосий воситаларнинг ўртача йиллик эскириш суммаси (сўмда);

$A\Phi_k$ – айланма воситаларнинг ўртача йиллик суммаси (сўмда);

$BГ_k$ - боғлар, токзорларнинг ўртача йиллик суммаси (сўмда).

Бу кўрсаткич ёрдамида ҳар бир хўжалик ихтиёридаги фойдаланилаётган 1 га қишлоқ хўжалик ерига ёки экин майдонида қанча сўмлик моддий-техника ресурслари тўғри келаётганлиги аниқланади. Унинг миқдори талаб, яъни меъёр даражасида бўлиши керак. Бу умумий кўрсаткич мақсад ва вазифалардан келиб чиққан ҳолда бошқа аниқ кўрсаткичлар ёрдамида янада аниқлаштирилади.

Жумладан, хўжаликнинг таъминланганлик даражасини, масалан, асосий ва айланма фондлар ёки ҳайдов, чопиқ тракторлари билан таъминланганлик даражасини шу кўрсаткич таркибидаги бошқа кўрсаткичлар бўйича ҳам алоҳида-алоҳида аниқлаш мумкин. Улар ушбу маърузалар матнининг 7-бобида батафсил ёритилган.

Масалан, корхоналарнинг энергетик ресурслар билан таъминланганлик даражаси. Унинг миқдори хўжаликдаги жами энергетик ресурслар миқдорини (от кучи ҳисобида) фойдаланилаётган қишлоқ хўжалик ерлари ёки экин майдонида тақсимланиб аниқланади. Бунда куйидаги формуладан фойдаланиш мумкин:

$$\text{Эрт к} \frac{\text{ЭРк}}{\text{Эм}(KХ_e)}$$

Бунда: ЭРк - жами энергетик ресурслар қуввати (от кучида);

Эм (КХе) – жами экин майдони (қишлоқ хўжалик ерлари).

Унинг миқдори ҳам меъёр даражасида бўлиши мақсадга мувофиқдир.

Меҳнатнинг энергетик ресурслар билан қуролланганлик даражаси. У юқорида таъкидланган жами энергетик ресурслар миқдорини (от кучида) меҳнат қилган кишиларнинг ўртача йиллик миқдорига (кишилар) тақсимлаб аниқланади. Бунда ушбу тенгликдан фойдаланиш мумкин:

$$\text{Эркк} \frac{\text{ЭРк}}{\text{Мр}}$$

Бунда: Мр – ишлаган меҳнат ресурсларининг ўртача йиллик сони (киши).

Бу кўрсаткичлар корхонада бажариладиган барча ишларнинг қай даражада механизациялашаётганлигини ёки автоматлашаётганлик ҳолатини ўрганишга ёрдам беради. Лекин уларнинг миқдори, юқорида қайд этганимиздек, белгиланган меъёр даражасида бўлиши мақсадга мувофиқдир. Шундай экан, ишлаб чиқариш жараёнларининг механизациялашганлик даражасини ҳам аниқлаш лозим. Бунинг учун трактор, механизмлар, машиналар ёрдамида бажарилган жами иш (эталон гектарда) миқдори корхона бўйича бажарилган жами ишлар ҳажмига (эталон га) тақсимланади. У қуйидаги формула ёрдамида аниқланади:

$$\text{Мдк} \frac{\text{Ми}}{\text{Жи}} \times 100\%$$

Бунда:

Мд - ишлаб чиқаришни механизациялашганлик даражаси, фоизда;

Ми - машина, тракторлар механизмлар ёрдамида бажарилган иш (эт.га);

Жи - жами бажарилган иш миқдори (эт.га).

Бу кўрсаткич жами ҳамда айрим иш, экин турлари бўйича ҳам аниқланиши мумкин. Масалан, экинларни экиш, уларга ишлов бериш, ҳосилини йиғиштириб олиш бўйича. Чорвачиликда эса сигирларни соғиш, чорва хайвонларини суғориш, уларга ем бериш ва бошқа иш турлари бўйича. Сигирларни соғиш жараёнининг механизациялаштирилганлик даражасини аниқлаш учун машина, агрегатлар ёрдамида соғилган сигирлар бош сонини жами соғилган сигирлар бош сонига тақсимлаб, 100 га кўпайтириш лозим... Бу кўрсаткичлар 100 фоиздан юқори бўлмаслиги шарт.

Янги техникалардан, технологиялардан фойдаланиш натижасида меҳнат, маблағ харажатлари тежалиши таъминланади. Унинг даражасини аниқлаш учун янги техника, технология жорий этилмасдан аввал қилинган харажатлардан улар жорий этилганидан сўнг қилинган харажатлар миқдори, суммаси айрилиб, аниқланган рақам дастлабки харажатларга тақсимланади ва 100 фоизга кўпайтирилади. Уларни қуйидаги формулалар ёрдамида аниқлаш мумкин:

$$\text{Хтк} \frac{\text{Х}_1 - \text{Х}_2}{\text{Х}_1} * 100\%$$

Бунда:

Х₁ - янги техника, технология жорий этилмасдан олдинги харажатлар (сўм);

Х₂ - янги техника, технология жорий этилгандан сўнгги харажатлар (сўм).

Юқорида таъкидланган кўрсаткичлар билан биргаликда хўжаликлардаги мавжуд моддий-техника ресурсларидан фойдаланиш даражаси ва самарадорлиги ҳам аниқланади. Бунинг учун аввало, машина-трактор ҳамда автомашиналар паркидан фойдаланиш коэффиценти аниқланади. Буни ҳисоблаш учун хўжаликда фойдаланилган машина-тракторлар миқдорини унда мавжуд бўлган машина-тракторлар миқдорига тақсимлаш лозим. Уни қуйидаги формула ёрдамида аниқлаш мумкин:

$$МТПФ_k \frac{\Phi_c}{M_c},$$

Бунда:

МТПФ_к – машина-трактор паркидан фойдаланиш коэффициенти.

Φ_с - фойдаланилган машина-тракторларнинг сони (дона).

М_с - мавжуд бўлган машина-тракторларнинг сони (дона).

Машина-тракторлар ҳамда комбайнларнинг ишлаб чиқариш жараёнида қатнашганлик даражаси ҳам аниқланади. Уни жами ишлаган машина кунлари сонини ишлаган машиналар сонига тақсимлаш натижасида аниқланади. Бунинг учун қуйидаги формуладан фойдаланиш мумкин:

$$\overline{M}_{кк} \frac{\sum M_k}{M_c}; \overline{T}_{кк} \frac{\sum T_k}{T_c}; \overline{K}_{кк} \frac{\sum K_k}{K_c}.$$

Бунда:

\overline{M}_k - битта машинанинг 1 ойда, мавсумда, йилда ишлаган (қатнашган) ўртача кунли;

$\sum M_k$ - жами ишлаган машина кунлари;

$\sum TK$ - жами ишлаган трактор кунлари;

$\sum K_k$ - комбайнларнинг ишлаган жами кунлари;

М_с-ишлаган машиналари сони;

Т_с-тракторлар;

К_с-комбайнлар сони.

Бу кўрсаткич ёрдамида хўжаликда 1 трактор, комбайн ёки машина йил давомида неча машина-кун ишлаганлиги аниқланади. Бу кўрсаткичнинг миқдори юқорига интилиши қонуний ҳисобланади.

Шу билан биргаликда ўртача ва алоҳида ҳар бир машина-трактордан, юк машинасидан, дон комбайни, пахта терувчи машинадан фойдаланиш даражаси ҳам аниқланади. Уни аниқлаш учун машиналар (тҒкм), тракторлар (эт.га), комбайнлар (гектар, тонна) ёрдамида алоҳида-алоҳида жами бажарилган иш ҳажмини шу ишларни бажаришда қатнашган, юқорида кўрсатилган техникаларнинг ўртача сонига тақсимланади. Бунда қуйидаги формуладан фойдаланиш мумкин:

$$ТМК_{и к} \frac{T_i}{T_c}; \frac{M_i}{M_c}; \frac{K_i}{K_c},$$

Бунда:

ТМК_и – трактор, машиналарнинг ўртача бажарган иши (1 сменада, 1 кунда, мавсумда, 1 йилда эталон гектарда, тоннаҒкм, тоннада, гектарда).

$\sum T_i, M_i, K_i$ – тракторлар, машиналар, комбайнлар ёрдамида бажарилган жами иш ҳажми (эталон гектарда, тонна-километрда, тоннада);

$\sum T_c, M_c, K_c$ – шу ишларни бажаришда қатнашган тракторлар, машиналар, комбайнларнинг ўртача сони (дона).

Бу кўрсаткичлар ёрдамида, масалан, 1 та трактор маълум муддатда бажарган иш миқдори аниқланади. Унинг миқдори юқори бўлгани яхши.

Моддий-техника ресурсларидан фойдаланиш самарадорлиги ҳам аниқланади. Масалан, 1 эт. гектарнинг, 1 тонна км, 1 киловат соатнинг таннархи исботланади. Улар куйидаги формулалар ёрдамида аниқланади:

$$\text{ЭГтнк} \frac{\sum Mx}{\sum \text{ЭТга}}; \text{ Бунда: } \text{ЭГтн-1} \text{ эталон га. таннархи (сўмда);}$$

$\sum Mx$ – механизация ёрдамида бажарилган ишларга қилинган жами харажат (минг сум);

$\sum \text{ЭТга}$ -жами бажарилган иш ҳажми (эталон га).


Янги техника-технологияларга қилинган инвестицияларнинг самарадорлиги ҳам аниқланади. Бунинг учун уларни жорий этиш туфайли тежалган харажатлар натижасида қўшимча олинган соф даромад суммасини уларга қилинган инвестициялар суммасига тақсимлаш лозим.

Юқорида кўрсатилган кўрсаткичлар ҳолатини аниқлаб, моддий-техника ресурслари ҳолати, даражаси, самарадорлиги аниқланиб, чуқур таҳлил қилинади. Натижада уларга таъсир этган омиллар аниқланиб, келажакда уларни яхшилаш чора-тадбирлари белгиланади.

6.4. Бозор иқтисоди шароитида қишлоқ хўжалигининг моддий-техника ресурсларини шакллантириш, бундай воситалар бозори, техника тараққиётини жорий этиш, улардан самарали фойдаланиш

Қишлоқ хўжалигини ривожлантириш учун унинг моддий-техника базасини талаб даражасида шакллантириш лозим. Бу масалага бозор иқтисодиёти шароитида ҳар бир корхонанинг ўзи катта эътибор бериши керак. Чунки корхоналар мустақил фаолият юритадилар.

Демак, барча корхоналар ўзларига керак бўлган моддий-техника ресурсларини сотиб олишлари, таъмирлаб, бутлашлари, йиғишлари ҳамда қуришлари мумкин. Масалан, бино-иншоотларни ўзлари қуришлари ёки пудратчиларга беришлари, машина, трактор, комбайнларни ўзларида ёки ихтисослашган корхоналарда йиғиб, таъмирлаб олишлари мумкин. Янги қишлоқ хўжалик техникаларини кимёвий воситаларни, ёқилғиларни, озуқаларни эса уларни ишлаб чиқарувчи корхоналардан бевосита ўзлари ҳамда биржалар, аукционлар ёрдамида заводлардан сотиб олишлари мумкин (4-чизма).



4-чизма
Қишлоқ хўжалигидаги айрим моддий-техника ресурслари бозори

Хўжаликлар моддий-техника ресурслари базасини мустаҳкамлашда самарали йўллардан, усуллардан фойдаланишлари, камроқ харажат килиб, кўпроқ фойда олишга интилишлари керак.

Лекин бозор иқтисодиётига ўтиш даврида хўжаликларнинг моддий-техника базасини мустаҳкамлашда айрим салбий ҳолатлар содир бўлмоқда. Маълумки, марказдан маъмурий усулда режали бошқарилган иқтисодиёт шароитида барча моддий-техника ресурслари совхозларга, колхозларга асосан марказлаштирилган ҳолда бепул берилган. Уларнинг қийматлари қишлоқ хўжалик маҳсулотларининг баҳолари: солиқлар, субсидия, дотация ва бошқа механизмлар ёрдамида ундириб олинган. Бозор иқтисодиёти шароитида эса бу масала асосан хўжаликларнинг маблағлари эвазига амалга оширилмоқда. Хўжаликларнинг маблағлари эса етмайди. Сабаби – бир томондан, саноат маҳсулотларининг баҳоси қишлоқ хўжалик маҳсулотларининг баҳоларидан жуда катта фарқ қилмоқда, иккинчи томондан, қишлоқ хўжалик корхоналари сотаётган маҳсулотларининг ҳақини ўз вақтида ололмаётирлар. Бундай ҳолатга чек қўйиш учун республика ҳукумати томонидан сезиларли ёрдам берилмоқда. Бу ёрдам транш, инвестиция, кредит шаклларида амалга оширилиб, улар ҳисобидан қишлоқ хўжалик корхоналарининг моддий-техника ресурслари шакллантирилмоқда.

Қишлоқ ва сув хўжалиги вазирлигининг маълумотлари бўйича, тармоқда тракторларнинг, комбайнларнинг, юк машиналарининг умумий сони сўнгги йилларда камайиб бормоқда. 1996 йилда тармоқдаги жами тракторларнинг умумий миқдори 152,2 мингта бўлган бўлса, 2001 йилнинг бошига келиб 113,1 мингтани ташкил этган ёки шу йиллар ичида 25,7 фоизга камайган. Тракторлар кескин камайишининг сабаби шундаки, улар ишга яроқсиз бўлиб қолгани учун ишлаб чиқаришдан чиқарилган. Дарҳақиқат, шу йиллар ичида мавжуд тракторларнинг ишга яроқлилиқ даражаси ҳам пасайган. Агарда 1996 йилда барча тракторларнинг 72 фоизи ишлатишга тайёр бўлган бўлса, 2000 йилда бу борадаги кўрсаткич 70,9 фоизни ташкил этган (10-жадвал). Демак, жами трактор паркidan фойдаланиш коэффициенти 1996 йилда 0,72 дан ошмаган, 2000 йилда эса унинг даражаси пасайиб, 0,71 ни ташкил этган.

10-жадвал

Республика вилоятлари бўйича жами тракторлар сони ва уларнинг ишга яроқлилиги*

	1996 й.			1997 й.			1998 й.			1999 й.			2000 й.		
	мавжуд	тайёр	фоиз	мавжуд	тайёр	фоиз	мавжуд	тайёр	фоиз	мавжуд	тайёр	фоиз	мавжуд	тайёр	фоиз
Корак	15888	9160		1	7	5	1	6		1	6	5	1	6	5
Анди	10917	8185		1	6	6	9	6		9	7	7	8	7	8
Бухор	11605	8866		1	8	7	1	7		9	7	7	8	6	7
Жизза	8450	5005		7	4	5	5	3		5	3	6	5	3	6
Қашқ	19363	1382		1762	11	6	1	9		1	1	6	1	9	6
Навои	4894	3757		4	3	7	4	3		4	3	7	4	3	7
Нама	8974	6967		8	6	7	8	6		7	5	7	7	5	7
Самар	16351	1		1	1	7	1	9		1	9	7	1	8	7
Сурхо	12	9		1	9	7	1	8		1	8	7	1	8	7
Сирда	76	4		8	4	6	6	3		5	3	6	4	3	6

Тошк	11	7	1	6	6	8	5	7	5	6	7	5	7
Фарғо	13	1	1	9	7	1	8	1	8	7	1	7	7
Хораз	11	9	1	8	7	1	7	9	7	7	8	6	6
Жами	15	1	1	9	6	1	8	1	8	7	1	8	7


*Республика Қишлоқ ва сув хўжалиги вазирлиги маълумотлари асосида тузилган.

Шу йиллар ичида пахта териш комбайнлари 15,1 мингтадан 12,8 мингтага камайиб, 2,3 мингтани ташкил этган ёки 6,6 марта қисқарган. Ғалла комбайнлари эса 30,4 фоизга камайиб, 2001 йилнинг бошига 6950 донани ташкил қилган. Қишлоқ хўжалик механизмларидан культиваторлар сони 1996-2000 йиллар мобайнида 19,7 фоизга, трактор култиваторлари – 28,7 фоизга, минерал ўғит сепгичлар эса 47,8 фоизга қисқарган (1-диаграмма). Республика қишлоқ хўжалигидаги машиналар, тракторлар ҳамда механизмлар сони қуйидаги сабаблар таъсирида қисқарган:

- жисмоний ҳамда маънавий эскирганлиги сабабли ҳисобдан чиқарилган;
- ортиқча ҳисобланган айрим қишлоқ хўжалик техникалари талабгорларга сотилган, фойдаланиш учун ижарага берилган;
- хўжаликларнинг маблағлари етишмаслиги сабабли янги, серунум техникалар сотиб олишнинг камлиги.

Лекин юқоридагиларга асосланган ҳолда қишлоқ хўжалигидаги машина, тракторлар, механизмларнинг сони фақатгина камайишга юз тутган, деб хулоса чиқариш унчалик тўғри булмайди. Чунки хўжаликлар бозор иқтисодиёти шароитида уларни танлаш имкониятларига эга. Шунинг учун сўнгги йилларда фан-техника тараққиёти натижасида бақувват, серунум, самарали техникаларни маълум миқдорда сотиб олмақдалар. Чунончи, «Т-28х4», «Магнум» тракторларини, «Кейс» комбайнларини сотиб олмақдалар. Бу жараёнда давлатнинг кўмаги катта. Бу 1-диаграмма диаграммада ўз ифодасини топган:

Республика қишлоқ хўжалигидаги айрим моддий-техника ресурсларининг ўзгариши



Юқоридаги ўзгаришлар натижасида қишлоқ хўжалик техникаларига тўғри келадиган майдон, яъни бажариладиган иш ҳажми ошди. Агарда 1996 йилда 1 та ҳайдов тракторига 157,5 га ҳайдаладиган ер тўғри келган бўлса, 2000 йилга келиб унинг миқдори 84,1 фоизга ошиб, 290 гектарни ташкил этган. Шу йиллар ичида ғалла ва пахта комбайнларига тўғри келадиган майдон ҳам кўпайган. Жумладан 1 та ғалла комбайнига тўғри келадиган майдон 33,3 фоизга ошган. Иш ҳажмининг шу тарзда кўпайиши машина, трактор ва комбайнларнинг ишлаб чиқариш жараёнида қатнашиш даражаси ошишини

таъминлади. Бу кўрсаткичлар иқтисодиёти ривожланган давлатлардагига нисбатан анча юқори бўлган (11-жадвал).

11-жадвал
Айрим давлатларнинг техника билан таъминланганлиги

Кўрсаткичлар	Ўлчов бирлиги	АҚШ	Англия	Германия	Россия
Трактор парки	минг дона	4750	500	1530	1065
1 тракторга тўғри келадиган хайдаладиган майдон	га	28	13	8	122
Ғалла йиғадиган ғилдиракли комбайнлар сони	минг дона	667	48	156	273
Ғалла йиғадиган 1 та комбайнга тўғри келадиган ғалла майдони	га	52	77	40	220

Изоҳ: маълумотлар Россия бўйича 1996 йил 1,06 га қолган давлатларники 1993 йилдаги.

Қишлоқ хўжалигининг моддий-техника базасини мустаҳкамлаш мақсадида кимёвий воситаларни, жумладан, минерал ўғитларни сотиб олишга алоҳида эътибор берилмоқда. Чунки улар тупроқ унумдорлигини ошириб, экинлар ҳосилдорлиги юксалишини, ёввойи ўтлар ҳамда зараркунандаларни озайтириб, меҳнат ва маблағ сарфлари камайишини, маҳсулот сифати яхшиланишини таъминлайди. Шуларни эътиборга олган ҳолда сўнгги йилларда (1995-2000 й.) азотли ўғитларни сотиб олиш республика бўйича 19,6 фоизга кўпайган, лекин фосфорли ўғитлар сотиб олиш 7 фоизга камайган, шунингдек, калийли ўғитлар сотиб олиш ҳам қисқарган (12-жадвал).

12-жадвал

**1995-2000 йилларда қишлоқ хўжалигига етказиб
берилган минерал ўғитлар***

Вилоятлар	Азотли							Фосфорли						
	ўрт . эҳт и ёж.	Амалда						ўрт . эҳт и ёж.	Амалда					
		199 5	199 6	199 7	199 8	199 9	200 0		199 5	199 6	19 97	19 98	199 9	200 0
Қорақалпо ғистон Р.	73, 5	43,3	39,1	72,1	56,7	49	47,8	49, 1	5,4	3,7	19, 8	6,8	10, 8	5,5
Андижон	65, 3	34,7	38,9	57,3	51	47,3	47	47, 4	10, 1	9,2	17, 3	11, 2	14, 2	11, 4
Бухоро	59	36,5	47,6	55,2	51,6	46,7	45,3	39, 3	4,6	8,4	13, 2	6,9	11, 5	10, 2
Жиззах	53	34,5	27,5	42,4	40,9	38,8	38,3	39, 5	8,8	3,6	13, 5	6,3	9,9	6,4
Қашқадарё	75, 4	38,6	55,6	73,6	63,6	56,6	54	56, 4	10, 3	13, 4	19, 6	10, 5	15, 9	10, 9
Навоий	21, 5	14,8	15,8	19,1	20,8	20,6	15,4	16, 7	8,6	2,7	5,7	2,3	4,5	4
Наманган	56, 1	31,4	43,7	53	47,6	41,8	40,8	39, 1	8,9	7,5	14, 6	9,8	12	10, 3
Самарқанд	56, 2	26,8	44,3	39,1	52,6	43,6	41,5	48, 9	6,7	10, 5	16, 3	9,4	12	9,3
Сирдарё	54, 1	31,9	32,7	43,2	41,5	39,6	39	42, 5	10, 1	9	14, 9	6,9	10, 9	7,1
Тошкент	63, 5	33,6	38,1	54,4	50,8	45,4	44	49, 1	11, 9	12, 4	16	10, 3	12, 5	9,2
Фаргона	72, 4	41,7	51,9	67,7	60,4	47,2	48,3	50, 6	11, 1	11, 1	18, 2	11, 8	14	12, 6
Хоразм	55, 8	54,3	60,5	66,2	62,4	47,8	43	36	14, 5	15, 2	16, 6	8,7	11, 3	6,6
Дехқон фермер х.	55					10,8								
Жами	82 0	460, 7	540, 2	705, 4	666, 4	571, 9	551	590	118 ,9	111 ,7	19 9	10 9,8	152 ,4	110 ,6

*Республика қишлоқ ва сув хўжалиги вазирлиги маълумотлари асосида тузилган.

Бу ўринда таъқдлаш керакки, қишлоқ хўжалик корхоналарининг машина, трактор, механизмларга бўлган талаблари ҳам тўлиқ қондирилгани йўқ. Бу муаммони ҳал этиш учун машина, трактор ва механизмларни қишлоқ хўжалик корхоналарининг талабини қондирадиган даражада сотиб олиш зарур. Бунинг учун уларни қайси манбалар ҳисобидан, қаерлардан, қандай йўллар билан, қандай тартибда олиш мумкинлигини ҳам билиш керак. Қишлоқ хўжалиги корхоналари ўз маблағлари ҳамда четдан жалб этилган сармоялар ҳисобидан моддий-техника ресурсларининг айримларини қуришлари, таъмирлашлари, баъзиларини сотиб олишлари, ижарага олишлари, айримларини эса парвариш қилиб, барпо этишлари мумкин. Ўтиш даврининг ҳозирги босқичида корхона маблағларининг камлиги, уларнинг бир меъёрда шаклланмаётганлиги ҳамда саноатда яратилаётган моддий-техника ресурслари баҳоларининг юқори суръатлар билан ўсиши

тармоқдаги моддий-техника ресурсларини шакллантиришга салбий таъсир кўрсатмоқда. Натижада қишлоқ хўжалигида қўл меҳнати харажатлари ошиб бормоқда. Бу масалаларни ижобий ҳал қилиш қишлоқ хўжалигида лизинг кредити ривожлантирилиши, бу эса қишлоқда лизинг билан шуғулланувчи фирма, компаниялар сони кўпайтирилишини, уларнинг фаолиятлари ривожлантирилишини талаб этади. Лизинг билан шуғулланувчи ташкилотлар ўз маблағларига қишлоқ хўжалиги корхоналари учун зарур бўлган техникаларни, бино-иншоотларни ҳамда бошқа асосий воситаларни ижарага берувчилардан олиб беришлари мумкин. Бундай хизматлари учун улар қишлоқ хўжалиги корхоналаридан лизинг фоизларини оладилар.

Лизинг ташкилотлари лизинг кредити фоизларини тўлаш муддатларини кечиктириши ҳамда чўзиши мумкин. Лизинг кредитларини, хизматларини амалга оширишда уч томон – асосий воситаларни ижарага берувчи корхоналар, лизинг ташкилотлари ҳамда ижарага олувчи қишлоқ хўжалик корхоналари қатнашадилар. Қишлоқ хўжалигининг моддий-техника ресурсларини шакллантиришда давлат томонидан амалга оширилаётган иқтисодий механизмлар, масалан, давлат, маҳаллий бюджетдан ажратилаётган маблағлар, имтиёзли кредитлаш тизимини ва бошқаларнинг кўламини келажакда кенгайтириш талаб этилади.

Қишлоқ хўжалиги моддий-техника ресурслари таркибида чорва ҳайвонларининг ҳам салмоғи улкан. Уларнинг турлари, бош сони қишлоқ хўжалик корхоналарининг жойлашиши ҳамда ихтисослашидан келиб чиққан ҳолда фарқ қилади. Маълумки, қишлоқ хўжалик корхоналари асосан пахтачилик ва ғаллачиликка ихтисослашганлиги учун айримлари шаҳарларга яқин жойлашган. Шунинг учун хўжаликларда асосан қорамолчилик мавжуд. бошқа турдаги чорва ҳайвонлари эса хўжаликларда ички талабни қондириш мақсадида сақланади. Уларнинг бош сони хўжаликларда 1996-2000 йиллар мобайнида камайиб борган (13-жадвал).

13-жадвал

Республика вилоятлари қишлоқ хўжалик корхоналарида қорамол бош сонининг ўзгариши*

Вилоятлар	Қишлоқ хўжалик корхоналарида				
	1996	1997	1998	1999	2000
Қорақалпоғистон Р.	109,6	107,4	96,4	91	92
Андижон	95,1	86,6	80,2	74	70
Бухоро	76,4	65	56,5	49	45
Жиззах	51,8	35,7	28,5	26	23
Қашқадарё	124	106,7	100,7	97	91
Навоий	27	24	21,3	20	20
Наманган	84,9	72,8	62,9	58	55
Самарқанд	95,2	73,7	71,1	66	60
Сурхондарё	77,2	67,6	61,4	56	55
Тошкент	106,6	92,6	81,4	82	82
Фарғона	109,6	91,3	74,9	71	65
Хоразм	97,1	93	90,1	85	68
Жами	1095,6	948,9	845,7	794	743

*Республика Қишлоқ ва сув хўжалиги вазирлиги маълумотлари асосида тузилган.

Агарда 1996 йилда қорамол 1095,6 минг бошни ташкил этган бўлса, 1997 йилда улар 13,4 фоизга, 1998 йилда-22,8 фоизга 1999 йилда-27,5 фоизга, 2000 йилга келиб, 32,2 фоизга камайган. Бу ҳол қуйидаги сабаблар таъсирида содир бўлди: чорвачиликда мулкни

давлат тасарруфидан чиқариш ва хусусийлаштириш жараёнида айрим камчиликларнинг мавжудлиги. Чунки Вазирлар Маҳкамасининг 1993 йилда эълон қилинган «Чорва фермаларини хусусийлаштириш тўғрисида» ги қарорига биноан чорвачилик фермаларини хусусийлаштириш тез суръатларда бошланди. Унинг самарали амалга оширилишини таъминлаш мақсадида давлат томонидан имтиёзли кредитлар бериш ҳам йўлга қўйилди.

Лекин бу ислохот кўзлаган самарани бермади. Чунки чорва молларини хусусийлаштиришда уларни ем-хашак билан таъминлайдиган ер майдонлари ижарага берилмади. Натижада чорвачиликнинг ем-хашак базаси мустаҳкамланмади. Шу билан бирга хусусийлаштирилаётган чорва ҳайвонларининг бош сонини сақлаш масаласи ҳам тўлиқ хал этилмаган эди. Озуқа базаси талаб даражасида бўлмаганлиги сабабли чорва ҳайвонларини хусусийлаштириб олганлар зотли ҳайвонларни сота бошлашди. Бундай ҳолни бартараф этиш мақсадида ҳозирги даврда чорвачиликда иқтисодий ислохотлар чуқурлаштирилмоқда.

Қишлоқ хўжалигининг мустаҳкам моддий-техника базасини яратиш билан биргаликда улардан тўлиқ ва самарали фойдаланишга эришиш лозим. Демак, тармоқ корхоналарида улардан фойдаланилаётганлик даражасини аниқлаш мақсадга мувофиқ. Бунинг учун юқорида таъкидланган кўрсаткичлардан фойдаланиш мумкин. Лекин ўтиш даврининг ҳозирги босқичида улардан фойдаланиш талаб даражасида эмас. Чунки машина, трактор, комбайнларнинг ишга яроқлилиқ ҳолати юқори даражада эмас. Жами тракторларнинг ишга яроқлилиқ даражаси 1996-2001 йиллар мобайнида 68-72 фоиздан, пахта териш машиналарининг тайёргарлик ҳолати эса 25-36 фоиздан, ғалла комбайнлариники 30-33 фоиздан ошгани йўқ. Бундай ҳолат машина, трактор ҳамда комбайнларнинг ишга яроқлилигини таъминлаш учун зарур бўлган бутловчи воситалар етишмаслиги, уларни сотиб олиш учун эса молиявий ресурслар камлиги туфайли содир бўлмоқда.

Қишлоқ хўжалигида мавжуд бўлган техникаларнинг юқоридаги ҳолати ишлаб чиқариш жараёнлари комплекс механизациялаштирилишига имкон бермаётир. Натижада пахта териш жараёни 30 фоиз атрофида, сигирларни соғиш 25 фоиз атрофида механизациялаштирилган. Оқибатда тармоқда ишлаб чиқарилаётган кўпчилик маҳсулотларнинг таннархи юқори, меҳнат унумдорлиги паст. Бундай ҳолга чек қўйиш мақсадида республика ҳукумати катта ишларни амалга оширмоқда. Жумладан, туманларда ихтисослашган хўжалик ҳисобидаги машина-трактор парклари, уларни таъмирлаш корхоналари ташкил этилмоқда. Шу тарзда қишлоқ хўжалигига хизмат кўрсатиш тизими яратилмоқда.

Таянч иборалар:

Қишлоқ хўжалиги, мазмуни, моҳияти, халқ хўжалигида тутган ўрни, қишлоқ хўжалиги ресурслари, тармоқ тушунчаси.

Қисқача хулосалар

Қишлоқ хўжалигини ривожлантиришда, унинг самарадорлигини юксалтиришда моддий-техника ресурсларининг, фан-техника тараққиётининг ҳамда илғор технологияларнинг аҳамияти беқиёс. Уларсиз қишлоқ хўжалигида кўзланган натижага эришиб бўлмайди.

Фан-техника тараққиёти натижасида моддий-техника ресурсларининг янги, унумли, чидамли, сифатли турлари яратилади. Улардан оқилона фойдаланиш туфайли янги, самарали технологиялар қишлоқ хўжалиги ишлаб чиқаришига жорий этилади. Улардан фойдаланиш даражасини, самарадорлигини тегишли кўрсаткичлар тизими ёрдамда аниқлаш лозим.

Тармоқда моддий-техника ресурсларидан фойдаланишнинг ҳозирги даражаси, самарадорлиги талабга тўлиқ жавоб бермайди. Чунки улар ўртасидаги мутаносибликка ҳозирча эришилгани йўқ. Хўжаликларнинг улар билан таъминланганлик даражаси пастроқ, техника ресурсларининг ишга яроқлилиги ҳам талаб даражасида эмас, бундай воситалар эркин баҳоларининг ўсиш даражаси юқори.

Илғор, самарали технологиялар қишлоқ хўжалигининг ҳамма соҳаларида барча омилларни эътиборга олган ҳолда жорий этилиши лозим. Моддий-техника ресурслари, фан-техника тараққиёти махсули бўлган воситалар ҳамда илғор технологиялар бозорини ривожлантириш зарур.

Келажакда тармоқнинг моддий-техника ресурсларидан фойдаланиш даражасини ҳамда иқтисодий самарадорлигини юксалтириш учун барча чора-тадбирларни вақтида, сифатли амалга ошириш зарур.

Назорат ва муҳокама учун саволлар

1. Моддий-техника ресурслари деганда нимани тушунаси?
2. Тармоқни ривожлантиришда моддий-техника ресурсларининг ўрни ва аҳамиятини тушунтириб беринг.
3. Қишлоқ хўжалиги моддий-техника ресурсларининг таркиби нималардан иборат, улар ўзига хос қандай хусусиятларга эга?
4. Моддий-техника тараққиёти, йўналишлари, самарали технология деганда нималарни тушунаси?
5. Моддий-техника ресурсларидан фойдаланиш даражаси ва самарадорлиги кўрсаткичлари деганда-чи?
6. Қишлоқ хўжалигининг моддий-техника базаси нималардан ташкил топади? Унинг ўзгариш сабабларини кўрсатинг.
7. Тармоқнинг моддий-техника ресурсларидан тўлиқ ва самарали фойдаланиш учун қандай масалаларни ҳал этиш керак?

Асосий адабиётлар

1. Ўзбекистон Республикаси Президентининг «Лизинг фаолиятини ривожлантиришни янада рағбатлантириш чора-тадбирлари тўғрисида»ги 2002 йил 28 августдаги Фармони, Халқ сўзи, 2002 йил 30 август
2. Ўзбекистон Республикаси Президентининг «Қишлоқ хўжалигида ислохотларни чуқурлаштиришнинг энг муҳим йўналишлари тўғрисида»ги Фармони. «Халқ сўзи», 2003 йил 25 март.
3. Ўзбекистон Республикаси Президентининг 2003 йил 27 октябрдаги «2004-2006 йилларда фермер хўжалиklarини ривожлантириш концепцияси тўғрисида»ги Фармони, «Халқ сўзи», 2003 йил 28 октябр
4. Ўзбекистон Республикаси Президентининг 2004 йил 4 ноябрдаги «2005-2007 йилларда фермер хўжалиklarини жадал ривожлантиришга қаратилган тақлифлар тайёрлаш бўйича махсус комиссия тузиш тўғрисида»ги Фармони, «Халқ сўзи», 2004 йил 5 ноябр
5. З.М. Ильина, И.В.Мировицкая, «Рўнки сельскохозяйственного сўрья и продовольствия», Минск, БГЭУ, 2001
6. Л.Н. Иванов, А.Л. Иванов, «Методў принятия решений бизнес – плана» - М.: Приор - издат, 2004

7. В.В. Ковалев, «Практикум по финансовому менеджменту. Конспект лекций с задачами», - М: Финансѹ и статистика, 2004
8. Н.А. Коленниковой, А.Д. Миронова, «Бизнес–план. Методические материалѹ», - М.: Финансѹ и статистика, 2004
9. М.И. Леѹенко, «Основѹ лизинга: Учебное пособие», - М.: Финансѹ и статистика, 2004
10. И. Минаков, «Экономика сельскохозяйственного предприятия», Учебник, М.: Колос, 2004.

Интернет сайтлари:

1. Попов Н.А. Экономка отраслей АПК. Курс лекции, 2002, <http://family.taukita.ru/item22219310.htm>
2. Коваленко Н.Я. Экономика сельского хозяйства, М. «Юркнига». 2004 <http://shopper.h1.ru/books.shtml1?topicк935&pageк1>
3. Королев Ю.Б. и др. Менеджмент в АПК, 2002, учебник,
4. <http://web.book.ru/cgi-bin/book.p1?pageк4&bookк88899>

VII боб

ҚИШЛОҚ ХЎЖАЛИГИНИНГ АСОСИЙ ВА АЙЛАНМА ФОНДЛАРИ, УЛАРДАН САМАРАЛИ ФОЙДАЛАНИШ

7.1. Асосий ва айланма фондлар (воситалар) ҳақида тушунча, уларнинг аҳамияти ва туркумлаштирилиши

7.2. Асосий ишлаб чиқариш фондлари (воситалари) ва улардан фойдаланиш даражасини, самарадорлигини ифодаловчи кўрсаткичлар, уларнинг аниқланиши

7.3. Айланма фондлар (воситалар), бу фондларнинг самарадорлигини ифодаловчи кўрсаткичлар, уларнинг аниқланиши


7.4. Асосий ва айланма воситаларнинг, фондларнинг шакллантирилиши, барпо этилиши

7.5. Бозор иқтисодиёти шароитида асосий ва айланма фондлар (воситалар) дан самарали фойдаланиш ва бу фондларнинг юксалишини таъминлаш йўллари

7.1. Асосий ва айланма фондлар (воситалар) ҳақида тушунча, уларнинг аҳамияти ва туркумлаштирилиши

Қишлоқ хўжалигининг моддий-техника ресурслари ҳисобланган ер, машина-трактор, комбайнлар, кимёвий воситалар, ёқилғилар, ем-хашаклар, уруғликлар ва бошқа воситаларнинг қиймат ҳолидаги кўриниши тармоқ фондларини ташкил этади. Улар иқтисодий моҳияти, шаклланиши, ишлаб чиқариш жараёнида қатнашишига кўра, ишлаб чиқариш ҳамда ноишлаб чиқариш фондларига бўлинади. Уларни айрим ҳолларда ишлаб чиқариш жараёнида бевосита ва билвосита қатнашадиганларга ҳам бўлинади. Масалан, ер, сув, ўғит, уруғлик, ем-хашак, ер ҳайдайдиган, ишлов берадиган тракторлар қишлоқ хўжалик маҳсулотларини етиштиришда бевосита қатнашади. Чунки улар маҳсулот етиштириш ҳажмига, сифатига бевосита таъсир этади. Хўжаликларнинг маъмурий, маданий ва бошқа бинолари, дала шийпонлари, омборхоналар, хизмат кўрсатувчи техникалар, компьютерлар ва бошқа воситалар ишлаб чиқарилаётган маҳсулот ҳажмига, уларнинг сифатига билвосита таъсир этади. Лекин уларнинг маҳсулотларни ишлаб чиқаришдаги умумий аҳамиятини инкор этиш мақсадга мувофиқ эмас. Улар иқтисодий моҳиятига, яъни шакллантирилиши, маҳсулот ишлаб чиқариш, иш бажариш жараёнида қатнашишига кўра, асосий ҳамда айланма фондларга бўлинади. Улар натурал ҳолида кўриниши ва қатнашиши бўйича асосий ва айланма воситалар ҳам деб аталади (5-чизма).

5-чизма
Қишлоқ хўжалик фондларини туркумлаштирилиши



Улар ишлаб чиқариш жараёнидаги функционал фаолиятига кўра, меҳнат предметлари ҳамда меҳнат воситаларига бўлинади. Халқ хўжалигининг турли тармоқларида яратилиб, қишлоқ хўжалик маҳсулотлари етиштиришда инсон меҳнати ёрдамида ишлаб чиқариш жараёнида бир марта қатнашиб, ўз шаклларини тўлиқ ўзгартирадиган предметлар тармоқнинг меҳнат предметларини ташкил этади.

Уларга саноат тармоқларида ишлаб чиқарилган ёқилғи, ёғловчи материаллар, кимёвий ўғит, ем ва бошқалар киради. Улар тармоқнинг маҳсулот ишлаб чиқариш ва хизмат кўрсатиш жараёнларида бир марта қатнашиб, ўз шаклларини тўлиқ ўзгартириб, қийматини ҳам уларга ўтказадиган предметлардир. Тармоқда банд бўлган инсонларнинг онгли меҳнати қаратилган меҳнат предметлари ёрдамида қишлоқ хўжалик маҳсулотларини етиштириш, хизматларни бажариш мақсадида бир неча йиллар давомида фойдаланиладиган нарсалар меҳнат воситалари ҳисобланади. Улар табиат томонидан ҳамда саноат, қишлоқ хўжалик тармоқларида яратилган бўлиб, турли хилдаги маҳсулотларни етиштиришда, хизматларни, ишларни бажаришда бир неча йиллар давомида фойдаланилиб, ўз кўринишини, шаклларини ўзгартирмасдан, лекин қийматининг маълум бир қисмини маҳсулотларга, ишларга, хизматларга ўтказиб борадиган воситалардир. Уларга қишлоқ хўжалик техникалари ҳисобланган машина-тракторлар, комбайнлар, сеялкалар, культиваторлар суғориш иншоотлари, бинолар, станоклар ва бошқалар киради. Ерлар, табиий ўрмонлар – табиат маҳсулидир. Ишчи ва маҳсулдор чорва ҳайвонлари, боғзорлар, тоқзорлардан қишлоқ хўжалик маҳсулотлари етиштириш учун бир неча йиллар мобайнида фойдаланилади. Асосий воситалар йиллар давомида жисмоний ҳамда маънавий эскиради. Фан-техника тараққиёти натижасида янги, замонавий техникаларнинг яратилиши туфайли улар маънавий жиҳатдан ҳам эскиради.

Асосий воситаларнинг эскиришини уларнинг амалдаги эскириш меъёрлари (нормативлари) ёрдамида аниқлаш мумкин. Уларнинг эскириш қиймати амортизация суммалари, деб аталади. Асосий воситаларнинг эскириш меъёрини белгилаб берувчи амортизация меъёри асосида уларнинг эскириш қиймати (суммаси) қуйидаги формула ёрдамида аниқланади:

$$\text{Асқ} \frac{АБк}{Ан} \cdot 100 \text{ ёки } \frac{АБк}{Ан};$$

Бунда: Ас - асосий воситанинг амортизация суммаси (сўм);

АБк - асосий воситанинг баланс қиймати (сўм);

Ан - асосий воситанинг эскириш меъёри (коэффициентда, йилда).

Асосий воситаларнинг эскириш меъёри (нормативи) берилмаганда асосий воситанинг баланс қийматини унинг хизмат муддатига тақсимлаш натижасида эскириш меъёри аниқланади. Хўжаликда бир неча йиллар давомида ишлатилган воситалар капитал таъмирланган бўлса, улар баланс қийматига кўшилади.

Бозор иқтисоди шароитида корхоналар фан-техника тараққиёти натижасида яратилган янги, серунум техника воситаларини сотиб олишга интилади. Хўжаликда узоқ йиллар давомида ишлатилаётган, маънавий жиҳатдан эскирган воситалар эса ишлаб чиқаришдан чиқарилади. Бунда асосий воситаларнинг эскириш суммасини аниқлашда тезкор амортизация усулидан ҳам фойдаланилади. Уни аниқлашнинг белгиланган меъёри йўқ. Шунинг учун хўжаликлар эскириш суммасини ўз имкониятларини, фан-техника тараққиёти таъсирини эътиборга олган ҳолда ҳисоблайдилар. Агарда ишлатилаётган машиналар, тракторлар, комбайнлар маънавий жиҳатдан эскирган бўлса, уларни норматив бўйича эмас, қисқароқ даврда эскиришини ҳисоблаб, ишлаб чиқаришдан чиқариш мумкин. Лекин бу жараён улар ёрдамида етиштириладиган маҳсулотларнинг таннархларига бевосита таъсир этади. Чунки бунда маҳсулот таннархига олиб бориладиган амортизация суммаси кўпаяди. Шунинг учун бу усулни кўллашдан аввал уларнинг ўриндошлигини ҳамда сарф-харажатларини, даромадларини ва бошқа жиҳатларини эътиборга олиш лозим.

Эскириш қийматлари етиштириладиган маҳсулотларга, хизматларга белгиланган тартибда ўтказилади.

Меҳнат қилиш қобилиятига эга бўлган фуқаролар меҳнат предметларидан ҳамда меҳнат воситаларидан оқилона фойдаланиш натижасида турли хилдаги сифатли қишлоқ хўжалик маҳсулотлари етиштириб, фойдали хизматларни бажарадилар. Уларнинг йиғиндисини қишлоқ хўжалиги воситалари ёки фондлари ташкил этади. Қишлоқ хўжалик фондлари тармоқдаги ишлаб чиқариш жараёнларида қатнашишига ёки фойдаланилишига кўра, ишлаб чиқариш фондлари ҳамда ноишлаб чиқариш фондларидан ташкил топади. Улар қишлоқ хўжалиги ишлаб чиқаришида қатнашишининг зарурийлиги ҳамда муддатига кўра, юқорида кўрсатилганидек, асосий ва айланма фондларга бўлинади. Уларни натура ҳолдаги кўринишига кўра, асосий ва айланма воситалар, умумий ҳолда эса ишлаб чиқариш воситалари, деб аталади.

Асосий воситалар иқтисодий моҳиятига кўра, қишлоқ хўжалик ишлаб чиқариш жараёнида бир неча йиллар давомида қатнашиб, қийматини ишлаб чиқарилаётган маҳсулотларга, бажарилаётган хизматларга йилма-йил қисман ўтказиб боради (яъни эскириш қийматини). Бундай воситалар ҳозирги даврда республикада 15 (Россия Федерациясида 50) минимал ойликдан юқори қийматга эга бўлган ва 1 йилдан кўпроқ хизмат қиладиган ишлаб чиқариш воситаларидир. Уларга қишлоқ хўжалик ерлари, машиналар, тракторлар, бинолар, иншоотлар, транспорт воситалари, қурилмалар, станоклар, ишчи, маҳсулдор ҳайвонлар, кўп йиллик мевали дарахтлар ва бошқалар киради.

Айланма фондлар ёки воситаларга, маблағларга эса маҳсулот ишлаб чиқариш, хизматларни бажариш жараёнларида бир марта қатнашиб, қийматларини шу маҳсулотларга тўлиқ ўтказиб, ўз шаклларини ҳам ўзгартирадиган арзон, тез тўзувчи воситалар киради. Уларга уруғликлар, ёқилғи, ёнилғи, ёғловчи материаллар, кимёвий

воситалар, ем-хашаклар, кам қийматли, тез ўзгарувчи материаллар, жорий, валюта счётларидаги, кассадаги маблағлар, берилган иш ҳақлари ва бошқалар киради.

Асосий ва айланма воситалар маҳсулот ишлаб чиқариб, қишлоқ хўжалигини ривожлантиришда бениҳоят катта аҳамият касб этади. Чунки уларсиз талабни кондирадиган миқдорда, сифатли маҳсулот ишлаб чиқариш мумкин эмас. Улардан оқилона фойдаланиш натижасида меҳнат ва маблағ харажатлари тежаллади.

Демак, асосий ва айланма воситалардан оқилона ва самарали фойдаланиш туфайли қишлоқ хўжалиги иқтисодиёти ривожланади. Натижада аҳолининг ижтимоий-иқтисодий аҳволи яхшиланади. Шунинг учун бундай воситаларни яратишга, қуришга, таъмирлашга, улардан яхши фойдаланишга ҳукуратимиз алоҳида эътибор бериб келмоқда...

7.2. Асосий ишлаб чиқариш фондлари (воситалари) ва улардан фойдаланиш даражасини, самарадорлигини ифодаловчи кўрсаткичлар, уларнинг аниқланиши

Қишлоқ хўжалиги ишлаб чиқариш фондлари (воситалари)нинг катта қисмини асосий фондлар ташкил этади. Уларга қишлоқ хўжалигида қатнашадиган барча меҳнат воситалари киради. Улар қишлоқ хўжалик корхоналарининг доимий капиталини ташкил этади. Функционал вазифасига қараб, асосий фондлар (воситалар) ишлаб чиқариш ва ноишлаб чиқариш воситаларига бўлинади. (6-чизма).

Ишлаб чиқариш воситаларига бевосита моддий ишлаб чиқариш соҳасида қатнашадиган фондлар (воситалар), ноишлаб чиқариш воситаларига эса, хўжаликнинг клублари, маданият саройлари, мактаблар, соғлиқни сақлаш идоралари, ясли, ҳаммом, омбор ва ҳоказолар киради. Улар меҳнат ресурсларини такрор ишлаб чиқаришда катта роль ўйнайди.

Асосий фондларнинг алоҳида турлари қишлоқ хўжалиги ишлаб чиқаришида бир хилда иштирок этишмайди. Улардан баъзилари асосий ишлаб чиқариш билан тўғридан-тўғри боғланган ва чорвачилик, ўсимликчилик маҳсулотларини кўпайтиришда асосий омил ҳисобланади. Уларга тракторлар, комбайнлар, юк машиналари, қишлоқ хўжалиги машиналари, техникалари ва ҳоказолар киради. Бошқа асосий фондлар қурилиш, савдо ва қишлоқ хўжалик корхоналаридаги умумий овқатланишга ва бошқаларга йўналтирилган. Шунинг учун асосий фондлар (воситалар) қишлоқ хўжалигида бевосита қатнашувчи ва қишлоқ хўжалигида қатнашмайдиганларга бўлинади.

Тармоқда маҳсулот ишлаб чиқаришда асосий роль қишлоқ хўжалигида қатнашувчи фондларга тегишлидир, чунки улар асосий ишлаб чиқариш фондининг 80 фоизини ташкил қилади. Бу фондларга қуйидагилар киради:

- ер ресурслари;
- бинолар;
- иншоотлар;
- машина ва техникалар;
- транспорт воситалари;
- ишлаб чиқариш ва хўжалик инвентарлари;
- сут берувчи қорамоллар;
- гўшт берувчи қорамоллар;
- кўп йиллик экинлар;
- ерни яхшилаш учун қилинган сарфлар (иншоотлардан ташқари).
- асбоблар ва ҳоказолар.

Қишлоқ хўжалигининг асосий фондлари тармоқ хусусияти бўйича ўсимликчилик, чорвачилик ва умумий фондларга бўлинади. Кўп укладли иқтисодиёт

шаклланишида эса асосий фондлар хусусий, ижарага олинган ва ижарага берилган фондлардан ташкил топади.

Бундан ташқари қишлоқ хўжалигида тор доирада фаолият кўрсатадиган асосий фондлар борки, улардан фақатгина бир маҳсулотни ишлаб чиқаришда фойдаланилади. Масалан, дон комбайнлари, пахта терувчи машиналар, соғиш аппаратлари ва ҳоказо.

Асосий фондлар ишлаб чиқаришнинг сўнгги натижаларига бир хилда таъсир этмайдилар. Шунинг учун улар актив ва пассив фондларга ажратилади. Актив фондларга ишлаб чиқариш жараёнида фаол қатнашадиган тракторлар, комбайнлар, автомобиллар, қишлоқ хўжалиги техникалари, транспорт воситалари, маҳсулотларни реализация қилишда иштирок этадиган воситалар ва бошқалар киради.

Пассив фондларга эса қишлоқ хўжалиги ишлаб чиқаришида бевосита қатнашмайдиган бинолар, иншоотлар, мелиорация объектлари киради. Барча асосий воситалардан тўлиқ фойдаланишга ҳаракат қилиш керак.

Асосий фондлар (воситалар)дан фойдаланиш даражаси ҳамда самарадорлигини аниқлашда бир қанча кўрсаткичлардан, жумладан, асосий воситалардан фойдаланиш даражасини исботловчи натурал кўрсаткичлардан фойдаланилади. Чунончи, битта машинанинг бир йил мобайнида бажарган иши, битта комбайннинг бир йилда ишлаган куни, ҳосилини йиққан майдони ҳамда йиғиштирган ҳосили. Уларни қуйидаги формулалардан фойдаланган ҳолда тиклаш мумкин:


$$XМк \frac{MI}{XM}; XТк \frac{TI}{XT}; XKк \frac{KI}{XK}.$$

Бунда: ХМ, ХТ, ХК - ишлаган машиналарнинг, тракторларнинг, комбайнларнинг ўртача сони (дона);

МИ, ТИ, Ки - машиналар, тракторлар, комбайнлар билан жами бажарилган иш ҳажми (тҒкм; этга; га, тонна...).

Асосий фондларнинг иқтисодий самарадорлиги эса бир қанча кўрсаткичлар билан ифодаланади. Қишлоқ хўжалигида асосий фондлар натура ва қиймат ҳолида иштирок этадилар.

6-чизма. Қишлоқ хўжалиги асосий фондлари (воситалари) нинг туркумлаштирилиши



Асосий фондлардан фойдаланиш самарадорлигининг қиймат кўрсаткичлари: фонд қайтими ва фонд сиғимидир. **Фонд қайтими**ни қишлоқ хўжалигида ишлатилган асосий фондларнинг ўртача йиллик суммасига қишлоқ хўжалигида бир йилда ишлаб чиқарилган ялпи маҳсулот қайтими тақсимлаш натижасида аниқлаш мумкин.

$$\Phi_{\text{кк}} = \frac{ЯМ_{\text{к}}}{\bar{ХАФ}_{\text{к}}}$$

Бунда: $\bar{ХАФ}_{\text{к}}$ - фонд қайтими (сўм);

ЯМ_к - ялпи маҳсулот қиймати (сўм);

ХАФ_к - асосий фондларнинг йиллик ўртача қиймати (сўм).

Фондлар қайтими бир сўмлик асосий фонд эвазига маълум муддатда олинган ялпи даромад ва соф фойда кўрсаткичлари ёрдамида ҳам аниқлаш мумкин. Улар ялпи даромад, соф фойда суммасини асосий фондларнинг йиллик ўртача қийматига тақсимлаш натижасида аниқланади. Бунда қуйидаги формулалардан фойдаланиш мумкин:

$$ЯД\Phi_{\text{кк}} = \frac{\sum ЯД}{\bar{ХАФ}_{\text{к}}} : \frac{\sum СФ}{\bar{ХАФ}_{\text{к}}}$$

Бунда: ЯД_к - ялпи даромад бўйича фонд қайтими (сўм);

$\sum ЯД_{\text{к}}$ - йиллик ялпи даромад суммаси (сўм);

СФ_к – соф фойда бўйича фонд қайтими (сўм);

$\sum СФ$ - йиллик соф фойда суммаси (сўм).

Бу кўрсаткичлар ёрдамида 1 сўмлик асосий фондлар эвазига неча сўмлик ялпи маҳсулот, ялпи даромад ва соф фойда олинганлиги аниқланади. Бу кўрсаткичлар миқдори юқори бўлгани яхши.

Фондлар сиғими. Уни аниқлаш учун асосий фондларнинг йиллик ўртача суммасини етиштирилган ялпи маҳсулот қийматига тақсимлаш зарур. Бунинг учун қуйидаги тенгликдан фойдаланиш мумкин:

$$\Phi_{\text{ск}} = \frac{\bar{ХАФ}_{\text{к}}}{ЯМ_{\text{к}}}$$

Бунда: $\Phi_{\text{с}}$ - фонд сиғими (сўм).

Фонд сиғими эса, бир сўмлик қишлоқ хўжалик маҳсулотини етиштириш учун қанча асосий фонд қиймати тўғри келишини кўрсатади.

Ишлаб чиқариш фондларининг (асосий ва айланма) иқтисодий самарадорлиги рентабеллик кўрсаткичи билан ҳам характерланади. Иқтисодиётда бу кўрсаткични фойда нормаси (меъёри) дейилади. У қуйидаги формула билан аниқланади:

$$\Phi_{\text{нк}} = \frac{\Phi_{\text{с}}}{АФ_{\text{к}} + АФ_{\text{к}}} * 100\%$$

Бу ерда: $\Phi_{\text{н}}$ - фойда нормаси, фоиз;

$\Phi_{\text{с}}$ - реализациядан тушган фойда, сўмда.

Фойда нормаси бир бирлик ишлаб чиқариш фондлари қийматига қанча фойда олинганлигини кўрсатади. Бу кўрсаткичнинг даражаси юқорига интилиши мақсадга мувофиқдир.

7.3. Айланма фондлар (воситалар), бу фондларнинг самарадорлигини ифодаловчи кўрсаткичлар, уларнинг аниқланиши

Қишлоқ хўжалиги фондларининг муҳим қисмини айланма фондлар ташкил этади. Айланма фондлар ишлаб чиқариш ва реализация жараёнининг тўхтамай амалга ошишини таъминлаб туради. Уларнинг натура ҳолидаги кўриниши айланма воситалар дейилса, пул (қиймат) шаклидаги кўриниши айланма фондлар, маблағлар, деб аталади.

Асосий фондлардан фойдаланиш даражаси хўжалик, унинг ишчи ва хизматчилари фондлар билан таъминланганлигига ҳамда меҳнатнинг қуролланганлигига боғлиқ. Шундай экан, хўжаликда бу кўрсаткичларни аниқлаш мақсадга мувофиқдир. Улар қуйидаги тартибда аниқланади: жумладан, хўжаликнинг асосий фондлар билан таъминланганлигини аниқлаш учун ундаги асосий фондларнинг ўртача йиллик суммасини унда фойдаланилган ер майдонига тақсимлаш лозим. Бу қуйидаги формула ёрдамида аниқланади:

$$A_{\text{фтк}} \frac{\overline{X A \Phi_k}}{\Phi_e}$$

Бунда: $A_{\text{фт}}$ – асосий фондлар билан таъминланганлик даражаси (сўм/га);

$\overline{X A \Phi_k}$ – асосий фондларнинг йиллик ўртача суммаси (сўмда);

Φ_e – фойдаланилаётган ер майдони (га).

Меҳнатнинг асосий фондлар билан таъминланганлик даражаси эса, асосий фондларнинг йиллик ўртача суммаси, шунингдек, уларнинг қуввати ишлаган ишчи-хизматчилар (меҳнат ресурслари) нинг ўртача йиллик сонига тақсимланади. Уларни ушбу формулалар ёрдамида аниқлаш мумкин:

$$M_{\text{тк}} \frac{\overline{X A \Phi_k}}{X M P} ; M_{\text{тк}} \frac{\overline{X A \Phi_{ку}}}{X M p}$$

Бунда: $M_{\text{т}}$ – меҳнатнинг (1 кишига) асосий фондлар билан таъминланганлиги (сўм/киши);

$\overline{X A \Phi_{ку}}$ – асосий воситаларнинг ўртача йиллик қуввати (от кучида);

$X M p$ – меҳнат ресурсларининг ўртача йиллик сони (киши).

Бу кўрсаткичлар хўжаликларнинг ихтисослашишига, машина-техникалар билан таъминланганлигига кўра, фарқ қилиши мумкин. Айниқса, охириги формула ёрдамида аниқланган кўрсаткич ишлаб чиқариш механизациялаштирилишини, автоматлаштирилишини таъминлаб, жонли меҳнат харажатларини тежаб, меҳнат унумдорлиги юксалишига олиб келади.

Айланма фондларга (воситаларга) ишлаб чиқариш жараёнида ишлатиладиган меҳнат воситалари ва моддий неъматларнинг айримлари киради. Айланма воситалар, маблағлар қишлоқ хўжалик ишлаб чиқариш жараёнида қатнашиб, бир шаклдан иккинчи шаклга айланиб туради. Масалан, буғдой уруғи экилиб, ниҳоли униб чиқиши. Бу жараён фалсафа қонунига кўра, инкорни-инкор этиш, деб аталади. Айланма фондлар асосий фондлардан фарқли ўлароқ, бир ишлаб чиқариш жараёнида қатнашиб, ўз моддий қийматини ва шаклини тўлиқ ўзгартиради. Мисол: экилган уруғ ўсимликка, минерал ўғитлар эса озика моддаларга айланади, ёнилғидан фойдаланиш натижасида машина-тракторлар иш бажаради ва ҳоказолар.

Қишлоқ хўжалиги ишлаб чиқариши мавсумий бўлганлиги учун, айланма фондларнинг сарфланиши, таркиби йил давомида ўзгариб туради. Масалан, қишда айланма фондларнинг кўп қисми уруғ ва озикада, ёзда эса фондларнинг аксарият қисми нефть маҳсулотлари, машина эҳтиёт қисмлари, тугалланмаган ишлаб чиқариш билан банд бўлади.

Қишлоқ хўжалиги корхоналарининг айланма фондларига (воситаларига) қуйидагилар киради:

- хомашё материаллар;
- ўғитлар ва бошқа кимёвий воситалар;
- ёқилғи, ёғловчи моддалар;
- идиш ва идиш материаллари;
- уруғ ва уруғлик материаллари;

- курилиш материаллари;
- эҳтиёт қисмлари;
- озуқалар, ем-хашаклар;
- боқувдаги ҳайвонлар;
- арзон баҳоли ва тез эскирувчи предметлар;
- тугалланмаган ишлаб чиқариш харажатлари:
 - а) ўсимчиликда;
 - б) чорвачиликда;
 - в) саноат ва ёрдамчи ишлаб чиқаришда;
- реализацияга тайёр маҳсулот;
- харидорлар билан ҳисоб-китоб қилишдаги маблағлар;
- материал ва хомашёларни сотиб олиш учун пул маблағлари;
- ҳисоб рақамидаги, ғазнадаги маблағлар ва бошқалар.

Уларнинг ишлаб чиқариш жараёнида бажараётган вазифаларини эътиборга олган ҳолда қуйидагича гуруҳлаштириш – ишлаб чиқариш заҳираларига, тугалланмаган ишлаб чиқариш ҳамда муомаладаги восита ва маблағларга бўлиш мумкин (7-чизма).

Айланма фондларининг айланиши ўзида уч босқични мужассамлаштиради: таъминот, ишлаб чиқариш ва реализация (сотиш).

Айланма фондлар (воситалар) қишлоқ хўжалиги маҳсулотларини ишлаб чиқаришда хўжалик фаолиятининг сўнгги натижаларига бир хил таъсир этмайди. Таъсир этиш даражасига қараб айланма фондлар:

- қишлоқ хўжалиги ялпи маҳсулотининг ортиш ҳажмига тўғридан-тўғри таъсир қилувчи;
- ишлаб чиқариш жараёнига ва самарадорлигига билвосита таъсир қилувчи фондларга бўлинади.

Биринчи гуруҳга уруғлик, кўчатлар, озуқа, ўғитлар, химикатлар, боқувдаги ҳайвонлар кабилар, **иккинчи гуруҳга** ёқилғи материаллари, машина эҳтиёт қисмлари ва бошқалар киради.

Айланма фондларнинг таркиби корхонанинг ихтисосига қараб ўзгариб туради. Масалан, дон маҳсулотлари етиштирувчи корхоналарда айланма фондларнинг асосий таркибини ёқилғи, уруғлик, эҳтиёт қисмлар, техникалар банд этган бўлса, чорвачилик корхоналарида бу таркибни асосан озуқа, боқувдаги ҳайвонлар банд этади.

Айланма фондлар (воситалар)дан фойдаланишнинг иқтисодий самарадорлигини аниқлашда қуйидаги кўрсаткичлардан фойдаланиш мумкин:

Айланма фондларнинг айланиш коэффициенти. Уни аниқлаш учун сотилган қишлоқ хўжалик маҳсулотларининг, кўрсатилган хизматларнинг, бажарилган ишларнинг умумий қийматига асосий подага ўтказилган ёш ҳайвонларнинг қийматини қўшиб, ундан асосий подадаги ҳайвонларни сотишдан тушган маблағни айиргандан сўнг қолган қийматни айланма фондларнинг йиллик ўртача қолдиқ суммасига тақсимлаш лозим. У қуйидаги формула орқали аниқланади:

$$K_k = \frac{C_k + E_{x_k} - X_c}{\bar{X} A_{\Phi k}}$$

Бунда:

K - айланма фондларнинг айланиш коэффициенти;

C_k - сотилган қишлоқ хўжалик маҳсулотларининг, бажарилган ишлар, хизматларнинг қиймати (сўм);

E_{x_k} - асосий подага ўтказилган ёш ҳайвонларнинг қиймати (сўм);

X_c - асосий подадаги ҳайвонларни сотишдан тушган тушум (сўм);

$\bar{X} A_{\Phi k}$ - айланма фондларнинг йиллик ўртача қолдиқ қиймати (сўм).


Бу кўрсаткич хўжаликлардаги айланма фондларнинг бир йил давомида айланиш тезлигини кўрсатади. Унинг миқдори имконият доирасида бирдан юқори бўлгани маъкул. Шу кўрсаткичга асосланган ҳолда айланма фондларнинг айланиш муддати ҳам аниқланади.

Уни юқоридаги кўрсаткичдан фойдаланиб, ***йил давомида айланма фондлар (воситалар) айланишининг ўртача даври***ни топамиз. Бунинг учун бир йилдаги календарь кунлари умумий сонини (365 ёки 366) айланиш коэффициентига тақсимлаб, қуйидаги тенгликдан фойдаланилади:

$$\text{Адк} \frac{365}{K};$$

Бунда-Ад-айланма фондларнинг айланиш муддати, кун.

7-чизма
Қишлоқ хўжалиги айланма фондлари (воситалари) нинг туркумлаштирилиши



Юқоридаги кўрсаткичлардан ташқари қишлоқ хўжалик корхоналарида айланма воситаларнинг айримларидан фойдаланилганлик даражасини ҳам аниқлаш мумкин. Жумладан, минерал ўғитлардан, ем-хашак ва озуқа моддалардан, ёқилғилардан ва бошқалардан. Уларни натура ёки қиймат ҳолида аниқлаш имконияти мавжуд. Бунда минерал ўғитлардан фойдаланишнинг самарадорлик даражасини қуйидаги формула ёрдамида аниқлаш мумкин:

$$M_{\text{ўск}} \frac{YX_m(YX_k)}{MU_m(k)}$$

Бунда:

$M_{\text{ўск}}$ – сарфланган минерал ўғитларнинг соф ҳолдаги миқдори самарадорлиги;

YX_m – олинган ялпи ҳосил миқдори (экинлар бўйича), тонна;

Яхк – олинган ялпи ҳосил қиймати, сўм;

Мум(к) – сарфланган минерал ўғитлар миқдори, қиймати, кгҒсўм.

Бу кўрсаткич ёрдамида сарфланган соф ҳолдаги бир килограмм (цент.) ўғит миқдорига сўмда қанча ялпи ҳосил ёки қанча миқдорда маҳсулот олинганлигини аниқлаш мумкин. Унинг миқдори қанчалик юқори бўлса, минерал ўғитлардан фойдаланиш самарадорлиги шунчалик юксалаётганлигидан далолат беради.

Чорвачиликда эса сарфланган озуқа бирлигининг самарадорлик даражасини куйидаги формула ёрдамида аниқлаш мумкин:

$$CO_{Ck} = \frac{ЧММ(ЧМк)}{СОМ}$$

Бунда:

Сос – маҳсулот етиштириш учун сарфланган озуқа миқдорининг самарадорлик даражаси;

ЧММ – етиштирилган чорвачилик маҳсулотларининг (гўшт, сут) миқдори, цен (кг);

ЧМк – етиштирилган чорвачилик маҳсулотларининг (гўшт, сут) қиймати, сўм;

СОМ – чорва маҳсулотларини етиштиришга сарфланган озуқа бирлиги.

Албатта, айланма фондларнинг иқтисодий самарадорлигини аниқлашда фонд қайтими ва фонд сиғими кўрсаткичларидан ҳам фойдаланиш мумкин.

7.4. Асосий ва айланма воситаларнинг, фондларнинг шакллантирилиши, барпо этилиши

Қишлоқ хўжалиги учун зарур бўлган асосий ва айланма воситалар бозор иқтисодиётига ўтиш шароитида турлича йўллар билан шакллантирилиб, барпо этилмоқда. Қишлоқ хўжалигидаги корхоналар айрим асосий воситаларни (бино, иншоотларни) ўзлари қурмоқдалар, қишлоқ хўжалик техникаларини таъмирламоқдалар, чорва ҳайвонларини парвариш қилиб, етиштирмоқдалар. Масалан, боғзорлар, тоқзорларни барпо этмоқдалар. Айримларини, яъни техникаларни сотиб олмоқдалар, баъзи бирларини ижарага олмоқдалар. Бунда ўз маблағларидан ҳамда четдан жалб этилган маблағлардан, асосий воситаларни барпо этишда соф даромадларидан ажратилаётган маблағ, амортизация фонди, асосий воситаларни сотишдан, тугатишдан тушаётган маблағлардан фойдаланмоқдалар. Улар етмаган ҳолларда акциялар чиқариб, сотиш натижасида ҳам маблағларни барпо этиш мумкин. Лекин бу муносабат қишлоқ хўжалиги корхоналарида айрим сабабларга кўра ривожланаётгани йўқ.

Қишлоқ хўжалик ишлаб чиқаришини ривожлантириш мақсадида давлат маблағлар билан ёрдам бермоқда. Даставвал давлат бюджетидан қишлоқ хўжалигида янги ерларни ўзлаштириш, фойдаланилаётган зах ва шўрланган ерларнинг мелиоратив ҳолатини яхшилаш, сув билан таъминлаш ишлари ҳамда экологияни соғломлаштириш учун маблағ ажратилади. Бунинг учун Республика Молия Вазирлиги қошида давлат буюртмалари бўйича белгиланган миқдордаги маҳсулотларни сотиб олиш учун махсус фонд ташкил этилган. Шу фонддан қишлоқ хўжалигига маблағлар транш шаклида берилмоқда. Унинг асосий қисми йилнинг бошида хўжаликларга ажратилмоқда. Хўжаликлар бу маблағларнинг 93 фоизидан кўпроқ қисмини ўғитлар, ёқилғи, ёнилғи, ёғловчи материаллар ҳамда эҳтиёт қисмлар сотиб олганликлари учун мақсадга мувофиқ сарфлайдилар. Бозор иқтисодиёти шароитида асосий ва айланма воситаларни таъсисчиларнинг, ҳомийларнинг маблағларидан фойдаланган ҳолда ҳам қуриш, сотиб олиш мумкин. Ҳозирги даврда қишлоқ хўжалик корхоналари ерларнинг

унумдорлигини ошириш мақсадида суғориш, коллектор-дренаж тизимларини ҳамда хўжалик учун зарур бўлган бино ва иншоотларни қуришда, капитал таъмирлашда ихтисослашган қурилиш ташкилотлари хизматларидан ҳам фойдаланмоқдалар.

Бу каби ишларни бажаришга хўжаликларнинг ўз маблағлари етишмаган ҳолларда улар ўзгаларнинг вақтинча бўш бўлган маблағларидан кредитлар шаклида ҳамда лизинг кредитларидан ҳам фойдаланишлари мақсадга мувофиқдир. Бунда республикада фаолият кўрсатаётган «Агротизинг» компаниясининг хизматларидан фойдаланиш мумкин. Четдан жалб этилаётган маблағларга давлат бюджетидан ажратилаётган маблағлар, тижорат банкларида, ҳамкорлардан, чет эллардан олинаётган узоқ, қисқа муддатли қарзлар киради. Улар ҳисобидан асосий ва айланма воситалар барпо этилмоқда. Асосий ва айланма воситалар барпо этишнинг бир қанча йўллари мавжуд. Энг аввало, қишлоқ хўжалик корхоналари ўз ишлаб чиқариши учун зарур бўлган воситаларни ишлаб чиқарувчиларнинг ўзидан олгани маъқул. Бундай муносабатда ўртада воситачилар бўлмаслиги сабабли тегишли воситалар арзонроққа тушади. Шунинг учун хўжаликлар бу алоқанинг доимийлигини таъминлашга ҳаракат қилишлари керак.

Лекин ҳозирги даврда қишлоқ хўжалиги корхоналари аксарият асосий ва айланма воситаларни хизмат кўрсатувчи тармоқларнинг ташкилотларидан, базалардан (ёқилғи, кимёвий воситалар), биржалардан, аукционлардан ҳамда кўргазмалардан сотиб олмақдалар. Улардан сотиб олинаётган ишлаб чиқариш воситаларининг баҳоси воситачилик устамаси эвазига анча юқори бўлганлиги сабабли кўплаб маблағлар ортиқча сарфланмоқда.

Келажакда қишлоқ хўжалик корхоналари ишлаб чиқариш воситаларини барпо этиш манбалари ҳамда шакллантириш йўллари ривожлантиришга алоҳида эътибор беришлари, яъни тўғридан-тўғри алоқаларни ривожлантиришга эришишлари мақсадга мувофиқдир. Бунда улар ҳамкорлар билан имконият доирасида узоқроқ муддатга шартномалар тузишга интилишлари, шартномаларнинг сифатли тузилишини, тўлиқ бажарилишини таъминлаб, ўзаро ишонч муҳитини яратишлари керак.

Шу билан бирга ички ва ташқи инвестицияларни олиб киришга ва уларнинг кўламини кенгайтиришга катта эътибор бериш лозим. Бунинг учун катта, кичик ҳажмдаги ҳамкорликни ривожлантириш зарур. Шу йўллар билан тармоқ ва хўжалик раҳбарлари асосий ва айланма воситаларга бўлган талабини қондиришга эришишлари мумкин.

7.5. Бозор иқтисодиёти шароитида асосий ва айланма фондлар (воситалар) дан самарали фойдаланиш ва бу фондларнинг юксалишини таъминлаш йўллари

Қишлоқ хўжалигида бозор иқтисодиёти шакллантирилаётган йилларда тармоқда мавжуд бўлган асосий воситалар ҳамда фойдаланилаётган айланма воситаларнинг миқдори камайганлиги, тармоқ шу воситалар билан етарли даражада таъминланмаганлиги бизга олдинги бобдан маълум. Лекин, эслатиб ўтиш керакки, шундай вазиятда тармоқдаги мавжуд асосий ва айланма воситаларнинг қиймати йилдан-йилга ошиб бормоқда.

Чунончи, тармоқнинг асосий фондлари 1997 йилда 176 млрд. сўмликни ташкил этган бўлса, 2002 йилнинг бошига келиб, у 465 фоизга кўпайиб, 837,7 млрд. сўмликка етган. Шу йиллар мобайнида қишлоқ хўжалик ишлаб чиқаришида қатнашган айланма воситалар қиймати 389 фоизга ортиб, 2002 йилнинг бошига 347 млрд. сўмни ташкил этган. Бу қишлоқ хўжалик корхоналари томонидан сотиб олинаётган асосий ва айланма воситаларнинг эркин баҳолари тез суръатларда ошиб бораётганлиги билан изоҳланади. Масалан, 1995 йилда 1 дона «МТЗ-80» маркали тракторнинг баҳоси 487 минг сўм

бўлган бўлса, 2002 йилга келиб, 19,3 мартага ошиб, 9,4 млн. сўмни ташкил этган (14-жадвал).

14-жадвал

Қишлоқ хўжалиги корхоналари сотиб олаётган айрим асосий ва айланма воситалари эркин баҳоларининг ўзгариши*

Кўрсаткичлар	Йиллар				2002 йил	
	1995	1998	2000	2002	1995 й.га нисбатан марта	2000 й.га нисбатан фойзда
	Минг сўмда					
Бензин, 1т.	15,6	26,7	125,6	196,3	12,6	156,3
Амофос, 1т.	7,4	18,5	55,3	122,5	16,6	221,5
Суперфосфат, 1т.	2,7	7,5	23,5	28,4	10,6	120,9
«МТЗ-80», 1 дона	487,0	2200,0	3500,0	9393,0	19,3	268,4
2 ярусли плуг, 1 дона	22,6	138,0	600,0	1280,0	56,6	213,3

*Қишлоқ ва сув хўжалиги вазирлиги маълумотлари асосида тузилган.

Айрим қишлоқ хўжалик техникаларининг баҳолари жуда юкори суръатларда ошган. Масалан, 2 ярусли ер ҳайдайдиган плугнинг эркин баҳоси 2002 йилда 1995 йилдагига нисбатан салкам 56,6 мартага, 2000 йилдагига нисбатан эса 2,1 мартага кўтарилган. Шу йиллар ичда бензин ёқилғисининг баҳоси 12,6 мартага, амофос ўғитининг баҳоси эса 16,6 мартага қимматлашган.

Қишлоқ хўжалиги асосий ва айланма фондлари қийматининг ортиши тармоқ хўжаликларининг фондлар билан таъминланиши ошишига олиб келди. Шу билан бирга асосий воситалар таркибида ҳам сифат ўзгаришлари юз берди. Хўжаликлар механизаторлар учун қулай имкониятларга эга бўлган бакувват, серунум тракторлар, комбайнларни турли йўллар билан ола бошладилар. Жумладан, «Магнум» тракторларини, «Кейс» комбайнларини ва бошқа техникаларни. Улар қишлоқ хўжалигида кўл меҳнати машина ва механизмлар ёрдамида бажарилишини таъминламоқда. Лекин ҳозирги даврда асосий ва айланма фондлардан фойдаланишнинг иқтисодий самарадорлиги талаб даражасида эмас. Мамлакат бозор иқтисодиётига ўтиш даврининг дастлабки йилларида (1991-1997 й.) тармоқдаги ҳар бир сўмлик фойдаланилган ишлаб чиқариш фондлари эвазига фойда олинмаган бўлса, 1999-2002 йилларда жуда кам миқдорда бўлса ҳам фойда олинмоқда. Бундай ўзгариш республика қишлоқ хўжалигида фойдаланилаётган асосий ва айланма фондларнинг иқтисодий самарадорлиги аста-секин юксалаётганлигидан далолат беради.

Келажақда бу ўсиш суръатини янада оширишга эришиш лозим. Бунинг учун тармоқда мавжуд бўлган барча асосий ва айланма фондлар (воситалар)дан йил мобайнида тўлиқ ва мақсадга мувофиқ самарали фойдаланиш зарур. Янги, серунум техникалардан, самарали технологиялардан оқилона фойдаланиш натижасида даставвал меҳнат ҳамда маблағ сарфлари тежалишини таъминлаб, етиштириладиган маҳсулотларнинг бир бирлиги таннархини пасайтириб, экинлар ҳосилдорлигини, чорва ҳайвонлари маҳсулдорлигини ошириш эвазига олинмаган пул даромадлари ҳамда соф фойда миқдорини кўпайтиришга эришиш лозим.

Аввало, қишлоқ хўжалик ишлаб чиқаришида банд бўлган барча раҳбар, мутахассис ва ишчи-хизматчиларнинг асосий ва айланма воситалардан самарали фойдаланиш жараёнидаги муносабатлари тўғри шакллантирилиши, малакалари, маъсулиятлари оширилиши тақазо этилади. Шунингдек, уларда мулкка эгалик қилиш

ҳиссини реал шакллантириш ва мулкдан самарали фойдаланиш манфаатдорлик юксалишини таъминлашига амалда ишонч уйғотиш керак. Бу уларнинг меҳнатлари онгли ва мақсадга мувофиқ изга тушишига олиб келади.

Айни пайтда корхоналар ихтиёридаги барча асосий ва айланма фондлар (воситалар)дан йил давомида, оқилона ҳамда самарали фойдаланишини таъминлашга қаратилган чора-тадбирларни вақтида, сифатли амалга ошириш лозим. Шундагина корхоналарнинг жойлашиши, ихтисослашиши ва ишлаб чиқариш воситалари билан таъминланганлигига, улар ўртасидаги мутаносибликка алоҳида эътибор берилади. Агарда хўжаликлар барча воситалар билан талаб даражасида яхши таъминланмаган бўлса, бу масалани ҳал этиш имконини берувчи тадбирларни, йўлларни аниқлаш зарур. Жумладан, асосий фондлардан фойдаланиш самарадорлигини ошириш учун қуйидаги масалалар вақтида, сифатли амалга оширилишини таъминлашга доимо эътибор бериш мақсадга мувофиқдир:

- корхоналарнинг асосий воситалар билан таъминланганлигини меъёрига етказишга, улар ўртасидаги мутаносибликни, яъни бир дона қишлоқ хўжалик машинасига бир нечта механизмлар бўлишини таъминлашга;
- меҳнат воситаларнинг ҳолатини, яъни ишга яроқлилигини яхшилашга, уларнинг мустаҳкамлигини таъминлашга;
- МТП нинг техник хизмат кўрсатишини яхшилаш, тез ва арзонроқ қуриш, режадаги мавжуд қурилиш материалларидан оқилона фойдаланишга;
- саноат корхоналари етказиб берадиган қишлоқ хўжалик машиналари ва техникаларини арзонроқ баҳоларда, қулайроқ усулларда сотиб олишга;
- қишлоқ хўжалигига янги, самарали технологияларни жорий қилиш ва ҳоказолар;
- механизатор кадрларнинг малакасини ошириш, уларни рағбатлантиришни ривожлантиришга.

Айланма фондлар (воситалар)дан самарали фойдаланишда қуйидагиларга эътибор берилиши зарур: қишлоқ хўжалик экинлари ҳосилдорлигининг ўсишига, ҳайвонлар маҳсулдорлигининг ошишига, маҳсулот сифатининг юксалишига, минерал ўғитлар, озуқалар, уруғлар, ёқилғи маҳсулотларининг тежамли сарфланишига.

Айланма фондлар (воситалар) дан самарали фойдаланишда қуйидаги йўналишларга эътибор бериш керак:

- қишлоқ хўжалиги ишлаб чиқаришида фойдаланиладиган меҳнат предметларини тадбиркорлик билан арзонроқ баҳоларда сотиб олиш, ўзларида ишлаб чиқариладиганлари таннархини тушириш ва сифатини яхшилашга;
- меҳнат ва маблағ сарфларини тежаш, бунинг учун янги техникалар, илғор технологиялар кенгроқ ва тезроқ жорий этилишини таъминлашга;
- айланма воситаларнинг оптимал (мақбул) таркибини таъминлашга;
- айланма фондларнинг айланиш даврини қисқартиришга;
- илмий-техник тараққиёт натижаларини қишлоқ хўжалигига жорий қилишга;
- меҳнатни ташкил қилишни такомиллаштириш ва уни рағбатлантиришни ривожлантиришга.

Бу қабиларнинг ҳал этилиши келажакда қишлоқ хўжалигидаги асосий айланма воситалардан, фондлардан, маблағлардан йил давомида самарали фойдаланилишини таъминлайди.

Таянч иборалар:

Асосий воситалар, фондлар, айланма воситалар, маблағлар, фондлар, асосий ва айланма фондларнинг иқтисодий самарадорлиги, асосий воситаларнинг эскириши,

амортизацияси, асосий ва айланма фондларнинг манбалари, асосий воситаларнинг баланс баҳоси, тиклаш баҳоси.

Қисқача хулосалар

Қишлоқ хўжалигининг мустаҳкам моддий-техника базасини барпо этишда, жонли меҳнат сарфлари тежалишида, экинлар ҳосилдорлиги, чорва ҳайвонлари маҳсулдорлиги ошишида, маҳсулотлар сифати яхшиланишида асосий ва айланма воситаларнинг аҳамияти улкан.

Уларнинг ишлаб чиқаришда қатнашишини эътиборга олиб, илмий ва амалий жиҳатдан туркумлаштириш мақсадга мувофиқдир.

Асосий ва айланма воситалардан фойдаланиш даражасини ва уларнинг иқтисодий самарадорлиги ҳолатини аниқлашда тегишли кўрсаткичлар тизимидан фойдаланиш керак. Ҳозирги даврда асосий ва айланма воситалардан фойдаланиш даражаси, самарадорлиги талабга тўлиқ жавоб бермайди. Чунки асосий воситаларнинг ишга яроқлилиқ даражаси паст бўлган хўжаликлар улар билан тўлиқ таъминланмаган, улардан фойдаланишнинг рағбатлантирилиши суст. Улардан фойдаланиш даражасини ва самарадорлигини ошириш учун хўжаликларни бундай воситалар билан тўлиқ ва мутаносиб равишда таъминлаш, асосий воситаларнинг ишга яроқлилигини ошириш, улардан йил давомида оқилona фойдаланишга эришиш, шунга кўра, моддий рағбатлантиришни такомиллаштириш, уларнинг бозорини ривожлантиришга эришиш зарур.

Назорат ва муҳокама учун саволлар

1. Асосий, айланма фондлар, маблағлар, воситалар деганда нимани тушунаси?
2. Асосий ва айланма воситаларнинг, маблағларнинг, фондларнинг қишлоқ хўжалигидаги аҳамияти қандай ?
3. Асосий ва айланма воситаларни барпо этишнинг қандай манбаларини биласиз?
4. Ишлаб чиқариш воситалари бозори деганда нимани тушунаси?
5. Асосий ва айланма фондлардан, воситалардан фойдаланиш даражасини, самарадорлигини ифодаловчи кўрсаткичлар, уларни аниқлаш тартибини тушунтириб беринг.
6. Асосий воситаларнинг эскириш қиймати қандай тартибда аниқланади?
7. Асосий ва айланма фондлардан, воситалардан, маблағлардан тўлиқ ва самарали фойдаланиш учун қандай масалаларга эътибор бериш керак?

Асосий адабиётлар

1. Ўзбекистон Республикаси Президентининг «Лизинг фаолиятини ривожлантиришни янада рағбатлантириш чора-тадбирлари тўғрисида»ги 2002 йил 28 августдаги Фармони, Халқ сўзи, 2002 йил 30 август
2. Ўзбекистон Республикаси Президентининг «Қишлоқ хўжалигида ислохотларни чуқурлаштиришнинг энг муҳим йўналишлари тўғрисида»ги Фармони. «Халқ сўзи», 2003 йил 25 март.
3. Ўзбекистон Республикаси Президентининг 2003 йил 27 октябрдаги «2004-2006 йилларда фермер хўжалиklarини ривожлантириш концепцияси тўғрисида»ги Фармони, «Халқ сўзи», 2003 йил 28 октябр
4. Ўзбекистон Республикаси Президентининг 2004 йил 4 ноябрдаги «2005-2007 йилларда фермер хўжалиklarини жадал ривожлантиришга қаратилган таклифлар

тайёрлаш бўйича махсус комиссия тузиш тўғрисида»ги Фармони, «Халқ сўзи», 2004 йил 5 ноябр

5. З.М. Ильина, И.В.Мировицкая, «Рўнки сельскохозяйственного сўрья и продовольствия», Минск, БГЭУ, 2001
6. Л.Н. Иванов, А.Л. Иванов, «Методў принятия решений бизнес – плана» - М.: Приор - издат, 2004
7. В.В. Ковалев, «Практикум по финансовому менеджменту. Конспект лекций с задачами», - М: Финансў и статистика, 2004
8. Н.А. Коленниковой, А.Д. Миронова, «Бизнес–план. Методические материалў», - М.: Финансў и статистика, 2004
9. М.И. Лехенко, «Основў лизинга: Учебное пособие», - М.: Финансў и статистика, 2004
10. И. Минаков, «Экономика сельскохозяйственного предприятия», Учебник, М.: Колос, 2004.

Интернет сайтлари:

1. Московская сельскохозяйственная академия www.ecfak.timacad.ru
2. Приамурский Институт Агрэкономики и Бизнеса www.admin.ru
3. Петранева Г.А. Экономика и управление в сельском хозяйстве, Академия, 2003. <http://textbook.ru/catalogue/book/33320.html>
4. Коваленко Н.Я. Экономика сельского хозяйства, М. «Юркнига». 2004 <http://shopper.h1.ru/books.shtml?topic=935&page=1>

VIII боб

МЕХНАТ РЕСУРСЛАРИ, БОЗОРИ, УЛАРДАН ФОЙДАЛАНИШ ВА МЕХНАТ УНУМДОРЛИГИ

8.1. Мехнат ресурслари ва мехнат унумдорлигининг қишлоқ хўжалигидаги аҳамияти

8.2. Мехнат ресурсларидан фойдаланиш ва мехнат унумдорлиги даражасини ифодаловчи кўрсаткичлар, уларни аниқлаш тартиби

8.3. Қишлоқ хўжалигидаги мехнат ресурслари, улардан фойдаланиш ва мехнат унумдорлиги даражаси

8.4. Қишлоқ хўжалигида мехнат бозори ва уни ривожлантириш масалалари

8.5. Мехнат ресурсларидан фойдаланишни яхшилаш, мехнат унумдорлигини ошириш йўллари

8.1. Мехнат ресурслари ва мехнат унумдорлигининг қишлоқ хўжалигидаги аҳамияти

Мамлакатимизнинг қишлоқ хўжалик маҳсулотларига бўлган барча талабларини қондиришда жонли ва буюмлашган мехнатнинг аҳамияти улкан. Чунки у қийматни яратади, қолаверса, инсоннинг онгли–мақсадга йўналтирилган фаолиятидир. У билан мехнат предметлари ҳамда воситалари уйғунлашган ҳолда иш жараёни амалга оширилади. Бу жараённинг маҳсули қиймат ҳисобланади. Демак, талабни қондира олиш қобилиятига эга бўлган маҳсулотларни етиштириш, хизматларни бажариш инсоннинг жонли фаолияти (мехнати) билан мехнат предметлари ва воситаларининг мақсадга мувофиқ боғланишига боғлиқ. Яъни, инсон мехнати ҚерҚтракторҚчигит (уруғ) Қёқилғилар ижобий боғланиши натижасида пахта ёки буғдой ва бошқа қишлоқ хўжалик маҳсулотлари етиштирилади. Уларнинг миқдори, сифати бевосита юқоридаги омилларга боғлиқ. Лекин инсон ва унинг онгли фаолияти бўлмаса ҳеч қандай маҳсулот яратилмайди, иш ёки хизмат бажарилмайди. Шундай экан, фақат инсон ўзининг онгли фаолияти билан маҳсулотларни яратади.

Қишлоқ хўжалик маҳсулотларини етиштиришда табиий шароитнинг (ҳарорат, ёгин ва иссиқ кунлар миқдори) аҳамияти катта. Ишлаб чиқариш инсон мехнати ҳамда мехнат проедметлари ва воситалари, табиий шароитларни эътиборга олган ҳолда самрали уйғунлашишини талаб этади. Инсон шу ишлаб чиқариш воситаларини маълум ҳудудда, даврда ишга солиб, ишлаб чиқариш жараёнини амалга оширади. Бу жараён бир қанча мехнат жараёнларини ўз ичига олади. Жумладан, экинлар экиладиган ерларни ҳайдаш, экишга тайёрлаш, экиш, сув бериш, ишлов бериш, ҳосилни териб олиш ва бошқалар. Ишлаб чиқариш жараёнининг самараси, аввало, инсоннинг онгига, билимига, малакасига, муносабатига, қолаверса, фан-техника тараққиётига, ишлаб чиқариш воситаларининг сифатига, ҳолатига ва ниҳоят, табиий шароитга боғлиқ. Демак, инсон ўз фаолиятини уларнинг барчасини оқилона, удабуронлик билан самарали ишга солишга қаратиши керак. Шундай мехнат иқтисодий категория ҳисобланади. Унинг табиати ишлаб чиқариш муносабатлари билан белгиланади. Қишлоқ хўжалигида мехнат тармокнинг хусусиятларидан келиб чиққан ҳолда қуйидаги хусусиятларга эга:

- мехнат ва унинг самараси табиий шароит билан боғлиқлиги;
- мехнатдан фойдаланишга ишлаб чиқариш мавсумийлигининг таъсир қилиши;
- қишлоқ хўжалигидаги мехнатнинг ўсимликлар ҳамда тирик мавжудотлар (хайвонлар, ўсимликлар) билан узвий боғланганлиги;

- қишлоқдаги меҳнат савияси ва билим даражасининг нисбатан пастлиги;
- ўсимчилик ва чорвачилик тармоқларида ишлаб чиқариш жараёнларининг автоматлаштирилганлик ва механизациялаштирилганлик ҳамда электрлаштирилганлик даражаси пастлиги;
- тармоқда тор доирадаги ихтисослашишнинг камлиги;
- қишлоқ хўжалигида сарфланаётган меҳнат таркибида аёллар ва ёшлар меҳнати салмоғи (ҳиссаси) нинг кўплиги;
- қишлоқ хўжалигида меҳнатга тўланаётган ҳақ ва унинг ижтимоий ҳимояланиши бошқа тармоқлардагига нисбатан пастлиги ва бошқалар.

Таъкидланган хусусиятлар тармоқда сарфланадиган меҳнатнинг миқдорига, сифатига ва самарасига бевосита таъсир этади. Турлича табиий шароитда, ҳар хил даражада ихтисослашган хўжаликларда бир хил иш жараёнларини амалга ошириш учун ҳар хил миқдорда бир турдаги меҳнат сарфланади, унинг самарадорлиги ҳам бир-биридан фарқ қилади. Кеч куз, қиш ва эрта баҳорда меҳнат сарфи кескин камайиб, ҳосилни йиғиб олишда унга бўлган талаб ортади. Шу даврда мавсумий ишчилар шартнома асосида жалб этилади. Ўсимчилик ва чорвачиликда бажариладиган ишларнинг кўпчилиги юқори даражада билим ва малака талаб этмайди. Қишлоқ хўжалигидаги меҳнат таркибида аёллар меҳнатининг салмоғи ҳозирги даврда анча юқори. Шунинг учун ҳам тармоқда меҳнатга тўланаётган ҳақ камроқ. Тармоқнинг янги, унумли техникалар билан талаб даражасида таъминланмаганлиги айрим иш жараёнларини (суғориш, чиканка қилиш, ҳосилни йиғиб олиш, чорва ҳайвонларини озиклантириш, соғиш...) тўлиқ механизациялаштириш имконини бермайди, натижада оддий жонли меҳнат харажатлари ортади. Қишлоқ хўжалигида меҳнат жараёнини амалга оширишда унинг самарали бўлишини таъминлаш учун барча хусусиятларни эътиборга олиш мақсадга мувофиқдир.

Қишлоқ хўжалигидаги меҳнат қилиш қобилиятига эга бўлган фуқароларни меҳнат ресурслари деб аталади. Уларнинг ҳуқуқий асослари таркиби ҳамда фаолияти Республика Олий Мажлиси томонидан қабул қилинган «Меҳнат кодекси»да (04.1996й), «Аҳолини иш билан таъминлаш тўғрисида»ги (05.1998й) қонунда батафсил кўрсатилган. Меҳнат ресурслари 16 ёшдан 60 ёшгача бўлган эркеклар, 55 ёшгача бўлган аёллар ҳисобланади. Шу билан биргаликда меҳнат қилиш имкониятига эга бўлган ўсмирлар ва нафақахўрлар ҳам меҳнат ресурси саналади. Уларнинг таркибида иқтисодий фаол меҳнат қилиш имкониятига эга бўлганлар алоҳида аҳамият қабл этади. Уларни 16-55 ёшгача бўлган аёллар, 60 ёшгача бўлган эркеклар ташкил этади. Улар меҳнат ресурсларининг асосини ташкил этади. Улар Республикада 2002 йилнинг бошига мавжуд меҳнат ресурсларининг 38,6 фоизини ташкил этган.

Ўзбекистон Республикасида 2002 йилнинг бошига 12718 минг кишидан иборат меҳнат ресурслари мавжуд. Бу жами аҳолининг 50,9 фоизини ташкил этади. Мавжуд меҳнат ресурсларининг 45 фоизга яқини қишлоқ хўжалигида фаолият кўрсатади. Улар ўзларининг онгли, мақсадли меҳнатлари билан қишлоқ хўжалигини ривожлантиришга, унинг самардорлигини юксалтиришга улкан ҳисса қўшиши лозим. Демак, уларнинг меҳнатлари унумли бўлиши керак. Шу билан «меҳнат унумдорлиги» тушунчаси пайдо бўлмоқда. Меҳнат унумдорлиги деганда, фойдаланилаётган техникалар, технологиялар ёрдамида бир бирликдаги маҳсулотни етиштириш, ишни бажариш учун сарфланадиган вақтнинг миқдорини назарда тутиш лозим. Бу «Меҳнатни тежаш» иқтисодий қонунининг амал қилишидан далолат беради. Меҳнат унумдорлигининг амалиётдаги тушунчаси ҳам мавжуд. Яъни сарфланаётган бир бирликдаги вақт ичида яратилган қиймат ёки ишлаб чиқарилган маҳсулот, бажарилган иш меҳнатнинг унумдорлик даражасини ифодалайди. Меҳнат унумдорлиги тўғрисидаги бу тушунчалар бир-бирини инкор этмайди, аксинча тўлдиради. Қишлоқ хўжалигидаги меҳнат онгли, мақсадга

йўналтирилган бўлса, унинг унумдорлиги юқори бўлади. Бу эса тармоқнинг ривожланишини таъминлайди.

8.2. Меҳнат ресурсларидан фойдаланиш ва меҳнат унумдорлиги даражасини ифодаловчи кўрсаткичлар, уларни аниқлаш тартиби

Меҳнат ресурслари қишлоқ хўжалигини ривожлантиришда ишлаб чиқариш ресурсларининг энг фаол омили сифатида катта аҳамиятга эга. Улар ишлаб чиқариш жараёнида онгли равишда қатнашиб, кўпроқ, сифатлироқ маҳсулотларни талабни қондирадиган миқдорда етиштиришга, иш ва хизматларни бажаришга ҳаракат қилади. Шундай экан, улардан йил давомида тўлиқ, самарали фойдаланишга эришиш лозим. Бунинг учун меҳнат ресурсларидан фойдаланилаётганлик даражасини аниқлаш керак. Уни аниқлаш учун қуйидаги кўрсаткичлардан фойдаланилади:

а). Мавжуд бўлган меҳнат ресурсларидан фойдаланиш коэффициенти. Уни аниқлаш учун ишлаб чиқариш жараёнида ҳақиқатда қатнашган меҳнат ресурслари миқдорини (киши) хўжалиқда шартнома (буйруқ) бўйича мавжуд бўлган меҳнат ресурслари миқдорига тақсимланади. У қуйидаги формула ёрдамида аниқланади:

$$MK = \frac{\sum IMp}{\sum MMp}.$$

Бунда: M_k – меҳнат ресурсларидан фойдаланиш коэффициенти;

$\sum IMp$ – ҳақиқатда ишлаган жами меҳнат ресурслари, киши;

$\sum MMp$ – мавжуд бўлган жами меҳнат ресурслари, киши.

Бу кўрсаткичнинг даражаси бирга яқин бўлгани яхши. Шунда у мавжуд меҳнат ресурсларидан фойдаланиш юқори бўлганлигидан далолат беради.

б). Меҳнат ресурсларининг хўжалиқ фаолиятида қатнашиши (1 ойда, 1 йилда). Унинг миқдорини хўжалиқ фаолиятида жами сарфланган вақтни сарфланган меҳнат ресурсларининг умумий миқдорига тақсимлаш натижасида аниқлаш, бунда қуйидаги формуладан фойдаланиш мумкин.:

$$MrX_{kk} = \frac{\sum Mpcv}{\sum IMp}.$$

Бунда: MrX_{kk} – меҳнат ресурсларининг маълум бир муддатда ўртача ишлаган иш вақти, киши-куни, киши-соати;

$\sum Mpcv$ – меҳнат ресурсларининг жами сарфлаган вақти, киши-куни, киши-соат.

Бу кўрсаткичнинг мутлақ (абсолют) миқдори аниқланаётган даврдаги (ойда, йилда) бир кишининг иш вақти фондидан юқори бўлмайди. Меҳнат ресурсларининг ҳар бир гуруҳи учун амалдаги қонунларда йиллик ёки ойлик иш вақти фонди белгиланади. Унинг миқдорини бир йилдаги календарь кунлар миқдоридан барча турдаги байрам (агар у қонун бўйича дам олиш кун ҳисобланса), дам олиш ҳамда таътил (отпуска) кунларини айириш орқали аниқланади. Республикада йиллик иш вақти фонди 276-286 кун миқдорида белгиланган. Бу иқтисодий фаол меҳнат ресурсларининг йиллик иш вақти фонди ҳисобланади. Ўсмирлар учун бу фонд уларни ижтимоий жиҳатдан ҳимоя қилган ҳолда белгиланган. Худди шундай имтиёзлар инсон саломатлиги учун зарур ишларни бажарувчилар учун ҳам ўрнатилган.

в). Белгиланган иш вақти фондидан фойдаланиш коэффициенти ҳам аниқланади. У бир ишчи ёки хизматчининг ишлаб чиқаришда ҳақиқатда ишлаган вақтини (киши-куни, киши-соатини) қонунда белгиланган миқдорда ишлаши лозим

бўлган вақтга тақсимлаш натижасида аниқланади. Бунинг учун қуйидаги формуладан фойдаланиш мумкин:

$$ИВфк = \frac{MrИв}{MrИн}$$

Бунда: ИВфк – иш вақти фондидан фойдаланиш коэффициентини;
 MrИв – меҳнат ресурслари ҳисобланган бир кишининг бир йилда ишлаган вақти, киши-куни, киши-соати;
 MrИн – бир киши учун қонунда белгиланган, ишлаши лозим бўлган вақт, киши-куни, киши-соат.

Бу коэффициентнинг миқдори бирдан ошмаслиги керак. Агар у қанчалик кам бўлса, бу меҳнат ресурси фойдали меҳнат жараёнида кам қатнашганлигидан далолат беради.

г). Меҳнатнинг мавсумийлик коэффициенти. Унинг миқдорини бир йил, бир ой мобайнида энг кўп иш кунини шу даврдаги энг кам иш куни миқдорига тақсимлаш натижасида ҳисоблаш мумкин. Бунда қуйидаги формуладан фойдаланиш мақсадга мувофиқдир:

$$Mм = \frac{!oЭИк}{!oКИв}$$

Бунда: Mм – меҳнатнинг мавсумийлик коэффициентини;

!oЭИк – бир йилдаги ёки ойдаги энг кўп иш куни;

!oКИв – бир йилда ёки ойдаги энг кам иш куни.

Унинг миқдори ҳам 1-1,2 атрофида бўлгани мақсадга мувофиқдир. Ҳозирги вақтда унинг миқдори 2-2,3 га тенг бўлмоқда. Бу меҳнат ресурсларининг ишлаб чиқариш жараёнида бир меъёрда қатнашмаётганлигидан далолат беради. Бу ҳолни юмшатиш зарур. Бунинг учун кам меҳнат сарфланган ойларда ишлаб чиқаришнинг бошқа соҳаларини ташкил этиш мақсадга мувофиқдир. Бу масалани ҳар бир корхона ўзи ички имкониятларидан келиб чиққан ҳолда ҳал этиши мумкин.

д). Меҳнатнинг унумдорлиги даражаси. Унинг мутлақ (абсолют) даражасини аниқлаш учун ҳақиқатда сарфланган жами иш вақти миқдорини шу даврда ишлаб чиқилган маҳсулот миқдорига, қийматига ҳамда бажарилган иш ҳажмига тақсимлаш зарур. Бу меҳнатни тежаш иқтисодий қонунининг талаби.

Амалиётда эса у ҳақиқатда ишлаб чиқарилган маҳсулотнинг, бажарилган ишнинг миқдори ёки қийматини унга сарфланган иш вақтига тақсимлаш натижасида аниқланмоқда. Бундай усулда улар бир-бирларини инкор этмайди, балки тўлдиради. Уларни аниқлаш учун ушбу формуладан фойдаланиш мумкин:

$$Муқ = \frac{Св}{Ем} ёки \frac{Ем}{Св}$$

Бунда: Му – меҳнатнинг унумдорлик даражаси, киши-куни, соати, сўм;

Св – маҳсулот етиштириш, хизмат кўрсатиш учун сарфланган иш вақти, киши-куни, соатда;

Ем – сарфланган вақт ичида етиштирилган маҳсулот, ц, сўм.

Бу кўрсаткич етиштирилаётган бир бирликдаги (цен, тонна, сўм) маҳсулот учун қанча вақт сарфланганлигини ёки сарфланган бир бирликдаги вақт эвазига қанча маҳсулот етиштирилганлигининг, хизматлар бажарилганлигининг даражасини ифодалайди. Маҳсулот бирлигига сарфланган жонли меҳнат миқдори камайса ёки сарфланган бир бирлик меҳнат эвазига етиштирилган маҳсулот бирлиги кўпайса, меҳнат унумдорлиги ошганлигидан далолат беради. Бу кўрсаткич кишлоқ хўжалигида айрим иш, маҳсулот турлари, даврлари ҳамда хўжалик миқёсида натура ҳамда қиймат кўринишида аниқланади. Унинг даражасини қиймат кўринишида бир неча йиллар давомида аниқлашда

қиёсий баҳолардан фойдаланиш лозим. Шунда қишлоқ хўжалик маҳсулотлари баҳолари ўзгаришининг таъсири бартараф этилади. Юқорида келтирилган кўрсаткичлар ёрдамида қишлоқ хўжалик ишлаб чиқаришида қатнашаётган меҳнат ресурсларидан қандай фойдаланилаётганлик ҳамда сарфланаётган меҳнатнинг унумдорлик даражаси аниқланиб, чуқур таҳлил этилади.

Шунга асосланган ҳолда келажакда меҳнат ресурсларидан фойдаланишни яхшилаш ва сарфланиши зарур бўлган меҳнатнинг унумдорлигини ошириш учун қандай тадбирларни ишлаб чиқиш кераклиги белгиланади.

Булардан ташқари қишлоқ хўжалигида тармоқ сифатида банд бўлган меҳнат ресурслари салмоғи ҳам аниқланади. Унинг даражаси тармоқда банд бўлган меҳнат ресурслари миқдорини макроиқтисод даражасида, яъни республика миқёсида банд бўлган меҳнат ресурслари сонига тақсимлаш натижасида аниқланади. Аниқланган рақам 100 га кўпайтирилади. Чунки у фоизда ифодланади. Бунинг учун қуйидаги формуладан фойдаланиш мумкин:

$$ТБМс = - \frac{ТБМм}{МБМм} * 100$$

Бунда: ТБМс–тармоқда банд бўлган меҳнат ресурсларининг салмоғи,
фоиз;

ТБМм–тармоқда банд бўлган меҳнат ресурсларининг миқдори,
млн. ишчи;

МБМм–макроиқтисод миқёсида банд бўлган меҳнат ресурсларининг умумий миқдори, млн. киши.

Бу кўрсаткични қишлоқ хўжалиги таркибидаги тармоқлар (ўсимчилик, чорвачилик, пахтачилик...) доирасида ҳам аниқлаш мумкин. Бунда қишлоқ хўжалиги асос қилиб олинади. Ички тармоқларнинг шунга нисбатан салмоғи аниқланади. Тармоқ миқёсида мамлакат қишлоқ ҳудудларида яшаётган аҳолининг қандай салмоққа эгаллиги, қишлоқ хўжалигида бандлиги ҳам аниқланиши мумкин. Унинг даражасини аниқлаш учун қишлоқ хўжалигида банд бўлган меҳнат ресурсларининг умумий миқдорини қишлоқ ҳудудларида яшаётган умумий аҳоли миқдорига тақсимлаб, 100 га кўпайтириш керак. Чунки бу кўрсаткич фоизда аниқланади.

Шу кўрсаткичлар ёрдамида макроиқтисод доирасида қишлоқ хўжалик тармоғида банд бўлган меҳнат ресурсларининг салмоғи, улар меҳнатининг унумдорлик даражаси аниқланиб, таҳлил қилиниши мумкин. Шунинг натижасида тармоқда меҳнат ресурсларининг бандлигига оид чора-тадбирлар макроиқтисод доирасида ишлаб чиқиши мумкин.

8.3. Қишлоқ хўжалигидаги меҳнат ресурслари, улардан фойдаланиш ва меҳнат унумдорлиги даражаси

Республика аҳолисининг умумий миқдори 2002 йилнинг бошига 24966,8 минг кишини ташкил этган. 2001 йилда аҳоли сонининг ўсиши 1,27 фоизга тенг бўлган. Жами аҳолининг 62 фоизга яқини қишлоқ ҳудудларида яшамоқдалар. Уларни иш билан таъминлаш ва меҳнатлари унумдорлигини юксалтириш жуда катта аҳамиятга эга.

Республикада 2002 йилнинг бошига 12718 минг кишидан иборат меҳнат ресурслари мавжуд. Уларнинг аксарият қисми қишлоқ ҳудудларида яшаб, меҳнат қиладилар. Демак, жами аҳолининг 50,9 фоизи меҳнат ресурслари ҳисобланади. Улардан 9173,5 минг нафари ёки 72,1 фоизи иқтисодий фаол, 99,6 фоизи ёки 9136 минг нафари республика иқтисодиётида банд бўлган меҳнат ресурсларидир. Макроиқтисод доирасида банд бўлган меҳнат ресурсларининг 36,1 фоизи қишлоқ хўжалигининг барча тармоқларида фаолият кўрсатмоқдалар (15-жадвал).

15-жадвал

Республика қишлоқ хўжалигида иш билан банд бўлган меҳнат ресурсларининг сони ва салмоғи*

№	Тармоқлар	Йиллар							
		1995		1999		2000		2001	
		минг киши	%	минг киши	%	минг киши	%	минг киши	%
1	Қишлоқ хўжалиги	3458	40.9	3421	38.5	3369	37.5	3302	36.1
2	Саноат	1087	12.9	1142	12.9	1176	13.1	1209	13.2
3	Қурилиш	528	6.2	583	6.6	595	6.6	621	6.8
4	Бошқа тармоқлар	3376	40,0	3739	42,0	3843	42,8	4004	43,9
	Жами	8449	100	8885	100	8983	100	9136	100

*Республика макроиктисодиёт ва статистика вазирлиги маълумотлари асосида тузилган.

Мамлакат қишлоқ хўжалигида банд бўлган меҳнат ресурсларининг миқдори 1995-2001 йиллар мобайнида 156 минг кишига қисқарган. Натижада тармоқда банд бўлган ишчи-хизматчиларнинг салмоғи 40,9 фоиздан 36,1 фоизга тушган ёки 4,8 фоизга камайган. Бу, албатта, ижобий ҳол. Иқтисодий ривожланган давлатларда, яъни АҚШ, Олмония, Франция, Испания, Голландияда қишлоқ хўжалигида жами аҳолисининг 3 фоиздан 10 фоизгача бўлган қисми фаолият кўрсатмоқда. Улар меҳнатининг унумдорлик даражаси ниҳоятда юқори. Уларда фаолият кўрсатаётган ҳар бир киши 120 нафаргача кишини қишлоқ хўжалик маҳсулотлари билан таъминламоқда. Республикамиз миқёсида бу кўрсаткич даражаси ҳозирги даврда анча паст. Демак, уни юксалтиришга алоҳида эътибор бериш лозим.

Тармоқда банд бўлган меҳнат ресурслари миқдори ва салмоғининг пасайиши республикада амалга оширилаётган аграр-иктисодий сиёсатнинг маълум даражадаги натижасидир. Меҳнат ресурсларини иш билан таъминлаш, уларнинг меҳнати унумдорлигини ошириш мақсадида республика Президенти И. Каримов саноатни қишлоққа олиб бориш зарурлигини асослаган ҳолда исботламоқдалар. Шу мақсадда узоққа мўлжалланган турли хилдаги чора-тадбирлар ишлаб чиқилиб, уларни босқичма-босқич амалга оширишга алоҳида эътибор берилмоқда. Бу сиёсатнинг сиёсий, иқтисодий ва ижтимоий жиҳатдан аҳамиятлилигини қуйидагилар исботламоқда: даставвал аҳоли жуда зич жойлашган Андижон вилоятининг Асака туманидаги қишлоқ ҳудудида «Ўзбекистон - Корея» автомобилсозлик қўшма корхонаси қурилиб, самарали фаолият кўрсатмоқда. Қашқадарё, Тошкент, Фарғона, Навоий вилоятлари қишлоқларида нефть, газ, тўқимачилик саноатининг йирик қўшма корхоналари яхши фаолият кўрсатмоқда. Шу каби саноат корхоналарининг ишга туширилиши натижасида қишлоқларда яшаётган меҳнат ресурсларининг сезиларли қисми иш билан таъминланди. Бу уларнинг оилалари реал даромадлар билан таъминланишини юксалтирмоқда. Улар республикада автомобилсозлик, ёқилғи, тўқимачилик саноатининг барпо этилишини ҳамда ривожланишини таъминламоқда.

Юқоридаги ижобий натижаларга асосланган ҳолда мамлакатнинг қишлоқ ҳудудларида саноат корхоналари ва бошқа турдаги хизматлар кўрсатувчи ташкилотлар барпо этиш ишлари изчиллик билан амалга оширилиши мақсадга мувофиқдир. Бу жараён қишлоқ ҳудудларида ишлаб чиқариш кучлари оқилона жойлашишини таъминлашга ҳам ижобий ҳисса қўшади. Натижада меҳнат ресурсларидан фойдаланиш коэффициентининг ошиши ҳам таъминланади. 1999 йилда республикада меҳнат ресурсларидан фойдаланиш коэффициенти 0,995 ёки иқтисодий фаол меҳнат ресурсларининг 99,5 фоизи иш билан таъминланган бўлса, 2001 йилда унинг даражаси 99,6 фоизни $\left[\frac{9136}{9175} \cdot 100 \right]$ ташкил

этган. Лекин бу кўрсаткични мамлакат қишлоқ хўжалиги корхоналари миқёсида маълумотлар етарли бўлмаганлиги муносабати билан аниқлай олмадик. Аммо уни айрим хўжаликлар миқёсида аниқлаш мумкин. Бунинг учун қишлоқ хўжалик корхонасида мавжуд бўлган меҳнат ресурсларининг умумий миқдорига хўжаликда ишлаган кишилар сонини тақсимлаш лозим. Кейинги йилларда Республикада деҳқон (томорқа) хўжалигида, фарзандларни баркамол авлод қилиб тарбиялаш билан шуғулланадиган фуқароларнинг меҳнатларини эътиборга олган ҳолда уларни меҳнат билан банд бўлганлар таркибига кўшиш лозимлиги тўғрисида ҳуқуқий ва меъёрий харажатлар яратилмоқда. Унинг ҳал этилиши, албатта, меҳнат ресурсларини, уларнинг бандлигини ҳисобга олиш масалалари ечилишига кўмаклашади.

Меҳнат ресурсларининг иш билан таъминланмаган қисми ишсизлар ҳисобланади. Қонуний жиҳатдан ишсиз ҳисобланиши учун улар туманлардаги Меҳнат биржасига мурожат этиши зарур. Меҳнат биржалари мурожат этган ишсизларни белгиланган тартибда рўйхатга олиб, уларга ишсизлар мақомини беради. «Ишсиз» мақомини олган фуқаро эса ижтимоий жиҳатдан ҳимояланиши учун унга минимал иш ҳақи миқдоридаги маблағ ҳар ойда бериб турилади.

Меҳнат биржалари иш билан таъминланмаганларни тумандаги имкониятларни эътиборга олган ҳолда малакасини ошириш ёки касбларини ўзгартириш бўйича тадбирларни амалга оширади. Шулар натижасида уларнинг иш билан таъминланиши яхшиланади. Бу эса меҳнат ресурсларидан фойдаланиш коэффициенти юксалишини таъминлайди.

Қишлоқ ҳудудларида ишлаб чиқариш кучларининг ривожлантирилиши тармоқдаги меҳнат ресурсларининг маълум бир қисми саноат ва бошқа ташкилотларга ўтишига таъсир этмоқда. Шу туфайли қишлоқ хўжалигидаги меҳнат ресурсларининг тармоқ ишлаб чиқариш жараёнида қатнашиш даражаси, яъни уларнинг йил давомида иш билан тўлиқ таъминланиши ошмоқда. Натижада Республика Қишлоқ ва сув хўжалиги вазирлиги таркибидаги жамоа, ширкат корхоналарида бир йил мобайнида ишлаган иш кунлари 1998-2001 йилларда 17,5 фоизга ортиб, 671,4 млн. киши-кунни ташкил этмоқда. Улардан ўсимчилик тармоқларида меҳнат килаётганлари 421,7 млн. киши-кун ишлаган бўлса, чорвачилик тармоқларидагиси эса 242,7 млн. киши-кун ишлаганлар.

Тармоқда мавжуд бўлган меҳнат ресурсларини ишлаб чиқаришга жалб этиш, уларнинг меҳнатлари унумдорлигини юксалтиришда моддий ҳамда маънавий рағбатлантиришнинг, яъни уларни меҳнатларига ҳақ тўлаш, яхши ишлаганларини эса рағбатлантиришнинг аҳамияти улкан. Ҳозирги даврда давлат ҳамда жамоа мулкчилигига асосланган хўжаликларда шартнома асосида фаолият юритаётган ишчи-хизматчиларга Ўзбекистон Республикаси Вазирлар Маҳкамаси томонидан тасдиқланган миқдорда меҳнат ҳақи тўланмоқда. Қишлоқ хўжалик корхоналарида вақтбай усулда иш ҳақи белгиланганлар меҳнатларига 22 разряд асосида ҳақ тўланмоқда. Ишбай усулдагиларга эса таъриф разрядларига асосланган ҳолда тариф ставкалари белгиланган. Тариф разряди, ставкасига асосланган ҳолда уларни меҳнатларига ҳақ тўланмоқда. Ҳозирги даврда минимал иш ҳақи миқдори ҳам белгиланган. Лекин эркин бозор иқтисоди шароитида меҳнатга тўланадиган иш ҳақининг энг кам миқдори белгиланади. Юқори даражаси эса хўжаликларнинг иқтисодий имкониятларидан ҳамда ишчи-хизматчиларнинг қобилиятларига, имкониятларига асосланган ҳолда белгиланади. Бундай тартиб хусусий корхоналарда, фермер хўжаликларида маълум даражада қўлланилмоқда. Келажакда меҳнат ресурсларидан фойдаланишни яхшилашга доимо эътибор бериш мақсадга мувофиқдир.

Қишлоқ хўжалигида меҳнатнинг унумдорлик даражаси сўнгги йилларда юксалмоқда. Агарда тармоқда фаолият юритган бир киши 1999 йилда 408,1 минг сўмлик ялпи маҳсулот ишлаб чиқарган бўлса, 2001 йилга келиб, бир ишчи-хизматчи 632 минг сўмлик ялпи маҳсулот ишлаб чиқарган. Демак, шу йиллар мобайнида қишлоқ хўжалигида

меҳнат унумдорлиги 54,9 фоизга ошган. Уни ошишига тармоқда экиладиган экинларнинг асосий қисми ҳосилдорлиги ошганлиги таъсир этган. Республикада бошоқли дон ҳосилдорлиги 1996-2000 йилларда 41,8 фоизга ошиб, 26,8 центнерни ташкил этган.

Шу йилларда сабзавот экинларининг ҳосилдорлиги 35,5 фоизга, полиз экинлариники – 98,9 фоизга, картошканики – 57,6 фоизга ошган.

Меҳнат унумдорлиги даражасига қишлоқ хўжалик маҳсулотлари баҳоларининг ошиши ҳам таъсир этмоқда. 1999-2001 йилларда 1 тонна пахта хомашёсининг харид баҳоси 82 минг сўмдан 104,6 минг сўмга етди. Демак, шу йиллар ичида баҳо 27,6 фоизга ошган. Шунингдек, ғалланинг баҳоси ҳам ошиб бормоқда. Лекин баҳолар ошишига нисбатан меҳнат унумдорлигининг ошиш суръати юқори. Бу, албатта, ижобий ҳол. Чунки қишлоқ хўжалик ходимларининг меҳнатга бўлган муносабатлари ўзгармоқда.

8.4. Қишлоқ хўжалигида меҳнат бозори ва уни ривожлантириш масалалари

Қишлоқ ҳудудларида мавжуд бўлган меҳнат ресурсларидан тўлиқ ва самарали фойдаланиш, уларнинг меҳнатлари унумдорлигини юксалтириш ҳамда ижтимоий-иқтисодий жиҳатдан ҳимоялаш энг долзарб муаммо ҳисобланади. Бу муаммо муваффақиятли ҳал этилиши учун қуйидаги масалалар аниқланиб, уларнинг ечимини таъминлашга қаратилиши лозим:

- қишлоқ ҳудудларида мавжуд бўлган меҳнат ресурсларининг умумий миқдорини, истиқболда уларнинг ўзгариш (кўпайиш, камайиши) даражасини аниқлаш;
- қишлоқ ҳудудларидаги барча тадбиркорлик шаклларида қисқа ва узоқ муддатга бўш бўлган иш жойлари миқдорини мутахассислик турлари бўйича белгилаш;
- қисқа ва узоқ муддатга бўш бўлган иш жойларини ишловчилар билан таъминлашга қаратилган чора-тадбирларни асосланган ҳолда ишлаб чиқиш (кадрлар малакасини ошириш, уларни қайта тайёрлаш ...);
- амалга оширилиши лозим бўлган ҳамма тадбирларни, барча ресурслар билан таъминловчи ишларни амалга ошириш;
- иш билан таъминланмаганларнинг умумий миқдорини аниқлаш, уларни иқтисодий, ижтимоий ҳимоялаш бўйича меъёрий тадбирларни ишлаб чиқиш, уларни амалга ошириш ва бошқалар.

Таъкидланган муаммоларнинг самарали ҳал этилиши меҳнат қилиш қобилиятига эга бўлганлар билан меҳнат жараёнини ташкил этувчи субъектлар ҳамда иқтисодий, ижтимоий ҳимоялашни амалга оширувчи ташкилотлар ўртасида иқтисодий муносабатлар амалга оширилишини тақозо этади. Бу масалаларни ҳал этиш, меҳнат бозори зиммасига юкланмоқда. Меҳнат бозори, меҳнат биржасининг ҳуқуқий асослари яратилмоқда. Улар ўз фаолиятларини «Меҳнат кодекси», «Аҳолини иш билан таъминлаш тўғрисида»ги ҳамда «Биржалар тўғрисида»ги қонунлар асосида юритмоқдалар.

Қишлоқ ҳудудларидаги (жумладан, қишлоқ хўжалигидаги) фуқароларнинг меҳнат қилиш имкониятини, яъни таклифини, уларни ишга ёллаш (сотиб олиш), яъни иш билан таъминловчилар ҳамда ижтимоий-иқтисодий ҳимоя қилувчилар ўртасидаги ижтимоий-иқтисодий муносабатларни қонун талаблари даражасида амалга оширадиган маскан (ҳудуд) ёки субъект меҳнат биржаси эканлигидан далолат беради.

Эркин бозор иқтисоди шароитида ўз меҳнатини таклиф этаётган фуқаро меҳнат бозорига чиқади. У ерда мавжуд бўлган таклифларни ўрганиб, ўзининг интеллектуал қобилиятини, меҳнатини таклиф этади. Улар бир-бирига мос келганда шартномалар тузилиб, ишга ёлланади. Ўзбекистон Республикасида ҳам шундай тартиб жорий этилмоқда. Бу вазифани қишлоқ ҳудудларида туман ҳокимияти таркибидаги Меҳнат биржаси ёки аҳолини иш билан таъминлаш бўлими амалга оширмоқда.

Демак, меҳнат бозорида ўзларининг меҳнат қилиш қобилиятини (интеллектини) таклиф этувчилар бир томондан, уларнинг шу имкониятларини истеймол этувчи, яъни ишга ёлловчи субъектлар иккинчи томондан учрашиб, меҳнат алмашув (меҳнат олди-сотдиси) жараёнини амалга оширадilar.

Бозор иқтисодиёти шароитида меҳнат бозорининг назарий асослари шотландиялик иқтисодчи А.Смит, инглиз иқтисодчиси Д.Рикардо, Нобель мукофоти лаурияти, америкалик иқтисодчи Пауль А.Самуэльсон ва бошқа олимлар томонидан етарли даражада асосланган. Яратилган назарияни ҳаётга татбиқ этиш йўллари ҳам ҳал этилган. Бозор иқтисодиёти шароитида меҳнат шу бозорда эркин сотилиши лозим. Шундагина у қийматга эга бўлади, яъни товар шаклида айирбошланади.

Демак, меҳнат бозори эркин рақобат асосида амалга оширилиши зарур. Бу бозорда меҳнат муносабатларию, иқтисодий, ижтимоий қонунлар талаб ва таклиф иқтисодий қонунлари талаблари асосида амалга оширилиши лозим. Меҳнат бозорида инсон ўзини эмас, балки меҳнат қилиш (жисмоний, ақлий) қобилиятини таклиф этади. Истеймолчи, яъни меҳнатни оловчи шу қобилиятни сотиб олади. Демак, олди-сотди жараёнидаги иқтисодий муносабат предмети инсоннинг меҳнат қилиш қобилияти ҳисобланади. Инсоннинг меҳнат қилиш қобилиятига тўланаётган иш ҳақи шу меҳнатнинг қиймати, яъни баҳоси эканлигидан далолат беради.

Ўзбекистон Республикасида эркин бозор иқтисоди босқичма-босқич шаклланиши муносабати билан меҳнат ва у билан боғлиқ бўлган муносабатлар ҳам аста-секин ҳал этилмоқда. Даставвал туманларда мавжуд бўлган Меҳнат ресурслари бўлими негизида ҳокимият таркибида Меҳнат биржаси ташкил этилди. Меҳнат биржаларига қишлоқ хўжалигидаги меҳнат бозорини ташкил этиш, уни амалга ошириш вазифаси юклатилган. Улар фаолиятини «Биржалар тўғрисида»ги қонун, ўз Устави ҳамда юқори ташкилотларнинг меъёрий ҳужжатлари асосида юритмоқдалар.

Қишлоқ ҳудудларидаги меҳнат бозорини самарали шакллантиришда қуйидаги ҳолатларни эътиборга олиш зарур:

- республика аҳолисининг 62,5 фоизи (2001й) қишлоқ ҳудудларида яшаётганлиги муносабати билан жами меҳнат ресурсларининг 60 фоиздан ортиғи қишлоқ ҳудудлари зиммасига тўғри келиши;
- аҳолининг иш билан банд бўлмаган қисмининг 60 фоиздан ортиғи қишлоқ ҳудудларига тўғри келишини, улар таркибида аёллар салмоғи кўплигини;
- қишлоқ ҳудудларида аҳоли сонининг ўсиш даражаси шаҳарлардагига нисбатан юқори эканлигини, бу ҳол келажакда меҳнат ресурсларининг юқори суръатларда ўсишига таъсир этишини;
- қишлоқ ҳудудларида саноат корхоналари талаб даражасида ривожланмаганлигини ва барча ресурсларни эътиборга олган ҳолда жойлаштирилмаганлигини;
- ҳозирги даврда қишлоқ ҳудудларида иш билан таъминланмаган, иқтисодий фаол меҳнат ресурслари ҳисобланган эркакларнинг йирик шаҳарларга иш қидириб келаётганини;
- қишлоқ ҳудудларида шахсий ва хусусий мулкчиликка асосланган ишлаб чиқариш, хизмат кўрсатиш билан шуғулланувчи тадбиркорлик шакллари талаб даражасида ривожланмаганлигини, шунингдек, инфратузилма субъектлари (маданий, маиший, коммунал ва бошқа хизматларни амалга оширувчи) кўламининг торлигини.

Меҳнат бозорлари юқорида таъкидланган барча хусусиятларни эътиборга олган ҳолда эркин шаклланиши учун:

- қишлоқ ҳудудларидаги (жумладан, қишлоқ хўжалик корхоналаридаги) меҳнат ресурсларининг умумий миқдорини, таркибини аниқлаш;
- меҳнат ресурсларининг таклифини ва ҳудуддаги барча тадбиркорлик субъектларининг уларга бўлган талабини таркиби бўйича аниқлаш;

- эркин меҳнат бозорини шакллантириш ҳамда уларнинг самарали фаолият кўрсатишини таъминловчи ижтимоий-иқтисодий механизмларни ишга солиш;
- қишлоқда меҳнат ресурсларининг мақсадга мувофиқ бандлигини таъминлашга ҳисса қўшиш;
- меҳнат билан банд бўлмаган фуқаролар миқдорини аниқлаш, уларнинг малакасини ошириш, қайта тайёрлаш ҳамда ижтимоий-иқтисодий жиҳатдан ҳимоя қилишга кўмаклашиш;
- эркин меҳнат бозори амалга оширилишини таъминловчи турли кўرғазмалар ва бошқа тадбирларни ташкил этиш, уларнинг самарали ўтказилишига эришиш;
- меҳнат бозорининг ривожланишини таъминловчи барча ресурсларни топиб, самарали сарфлаш каби вазифаларни бозор талаблари даражасида амалга ошириш лозим.

Қишлоқларда меҳнат бозорини оқилона ташкил этиб, самарали бошқариш учун ҳудудий усуллардан фойдаланиш керак.

Республикамизнинг меҳнат ресурслари ортиқча ҳудудлари, аввало, Андижон, Фарғона, Наманган, Тошкент, Самарқанд, Қашқадарё, Сурхондарё, Бухоро ва Хоразм вилоятлари учун мазкур бозорни тартибга солишнинг анча самарали усуллари, ишчи кучига бўлган талабнинг ошиши ва унинг таклифи камайишини ҳисобга олиш зарур.

Мазкур усуллар нималарда ифодаланилишини батафсил кўриб чиқайлик.

а) Ишчи кучига талабни ошириш усули.

Бозор иқтисодиётига ўтиш шароитларида мулкни хусусийлаштириш ва давлат тасарруфидан чиқариш, иқтисодиётимизни таркибий ўзгартириш, зарарга ишлаётган корхоналарни тугатиш, фан-техника тараққиёти ютуқлари ва интенсив технологияларни жорий этиш ҳисобига асосан ишлаб чиқаришдан бўшатилаётган ходимлар – меҳнаткашлар сони тез кўпаймоқда.

Ишчи кучига бўлган талабни оширишни рағбатлантириш усуллари тадқиқ этиш меҳнат ресурсларининг оқилона бандлигини таъминлашга ҳамда мазкур ҳудудлар учун самарали тармоқларни ривожлантиришга қаратилган.

Қишлоқ хўжалик маҳсулотларини қайта ишлаш, сақлаш ва харид қилиш ҳамда агросервис хизмати кўрсатиш ва шахсий меҳнат фаолияти бўйича иш жойларини яратиш, ишлаб чиқариш кучлари ва бандликнинг ноанъанавий шакллари ривожлантириш, аграр сектордаги ишдан вақтинча бўшатилаётган шахслар учун мавжуд корхоналарни кенгайтириш ва қайта таъмирлаш ҳамда янги иш жойларини яратиш мақсадида тўғридан-тўғри инвестициялар – сармоялар қўлланишининг асосий йўналишларидир.

Ишчи кучларига талабни оширишни агросаноат мажмуининг меҳнат ресурсларини қайта тақсимлашдан манфаатдор тармоқларида иш жойларини яратиш ҳамда мавжудларини қайта таъмирлаш ва янги, замонавий касбларни эгаллашга сармояларни тўғридан-тўғри жалб қилиш орқали тартибга солиш мумкин. Дотациялар, субсидиялар ва кредитларни агросаноат мажмуи корхоналарини, айниқса, қайта ишлаш корхоналарини қуриш, техник жиҳатдан қайта қурулантириш ва реконструкциялашга, шахсий меҳнат фаолиятини ривожлантириш йўли билан хизмат кўрсатиш соҳасини кенгайтиришга, шунингдек, кўп болали аёллар, меҳнатга лаёқатли пенсионерлар, ногиронлар, ўсмирлар ва ҳоказоларга мос иш жойларини вужудга келтиришга йўналтириш мақсадга мувофиқдир. Шу тариқа ортиқча меҳнат ресурсларини юқорида айтиб ўтилган тармоқларга ва айрим махсус иш жойларига жалб этиш, айти пайтда ишчи кучларининг касбий малака таркибига бевосита таъсир ўтказиши мумкин.

Муваққат иш жойларини яратиш ва мулкчилик турли шакллари ривожлантириш аҳоли бандлигини оширишнинг энг муҳим йўналишларидан бири. У корхоналарнинг иқтисодий манфаатдорлигини ошириш, бюджет тўлови ва ходимларнинг вақтинча ва қисман бандлиги учун ижтимоий суғурта бадалларини камайтириш, уларни ишга қабул қилиш жараёнини енгиллатиш, бандликнинг ноанъанавий шакллари ташкил этиш

билан боғлиқ сарф-харажатларни тўлаш каби чора-тадбирлар ёрдамида амалга оширилади.

б) Ишчи кучларига таклифни камайтириш усули.

Ишчи кучларига бўлган таклифни камайтиришга, шунингдек, уларнинг меҳнат бозорига оқиб келишини қисқартириш ва бошқа жойга кетишини рағбатлантириш ҳамда иш вақти ва мавжуд иш жойларини ижтимоий ишлаб чиқаришда банд бўлганлар ўртасида қайта тақсимлаш орқали самарали таъсир этиш мумкин. Республикамизда «Кадрлар тайёрлаш миллий дастури» асосида умумтаълим дастурларини кенгайтириш ва ўқиш муддатини узайтириш билан касбий тайёргарликни яхшилаш, ўқув юртларида кундузги ўқувдаги талаба ўринларини қисқартириш, ишлаб чиқаришдан ажралган ҳолда ўқиётганларга стипендияларни ошириш, аёлларга бола парвариши учун тўланадагин нафақалар ва бериладиган таътил муддатини кўпайтириш, меҳнат стажини ҳисоблашда уларга имтиёз бериш; нафақахўрлар, ногиронлар ҳамда уларни парваришлайдиган шахсларнинг нафақаларини ошириш меҳнат бозорига ишчи кучларининг оқиб келишини камайтириш чора-тадбирлари ҳисобланади.

Иш билан бандлар орасида иш вақти ва иш жойлари ишчи кучларига бўлган таклифни камайтириш мақсадларида қайта тақсимланади. Аҳоли бандлигининг хусусий ва вақтинчалик шаклларида ўтишини рағбатлантиришга уларга ҳам иш билан тўла банд шахсларга мўлжалланган ижтимоий муҳофаза турларини, таътиллер ва бошқа ижтимоий кафолатларнинг миқдорларини ўрнатиш, кафолатланган энг кам миқдордаги иш ҳақи билан таъминлаш, ҳар йили бериладиган таътиллерни ўз вақтида бериш, иш куни ва иш ҳафтаси давомийлигини қисқартириш орқали эришиш мумкин.

Мамлакатимизнинг меҳнат ресурслари етишмайдиган минтақалари (Жиззах, Сирдарё вилоятлари ва Қорақалпоғистон Республикаси) да ишчи кучларига талабни камайтириш ҳамда улар таклифини кўпайтириш меҳнат бозорини тартибга солишнинг мақсадга мувофиқ усуллари.

Ушбу усулларнинг моҳияти қуйидагилардан иборат:

а) Ишчи кучларига талабни камайтириш усули.

Мазкур гуруҳга ҳудудий ҳокимиятларнинг у ёки бу минтақаларида ва тармоқларида ишлаб чиқарувчи кучларни жойлаштириш ва янги иш жойларини вужудга келтиришни секинлаштиришга оид қуйидаги чора-тадбирлар: ортиқча иш кучларидан фойдаланганлик учун қўшимча солиқларни белгилаш: изчил кредит сиёсатини ўтказиш, корхонага ходимни ишга олганлиги учун бир марталик тўловни жорий этиш, ортиқча ишчи ва хизматчиларни қисқартиришни рағбатлантириш ва ҳоказолар киради. Бундан ташқари, ишчи кучларига талабни камайтиришда меҳнат унумдорлигини ошириш ва тежамкорликка эришиш муҳим аҳамиятга эга.

Ривожланган бозор муносабатлари шароитларида меҳнат ресурсларидан самарали фойдаланиш рақобат, фойдани тақсимлаш механизми, солиқ сиёсати каби иқтисодий механизмлар ва дастаклар ёрдамида таъминланиши лозим. Ҳозирги пайтда саноат ишлаб чиқариши самарадорлигини оширишни рағбатлантиришнинг умумхўжалик механизмлари яхши такомиллаштирилмаганлигини ҳисобга олиб, меҳнат ресурслари учун илгари жорий қилинган тўловларни қайта тиклаш мақсадга мувофиқдир. Улар меҳнат ресурсларидан фойдаланиш самарадорлигини ошириш ва штатдан ташқари ходимлар сонини камайтиришга кўмаклашган. Бу хил тўловлар корхона ва ташкилот томонидан штатдан ташқари ходимларни сақлаш учун қатъий ставка шаклида ўрнатилади. Шу билан бирга, ишчи кучларини такрор ишлаб чиқаришга сарф-харажатлар ўрнини қоплаш учун ижтимоий суғурта солинадиган солиқ ва ишсизликдан муҳофаза қилиш жамғармасига солинадиган махсус солиқдан (иккаласи ҳам меҳнатга ҳақ тўлаш фондидан, фоизларда) фойдаланиш мумкин. Ишчи кучларини такрор ишлаб чиқаришга сарф-харажатларнинг кўпчилик ривожланган мамлакатларда қабул қилинган бундай тизими жонли меҳнатдан

фойдаланишнинг интенсив шакллари ифодалайди ҳамда меҳнат бозоридаги ходимнинг ижтимоий жиҳатдан муҳофазаланиши учун зарур кафолатлар яратади.

б) Ишчи кучлари таклифини кўпайтириш усули.

Ҳозирги шароитларда меҳнат бозорига ишчи кучлари таклифини мутлақ кўпайтириш имконияти чекланган. Чунки ишчи кучлари таклифини мутлақ кўпайтириш, қайта ишлаш саноати ва хизмат курсатиш тармоқлари, шахобчалари ҳамда шахсий меҳнат фаолияти соҳаларининг ривожига жиддий тўсиқ бўлиши мумкин.

Бундан ташқари, ҳозирги пайтда ишчи кучи таклифи на касб, на малака структураси бўйича ҳудуд иқтисодиёти ноқишлоқ хўжалиги ишлаб чиқариши тармоқларидаги жонли меҳнатга талабнинг ўсиш суръатига жавоб бермайди. Шу боис ишчи кучи таклифининг сифат кўрсаткичларини ўзгартириш ҳамда унинг меҳнат бозоридаги рақобатбардошлигини ошириш лозим. Бунинг учун эса, бандлик давлат хизмати тизимидаги ва бошқа ўқув юртларидаги ходимларнинг малакаларини оширишни ташкил этиш, корхоналарнинг ўзидаги махсус курсларда касб-корга ўргатишни яхшилаш ва уларга солиқ тўловида имтиёзлар бериш маҳаллий кадрлар рақобатбардошлигини оширишнинг махсус дастурини ишлаб чиқиш керак.

Ишчи кучлари таклифини рағбатлантириш ходимларни ишга ёллаш ва жойлаштиришга ёрдамлашиш усуллари қўллаш орқали ҳам амалга оширилади. Бу усуллар ташкилий тусда бўлиб, бўш иш жойлари ва ишга жойлашиш ҳамда қайта ўқитишга муҳтож фуқароларнинг сони ҳақидаги маълумотлар банкни ташкил этишни, аҳолининг ишга жойлашиш имкониятлари ҳақидаги ахборотлар билан таъминланишни, ишсизларни рўйхатга ва ҳисобга олишни, касбга йўналтиришга оид чора-тадбирларни ишлаб чиқиш ва ўтказиш каби йўналишларни қамраб олади.

Меҳнат ресурсларини қайта тақсимлашнинг анча самарали усуллари орасида турмуш даражасини тартибга солишни алоҳида ажратиб кўрсатиш мумкин. Мазкур услублар ҳудудлар молиявий ресурслари ҳисобидан ходимларнинг меҳнат ва уй-жой шарт-шароитлари ҳамда маданий-маиший хизмат кўрсатиш даражаларини яхшилаш каби тадбирларни ўтказиб, уларни тартибга солиш асосида татбиқ этилади.

8.5. Меҳнат ресурсларидан фойдланишни яхшилаш, меҳнат унумдорлигини ошириш йўллари

Республика қишлоқ хўжалигидаги мавжуд бўлган меҳнат ресурсларидан йил давомида тўлиқ ва самарали фойдаланиш натижасида уларнинг меҳнатлари унумдорлигини келажакда юксалтириш энг муҳим муаммолардан бири ҳисобланади. Уни муваффақиятли ҳал этиш кенг миқёсда ташкилий, иқтисодий ҳамда ижтимоий тадбирларни амалга оширишни тақозо этади.

Даставвал қишлоқ ҳудудларида, жумладан, қишлоқ хўжалик корхоналарида мавжуд бўлган меҳнат ресурсларининг реал миқдорини аниқлаш лозим. Шу билан бирга аҳолининг мутлақ (абсолют) ўсишини эътиборга олган ҳолда меҳнат ресурсларининг кўпайиш ёки камайиш жараёнини аниқлаш керак. Меҳнат қилиш қобилятига эга бўлган аҳолининг ҳаракатини ҳам ҳисобга олиш зарур.

Шундан сўнг қишлоқ хўжалигида мавжуд бўлган иш жойларининг ҳозирги ҳамда истиқболдаги сонини реал аниқлашга алоҳида эътибор бериш керак.

Шуларга асосланган ҳолда меҳнат баланси ишлаб чиқиши зарур.

Юқоридагиларга асосланиб, меҳнат ресурсларининг иш билан таъминланганлик даражас, шу орқали қишлоқ ҳудудларида (корхоналарда, тармоқларда) мавжуд бўлган меҳнат ресурсларининг иш билан таъминланганлик даражаси аниқланади. Унинг даражаси бирга яқин бўлса яхши, Акс ҳолда меҳнат ресурсларини иш билан таъминлаш чора-тадбирлари асосланган ҳолда ишлаб чиқиши керак. Бунинг учун қишлоқ хўжалик корхоналари хўжалик ичида янги иш жойларини ташкил этиш имкониятларини

режалаштиради. Янги ерларни ўзлаштириш, қурилишни, таъмирлашни, маҳсулотларни қайта ишлашни (ўсимчилик, чорвачилик), халқ истеъмоли товарлари ишлаб чиқаришни, хизмат кўрсатиш соҳаларини ташкил этиш ва ривожлантириш билан боғлиқ бўлган тадбирларни белгилаб, уларнинг ҳал этилишини таъминлашга ҳаракат қилинади. Бу масалалар республика бюджети ҳисобидан амалга оширилишини ҳам эътиборга олиш лозим.

Меҳнат ресурсларидан фойдаланишни ривожлантириш мақсадида уларни такрор ишлаб чиқариш жараёнларини, яъни малакаларини ошириш, тайёрлаш ва қайта тайёрлаш тадбирларини ҳам белгилаб олиб, амалга оширилишига эътибор бериш зарур.

Корхоналарда меҳнат қилиш қобилиятига эга бўлган фуқаролар меҳнат унумдорлиги даражасини юксалтиришга ҳозирги даврда алоҳида эътибор бериш лозим. Бу масаланинг ҳал этилишида энг таъсирчан омил моддий манфаатдорлик ҳисобланади. Дарҳақиқат, бозор иқтисодиёти шароитида ким яхши, сифатли ишласа, кўп ҳақ олади. Шундай экан, қишлоқ хўжалиги ишлаб чиқаришида ҳам яхши, самарали меҳнат қилаётган ишчи-хизматчи меҳнатига яраша кўпроқ ҳақ олиши лозим. Шунда у рағбатлантирилган ҳисобланади. Шу билан бирга меҳнаткашларни моддий ҳамда маънавий рағбатлантиришни амалга оширишни таъминлаш керак. Энг аввало, меҳнатлари натижаларини эътиборга олган ҳолда мукофотлаш, турли хилдаги унвонларни бериш лозим. Бу унвонлар ҳам маълум даражада фуқароларни маблағлар билан таъминлайди. Жумладан, Республикада хизмат кўрсатган иқтисодчи, агроном, ирригатор унволарини олганларнинг асосий иш ҳақларига энг кам ойликнинг 60 фоизи миқдорида устама берилади. Демак, маънавий рағбатлантириш ҳам айрим ҳолларда моддийлашади.

Қишлоқ хўжалигидаги меҳнат жараёнларини механизациялаштириш, автоматлаштириш, электрлаштириш натижасида сарфланаётган меҳнатнинг унумдорлиги ошишини таъминлаш мумкин. Бунинг учун хўжаликлар ихтиёридаги барча машиналар, тракторларнинг ишга яроқлилигини ошириш ҳамда улардан йил давомида тўлиқ фойдаланишга эришиш тадбирларини шакллантириш лозим. Энг аввало, уларни малакали кадрлар, таъмирлаш устахоналари билан таъминлаш керак. Хўжаликларнинг ишлаб чиқариш ресурслари билан таъминланганлигини ҳам талаб даражасига етказиш зарур. Бунинг учун эса молиявий ресурслар билан таъминлаш чораларини аниқлаб, уларнинг бажарилишини таъминлаш керак.

Демак, қишлоқ хўжалигида меҳнат ресурсларидан йил давомида тўлиқ ва самарали фойдаланиш ҳамда уларнинг меҳнатлари унумдорлигини ошириш учун қуйидаги чора-тадбирлар амалга оширилишини таъминлаш мақсадга мувофиқдир:

- тармоқнинг ривожланишини эътиборга олган ҳолда қўшимча иш жойларини ташкил этиш;
- тармоқнинг ишлаб чиқариш таркибини такомиллаштириш ва моддий-техника таъминотини юксалтириш;
- қишлоқ хўжалигига янги техникаларни, самарали технологияларни изчиллик билан татбиқ этиш;
- қишлоқда тадбиркорлик шакллари ривожлантириш;
- қишлоқда ишлаш ва яшаш учун барча шароитларни яратиш;
- меҳнатни ташкил этишнинг самарали турларини ташкил этиш ва ривожлантириш;
- кадрларни тайёрлаш, малакаларини ошириш, уларни моддий, маънавий рағбатлантиришни такомиллаштириш ва бошқалар.

Бу каби чора-тадбирларнинг қишлоқ хўжалик ишлаб чиқаришига жорий этилиши тармоқдаги меҳнат ресурсларидан фойдаланишни яхшилаб, меҳнат унумдорлиги ошишига ижобий таъсир этади.

Ўзбекистон Республикаси Президентининг «2004-2006 йилларда фермер хўжаликларини ривожлантириш концепцияси тўғрисида»ги Фармони, Республика

Вазирлар Маҳкамасининг «2005-2007 йилларда фермер хўжалиklarини ривожлантириш тўғрисида» ги қарорларини бажариш мақсадида Республикада фаолият кўрсатаётган «Бизнес мактаблари»да фаолият кўрсатаётган фермер хўжалиklarининг билимини ошириш бўйича янгидан ташкил этилаётган фермер хўжалиklarининг раҳбарларини тайёрлаш учун 2004 йилда махсус ўқув курслари ташкил этилди. Бу курсларда йирик олимлар, тажрибали мутахассислар қатнашиб, фермерларни тайёрлашга ўз хиссаларини қўшмоқдалар. Шу курсларда фермерчилик фаолиятидаги барча масалалар ўргатилмоқда. Бу ҳол албатта, фермерларни билимларини, малакаларини юксалишини таъминлайди. Лекин айрим ҳолларда ўқишда қатнашаётган фермерларда лоқайдлик, эътиборсизлик, масъулиятсизлик ҳоллари юз бермоқда. Шунинг учун бўлажак фермерларни танлашда шу масалаларга катта эътибор бериш зарур деб ҳисоблаймиз.

Таянч иборалар:

Меҳнат ресурслари, меҳнат унумдорлиги, ишсизлар, меҳнат бозори, меҳнат ресурсларини такрор ишлаб чиқариш.

Қисқача хулосалар

Республика фуқароларининг меҳнат қилиш қобилиятига эга бўлган қисми меҳнат ресурслари ҳисобланади. Уларнинг онгли равишда, аниқ мақсадни кўзлаб сарфлаган меҳнатлари натижасида янги қиймат яратилади, яъни ишлар бажарилади, маҳсулотлар ишлаб чиқарилади.

Республика қишлоқ хўжалигида жами меҳнат ресурсларининг 34 фоизга яқини фаолият кўрсатмоқда. Уларнинг меҳнат унумдорлиги паст.

Меҳнат ресурсларидан фойдаланиш, уларнинг меҳнат унумдорлиги даражасини кўрсаткичлар тизими асосида аниқлаш лозим.

Меҳнат ресурсларидан фойдаланиш даражаси ҳозирги давр талабига тўлиқ жавоб бермайди. Сабаби – улар иш жойлари билан тўлиқ таъминланмаган, боз устига иқтисодий рағбатлантириш ҳам такомиллаштирилмаган.

Келажақда меҳнат ресурсларидан фойдаланишни яхшилаш ва меҳнат унумдорлигини ошириш мақсадида янги иш жойларини барпо этиш, такрор ишлаб чиқариш соҳаларини ривожлантириш, моддий ва маънавий рағбатлантиришни такомиллаштириш лозим. Қишлоқ хўжалигида меҳнат бозорини ривожлантириш мақсадга мувофиқдир.

Назорат ва муҳокама учун саволлар

1. Меҳнат ва меҳнат ресурслари ҳақида тушунча.
2. Меҳнат унумдорлиги ҳақида тушунча.
3. Меҳнат ресурсларидан фойдаланиш даражасини ифодаловчи кўрсаткичлар нималардан иборат?
4. Меҳнат унумдорлиги даражасини ифодаловчи кўрсаткичлар-чи?
5. Меҳнат ресурсларидан фойдаланиш ва меҳнат унумдорлиги даражасининг ҳолати қандай аниқланади?
6. Меҳнат бозори нима? Унинг мақсади, вазифаси нималардан иборат? У қандай ташкил этилади ва ривожлантирилади?
7. Меҳнат ресурсларидан фойдаланишни яхшилаш, меҳнат унумдорлигини оширишнинг қандай йўллари бор?

Асосий адабиётлар

1. Ўзбекистон Республикаси Президентининг «Лизинг фаолиятини ривожлантиришни янада рағбатлантириш чора-тадбирлари тўғрисида»ги 2002 йил 28 августдаги Фармони, Халқ сўзи, 2002 йил 30 август
2. Ўзбекистон Республикаси Президентининг «Қишлоқ хўжалигида ислохотларни чуқурлаштиришнинг энг муҳим йўналишлари тўғрисида»ги Фармони. «Халқ сўзи», 2003 йил 25 март.
3. Ўзбекистон Республикаси Президентининг 2003 йил 27 октябрдаги «2004-2006 йилларда фермер хўжаликларини ривожлантириш концепцияси тўғрисида»ги Фармони, «Халқ сўзи», 2003 йил 28 октябр
4. Ўзбекистон Республикаси Президентининг 2004 йил 4 ноябрдаги «2005-2007 йилларда фермер хўжаликларини жадал ривожлантиришга қаратилган таклифлар тайёрлаш бўйича махсус комиссия тузиш тўғрисида»ги Фармони, «Халқ сўзи», 2004 йил 5 ноябр
5. З.М. Ильина, И.В.Мировицкая, «Рынки сельскохозяйственного сырья и продовольствия», Минск, БГЭУ, 2001
6. Л.Н. Иванов, А.Л. Иванов, «Методы принятия решений бизнес – плана» - М.: Приор - издат, 2004
7. В.В. Ковалев, «Практикум по финансовому менеджменту. Конспект лекций с задачами», - М.: Финансы и статистика, 2004
8. Н.А. Коленсниковой, А.Д. Миронова, «Бизнес–план. Методические материалы», - М.: Финансы и статистика, 2004
9. М.И. Леҳенко, «Основы лизинга: Учебное пособие», - М.: Финансы и статистика, 2004
10. И. Минаков, «Экономика сельскохозяйственного предприятия», Учебник, М.: Колос, 2004.

Интернет сайтлари:

1. Московская сельскохозяйственная академия. www.ecfak.timacad.ru
2. Приамурский Институт Агроэкономики и Бизнеса www.admin.ru
3. Петранева Г.А. Экономика и управление в сельском хозяйстве, Академия, 2003. <http://textbook.ru/catalogue/book/33320.html>
4. Попов Н.А. «Основы рыночной агроэкономики и сельского предпринимательства», М.: Тандем, 2002, <http://rbip.bookchamber.ru/description/7897.htm>

IX боб

ИНВЕСТИЦИЯЛАР (КАПИТАЛ ҚЎЙИЛМАЛАР), УЛАРНИНГ ИҚТИСОДИЙ САМАРАДОРЛИГИ

9.1. Инвестициялар (капитал қўйилмалар) ҳақида тушунча, уларнинг ижтимоий-иқтисодий зарурлиги ва аҳамияти

9.2. Қишлоқ хўжалигида сарфланаётган инвестициялар (капитал қўйилмалар)нинг манбалари, уларнинг сарфланиш йўналишлари

9.3. Инвестициялар (капитал қўйилмалар)нинг иқтисодий самарадорлигини ифодаловчи кўрсаткичлар, уларни аниқлаш

9.4. Инвестиция (капитал қўйилма) лар даражаси, динамикаси ва уларнинг иқтисодий-ижтимоий самарадорлиги

9.5. Инвестиция (капитал қўйилма) лар кўламини кенгайтириш ва самарадорлигини ошириш йўллари

9.1. Инвестициялар (капитал қўйилмалар) ҳақида тушунча, уларнинг ижтимоий-иқтисодий зарурлиги ва аҳамияти

Инвестициялар ҳар қандай ижтимоий-иқтисодий формацияларда амалга оширилади. Чунки улар давлатни, тармоқ, корхоналар, ва ниҳоят, аҳолининг иқтисодий негизини мустаҳкамлашга сарфланади. Эркин бозор иқтисоди босқичма-босқич шакллантирилаётган Ўзбекистон Республикаси қишлоқ хўжалигини ривожлантириш мақсадида инвестициялар сарфланиши объектив зарурият ҳисобланади. Чунки тармоқни устувор шаклда ривожлантириш учун унинг моддий-техника базасини мустаҳкам равишда барпо этиш зарур. Бунинг учун уни замонавий бино-иншоотлар, барча турдаги зарур техникалар, қишлоқ хўжалик механизмлари, ички ирригация ва мелиорация иншоотлари, серунум, тезпишар навлар, зотли, маҳсулдор ҳайвонлар ҳамда айланма воситалар ва бошқа ишлаб чиқариш воситалари билан таъминлаш лозим.

Ҳозирги даврда инвестицион маблағлар янги, самарали технологияга ҳамда интеллектуал мулкни барпо этишга ҳам сарфланиши мақсадга мувофиқдир. Бу муаммонинг тўғри, самарали ҳал этилиши маълум миқдордаги инвестициялар сарфланишини объектив равишда талаб этади. Демак, инвестиция маблағлари тармоқда доимий ва ўзгарувчан капитални ҳамда интеллектни барпо этиш ва уларни ривожлантириш ҳамда юксалтириш учун сарфланади. У узоқ ҳамда қисқа муддатларга мўлжаллаб сарфланиши мумкин. Агарда қишлоқ хўжалигининг асосий воситаларини сотиб олишга, қуришга ҳамда уларни капитал таъмирлашга сарфланса, унда бу сарфлар узоқ муддатга мўлжаллангандир. Уларни асосий капиталга сарфланган инвестициялар деб аташади. Шу билан биргаликда инвестициялар қишлоқ хўжалигининг айланма воситаларига ҳам сарфланади. Улар қисқа муддатга сарфланган ҳисобланади. Демак, инвестициялар натижасида қишлоқ хўжалигининг ишлаб чиқариш воситалари барпо этилиб, уларнинг ишга яроқлилиги тубдан яхшиланади.

Қишлоқ хўжалиги ишлаб чиқариш воситаларига сарфланадиган барча маблағлар инвестициялар деб аталади. Улар қишлоқ хўжалиги (корхоналар)нинг моддий-техника базасини мустаҳкамлаб, ишлаб чиқариш жараёнларини механизациялаштириш, кимёлаштириш, электрлаштириш, ирригация-мелиорациялаштириш натижасида харажатларни камайтириб, етиштириладиган маҳсулотлар ҳажми кўпайиши ва сифати яхшиланишини, олинадиган даромад (фойда) суммаси оширишни таъминлайди. Бу инвестицияларни амалга оширишнинг туб мақсадидир.

Шуларни эътиборга олган ҳолда республикада барқарор инвестицион сиёсат ишлаб чиқилган. У мамлакатда «Инвестиция фаолияти тўғрисида»ги, «Чет эл инвестициялари

тўғрисида»ги (1998й) қонунлар ва бошқа меъерий ҳужжатлар асосида амалга оширилмоқда.

Инвестициялар мақсад ҳамда вазифаларига кўра, қуйидаги турларга бўлинади:

- капитал инвестициялар;
- инновацион инвестициялар;
- ижтимоий инвестициялар.

Асосий фондларни барпо этишга ва такрор ишлаб чиқаришга, шунингдек, моддий ишлаб чиқаришнинг барча шакллари ривожлантиришга сарфланган инвестициялар **капитал инвестициялар**, деб аталади.

Техника ва технологияларнинг янги авлодини яратиш ва ўзлаштиришга сарфланган инвестициялар **инновация инвестициялардир**.

Инсон салоҳиятини, малакасини ва ишлаб чиқариш тажрибасини оширишга, шунингдек, номоддий неъматларнинг бошқа шакллари ривожлантиришга сарфланадиган маблағлар **ижтимоий инвестициялар**, деб аталади.

Улар реал ҳамда молиявий инвестицияларга ҳам бўлинади. Моддийлашган асосий ва айланма воситаларга сарфланган маблағлар **реал инвестицияларни** ташкил этади.

Қимматли қоғозларни (акция, облигация, вексел, сертификат) шакллантиришга сарфланган маблағлар эса **молиявий инвестициялар** ҳисобланади. Реал инвестицияларни капитал қўйилмалар, деб ҳам аташ мумкин. Капитал қўйилмалар ялпи ва соф капитал қўйилмаларига бўлинади. Реал инвестицияларнинг умумий суммаси ялпи капитал қўйилмаларини ташкил этади. Реал инвестицияларни сарфлаш натижасида ишга туширилган қисми соф капитал қўйилмалардир. Соф капитал қўйилма ялпи капитал қўйилма сумасига тенг ёки кам бўлиши мумкин. Қишлоқ хўжалиги, жумладан, корхоналар микёсида ялпи капитал қўйилмани соф капитал қўйилмага айланттиришга алоҳида эътибор берилиши лозим. Сарфланаётган реал инвестициялар моддийлаштирилишини, яъни ишга туширилишини таъминлаш зарур.

Миллий ҳисоблар тизимида асосий капиталга ҳамда моддий ишлаб чиқариш воситаларига сарфланган маблағлар реал инвестициялар деб ҳисобга олинади.

Лекин, республика қишлоқ хўжалигида эркин бозор муносабатлари суэт суръатлар билан ривожлантирилаётганлиги молиявий инвестициялар кўлами кенгайишини талаб даражасида таъминламаяпти. Жумладан, жамоа, ширкат, фермер хўжаликларида қимматли қоғозлар (акция, облигация, сертификат, векселлар...) чиқарилиб, сотилаётгани йўқ. Келажакда бу муҳим масалани ҳал этишга алоҳида эътибор бериш мақсадга мувофиқдир. Давлатнинг иқтисодий сиёсатида қишлоқ хўжалик корхоналарида ҳам қимматли қоғозлар бозорини ташкил этиш тадбирлари ишлаб чиқилиши ва улар амалиётга татбиқ этилиши лозим.

Бозор иқтисоди шароитида инвестицион сиёсатни шакллантиришда қуйидагиларга алоҳида эътибор бериш керак:

- тендер асосида рақобатбардош лойиҳаларни танлашга. Бу қишлоқ хўжалигида инвестицион лойиҳалар бозори барпо этилишини таъминлайди;
- қишлоқ хўжалиги учун мўлжалланган инвестицияларнинг иқтисодий жиҳатдан асосланганлигига. Қишлоқ хўжалиги табиий-иқтисодий омилларининг хусусиятлари реал ҳисобга олинган ҳолда иқтисодий-ижтимоий натижалари аниқланган бўлиши зарур. Чунки, аксарият ҳолларда лойиҳада белгиланган маблағлар кўзда тутилган тадбирларни бажариш учун етмайди, оқибатда кўзланган мақсадга эришилмайди. Бу ҳол инвестицион лойиҳалар узоқ муддатга чўзилишига олиб келади;
- чет эл инвесторларини ва уларнинг инвестицияларини қишлоқ хўжалигига жалб этишга. Бунинг учун қишлоқ хўжалигида ишлаб чиқарилаётган барча маҳсулотларга бўлган шахсий ва хусусий мулкчиликни ривожлантириш лозим ва бошқалар.

Барча омилларни эътиборга олган ҳолда сарфланадиган инвестициялар қишлоқ хўжалигининг мустаҳкам моддий-техника базасини барпо этади. Қишлоқ хўжалиги замонавий машиналар, тракторлар, комбайнлар, бино-иншоотлар билан таъминланади. Унда боғзор, узумзорлар барпо этилади. Зотли, сермахсул чорва ҳайвонлари яратилади.

Улар янги иш жойлари барпо этилишини таъминлайди, қишлоқ хўжалигида банд бўлган тадбиркорларнинг билимларини, малакаларини юксалтиради, бозор муносабатларини шакллантиради. Уларнинг уйғунлашиши натижасида тармоқда етиштириладиган маҳсулотлар ҳажми кўпайтирилиб, рақобатбардошлиги ошади. Бу, ўз навбатида, аҳолини, қайта ишлаш тармоқларини ва ниҳоят, давлатнинг талаби қондирилишини таъминлайди, фуқароларнинг турмуш даражасини юксалтиради. Буларнинг ҳаммаси инвестицияларнинг иқтисодий-ижтимоий аҳамияти катта эканлигидан далолат беради.

Капитал қўйилмаларнинг халқ хўжалиги ва қишлоқ хўжалигидаги аҳамияти улкан. Биринчидан, капитал қўйилмалар жами харажатларнинг асосий қисми ҳисобланади. Капитал қўйилмалардаги ўзгаришлар жами талабга етарлича таъсир кўрсатади, шунингдек аҳолининг бандлиги ва ялпи миллий даромад (ЯМД) ҳажмининг ҳам ўзгаришини таъминлайди.

Иккинчидан, капитал қўйилмалар корxonанинг асосий фондлари жамғарилишига, яъни кўпайишига олиб келади. Бунда ишлаб чиқариш кучларини кенгайтиришга сарф қилинган пул маблағлари бошланғич босқичда корхона фаолияти натижаларига таъсир этмаслиги мумкин, лекин келажакда иқтисодий ўсиш учун зарур базани яратади.

Учинчидан, капитал қўйилмаларнинг нораціонал сарф қилиниши ишлаб чиқариш ресурслари, харажатлар ўсишига олиб келади, натижада ЯМД қисқаради. Мисол учун, тугатилмаган қурилишнинг кўпайиши, моддий ресурслар ошиши, тўланадиган иш ҳақининг кўпайиши ҳамда ишлаб чиқаришнинг қисқариши шулар жумласидандир. Худди шундай тарзда норитмик ҳолда етказиб берилган воситалар меъёрдан юқори бўлиб, корхона захираларига ҳам таъсир кўрсатади. Улар сарфланаётган капитал қўйилмаларнинг қиймати ўсишига ҳамда самарадорлигига таъсир этади.

Капитал қўйилмаларнинг миқдори, динамикаси ва самарадорлиги қуйидаги омилларга боғлиқ:

- капитал қўйилма амалга ошириладиган лойиҳага;
- мамакатдаги ва корхона фаолиятидаги иқтисодий ўзгаришга;
- давлатнинг солиқ сиёсати ва банкларнинг фоиз ставкасига;
- ташқи савдодаги иқтисодий ҳолатга;
- миллий валютанинг ички ва ташқи курсига;
- мамлакатнинг сиёсий ҳаётидаги барқарорликка.

Инвестициялар (капитал қўйилмалар) қишлоқ хўжалигининг ҳар томонлама ривожланишини таъминлайди. Чунки улар эвазига тармоқнинг моддий-техника базаси мустаҳкамланади. Улардан тўлиқ ва самарали фойдаланиш натижасида жонли меҳнат харажатлари қисқариб, маҳсулотлар ишлаб чиқариш ҳажми кўпайиб, сифати яхшиланади. Бу ҳол қишлоқ хўжалик маҳсулотларига бўлган талаб янада яхшироқ қондирилишини таъминлайди. Шу билан биргаликда соф фойда суммаси кўпаяди. Натижада қишлоқ хўжалигини кенгайтирилган такрор ишлаб чиқариш асосида ривожлантириш имконияти туғилади. Аҳолининг ижтимоий-иқтисодий аҳволи янада юксалади. Булар инвестициялар, капитал қўйилмаларнинг ижтимоий ҳамда иқтисодий самарадорлиги мавжудлигидан далолат беради.

9.2. Қишлоқ хўжалигида сарфланаётган инвестициялар (капитал қўйилмалар)нинг манбалари, уларнинг сарфланиш йўналишлари

Қишлоқ хўжалигининг барқарор ривожланиши тармоқда мавжуд бўлган ишлаб чиқариш воситалари оқилона тарзда такрор ишлаб чиқарилишини талаб этади. Бу жараён ишлаб чиқариш воситаларини сотиб олиш, қайта таъмирлаш, куриш, инновацион ҳамда ижтимоий муносабатлар йиғиндисидан ташкил топади.

Инвестицияларни мақсади, вазифалари, манбалари ҳамда йўналишларини эътиборга олган ҳолда 8-чизмадагидек туркумлаштириш мумкин.

Барча инвестициялар (капитал қўйилмалар) қуйидаги йирик иккита манбадан шакллантирилиб, амалга оширилади:

- корхонанинг ўз маблағларидан;
- четдан жалб қилинган маблағлардан.


Корхонанинг ўз маблағларига қуйидагилар киради:

- корхонанинг соф фойдасидан ажратилаётган маблағлар;
- амортизация фондидаги маблағлар;
- асосий воситаларни тугатишдан, сотишдан келиб тушган маблағлар;
- уларни ижарага беришдан тушган маблағлар;
- қишлоқ хўжалик корхоналари қимматли қоғозлар чиқариб сотиш, бошқаларникини сотиб олиш натижасида олинаётган дивидентлардан ажратилаётган маблағлар.

Юқори рентабелли корхоналар ишлаб чиқариш воситаларини янгилаш мақсадида капитал қўйилмаларни амалга оширишда кўпроқ имкониятга эга бўлади.

8-чизма

Инвестицияларнинг мақсади, вазифаси, манбалари ва йўналишлари бўйича туркумлаштирилиши



Юқоридагилардан ташқари, қишлоқ хўжалиги корхоналари учун капитал қўйилмалар манбаи чорва ҳайвонларини сотишдан тушган маблағлар, Устав фондини қўпайтириш учун қилинган ажратмалар ҳам ҳисобланади.

Четдан жалб қилинган маблағлар эса:

- қишлоқ хўжалиги учун давлат бюджетидан ажратиладиган маблағлар;
- ҳамкорлардан олинadиган маблағлар;
- турли хил қарзлар, шу жумладан, тижорат банкларидан олинadиган кредитлар;
- хўжалик аъзоларининг бўш ётган маблағларини жалб этиш;
- хорижий, давлат корхоналари ҳамда шахсий корхоналар ва фуқароларнинг маблағлари;
- хайрия фондларидан, ҳомийлар ажратаётган маблағлари ва бошқалар.

Четдан жалб қилинган маблағлар орасида банк кредитлари алоҳида ўрин тутadi.

Улар ишлаб чиқариш фаолияти натижаларидан қатъи назар, алоҳида корхоналар эҳтиёжларини ҳисобга олган ҳолда капитал қўйилмаларни амалга оширишга имкон беради. Банк кредитлари корхона ўз маблағларининг капитал қўйилма учун керакли миқдорини йиғмасдан туриб инвестиция жараёнини тезлаштиради. Кредитлар капитал қўйилма манбаи сифатида нафақат капитал қурилишда, балки янги техникани жорий қилишда ҳам ишлатилади. Капитал қўйилмаларнинг асосий вазифаси – тармоқ

маҳсулотини кўпайтириш ва ишлаб чиқариш самарадорлигининг ўсиш суръатлари тезлаштирилишини таъминлашдир.

Капитал – корхона молиявий натижаларининг бир қисми бўлиб, айланма фондларга қўйилиб, даромад келтиради. Капиталнинг айланма фондларга қўйилиши тўғри портфелли инвестициялар орқали амалга оширилади.

Шуни ҳам айтиб ўтиш керакки, инвестиция қилишда корхона ўз маблағларидан имкони борича фойдаланиши иккита устунликка олиб келади: корхонада ташқи тўловлар мавжуд бўлмайди (олинган кредитлар бўйича фоиз, акциялар бўйича дивидентлар, ижара ҳақи ва ҳоказо), шунингдек, корхонани бошқаришда мустаҳкам позицияни шакллантиради.

Айни пайтда хўжаликларга четдан жалб қилинадиган маблағларнинг манбаларидан бири хўжалик аъзоларининг вақтинча бўш ётган маблағларини жалб этиш ҳисобланади. Бундай инвестицияни амалга ошириш учун корхона ўз ичида қисқа муддатли облигацияларни, векселларни чиқариб, уларни аъзоларига ишончли тарзда тарқатиши (сотиши) ёки ҳуқуқий кучга эга бўлган ишончли далолатномаларни ҳам бериши мумкин. Хўжалик аъзолари эса муомалага берилган маблағларини маълум муддат ўтгандан сўнг белгиланган фоизи билан қайтариб олиш имкониятига эга бўладилар. Бу турдаги капитал қўйиш қишлоқ хўжалиги корхоналари учун ҳозирги даврда яхши самара бермайди. Чунки хўжаликларда ҳозирча қимматли қоғозларни чиқариш имкониятлари чекланган, келажакда шу масалаларга алоҳида эътибор бериш керак.

Четдан жалб этилаётган инвестициялар чет давлатларнинг, юридик ҳамда жисмоний шахсларнинг инвестицияларидан ташкил топади.

Чет эллик инвесторлар асосан даромад (фойда) олиш мақсадида тадбиркорлик фаолияти ва қонун ҳужжатларида таъқиқланмаган бошқа турдаги фаолият объектларига қўшадиган барча турдаги моддий ва номоддий бойликлар ва уларга доир ҳуқуқлар, шу жумладан, интеллектуал мулкка доир ҳуқуқлар, шунингдек, чет эл инвестицияларидан олинган ҳар қандай даромад республика ҳудудида чет эл инвестициялари ҳисобланади. Улар Ўзбекистон Республикаси ҳудудида қуйидаги йўллар билан амалга оширилади:

- республика қишлоқ хўжалигидаги юридик ҳамда жисмоний шахсларнинг Устав жамғармаларида ва бошқа мол-мулкида улуш қўшиб қатнашиш;
- тармоқда чет эллик инвесторларга тўлиқ қарашли бўлган хўжалик жамиятлари ва ширкатлари, банк, суғурта ва бошқа корхоналарни барпо этиш ва ривожлантириш;
- мол-мулк, акциялар ва бошқа қимматли қоғозларни, шу жумладан, Ўзбекистон Республикаси резидентлари томонидан эмиссия қилинган қарз маблағларини сотиб олиш;
- интеллектуал мулкка, шу жумладан, муаллифлик ҳуқуқлари, патентлар, фирма номлари ва ноу-хауларга, шунингдек, ишчанлик нуфузига (гудвиллга) ҳуқуқлар киритиш ва бошқалар.

Уларни чет давлатлар ёки бу давлатларнинг қуйидаги ҳудудий органлари амалга оширадилар:

- давлатлараро битимлар ёки бошқа шартномаларга мувофиқ ташкил топган ёки халқаро оммавий ҳуқуқ субъектлари бўлган халқаро ташкилотлар;
- чет давлатларнинг қонун ҳужжатларига мувофиқ ташкил топган ва фаолият кўрсатиб келаётган юридик шахслар, ширкатлар, уюшма ва ташкилотлар;
- чет эл фуқаролари бўлмиш жисмоний шахслар ва бошқалар.

Ҳозирги даврда мамлакат қишлоқ хўжалигини бошқаришни такомиллаштиришга ва ишлаб чиқаришини ривожлантиришга Жаҳон банки, Европа тикланиш ва тараққиёт банки, Осие тараққиёт банкнинг республикадаги бўлимлари ҳамда АҚШ, Германия, Исроил, Голландия, Франция ва бошқа давлатларнинг

ваколатхоналари инвестицияларни жойлаштириш, сарфлаш орқали муайян даражада ҳисса қўшиш ишлари билан шуғулланмоқда. Лекин уларнинг инвестициялари талабни қондирадиган даражада эмас. Шунинг учун бу масалага, яъни чет эл инвестицияларини жалб этиш муаммосига келажакда алоҳида эътибор бериш мақсадга мувофиқдир.

Чет эл инвесторлари инвестициялари Ўзбекистон Республикасининг «Чет эл инвестициялари тўғрисида»ги (1998 й) қонуни талаблари асосида амалга оширилади.

Ҳамон қишлоқ хўжалигига инвестициялар кам сарфланишига қарамай, уларнинг салмоғи табора камайиб бормоқда. Масалан, 2003 йилнинг 1 чорагида қишлоқ хўжалигига сарфланган инвестиция мамлакат миқёсидаги жами инвестицияларнинг 4,1 фоизини ташкил этган бўлса, 2004 йилнинг худди шу даврида сарфланган инвестиция атиги 3 фоизини ташкил этган. Ўтган йил мобайнида қишлоқ хўжалигига киритилган инвестиция 1,1 фоизга қисқарган. Бу ўз навбатида тармоқда кўпроқ миқдорда янги ерларни ўзлаштириш, ирригация ва мелиорация ишларини ривожлантириш, янги техника ҳамда технологияларни жорий этиш имкониятларини кенгайтириш қўяди. Бундай ҳолни олдини олиш учун тармоқдаги мулкчилик муносабатларини ривожлантиришни, айниқса, хусусий мулкчиликни ҳамда инвесторла учун қулай шароитлар яратиш талаб этилади.

Инвестициялар (капитал қўйилмалар)нинг иқтисодий самарадорлигини ифодаловчи кўрсаткичлар, уларни аниқлаш

Қишлоқ хўжалигига инвестицияларни сарфлашдан мақсад-қўшимча фойда олиш ва фуқароларнинг яшаш шароитини яхшилашдир. Уларнинг даражасини лойиҳалар тузишда ҳамда бу лойиҳаларни амалга оширишда аниқлаш мумкин. Бунинг учун инвестициялар (капитал қўйилмалар)нинг иқтисодий самарадорлиги аниқланади. Иқтисодий самарадорлик харажатлар билан фойда суммалари таққосланиши натижасида аниқланади. У:

- макроиқтисод, яъни мамлакат миқёсида;
- мезоиқтисод, яъни тармоқлар (қишлоқ хўжалиги) миқёсида;
- микроиқтисод, яъни қишлоқ хўжалик корхоналари доирасида;
- айрим йўналишлар, объектлар бўйича ҳам аниқланади.

Макро ҳамда мезоиқтисод миқёсида инвестицияларнинг иқтисодий самарадорлиги уларнинг мутлақ (абсолют) иқтисодий самарадорлиги коэффиценти кўрсаткичи ёрдамида ифодаланади. Унинг даражаси сарфланган инвестициялар натижасида ялпи ички маҳсулотнинг ўсган суммасини шу ўсишни таъминлаган инвестиция суммасига нисбати билан аниқланади. Бунда қуйидаги формуладан фойдаланиш мумкин:

$$Ис(Кс) = \frac{ЯИМу}{\sum Ис(Кк)} = \frac{ЯДу}{\sum Ис(Кк)}$$

Бунда: Ис(Кс) – инвестиция (капитал қўйилма)ларнинг мутлақ (абсолют) иқтисодий самарадорлик коэффиценти;

ЯИМ – макро, мезоиқтисод(тармоқ) миқёсида маълум бир давр ичида ялпи ички маҳсулотнинг ўсган суммаси, сўмда. Бунда қишлоқ хўжалигида ялпи даромаднинг ўсган суммаси ҳам олиниши мумкин;

ΣИс (Кк) – инвестиция ёки сарфланган капитал қўйилма суммаси. Бу кўрсаткич сарфланган 1 сўмлик инвестицион маблағ эвазига неча сўмлик ёки тийинлик ялпи ички маҳсулот ёхуд ялпи даромад олинганлигини ифодалайди. Унинг мутлақ (абсолют) миқдори имкони борича юқори бўлгани яхши. Шунда инвестицияларнинг мутлақ иқтисодий самарадорлик даражаси юқори бўлади. Кам бўлса, у иқтисодий

самарадорлик даражаси паст бўлганлигидан далолат беради. Бундай ҳолда инвестицияларни сарфлаш мақсадга мувофиқ ҳисобланмайди.

Инвестициялар – аксарият ҳолларда узоқ муддатга мўлжалланган харажатлардир. Шунинг учун уларнинг бир неча йиллар давомидаги иқтисодий самарадорлигини аниқлашда қиёсий баҳолардан фойдаланиш лозим. Бунда инфляция даражаси ҳисобга олинади. Ҳозирги даврда қишлоқ хўжалигида қиёсий баҳо сифатида 1996 йилги ўртача баҳолар асос қилиб олинмоқда. Келажакда бу баҳолар ўзгариши мумкин.

Шундай ҳолларда инвестициялар (капитал қўйилмалар) нинг иқтисодий самарадорлигини аниқлашда қуйидаги усуллардан фойдаланиш мақсадга мувофиқдир:

- лойиҳанинг ўзини-ўзи қоплаш усулини аниқлаш;
- компаундинг (мураккаб фоизлар) усули;
- дисконтлаш усули.

Ўзини-ўзи қоплаш муддати – амалга оширилаётган лойиҳанинг фойдаси ҳисобидан дастлабки инвестиция миқдорини қоплаш даври. Уни ҳисоблашда соф фойда молиявий харажатлар, фоизлар ва амортизация ажратмалари эътиборга олинади.

Компаундинг усулининг моҳияти шундан иборатки, бунда дастлабки сумма ҳар йилги даромад фоизи ҳисобига ошиб боради. Бунда қуйидаги формулага амал қилинади:

$$\dot{K} = BK(1+i)^n$$

Бу ерда: \dot{K} - дастлабки инвестиция суммасининг ўсган қиймати, сўмда;

BK - дастлабки инвестициянинг бошланғич қиймати, сўмда;

i – фоиз ставкасининг ўзгаришини кўрсатувчи бирлик;

n – давр, яъни муддат, йилда.

Инвестициянинг ўсган қиймати фоиз ставкаси билан давр муддатига боғлиқ. Фоиз ставкаси инвесторнинг муқобил қарорини ҳисобга олади, яъни пулни бирон лойиҳага қўйган самаралими ёки депозитга қўйган афзалми?

Дисконтлаш – ҳисоблаш принципи компаундингга нисбатан тесқари. Яъни дисконтлаш – келажакда бўлиши мумкин бўлган даромадни жорий баҳоларда ҳисоблаш. Мазкур ҳисобнинг амалий мазмуни шундан иборатки, бунда тушумларнинг минимал даражаси аниқланадики, у шу даромаддан кам бўлган ҳолатда инвестиция қилиш мақсадга мувофиқ эмас.

Дисконтлашган қиймат фоиз ставкаларига боғлиқ.

Йиллик даромад бир хил бўлганда дисконтлашган қиймат (D_k) қуйидаги формула ёрдамида аниқланиши мумкин:

$$D_k = \frac{K}{(1+\Phi)^x}$$

Бунда: D_k – дисконтланган қиймат, сўмда;

K – банкларнинг фоиз ставкалари асосида олиниши мумкин бўлган қиймат, сўм;

x – йиллик даромад олиниши мумкин бўлган йиллар сони, йил;

Φ – банкларнинг фоиз ставкалари, фоиз;

Банкнинг йиллик фоиз ставкаси 5 фоиз, хўжалик икки йилдан сўнг 10 млн. сўмлик даромад олишни мўлжалланган бўлса, унда дисконтланган қиймат 9,07 млн. сўмга тенг бўлади.

$$D_k = \frac{10000000}{\underbrace{(+0,05)}_+ \underbrace{(+0,05)}_+} = 9070000 \text{ сўм}$$

Дисконтлаш натижасида қандай давр бўлишидан қатъи назар даромадларнинг реал қиймати аниқланади.

Корхона миқёсида сарфланиши лозим бўлган ёки сарфланган инвестиция (капитал қўйилма) мутлақ (абсолют) инвестиция(капитал қўйилма)ларни сарфлаш натижасида олинаётган соф фойданинг ўсган суммасини шу ўсишни таъминлаган инвестиция (капитал қўйилма) суммасига тақсимлаш билан ҳисобланади. Унда қуйидаги формуладан фойдаланиш мумкин:

$$Ис(Кк) = \frac{Сф}{Ис(Кк)}$$

Бунда: Сф – капитал қўйилмани амалга ошириш натижасида олинган соф фойда ёки соф фойданинг ўсган суммаси, сўмда.

Бу кўрсаткич ёрдамида сарфланган бир сўмлик инвестиция (капитал қўйилма) қанча сўмлик ёки тийинлик фойда келтирилганлиги аниқланади. Шунинг учун бу кўрсаткичнинг мутлақ (абсолют) миқдори юқори бўлгани мақсадга мувофиқдир.

Ҳозирги даврда айрим меъёрий ҳужжатларда инвестициялар (капитал қўйилмалар) мутлақ (абсолют) иқтисодий самарадорлик даражаси коэффицентининг меъёрий миқдори (Ем)-0,07 даражасида белгиланган. Шунга биноан сарфланаётган инвестицияларнинг ҳар бир сўми эвазига 7 тийин фойда олинса, бундай инвестициялар иқтисодий жиҳатдан самарали ҳисобланади. Ундан кам бўлганда эса инвестициялар самарали ҳисобланмайди. Шу билан биргаликда қишлоқ хўжалигида ирригация - мелиорация иншоотларига сарфланаётган инвестициялар (капитал қўйилмалар) мутлақ (абсолют) иқтисодий самарадорлик коэффицентининг миқдори уларнинг узоқ йиллар давомида фаолият кўрсатишини эътиборга олган ҳолда 0,05 даражасида белгиланган. Бу коэффицентлар собиқ СССР даврида илмий-амалий жиҳатдан асосланган ҳолда ишлаб чиқилган. Бозор иқтисодиётига ўтиш даврида ҳам улардан фойдаланилмоқда. Лекин уларни республика шароитига мослаштирилган ҳолда кўриб чиқиш вақти ҳам келди.

Қишлоқ хўжалигида сарфланган инвестициялар (капитал қўйилмалар) доимо ҳам фойда суммаси ошишини таъминламайди, балки ишлаб чиқариш харажатларини камайтириш ёки маҳсулот етиштириш учун қилинган ўртача харажатлар (маҳсулот таннархи) камайишига ҳам олиб келади. Шундай ҳолларда уларнинг иқтисодий самарадорлик даражаси тежалган маблағ қийматини сарфланган капитал қўйилма суммасига тақсимлаб ҳам аниқланади. У қуйидаги тенглик ёрдамида аниқланиши мумкин:

$$И(Кс) = \frac{T_1 - T_2}{Ис(Кк)}$$

Бунда: T_1 – инвестиция (капитал қўйилма) сарфланганидан олдинги таннарх суммаси, сўмда;

T_2 – инвестиция (капитал қўйилма) сарфланганидан сўнгги таннарх суммаси, сўмда.

Бу кўрсаткичнинг ҳам мутлақ (абсолют) даражаси юқори бўлиши мақсадга мувофиқдир.

Инвестиция (капитал қўйилмалар) нинг қоплаш муддати.

Унинг даражаси сарфланган инвестиция (капитал қўйилма) суммасини олинган ялпи ички маҳсулотнинг, соф фойданинг ўсган суммасига тақсимлаш орқали аниқланади. Бунда қуйидаги формулалардан фойдаланиш мумкин:

$$Им(Км) = \frac{Ис(Км)}{ЯИМ}; \quad Ис(Км) = \frac{Ис(Кк)}{Сф}$$

Инвестицияларнинг (капитал қўйилма) қоплаш муддати қисқа бўлиши мақсадга мувофиқдир.

Шу билан биргаликда инвестиция (капитал қўйилмалар)нинг қиёсий самарадорлиги ҳам аниқланади.

Мавжуд адабиётларда инвестиция (капитал қўйилма) ларнинг қиёсий самарадорлик коэффиценти 0,12 даражасида белгиланган. Унга 1 ни тақсимлаш натижасида инвестицияларнинг неча йилда қопланиши мумкинлиги аниқланади, яъни (1:0,12) 8,3 йилда қопланса, инвестициялар қиёсий жиҳатдан самарали ҳисобланади.

Инвестиция (капитал қўйилма) лар даражаси, динамикаси ва уларнинг иқтисодий-ижтимоий самарадорлиги

Ички ва ташқи бозорнинг қишлоқ хўжалиги маҳсулотларига бўлган талабини қондириш энг долзарб муаммодир. Уни ҳал этиш учун инвестиция (капитал қўйилма) ларни сарфлаш зарур. Бунинг учун эса сиёсий, минтақавий, иқтисодий ҳамда ижтимоий барқарорликни таъминлаш даркор. Республикада бозор иқтисодиётига босқичма-босқич ўтиш даврида юқорида таъкидланган шароитлар яратилмоқда.

Республикада сиёсий-иқтисодий барқарорлик қишлоқ хўжалигига инвестициялар жалб этилишига имконият бермоқда. Унинг ривожланишини таъминлаш мақсадида инвестицион сиёсатнинг ҳуқуқий асослари ҳам барпо этилган. Уларнинг мавжудлиги сўнги йилларда тармоққа маълум миқдорда инвестиция (капитал қўйилма)лар сарфланишини таъминламоқда (16-жадвал).

16-жадвал

Республикада инвестицияларнинг тармоқлар бўйича таркиби, фоизда

№	Тармоқ номи	Йиллар				
		1996	1997	1998	1999	2000
1	Саноат тармоқлари	24.8	24.4	21.5	18.4	26.5
2	Қишлоқ хўжалиги	5.2	5.2	4.9	7.9	8.0
3	Нефть, электроэнергия	18.4	13.8	12.1	16.8	11.8
4	Транспорт, алоқа	17.5	19.8	18.1	13.0	19.3
5	Уй-жой	12.7	13.3	21.7	17.3	13.5
6	Бошқа тармоқлар	21.2	23.5	21.7	26.9	21.4
	Жами	100.0	100.0	100.0	100.0	100.0

Сўнги йилларда республика иқтисодиётига йўналтирилган инвестицияларнинг 5-8 фоизи қишлоқ хўжалигига сарфланган. Бу талабга нисбатан кам. Шунинг учун келажакда бу инвестицион сиёсатни қишлоқ хўжалиги фойдасига ўзгартириш мақсадга мувофиқдир. Чунки тармоқ республика ялпи ички маҳсулотининг ўртача 30 фоизини бермоқда. Худди шундай ҳол хорижий инвестицияларни жалб этиш жараёнида ҳам юз бермоқда. Жами чет эл инвестициясининг 7-10 фоизигина қишлоқ хўжалигига сарфланмоқда. Бу борада ўзгариш қилинмаса, қишлоқ хўжалигининг мустаҳкам моддий-техника базасини яратиш бироз узок муддатга чўзилиши мумкин.

Мамлакат агросаноат мажмуасига сарфланаётган инвестициялар 1996-2000 йилларда 3.2 мартага кўпайган (17-жадвал).

17-жадвал

Республика АСМ га киритилган инвестициялар, фоизда

№	Инвестиция манбалари	1996 й	1997 й	199 8й	199 9й	200 0й
1	Жами инвестициялар (шундан:)	100.0	100.0	100.0	100.0	100.0
А	Давлат бюджетидан	42.2	32.3	52.3	21.7	26.9
Б	Банк кредитлари	1.3	16.9	6.2	26.8	36.8
В	Корхона маблағлари	39.1	33.1	35.8	36.6	37.2
Г	Аҳоли маблағлари	-	-	-	-	0.01
Д	Чет эл инвестициялари	17.6	17.7	27.7	4.9	5.1

Агросаноат мажмуасига, жумладан, қишлоқ хўжалигига давлат бюджетидан ажратилаётган инвестицияларнинг миқдори йилдан-йилга камайиб бормоқда.

Инвестиция (капитал қўйилма)ларни амалга ошириш учун маблағларни асосан хўжаликларнинг ўзлари сарфламоқдалар. Уларнинг маблағлари ҳисобидан қишлоқ хўжалигига сарфланаётган инвестицияларнинг 35-40 фоизга яқини шакллантирилмоқда. Бу бозор иқтисодиёти талабига мосдир. Хўжаликлар инвестицияларни амалга ошириш учун банк кредитларини ҳам кенг миқёсда жалб этмоқда. Уларнинг ҳиссаси 1999-2000 йилларда кескин ошган. Лекин бу ҳисса уларга бўлган талабга нисбатан кам, ҳозирги даврда қишлоқ хўжалигининг асосий воситаларни барпо этиш учун талаби ошиб бормоқда. Бироқ акциядорлик-тижорат банклари қишлоқ хўжалиги асосий капиталига бераётган узоқ муддатли кредитларнинг умумий миқдори жуда кам. Бундай ҳол қуйидаги сабаблар натижасида шаклланмоқда:

- қишлоқ хўжалик корхоналари банклардан узоқ муддатли кредитларни олишда гаровга қўядиган ресурсларининг камлиги: ҳозирги даврда уларда мавжуд бўлган асосий воситаларнинг аксарият қисми жисмоний ва маънавий эскирган. Улар банкларнинг талабларига тўғри келмайди. Шунинг учун ҳам уларни гаровга олишмайди;
- қишлоқ хўжалик корхоналари фаолиятининг иқтисодий самарадорлик даражаси пастлиги, яъни аксарият корхоналар рентабеллик даражасининг 5-8 фоиз атрофидалиги. Шунинг учун ҳам хўжаликларнинг кредиторлик қарзлари ортиб бормоқда. Бундай ҳолда кредит институтларининг бераётган маблағларини вақтида қайтариб олишга бўлган ишончи окланмайди;
- қишлоқ хўжалигининг устувор даражада ривожланишига давлат кўмаги, яъни молиялаштириш, кредитлаштириш дастурлари талабни тўлиқ қондирадиган даражасида эмаслиги;
- қишлоқ хўжалик корхоналари сотаётган маҳсулотлари учун истеъмолчилардан маблағларни белгиланган муддатларда ололмаётганлиги. Шунинг учун ҳам қишлоқ хўжалик корхоналарининг дебиторлик қарзлари сўнгги йилларда ортиб бормоқда.

Таъкидланган масалалар ижобий ҳал этилиши натижасида қишлоқ хўжалигига банк кредитлари оқимининг кўпайиши таъминланиши мумкин.

Давлат бюджетидан қишлоқ хўжалигини инвестициялашга сарфланаётган маблағ миқдори йил сайин камайиб бормоқда. Бу объектив жараён. Бозор иқтисодиёти шароитида давлат аҳамиятига молик бўлган йўналишларни ривожлантиришгина давлат бюджетидан ажратиладиган маблағлар эвазига таъминланиши зарур.

Республика қишлоқ хўжалигига сарфлаётган инвестиция (капитал қўйилма) лар ҳисобидан машиналар, тракторлар, комбайнлар, чорва ҳайвонлари ва бошқа ишлаб чиқариш воситалари сотиб олинмоқда, мавжудлари таъмирланмоқда, ирригация-мелиорация ишлари ривожлантирилиб, янги ерлар ўзлаштирилмоқда, фойдаланилаётганларининг эса ҳолати яхшиланмоқда. Агарда 1996 йили республика бўйича ирригация-мелиорация қурилишига 5,2 млрд. сўмлик инвестиция (капитал қўйилма) сарфланган бўлса, 2000 йилда 20,0 млрд. сўмга яқин сарфланган (18-жадвал).

18-жадвал

Республика вилоятлари бўйича ирригация-мелиорация қурилишини инвестициялаш (капитал маблағларини сарфлаш)
(млн. сўм, амалдаги баҳода)

Вилоятлар	1996 йил	1997 йил	1998 йил	1999 йил	2000 йил	2000 й.да 1996 й.га нисбатан (марта)
Қорақалпоғистон Р.	91,8	89	234	235	762	8,3
Андижон	353,8	430	776,7	965	1300	3,7
Бухоро	433,1	512	602,9	854	1350	3,1
Жиззах	238,3	233	474,4	626	1254	5,3
Қашқадарё	471,7	480	589,2	650	1602	3,4
Навоий	243,3	169	277	447	550	2,3
Наманган	609	627	776,4	1483	2970	4,9
Самарқанд	265,2	254	321,7	343	690	2,6
Сурхондарё	535,3	510	770,6	855	2413	4,5
Сирдарё	187,7	465	519,6	430	753	4,0
Тошкент	957,2	756	1005,2	1430	1972	2,1
Фарғона	237,1	243	460,5	450	1270	5,4
Хоразм	432	585	817,6	942	2090	4,9
USUB	158	108	298	317	1012	6,4
Жами	5213,5	5461	7923,8	10027	19988	3,8

1996-2000 йилларда мамлакат миқёсида ирригация-мелиорация қурилиши учун сарфланган инвестиция (капитал қўйилма) лар қиймати 3,8 мартага ортган. Шу инвестицияларнинг аксарият қисми Хоразм, Сурхондарё, Наманган, Тошкент вилоятлари ҳудудларига тўғри келади. Ирригация-мелиорация иншоотлари барпо этилиши натижасида хўжаликларнинг сув билан таъминланиш даражаси ошди. Бу ҳол янги ерларни ўзлаштириш имкониятини яратди. 1996-2000 йилларда республика Қишлоқ ва сув хўжалиги вазирлиги хўжаликлари ҳудудларида 54149 га янги ер ўзлаштирилган. Лекин инвестициялар чекланганлиги сабаби сўнгги йилларда янги ерларни ўзлаштириш даражаси нисбатан пасайган (19-жадвал).

19-жадвал

Республикада ўзлаштирилган янги ер майдони, гектар

Вилоятлар	1996 йил	1997 йил	1998 йил	1999 йил	2000 йил
Қорақалпоғистон Р.	500	300	300	287	300
Андижон	1000	235	260	230	200
Бухоро	2516	975	851	702	488
Жиззах	1330	535	737	806	750
Қашқадарё	2602	6669	855	589	527
Навоий	1335	420	477	450	412
Наманган	2605	950	807	1201	1809

Самарқанд	2502	846	904	280	240
Сурхондарё	2237	662	858	600	700
Сирдарё	435	400	255	200	80
Тошкент	1891	351	621	425	353
Фарғона	1665	530	400	402	252
Хоразм	2366	1717	1062	852	1053
Жами	22984	8590	8387	7024	7164

Янги ерларни ўзлаштириш билан биргаликда фойдаланилаётган ерларнинг сифатини яхшилашга ҳам инвестиция (капитал қўйилма) лар сарфланмоқда. Улар эвазига 1999-2000 йилларда ўртача 300 минг гектар ернинг мелиоратив ҳолати яхшиланди (20-жадвал).


20-жадвал

Республикада инвестициялар эвазига эскидан фойдаланилаётган ерлар мелиоратив ҳолатининг яхшиланиши (гектар)

Вилоятлар	1997 йил	1998 йил	1999 йил	2000 йил	2000 й.да 1997 й.га нисбатан %да
Қорақалпоғистон Р.					
Андижон	1300	1993	2190	1799	134,8
Бухоро	2000	1394	2064	3076	153,8
Жиззах	-	1244	2600	2400	-
Қашқадарё	1204	470	2000	2606	216,4
Навоий	1035	664	1550	1182	114,2
Наманган	1489	729	2107	4547	305,4
Самарқанд	600	1097	3006	2816	469,3
Сурхондарё	2000	1450	3200	3200	160,0
Сирдарё	97	1251	1464	2906	299,4
Тошкент	480	1782	1434	1574	327,9
Фарғона	1000	1219	2453	2653	265,3
Хоразм	2298	3055	3502	3675	159,9
Жами	1350 3	1635 8	2757 0	3243 4	240,2

Бу ҳолат ҳозирги талабни тўлиқ қондиrolмайди. Чунки, республикадаги жами суғориладиган ерларнинг 50 фоизга яқини у ёки бу даражада шўрланган. Келажакда ерларнинг сифат ҳолатини яхшилаш учун инвестиция (капитал қўйилма) лар қўламини кенгайтириш мақсадга мувофиқдир. Сарфланадиган инвестиция (капитал қўйилма) лар натижасида ерларнинг мелиоратив ҳолати яхшиланиб, сув билан таъминланганлик даражаси юксалмоқда, ишлаб чиқариш механизациялаштирилиши, кимёлаштирилиши туфайли экинлар ҳосилдорлиги ошмоқда (2-диаграмма).

-диаграмма
Республикада қишлоқ хўжалик экинлари ҳосилдорлигининг ўзгариши



1996-2000 йилларда бошоқли дон экинлари ҳосилдорлиги 18,9 центнердан 26,8 центнерга, шолининг ҳосилдорлиги эса 23,5 ц.дан 25,8 ц.га етди. Шу йилларда сабзавот экинларининг ўртача ҳосилдорлиги 35,5 фоизга ошиб, 168 центнерни, картошка ҳосилдорлиги 57,6 фоизга ортиб, 93 центнерни ташкил этди. Натижада экинларнинг ялпи ҳосили ҳам кўпайди. Бу ҳол қишлоқ хўжалиги ялпи маҳсулоти миқдори ҳамда қиймати ошишини таъминлади. Буларнинг ҳаммаси қишлоқ хўжалигига сарфланаётган инвестиция (капитал қўйилма)ларнинг иқтисодий самарадорлиги юксалишини таъминламоқда.

Инвестициянинг иқтисодий самарадорлигини аниқ кўрсатиш мақсадида тегишли маълумотларни келтирмоқдамиз (21-жадвал).

Узоқ муддатли кредит шаклида сарфланган инвестиция (капитал қўйилма) нинг ширкат хўжалигидаги иқтисодий самарадорлик коэффиценти 1999 йилда 0,607; 2000 йилда эса 0,682 га тенг бўлган. Хўжаликда 2,4 млн.сўмлик узоқ муддатли банк кредитини сарфлаш натижасида 1999 йилнинг ўзида 1457,4 минг сўм, 2000 йилда 1636,1 минг сўм қўшимча соф фойда олинган. Шу тариқа олинган кредит 1,65 йил давомида қайтарилган. Хўжаликка 693,5 минг сўм соф фойда қолган. Бу маълумотлар сарфланган инвестиция (капитал қўйилма) ларнинг иқтисодий жиҳатдан самарали эканлигидан далолат беради.

9.5. Инвестиция (капитал қўйилма) лар кўламини кенгайтириш ва самарадорлигини ошириш йўллари

Келажакда қишлоқ хўжалигининг моддий-техника базасини талаб даражасида барпо этиш, меҳнат ресурсларининг билимларини, малакаларини, тажрибаларини ошириш учун инвестиция (капитал қўйилма) лар сарфлашни давом эттириш керак. Қишлоқ хўжалигини ривожлантириш учун, аввало, давлат ҳамда маҳаллий бюджетлардан ажратилаётган инвестицион маблағларни ўз вақтида олишга эришиш керак. Шу билан бирга тармоқ, корхоналар иқтисодиётини юксалтириш натижасида уларнинг фаолиятини келажакда инвестициялаш учун кўпроқ маблағ ажратилишини таъминлашга алоҳида эътибор бериш мақсадга мувофиқдир. Бунда корхоналар ихтиёридаги фондларнинг маблағларини ҳам оқилона сарфлашга ҳаракат қилиш керак. Чунки улар инвестициялар кўламини кенгайтиришнинг реал манбалари ҳисобланади.

Қишлоқ хўжалигига талабни қондирадиган даражада инвестиция (капитал қўйилма) лар сарфланишини келажакда ишончли таъминлаш учун инвестицияларни

амалга оширувчи юридик ҳамда жисмоний шахслар кўламини кенгайтириш талаб этилади. Бундай шахслар республика ёки чет давлатлардан бўлиши мумкин. Бунда, ҳозирги даврда қишлоқ хўжалигидаги инвестицион жараёни шакллантиришда султ қатнашаётган инвесторларни интенсивроқ жалб этишга алоҳида эътибор бериш лозим.

21-жадвал

Тошкент вилояти Қуйи Чирчиқ туманидаги Охунбобоев номли ширкат хўжалиги деҳқончилигига сарфланган узок муддатли кредитнинг иқтисодий самарадорлиги

№	Кўрсаткичлар	Ўлчов бирлиги	Йиллар	
			1999	2000
1	Пахта экини майдони	га	985	985
2	Шоли экини майдони	га	180	180
3	Буғдой экини майдони	га	900	900
4	Олинган кредит суммаси	млн.сўм	2,4	2,4
5	Кредит эвазига амалга оширилган ирригация ва мелиорация тадбирлари ҳисобига: - пахта ялпи ҳосилининг ошган миқдори - шоли ялпи ҳосилининг ошган миқдори - буғдой ялпи ҳосилининг ошган миқдори	цент. цент. цент.	3447,5 144,0 870	2856, 5 108 360
6	Етиштирилган ялпи ҳосил миқдори: - пахта хомашёси - шоли - буғдой	тонна тонна тонна	3186 583,0 3514,0	2946 552 3212
7	Жами харажат суммаси Шундан: - пахта хомашёсига - шолига - буғдойга	млн.сўм	201,0 115,0 19,2 66,8	247,0 149,2 23,9 73,9
8	Маҳсулот сотишдан тушган жами пул Шундан: - пахта хомашёсини сотишдан - шолини сотишдан - буғдойни сотишдан	млн.сўм	218,6 125,0 19,9 72,7	270,8 165,0 24,7 81,1
9	Маҳсулот етиштиришдан олинган фойда Шундан: - пахта хомашёси етиштиришдан - шоли етиштиришдан - буғдой етиштиришдан	млн.сўм	17,6 11,0 0,7 5,9	24,0 15,9 0,8 7,3
10	Шундан кредитларни сарфлаш эвазига олинган фойда	минг сўм	1457,4	1636,1
11	Сарфланган кредитнинг иқтисодий самарадорлик коэффициенти		0,607	0,682
12	Сарфланган кредит маблағининг қоплаш муддати	йил	1,65	1,47
13	Деҳқончиликнинг рентабеллик даражаси	фоиз	8,76	9,72

Ҳозирги даврдаги чекланган миқдордаги банкларнинг қўламини кенгайтиришга эришиш лозим. Бунинг учун уларга ҳуқуқий, иқтисодий шарт-шароитлар яратиб бериш зарур. Шу билан бирга қишлоқ хўжалигига кўмаклашаётган молия-кредит институтларини, жумладан, қишлоқ кредит уюшмалари ёки кооперативларини ташкил этиш, уларнинг фаолиятини ривожлантириш керак. Бундай кредит институтларининг ҳуқуқий асоси яратилган: Республика Олий Мажлисининг иккинчи чақириқ IX сессиясида (2002 йил, август) «Кредит уюшмалари тўғрисида»ги қонун қабул қилинган. Шунга асосланган ҳолда, Қишлоқ кредит уюшмалари ёки кооперативларини ташкил этиш ва уларнинг фаолиятини ривожлантириш орқали қишлоқ хўжалигига инвестиция оқимини кўпайтиришга эришиш мумкин. Улар нодавлат, нотижорат кредит институти бўлгани маъқул. Шунинг учун уларга давлатнинг имтиёзли иқтисодий ёрдами зарур. Бу ёрдамни давлатнинг қишлоқ хўжалигини ривожлантиришга қаратилган қуйидаги дастурлари асосида амалга ошириш мумкин:

- «Озиқ-овқат муаммосини ҳал этиш»;
- «Ирригация ва мелиорация ишларини ривожлантириш»;
- «Қишлоқ фаунасини, флорасини ҳамда экологиясини яхшилаш»;
- «Янги иш жойларини ташкил этишни ривожлантириш, ишсизликни юмшатиш»;
- «Қишлоқда малакали мутахассисларни тайёрлаш мақсадида «Билими-малака» дастурини тузиш»;
- «Қишлоқда ижтимоий соҳани ривожлантириш» ва бошқалар.

Бундан ташқари янги ташкил этилган қишлоқ кредит кооперативларида айрим фондлар бўйича давлат субсидиялари ва кафолатлари тизимини жорий этиш лозим. Ташкил этилаётган қишлоқ кредит кооперативлари бошланғич капиталининг 35-45 фоизи давлатнинг имтиёзли ҳамда фоизсиз кредитлари ҳисобидан шакллантирилиши мақсадга мувофиқдир. Қишлоқ кредит кооперативларини ташкил этиш жараёнида давлатнинг роли қуйидагилар билан чегараланиши мақсадга мувофиқдир:

- республикадаги қонун яратувчи идоралар бу кооперативлар учун мамлакат миқёсида ҳамда хорижий давлатларда тўлиқ фаолият юритишнинг ҳуқуқий асосларини яратиб бериши;
- ушбу кооперативларнинг илмий, услубий муаммолари бўйича тадқиқот ишларини ривожлантириш учун ҳукумат томонидан қулай муҳит яратилиши;
- уларни ташкил этиш бўйича чет эл экспертларини жалб этиш ва маҳаллий мутахассислар томонидан хорижнинг илғор тажрибаларини ўрганишга изчиллик билан ёрдам бериш;
- давлат идораларининг раҳбар ва мутахассислари янгидан ташкил этилаётган Қишлоқ кредит кооперативларининг афзалликларини барча ахборот воситалари ёрдамида тарғиб этишга, тушунтиришга қаратилган фаол сиёсат олиб боришлари, уларни амалда ташкил этишга кўмаклашишлари зарур.

Кредит кооперативларини қишлоқ ҳудудларида ташкил этиш учун қуйидаги шартлар бажарилиб, ижобий муҳит шакллантирилган бўлиши зарур:

- қишлоқ хўжалик корхоналарининг раҳбар, мутахассислари, шунингдек, меҳнатга қобилиятли аҳолининг ушбу молия-кредит институтига ишониши ва уни ҳурмат қилиш ҳолатининг мавжудлиги;
- шу молия-кредит институти фаолиятида фаол иштирок этиш учун аҳоли молиявий фаровонлик даражасининг юқорилиги бу аҳолининг бўш маблағлари мавжудлигидан далолат беради;
- барча бўғиндаги давлат ҳокимияти идоралари ва бошқа ташкилотларда қишлоқ хўжалиги корхоналарини, айниқса, фермер ва деҳқон хўжаликларини, кичик корхоналарни кредитлаштириш ривожлантирилишини таъминлайдиган ушбу ғояни моддий жиҳатдан қўллаб-қувватлаб, унга ҳайрихоҳлик муносабатлари мавжудлиги. Чунки қишлоқ кредит кооперативларининг ташкил этилиши қишлоқ хўжалик ишлаб чиқаришини

кредитлаштириш билан шуғулланадиган молиявий бозорда эркин рақобатчилик ривожланишини таъминлайди;

- қишлоқ жойларида ходимлар, мутахассислар кредит кооперативларининг малакали ходимларга бўлган талабини қондира оладиган даражада мавжудлиги;
- қишлоқ ҳудудларида янги кредит кооперативларини ташкил этиш бўйича ижтимоий, иқтисодий муҳитнинг талаб даражасида шаклланганлиги ва бошқалар.

Демак, қишлоқ ҳудудларида кредит кооперативларини ташкил этиш масаласининг ижобий ҳал этилишини жадаллаштириш учун юқорида таъкидланган шарт-шароитларни тезроқ шакллантиришга энг аввало тармоқдаги тадбиркорлар, қолаверса, давлат ва нодавлат идоралари алоҳида эътибор беришлари зарур.

Янгидан ташкил этилаётган Қишлоқ кредит кооперативлар нодавлат, нотижорат молия ташкилоти юридик мақомига эга бўлиши лозим. Уларнинг асосий мақсади фойдаланиш учун берилаётган капитал эвазига фойда олиш эмас, балки қишлоқ хўжалик маҳсулотлари етиштирувчи, хизмат кўрсатувчи хўжаликлар фаолияти ривожланишига имкон берадиган кредит олиш шароитлари яхшиланишини таъминлашдир. Бундай кооперативлар бераётган кредитлари учун ўз аъзолари мажбуриятлари юзасидан, яъни жамоатчилик асосида кафолат беради, берилган қарзларни ўз вақтида суғурталайди, аъзоларидан пай бадалларини йиғади ва бошқа иқтисодий муносабатларни амалга оширади. Чунки кооперативнинг ҳар бир аъзоси жамғарма фондига қўшган ҳиссасидан қатъи назар бир овозга эга.

Ташкил этиш таклиф қилинаётганда Қишлоқ кредит кооперативлари нотижорат молия-кредит ташкилоти сифатида тижорат банкларидан муайян жиҳатлари билан ажралиб туради (9-чизма).

9-чизма

Қишлоқ кредит кооперативларининг акционерлик-тижорат банкларидан фарқи

Т.р.	Фарқ қилиш мезони	Қишлоқ кредит кооперативи (ҚКК)	Акционерлик-тижорат банки
1.	Фаолият мақсади	Аъзоларининг кредит ресурсларига бўлган талабини вақтида қондириш	Фойда олиш
2.	Ташкилий-ҳуқуқий шакли	Жамоа кооперативи	Акционерлик жамияти
3.	Ўз капиталининг манбалари	Аъзоларининг пай бадаллари, давлатнинг мақсадли, имтиёзли кредитлари, аҳолининг бўш маблағлари	Акционерларнинг Устав капиталига қўшаётган маблағлари, фойдадан ажратмалар
4.	Кўрсатаётган хизмат турлари	Кооператив аъзоларига кредит хизматларини бажариш, уларнинг маблағларини сақлаш, аҳолига молиявий хизматлар кўрсатиш	Талабгорларга турли хилдаги кредит хизматларини кўрсатиш, юридик ва жисмоний шахсларнинг ҳисоб рақамларини юритиш, молиявий хизматлар кўрсатиш
5.	Фойдани тақсимлаш	Заҳира фондга ўтказиш	Акционерларга дивиденд шаклида бериш

б.	Хизмат доираси	Кооператив аъзоларига	Барча хоҳловчиларга
----	----------------	-----------------------	---------------------

Қишлоқ кредит кооперативлари фаолиятининг асосий тамойиллари қуйидагилардан иборат бўлиши керак:

- истеъмолчига яқин бўлиши, бунинг учун у фермерлар, ширкатлар уюшмаси ҳудудида ташкил этилиши ва фаолият кўрсатиши мумкин. Бу унга фермерлар, дехқонлар, пудратчилар, бошқа корхоналар ҳамда аҳоли аъзо бўлишини таъминлайди;
- кредит кооперативи мажбуриятлари юзасидан унинг аъзолари чекланмаган миқёсдаги жамоатчилик асосида жавобгарликка эга бўлиши;
- кооперативга кириш бадали ҳамда пайлари суммаси жуда катта бўлмаслиги, олинган фойда кооперативнинг бўлинмас ва заҳира фондларини ривожлантиришга сарфланиши;
- кооперативнинг иқтисодий негизи ҳисобланган бўлинмас мулкни барпо этиш, бу мулкнинг минимал миқдорини белгилаш;
- олинган кредитлардан фақат Низомда кўрсатилган мақсадлар учун фойдаланиш;
- бошқариш органларининг мавжудлиги ва уларнинг жамоатчилик асосида фаолият кўрсатиши.

Қишлоқ кредит кооперативининг Низоми шу тамойилларга асосланган ҳолда ишлаб чиқилиши керак. Низомда кооператив фаолиятининг самарали бўлишини таъминлайдиган барча масалалар тўлиқ ақс эттирилади. У кучли, ҳуқуқий ҳужжат ҳисобланади. Бу ўринда Низом мазмунига тўлиқ тўхталмасдан унга фақат қишлоқ хўжалигини кредитлаштиришни такомиллаштириш нуқтаи назардан ёндашамиз.

Қишлоқ кредит кооперативига кираётган ҳар бир аъзо мажбурий тартибда кириш бадали тўлаши керак. Уни тўлаган юридик ва жисмоний шахс кооператив аъзоси бўлади.

Қишлоқ кредит кооперативи фаолияти натижасида олинган даромад унинг бўлинмас ҳамда заҳира фондни ташкил этиш учун ишлатилади. Бундай заҳира фондни шакллантиришдан мақсад, энг аввало, кооператив фаолияти натижасида келиб чиқиши мумкин бўлган зарарни қоплаш учун маблағ йиғиш, яъни биргаликдаги масъулият хавфини камайтиришдир. Бундан ташқари, мазкур фонд иқтисодий танглик ва таназзуллар даврида ишончли заҳира бўлиб хизмат қилади, қишлоқ кредит кооперативларининг келажакда барқарор фаолият кўрсатишини таъминлайди.

Кредит олишни расмийлаштириш муддати 1 кун бўлиши керак.

Кредит бериш шахсан ишониш ёки кимнингдир кафиллиги остида амалга оширилиши лозим.

Кооператив аъзолари гаровсиз кредит олишлари мумкин.

Кредит кооперативлари дастлабки 5 йил давомида солиққа имтиёзли равишда тортилиши, уларнинг фойдасидан солиқ олинмаслиги кредит ставкалари мос банк ставкаларидан анча паст бўлиши ва кредитни товар билан қайтариб олиш имконияти кўзда тутилиши лозим.

Кредитларнинг қисқа муддат ичида расмийлаштирилиши маблағларнинг тез айланишига ёрдам беради.

Кооперативнинг ўз маблағлари, қарз маблағлари, шунингдек, мол-мулки бўлиши мумкин. Кооперативнинг ўз маблағлари аъзоларининг пай бадаллари, фаолияти натижасида олинган фойда, шунингдек, ўз маблағларини қимматли қоғозлар ҳамда пул шаклида банкларга жойлаштириш ҳисобига ташкил топади. Аъзолар томонидан пай бадали сифатида берилган, шу билан биргаликда ушбу кооператив фаолияти давомида сотиб олинган мол-мулклар унинг ҳуқуқий шахс сифатидаги мулки ҳисобланади.

Кредит кооперативи фақат ўз аъзолари омонатларини сақлаш ва уларга қарз бериш мақсадида тузилганлигини ҳисобга олиб, битта аъзога кредит бериш ҳажми мажбурий пай бадали ҳажми билан белгиланади.

Қишлоқ кредит кооперативи ўз фаолиятининг дастлабки босқичларида пул маблағларининг етишмаслиги ва аъзоларига керакли миқдорда қарз бера олмаслик каби муаммоларга дуч келиши мумкин. Шу боис дастлабки даврда унга аъзоларининг қарз олишга бўлган эҳтиёжини қондириш учун қўшимча молиявий маблағлар керак. Бу муаммони давлат ёрдами билан ҳал этиш мумкин. Бу борада давлат бюджетидан қишлоқ хўжалик молиявий инфратузилмасининг шаклланишига, қишлоқ кредит кооперацияси тизими ривожланишига алоҳида аҳамият берган ҳолда маблағ ажратилиши, бу маблағ қайтариб берилмайдиган ёки қайтариб бериладиган кўринишларда бўлиши мумкин. Бунга боғлиқ бўлмаган равишда кредит кооперативларини ташкил этиш босқичида ишлаб чиқиладиган техник-иқтисодий асослашда давлатдан олинган қарзларни ўз муддатида (қайтарилаётган сумма миқдори ва даврийлиги) қайтариш имкониятлари ҳисоб-китоб қилиниши керак.

Кредит кооперативи фаолиятининг дастлабки ва кейинги даврларида маблағ етишмаслиги муаммосини ҳал этишнинг бошқа усуллари ҳам мавжуд. Бу, аввало, банкдан имтиёзли кредит олишдир. Бу ҳолатда қарзга олинган маблағдан фойдаланганлик учун тўлов (банк фоизи) хўжалик фаолияти билан боғлиқ бўлган кооператив харажатларининг бир қисмини ташкил этади ва у кооператив аъзоларига берилган қарз учун олинган фоиз орқали қопланиши лозим. Бунда кооперативдаги берилган қарз учун фоизлар банк кредитидан фойдаланганлик учун тўланадиган фоизларга қараганда юқорироқ бўлади, чунки кооператив бу турдаги хизматни амалга ошириши учун ўзи томонидан қилинган харажатларни қоплаши керак.

Қишлоқ кредит кооперативининг асосий фаолияти кооператив аъзоларига кредит бериш ва пул маблағларини жамғариш каби хизматларни кўрсатишдан иборат. Шунга мос ҳолда ушбу хизматни амалга ошириш учун кооперативнинг кредит сиёсати ишлаб чиқилади ва низомда белгилаб қўйилади. Улар қуйидагилардир:

- кимга қарз берилади;
- қандай мақсадлар учун қарз берилади;
- кооперативнинг бир аъзоси учун бериладиган қарзнинг максимал миқдори;
- қарз бериш муддати, қарздан фойдаланганлик учун тўлов миқдори (фоиз ставкаси);
- қарзни қайтариш кафолати;
- келишмовчилик ва низоларни ҳал этиш.

Қарз фақат кооператив аъзоларига берилади. Яна бир муҳим жиҳати шундаки, қарз низомда кўрсатилган мақсадлар учунгина берилади. Қарзни ишлатиш мақсадини аниқлаш кредитор бўлганлиги сабабли кооперативнинг ўз манфаатларини ҳимоя қилиши лозимлиги билан изоҳланади.

Кредит кооперативи фаолиятининг дастлабки даврида, яъни кредит ресурслари фонди энди шаклланаётган вақтда берилаётган қарз миқдорини аниқлаш зарур. Чегараловчи ҳолатлар берилаётган қарзнинг қайтарилиш кафолатини оширишга йўналтирилган бўлиши лозим. Битта аъзога берилаётган қарзлар миқдори ҳар хил бўлиши мумкин ва у кредит фондининг ҳолатига қараб белгиланади. Бериладиган қарзнинг энг катта миқдорини кооперативнинг пай фонди ҳажми даражасида чегаралаш мақсадга мувофиқдир. Бу кооператив аъзосинининг ўзига боғлиқ бўлмаган у ёки бу сабаб билан қарз бўлиб қолиш ҳолатларида рўй бериши мумкин бўлган йўқотишларни қоплаш кафолатини беради.

Кооператив аъзоларига қарз бериш муддатини белгилаш катта аҳамиятга эга, чунки қишлоқ хўжалиги маҳсулотлари етиштириш билан шуғулланиш пул маблағлари келиб тушиши ва унга бўлган эҳтиёжнинг даврийлигини келтириб чиқаради. Қишлоқ

кредит кооперативи учун қарз муддати 6 ой ва ундан кўпга белгиланиши мақсадга мувофиқдир.

Кредит кооперативи фаолиятининг муҳим жиҳати қарздан фойдаланганлик учун тўлов миқдори ҳисобланади. Агар кооперативнинг кредит фонди фақат омонат учун қўйилган хусусий маблағлар ҳисобига шаклланса, қарзлар кичик фоиз билан берилиши мумкин. Тўлов ставкаларини асослаш ва белгилашда кредит фонди шаклланишида юзага келадиган харажатларни ҳисобга олиш керак. Иқтисодий беқарорлик шароитида жалб қилинаётган маблағлар қиймати ўзгаришини ҳисобга олиб, низомда кредит учун тўловнинг аниқ миқдорини белгилаш шарт эмас, балки унинг қуйи ва юқори чегараларини белгилаб қўйиш мақсадга мувофиқ. Низомда кўрсатилган вазиятнинг энг мақбул варианты кооператив бошқарувига кузатув кенгаши билан биргаликда иқтисодий вазиятнинг ўзгаришини ҳисобга олиб, қарздан фойдаланганлик учун тўлов ставкаларини имкон қадар паст белгилаш ҳуқуқини бериш керак.

Фоиз ставкаларининг ўзгартирилишини қуйидагича ифодалаш мумкин:

- унинг кўпайиши – фақат қарздан фойдаланиш учун фоизнинг ўзгариши вақтида тузилган шартнома асосида ҳисобга олинади;
- унинг камайиши – барча шартномалар, жумладан, олдин тузилган шартномалар асосида ҳисобга олинади. Келишилган вақтда тузилган шартномада қарздан фойдаланиш учун фоиз кўрсатилади ва кейинчалик у амал қилаётган вақтда барча ўзгартиришлар киритилади.

Берилаётган қарзнинг кафолатли таъминоти кредит сиёсатининг муҳим жиҳатларидан бири ҳисобланади. Қарзни қайтаришнинг кафолатли таъминоти усуллари қуйидагилар бўлиши мумкин: қарз миқдorigа лойиқ гаров бериш (гаров шартномаси имзоланади) ёки қарз олаётган шахс билан уни ўз вақтида тўлаш мажбуриятини баробар бўйнига олган кооперативга кўпчилик аъзоларнинг ишонч билдиришлари.

Кооператив аъзоларига қарз бериш тартиби ва унинг миқдори кооператив низомига мос ҳолда умумий йиғилиш томонидан белгиланади. Бошқарув кенгаши қарз бериш бўйича қарорларни мақсадга мувофиқ ҳолда мустақил қабул қилиши керак.

Низомда қарз беришнинг тахминан қуйидагича тартиби белгиланиши лозим:

- қарзнинг умумий суммаси, қарз олишнинг аниқ мақсади, муддати ва қайтариш кафолати кўрсатилган белгиланган шаклдаги ариза;
- кооператив бошқарувининг ариза берувчининг кредитни қайтариш қобилиятига берган баҳоси;
- кооператив аъзоларига қарз бериш учун умумий йиғилиш томонидан қарор қабул қилиниши.

Умумий йиғилиш қарори асосида кооператив билан унинг аъзоси ўртасида қарз шартномаси имзоланади. Унда кредит кооперативи низомида белгиланган қонуний ҳолатлар, ўзаро муносабатлар ва асосий вазиятлар ўз аксини топшиши керак. Қарз шартномасида томонлар розилиги билан қарзни узиш тартиби ҳамда қарз берувчиларнинг олинган қарздан фойдаланиши устидан назорат қилиш имкониятлари кўрсатилади.

Кредит кооперацияси фаолиятининг асосий йўналиши кооператив аъзолари шахсий жамғармаларини жалб қилиш бўлиши мумкин. Қишлоқ аҳолиси жамғармасини тўплаб, жамғарма омонатларига яхши шароит яратиш билан кредит кооперативининг ривожланиши учун мустаҳкам молиявий асос яратиш мумкин. Кооператив ва унинг аъзолари ўртасидаги жамғармаларни сақлаш тартиби ва шarti бўйича ўзаро муносабатларда шартнома тузилиб, умумий йиғилиш томонидан тасдиқланиши керак.

Қишлоқ кредит кооперативи бухгалтерия ҳисоботи андозаларига мос ҳолда ҳисоботларни амалга оширадиги, улар қуйидагиларни ўз ичига олади: умумий

қоидалар–меъерий ҳужжатлар, тамойиллар, бухгалтерия ҳисоби масаласи, бухгалтерия ҳисоби ва ҳисоботиға жавобгарлик; ҳисоб техникаси– низом жамғармасидаги операцияларни бадалларни кўрсатган ҳолда акс эттириш; фонднинг ташкил топиши, ундан фойдаланиш тартиби ва эркин хусусий маблағларнинг қолган қисми. Кредит кооперативи умумий йиғилиши томонидан тасдиқланадиган фойда ва харажатлар сметаси ҳар йили чорак (квартал) ларга ажратилган ҳолда тузилади.

Шундай қилиб, қишлоқ кредит кооперативлари тижорат банкидан ўз фаолиятининг мақсади, ташкилий-ҳуқуқий шакли, фойдани тақсимлаш усули, хусусий маблағининг манбаи ва хизмат кўрсатиши билан тубдан фарқ қиладиган алоҳида турдаги молиявий институт ҳисобланади.

Ривожланган мамлакатларда қишлоқ кредит кооперативлари тизими мураккаб ташкилий тузилмага эга. Кооперативларнинг асосий кооператив банклари уч даражали тизимга эга бўлиб, асосий вазифаси қишлоқ хўжалиги товар ишлаб чиқарувчиларини кредитлаш ҳисобланади. Улар таркибий тузилиши бўйича қуйидагича кўринишга эга:

- маҳаллий кредит кооперативлари;
- ҳудудий кооператив банклар;
- ҳудудлараро марказий кооператив банк.

Мамлакатда қишлоқ кредит кооперативларини ривожлантириш босқичма-босқич амалга оширилиши керак, чунки, аввало, фермер ва деҳқон, шунингдек, бошқа турдаги қишлоқ хўжалик корхоналари бундай тузилмаларни барпо қилиш зарурлигини ва аҳамиятини тушуниб етишлари лозим. Шундагина кооператив банклар туман ва вилоят кооперативларини бирлаштирувчи кўп даражали қишлоқ кредит кооперация тизимини шакллантириши мумкин. Бу тизимнинг вазифалари қатъий тақсимланган бирламчи кредит бўғинларидан то ҳудудий ва марказий кооператив банклар иттифоқи кўринишидаги ташкилий тузилма сифатида тузилиши мумкин. Қуйи бўғиндаги қишлоқ кредит кооперативлари, юқорида таъкидланганидек, ихтиёрий равишда деҳқон, фермер ва бошқа турдаги қишлоқ хўжалик корхоналарининг пул маблағларини жамлаш йўли билан ташкил этилади. Улар ўз аъзоларининг маблағларидан самарали фойдаланишлари устидан назорат юритадилар.

Бундан ташқари, қишлоқ хўжалигини инвестициялаш жараёнига турли хилдаги банкларнинг, инвестиция, лизинг ва суғурта компанияларининг, ишлаб чиқариш концернларининг, савдо ва бошқа корхона ҳамда ташкилотларнинг маблағларини жалб этиш лозим. Бунинг учун уларга давлат ҳамда қишлоқ хўжалиги томонидан маълум даражада иқтисодий имтиёзлар яратилиши зарур. Шундагина улар ўз маблағларини қишлоқ хўжалигига солиши мумкин. Барча манбалардан шаклланаётган инвестиция маблағларини қишлоқ хўжалигида қуйидагиларга сарфлаш мақсадга мувофиқдир:

- фойдаланилаётган ерларнинг унумдорлиги юксалишини таъминлайдиган тадбирлар мажмуасини бажаришга;
- янги ерларни комплекс ўзлаштиришга;
- тармоқда фан ва самарали технологияларни ривожлантиришга;
- ирригация, мелиорация шаҳобчаларини қуришга, мавжудларининг ишга яроқлилигини таъминлаш мақсадида таъмирлашга;
- янги, самарали тракторларни, машиналарни, комбайнларни сотиб олиш ва мавжудларини таъмирлашга;
- ишлаб чиқариш бино-иншоотларини қуришга, мавжудларини таъмирлашга;
- кўп йиллик дарахтзорлар, боғзор, тоқзорлар яратишга;
- сермахсул чорва ҳайвонларини талаб даражасида кўпайтиришга;
- тармоқни барча ишлаб чиқариш воситалари билан таъминлашга;
- меҳнат ресурсларини такрор ишлаб чиқариш, интеллектуал мулкни ривожлантиришга;
- ижтимоий соҳаларни ривожлантиришга ва бошқаларга.

Барча йўналишлар бўйича қишлоқ хўжалигига сарфланаётган инвестиция (капитал қўйилма) ларнинг мақсадга мувофиқ йўналтирилиши таъминланиши керак. Шунда ялпи инвестиция (капитал қўйилма) лар соф инвестиция (капитал қўйилма) га айланади. Яъни фойдаланиш мумкин бўлган ишлаб чиқариш ресурслари кўпаяди. Улардан оқилона, самарали фойдаланиш натижасида қишлоқ хўжалигининг ялпи маҳсулоти, ялпи ва соф даромади ортади. Бу инвестиция (капитал қўйилма) ларнинг иқтисодий самарадорлиги юксалишини таъминлайди.

Таянч иборалар:

Инвестиция, капитал қўйилма, ялпи ва соф капитал қўйилма, капитал қўйилмаларни сарфлаш йўналишлари, капитал қўйилма манбалари, капитал қўйилмаларни абсолют иқтисодий самарадорлиги, капитал қўйилмалари.

Қисқача хулосалар

Қишлоқ хўжалигини ишлаб чиқариш ресурслари билан талаб даражасида таъминлаш, уларни такрор ишлаб чиқариш учун инвестициялар жалб этилмоқда.

Инвестициялар туфайли тармоқда фан-техника тараққиёти жадаллашмоқда, унинг ютуқларидан фойдаланиш жараёни ривожлантирилиб, илғор технологиялар жорий этилмоқда. Инвестициялар корхоналарнинг ўз маблағлари ҳамда четдан жалб этилаётган маблағлар эвазига амалга оширилмоқда. Мустақиллик йилларида қишлоқ хўжалигига жалб этилаётган маблағлар суммаси ортиб бормоқда.

Инвестициялардан фойдаланишнинг мутлақ (абсолют) ҳамда қиёсий (нисбий) самарадорлигини тармоқ, корхона ва йўналишлар бўйича аниқлаш мақсадида муайян кўрсаткичлар тизимидан фойдаланиш лозим.

Қишлоқ хўжалигига жалб этилаётган инвестициялар миқдори, иқтисодий самарадорлиги талаб даражасида эмас. Сабаби-хўжаликлар соф фойдаси камлиги сабабли мақсад учун етарли миқдорда маблағ ажрата олмаётирлар, ўзгаларнинг маблағлари, яъни чет эл инвестициялари, банк кредитлари ҳам талабни қондирадиган даражада жалб этилаётгани йўқ.

Келажакда инвестицияларни талаб даражасида жалб этиш ва улардан фойдаланишнинг иқтисодий самарадорлигини ошириш учун:

- инвестициялар манбаларини кенгайтиришга эришиш;
- инвестициялар жалб этишда гаров ҳамда суғурта масалаларини ривожлантириш;
- инвестицияларни мақсадга мувофиқ, самарали йўналишларга сарфлаш керак.

Назорат ва муҳокама учун саволлар

1. Инвестиция (капитал қўйилма) деганда нимани тушунасиз?
2. Инвестициянинг капитал қўйилмадан қандай фарқи бор?
3. Ялпи ва соф капитал қўйилма нима? Улар бир-биридан қайси жиҳатларига кўра фарқланади?
4. Инвестициялар қандай туркумлаштирилади?
5. Инвестиция (капитал қўйилма) ларнинг қандай манбалари мавжуд?
6. Инвестиция (капитал қўйилма)лар қандай мақсадларга сарфланади?
7. Инвестиция (капитал қўйилма) ларнинг тармоқ ва хўжалик миқёсидаги мутлақ иқтисодий самарадорлиги қандай кўрсаткичлар ёрдамида аниқланади?
8. Инвестиция (капитал қўйилма) ларнинг қиёсий самарадорлиги қандай аниқланади?
9. Қишлоқ хўжалиги ҳамда корхона миқёсидаги инвестицион ҳолатни қандай изоҳлайсиз?

10. Инвестиция (капитал қўйилма) ларни қандай мақсадларга йўналтириш мумкин?
11. Инвестицион институтларнинг қайсиларини ривожлантириш мумкин?

Асосий адабиётлар

1. Ўзбекистон Республикасининг «Инвестиция фаолияти тўғрисида»ги қонуни. Тошкент, «Иқтисод ва ҳуқуқ дунёси», № 1, 1999.
2. Ўзбекистон Республикасининг «Чет эл инвестициялари тўғрисида»ги қонуни. Ўзбекистон Республикаси тадбиркорлик тўғрисидаги қонун ҳужжатлари, Тошкент, «Иқтисод ва ҳуқуқ дунёси», №1, 1999.
3. Ўзбекистон Республикасининг «Чет эл инвесторлари ҳуқуқларининг кафолатлари ва ҳимоя қилиш чоралари тўғрисида»ги қонуни. Ўзбекистон Республикаси тадбиркорлик тўғрисидаги қонун ҳужжатлари, Тошкент, «Иқтисод ва ҳуқуқ дунёси», №1, 1999.
4. Ф.Уильям и др. «Инвестиции». М.: 1997 г. гл.21. «Фьючернўе контрактў».
5. Методические рекомендации по оценке эффективности инвестиционнўх проектов и их отбору для финансирования. М. 1994.
6. Абдуғаниев А. «Қишлоқ хўжалиги иқтисоди» фанидан маърузалар матни. Тошкент, ТДИУ, 2000.
7. Коваленко Я.Н. Экономика сельского хозяйства. Москва. ЭКМЭС, 1998.
8. Қаямов Ф.К. Эффективность АПК в условиях перехода к рўнку. Москва, ИПО «Поигрон», 1992.

Интернет сайтлари:

1. Петранева Г.А. Экономика и управление в сельском хозяйстве, Академия, 2003. <http://textbook.ru/catalogue/book/33320.html>
2. Попов Н.А. «Основў рўночной агроэкономики и сельского предпринимательства», М.: Тандем, 2002, <http://rbip.bookchamber.ru/description/7897.htm>
3. Попов Н.А. Экономка отраслей АПК. Курс лекции, 2002, <http://family.taukita.ru/item/22219310.htm>
4. Коваленко Н.Я. Экономика сельского хозяйства, М. «Юркнига». 2004 <http://shopper.h1.ru/books.shtml?topic=935&page=1>

Х боб
**ҚИШЛОҚ ХЎЖАЛИГИНИНГ ЯЛПИ ВА ТОВАР МАҲСУЛОТИ, УНИНГ
ТАҚСИМЛАНИШИ ВА КЎПАЙТИРИШ ЙЎЛЛАРИ**

- 10.1. Қишлоқ хўжалигининг ялпи ва товар маҳсулоти ҳақида тушунча, уларнинг аҳамияти
- 10.2. Қишлоқ хўжалигининг ялпи маҳсулоти таркиби динамикаси (ўзгариши)
- 10.3. Қишлоқ хўжалик маҳсулотларини тақсимлаш, сотиш ва уларнинг товарлилик даражаси
- 10.4. Ялпи маҳсулотни кўпайтириш, унинг товарлилик даражасини ошириш йўллари
- 10.5. Субъектлар ўртасидаги муносабатларнинг хусусий асоси, турлари, мазмун ва моҳияти.
- 10.6. Қишлоқ хўжалик субъектларидаги ички шартномавий муносабатлар.
- 10.7. Шартномалар бажарилиш мониторинги.

10.1. Қишлоқ хўжалигининг ялпи ва товар маҳсулоти ҳақида тушунча, уларнинг аҳамияти

Қишлоқ хўжалигидаги барча корхоналар, ташкилотлар зиммаларидаги асосий вазифасини бажариш учун ишлаб чиқариш жараёнида турли ишларни, хизматларни амалга оширадилар, хилма-хил маҳсулотларни етиштирадилар, хизматларни адо этадилар. Жумладан, пахта, буғдой, шоли, маккажўхори, картошка, карам, помидор, сабзи, сут, гўшт ва бошқа маҳсулотларни етиштирадилар. Етиштирилган бу каби маҳсулотлар уларнинг ялпи маҳсулоти натурал миқдорини ифодалайди. Лекин, бу натурал кўрсаткичлар хўжаликларнинг йиллик фаолиятини тўлиқ ифодамайди, чунки уларни натура ҳолида бир-бирига қўшиб бўлмайди. Шунинг учун ялпи маҳсулот қиймат шаклида аниқланиши лозим. Бунинг учун етиштирилган барча маҳсулотларнинг қиймати қўшилган ҳолда аниқланади. Қишлоқ хўжалиги корхоналарининг бир йиллик ҳамда бир неча йиллик фаолиятини таҳлил этиш мақсадида ялпи маҳсулотнинг қиймати ҳар йилги ҳақиқий ҳамда қиёсий баҳоларда ҳисобланади. Ҳозирги даврда қиёсий баҳолар сифатида 1996 йилдаги ҳақиқий баҳоларнинг ўртача йиллик миқдори олинган. Маълум йиллардан сўнг бошқа йилнинг ўртача баҳолари олинishi мумкин.

Демак, қишлоқ хўжалигида натура ҳолида етиштирилган турли хилдаги маҳсулотлар тармоқнинг натура ҳолдаги ялпи маҳсулоти дейилади. Тармоқда натура ҳолда етиштирилган маҳсулотларнинг қиймат ҳолидаги умумий йиғиндиси эса қишлоқ хўжалигининг қиймат ҳолидаги ялпи маҳсулоти деб аталади. Тармоқда етиштирилаётган ялпи маҳсулот қиймати алоҳида маҳсулот турлари, тармоқлар ва хўжалик бўйича аниқланади. Ялпи маҳсулот тармоқнинг, корхонанинг бир йиллик фаолиятини ифодаловчи умумий кўрсаткичдир. Қиймат шаклида ҳисобланган ялпи маҳсулотнинг таркиби қуйидагича бўлади:

1. Тайёр маҳсулот;
2. Тугалланмаган ишлаб чиқариш харажатлари.

Қишлоқ хўжалиги ишлаб чиқариши жараёнида бир йил давомида етиштирилиб, йиғиштирилиб, ҳисобга олинган, тақсимлашга ва сотишга тайёр бўлган маҳсулот қишлоқ хўжалигининг тайёр маҳсулоти ҳисобланади.

Келгуси йилларда маҳсулотлар етиштириш учун сарфланадиган харажатлар тугалланмаган ишлаб чиқариш харажатлари деб аталади. Жумладан, келгуси йилда пахта, буғдой, сабзавот ва бошқа маҳсулотлар етиштириш учун жорий йилда ерларни ҳайдаш,

текислаш билан боғлиқ бўлган харажатлар, келгуси йилда гўшт етиштириш учун жорий йилда харажатлар қилинади. Бундай харажатлар боғдорчиликда ҳам мавжуд.

Натура ҳолдаги қишлоқ хўжалик маҳсулотлари турлари бўйича алоҳида-алоҳида, ўсимликчилик маҳсулотлари ҳамда чорвачилик маҳсулотлари ялпи ҳажми ҳам қиймат ҳолида ҳисобланади. Бу маҳсулотлар бир йиллик ҳажмининг қиймати шу йилги ҳақиқий баҳоларда қуйидагича аниқланади:

- сотилган маҳсулотлар сотиш баҳоларида;
- хўжалик ички эҳтиёжи учун берилганлари уларнинг таннархлари бўйича.

Лекин бозор иқтисодиёти шароитида бу усул хўжалик эҳтиёжларини, ишлаб чиқариш билан шуғулланганларнинг моддий манфаатдорлиги ошишини етарли даражада таъминлай олмайди. Маҳсулотлар таннархда белгиланганлиги учун фойда ололмайдилар. Фойда бўлмагач, ишчиларни маҳсулот ишлаб чиқариш натижасига кўра, рағбатлантириб бўлмайди. Шунинг учун ички эҳтиёжларга берилган маҳсулотларнинг қийматини ҳам ўртача сотиш баҳоларида аниқлаш ёки ички баҳоларни белгилаш мақсадга мувофиқдир. Қишлоқ хўжалик маҳсулотларининг турлари, тармоқлар миқёсида қиймати ҳақиқий баҳоларда аниқланиши натижасида улардан ҳар бирининг жами ялпи маҳсулот қийматидаги салмоғини аниқлаб, таҳлил қилиш, бу кўрсаткичлар асосида қишлоқ хўжалиги корхоналари иқтисодиётини таққослаб, умумий хулосалар чиқариш мумкин. Лекин бунда тармоқнинг, хўжаликларнинг бир неча йиллик фаолиятини чуқур таҳлил қилиб бўлмайди. Чунки ҳақиқий баҳолар ҳар йили ўзгариб туради. Масалан, 1 тонна пахта хомашёсининг давлат харид нархи 2000 йилда ўртача 52 минг сўм даражасида белгиланган бўлса, 2002 йилда 104,7 минг сўмга яқин бўлган. Шу йиллар ичида унинг мутлақ миқдори 2 марта, бошоқли донларнинг давлат харид баҳоси эса 2,4 марта ошган. Ялпи маҳсулотнинг умумий қийматида таъсир кўрсатувчи бундай ҳолларнинг олдини олиш учун ялпи маҳсулот қийматини қиёсий баҳоларда аниқлаш мақсадга мувофиқдир. Улар ёрдамида қишлоқ хўжалиги ялпи маҳсулотининг, тармоқдаги меҳнат унумдорлиги даражасининг, фондлар қайтими кўрсаткичларининг бир неча йиллар давомидаги ўзгаришини тўғри ҳал қилиш мумкин.

Қишлоқ хўжалигидаги тайёр маҳсулотлар ички ва ташқи бозор талабини эътиборга олган ҳолда сотилади, яъни қишлоқ хўжалигида ҳам пул-товар (П-Т) муносабатлари амалга оширилади. Маҳсулотларнинг пул-товар муносабатлари асосида сотилган миқдори товар маҳсулоти деб аталади. Шунга асосланган ҳолда маҳсулотларнинг товарлилик даражаси ҳам аниқланади. Уни аниқлаш учун сотилган маҳсулот миқдорини жами етиштирилган маҳсулотнинг натура ҳолидаги улушига тақсимлаб, 100 га кўпайтириш лозим. Чунки у фоизда ҳисобланади. Бунинг учун қуйидаги формуладан фойдаланиш мумкин:

$$T_d = (C_m \div Y_m) * 100$$

Бунда: T_d – маҳсулотнинг товарлилик даражаси, фоизда;

C_m – сотилган маҳсулот миқдори, тонна, центнер, килограмм;

Y_m – етиштирилган жами маҳсулот (пахта, буғдой), тонна, центнер

Маҳсулотларнинг товарлилик даражаси тайёр маҳсулот ҳамда талабдан келиб чиққан ҳолда турлича бўлиши мумкин. Унга айрим пайтларда давлатнинг сиёсати ҳам таъсир кўрсатади. Жумладан, ҳозирги даврда пахтага нисбатан давлат буюртмаси ва талабнинг мавжудлиги сабабли унинг товарлилик даражаси 100 фоизга тенг. Айрим техника маҳсулотлари ҳам хўжаликларда фақат сотиш мақсадида етиштирилмоқда. Шунинг учун ҳам уларнинг товарлилик даражаси 100 фоизга тенг бўлади. Масалан, каноп. Айрим маҳсулотлар эса фақат ички талабларни қондириш мақсадида етиштирилиши мумкин. Бундай ҳолларда уларнинг товарлилик даражаси аниқланмайди. Жумладан, озуқа учун етиштирилган ем-хашак, сабзи, турп, шолғом, помидор ва бошқалар.

Ялпи ва товар маҳсулотларнинг мамлакат, тармоқлар ҳамда корхоналар иқтисодиётидаги аҳамияти катта. Жумладан, ишлаб чиқарилган ялпи маҳсулот ҳажми,

қиймати ўсиши натижасида мамлакат ялпи ички маҳсулотининг ҳам ўсиши таъминланади. 2000-2002 йилларда халқ хўжалиги ялпи маҳсулотининг мамлакат ялпи ички маҳсулотига салмоғи 27-30 фоизни ташкил этмоқда. Шунинг учун ҳам қишлоқ хўжалик маҳсулотларини экспорт қилиш туфайли барпо этилаётган валюта тушуми таркибида уларнинг салмоғи сезиларли бўлмоқда.

Натижада халқ хўжалиги барча соҳаларининг ривожлантирилиши таъминланади.

Ялпи маҳсулотнинг натурал миқдори кўпайиб, улар истеъмолчиларга турли усуллар ёрдамида етказилиши қайта ишлаш тармоқлари ривожланишини ҳамда аҳолининг қишлоқ хўжалик маҳсулотлари билан таъминланиш даражасини юксалтиради. Бу аҳолининг иш билан таъминланиши юксалиб, реал даромади ортишига, яшаш шароити яхшиланашига олиб келади.

Корхоналар ялпи ва товар маҳсулотининг кўпайиши уларнинг ҳам иқтисодий юксалишини таъминлайди. Хўжалик ялпи маҳсулотининг, натура ҳолдаги миқдори кўпайиши тайёр маҳсулот миқдори ошишига сабаб бўлиб, ички ва ташқи талаб тўлиқроқ қондирилишига имконият яратади. Натижада сотиладиган маҳсулот миқдори ортади. Уни сотиш эвазига корхоналарнинг пул даромадлари кўпаяди. Бу қишлоқ хўжалик ишлаб чиқаришининг кенгайтирилган ҳолда ривожланишини, ишчи-хизматчиларнинг эса моддий рағбатлантирилишини таъминлайди. Шунинг учун ҳам республика ҳукумати қишлоқ хўжалик маҳсулотлари миқдорини оширишга, уларнинг сифатини яхшилаб, рақобатбардошлигини юксалтиришга катта эътибор бермоқда. Чунки қишлоқ хўжалик маҳсулотларини чет давлатларга сотиш натижасида мамлакатнинг валюта тушуми ортиб бормоқда. Чет эл валюталари кўпайиши натижасида қишлоқ хўжалиги учун зарур бўлган ишлаб чиқариш воситалари, янги техникалар, илғор технологиялар сотиб олинмоқда.

10.2. Қишлоқ хўжалигининг ялпи маҳсулоти таркиби динамикаси (ўзгариши)

Республикада қишлоқ хўжалигини ривожлантириш сиёсати изчиллик билан амалга оширилмоқда. Даставвал тармоқда кўп укладли иқтисодий шакллантириш мақсадида аграр иқтисодий ислохотлар босқичма-босқич олиб борилмоқда. Натижада барқарор равишда мулкчиликнинг турли шакллари барпо этилиб, уларнинг эркин фаолият кўрсатишлари учун сиёсий, ҳуқуқий ва иқтисодий шароитлар яратилмоқда. Қишлоқ хўжалигига янги техникалар, самарали технологиялар киритилиб, унинг моддий-техника базаси мустаҳкамланмоқда. Тармоқдаги ишчи-хизматчиларнинг билимлари, малакалари, тадбиркорлик қобилиятлари юксалтирилмоқда. Натижада сўнгги йилларда қишлоқ хўжалигининг ялпи маҳсулоти йил сайин ортиб бормоқда.

22-жадвал

Республика қишлоқ хўжалиги ялпи маҳсулотининг ўзгариши *

	Йиллар						
	1995	1996	1997	1998	1999	2000	2001
Ялпи маҳсулот қиймати - ҳақиқий баҳоларда, млрд. сўм							
- 1995 й. дагига нисбатан ўзгариши, фоизда	124,4	181,0	421,1	550,2	833,1	972,5	2086,8
- қиёсий баҳоларда, авалги йилдагига нисбатан, фоизда	100,0	145,5	338,5	442,3	6,7 м.	7,8 м.	16,8 м.
- қиёсий баҳоларда, авалги йилдагига нисбатан, фоизда	102,3	93,5	105,8	104,0	105,9	104,5	104,5

*Жадвал Республика Макроиқтисодий ва статистика вазирлиги маълумотлари асосида тузилган.

Қишлоқ хўжалиги ялпи маҳсулоти ўзгаришининг ҳақиқий ҳолатини унинг қиёсий баҳоларда аниқланиши реалроқ исботлайди. Чунки, бунда ҳар йилги ҳақиқий баҳолар ўзгаришининг таъсири бартараф этилади. Ялпи маҳсулот қийматининг қиёсий баҳолардаги даражаси йил сайин ўсиб борган. Лекин унинг миқдори шу йиллар ичида 2,3-4,5 фоиз даражасида бўлган. Агар республикамизда 1992-1994 йиллардаги беқарорлик содир бўлмаганида унинг даражаси бундан ҳам юқори бўлиши мумкин эди.

Жадвалдаги маълумотлар кўрстаиб турибдики, республикада қишлоқ хўжалик ялпи маҳсулоти қийматининг ҳақиқий баҳолардаги ўсиши анча юқори бўлган. Чунончи, бу борадаги кўрсаткич 1995-2000 йилларда 16,8 мартага кўпайиб, 2001 йилда 2086,8 млрд. сўмни ташкил этган. Бу ўсиш қуйидаги омиллар ҳисобидан таъминланган:

- қишлоқ хўжалик маҳсулотларининг натурал миқдори кўпайиши ҳисобига;
- қишлоқ хўжалик маҳсулотлари баҳоларининг ўсиши ҳисобига;
- етиштирилаётган маҳсулотлар таркибининг ўзгариши, уларнинг устувор суръатларда ривожланиши, яъни диверсификация ҳисобига (23-жадвал).

Жадвалда кўрсатилган маҳсулотлар 1993 йилда 4229.7 минг гектар экин майдонидан олинган бўлса, 2000 йилда эса 3774,9 минг гектардан олинган. Шу майдонлардан 42,7 фоизига дон экинлари, 39 фоизга яқинига техника экинлари экилган, 6,2 фоизда картошка, сабзавот ҳамда полиз ва ниҳоят, 11,8 фоизда ем-хашак етиштирилган.

23-жадвал

Республикада етиштирилаётган асосий қишлоқ хўжалик маҳсулотлари,
минг тонна*

	Йиллар								2000й.да 1993 йилдагиг а нисбатан, фоиз
	1993	1994	1995	1996	1997	1998	1999	2000	
Жами дон жумладан:	2142, 4	2466,9	3215, 3	3562, 0	3775, 6	4147, 7	4321, 3	3915, 7	182,8
Бўғдой	876,0	1363,1	2346, 9	2741, 8	3073, 0	3555, 5	3599, 7	3510, 6	4 марта
Пахта	4234, 5	3937,8	3934, 1	3350, 1	3645, 0	3206, 3	3652, 3	3001, 8	70,9
Картошка	472,4	567,1	439,8	513,5	691,9	691,4	649,6	729,8	154,5
Сабзавот	3038, 7	2975,3	2712, 6	2498, 0	2384, 2	2403, 5	2651, 0	2637, 3	86,8
Полиз	622,3	578,0	471,9	469,7	476,2	470,0	502,1	457,2	73,5
Гўшт	814,1	827,2	853,0	800,6	800,7	808,7	819,7	841,5	103,4
Сут	3764, 0	3731,6	3665, 4	3403, 6	3406, 1	3494, 9	3541, 9	3656, 5	97,1

* Жадвал Республика Макроиктисодиёт ва статистика ҳамда Қишлоқ ва сув хўжалиги вазирликлари маълумотлари асосида тузилган.

Республикада дон маҳсулотлари етиштириш шу йиллар ичида 82,8 фоизга кўпайган. Агарда 2002 йилдаги натижа эътиборга олинган бўлса, у ҳолда дон етиштириш 2,5 мартага ортган. Чунки 2002 йилда жами 5,4 млн. тонна дон маҳсулотлари етиштирилган. Дон маҳсулотлари таркибида бўғдой устувор суръатларда ортган. 1993-

2000 йиллар мобайнида буғдой етиштириш 4,8 мартаба кўпайган. Бу республикада дон маҳсулотлари етиштириш жараёнига буғдой етиштиришни диверсификация қилинаётганлигидан далолат беради. Бу дон маҳсулотларига бўлган республика ички талабини қондириш борасидаги давлат сиёсатининг ижобий натижасидир. Дон маҳсулотлари етиштиришни асосан пахта яккаҳокимлигини камайтириш ҳисобига ошириш назарда тутилган. Натижада пахта хомашёсини етиштириш 1993-2000 йиллар мобайнида қарийиб 30 фоизга камайган.

Картошка етиштириш шу йилларда 54,5 фоизга ортган. Чунки унга нисбатан аҳолининг талаби ортиб бормоқда. У ҳозирги даврда иккинчи нон маҳсулоти ўрнини босмоқда. Эндиликда аҳоли истеъмоли учун четдан картошка сотиб олинаётгани йўқ.

Чорвачилик маҳсулотлари етиштириш суръатлари кескин ошмаяпти. Бунга асосий сабаб тармоқда иқтисодий ислоҳотлар бозор иқтисоди талаби даражасида амалга оширилмаётганлигидир. 1993 йилдан бошлаб чорва моллари хусусийлаштирилди, лекин хусусийлаштирилаётган фермалар озука етиштириш учун ер билан тўлиқ таъминланмади. Оқибатда сермаҳсул чорва ҳайвонлари сотилди, мавжудларининг эса маҳсулдорлиги пасайди. Бундай ҳолнинг олдини олиш мақсадида республика ҳукумати чорвачиликни ривожлантириш бўйича чора-тадбирлар ишлаб чиқмоқда. Бу, албатта, чорвачилик маҳсулотлари кўпайишини таъминлаши мумкин. Республика вилоятларида қишлоқ хўжалик маҳсулотлари етиштириш бир хил суръатларда ўсмади (24-жадвал).

Республика вилоятларида етиштирилган
қишлоқ хўжалик маҳсулотлари, минг тонна*

Вилоятлар	Пахта		Бошоқли дон		Сабзавот		Полиз маҳсулотлари		Гўшт		Сут	
	1996й	2000й	1996й	2000й	1996й	2000й	1996 й	2000й	1996й	2000й	1996й	2000й
Қорақалпоғистон Республикаси	203,9	125,4	10	64	20,3	15,1	15,7	8,1	37,6	38,9	117	126,1
Андижон	315,9	337,4	389,7	512,8	33	37,1	0,8	0,9	49,1	55,3	274,2	331,6
Бухоро	360,6	351,1	126,7	213,5	84	23,2	4,2	5	64,1	69,4	260,6	267,5
Жиззах	139,4	155,5	175,4	316,9	10,4	13,6	5,6	7,5	57,3	60,1	197,2	194,5
Қашқадарё	375,7	265,1	321,3	263,9	28,8	60,6	11,6	18	91,5	94,4	334,1	345,8
Навоий	101,3	103,6	55,5	92,6	3,3	9,2	2,5	2	46	45,5	118,7	124,2
Наманган	239,8	243,5	251,3	258,2	61,7	110	6,2	8	51	53,6	258,9	266
Самарқанд	216,8	167,7	231,2	278,1	115,9	162	4,2	5	97	104,4	347,2	425,1
Сурхондарё	360,1	259,5	271,3	203,1	14	20,1	4,3	11	67,7	74,6	294,4	326,1
Сирдарё	186,5	174,6	153,1	185,6	4,9	12,1	4,7	6	26	25,6	119,9	119,6
Тошкент	258,8	256,4	283,1	336	135	148	6,1	20	99	102,8	337	346,7
Фарғона	301,3	362,6	295,7	325,1	26	46,1	4,2	6,3	58,9	63,7	389,9	377,4
Хоразм	290	199	52	76,7	18,7	39,5	4,5	1,1	48,6	52,3	340,9	382,6
ЖАМИ	3350,1	3001,5	2616,3	3126,5	480,3	696	74,5	98,9	793,8	840,6	3390	3633,2

* Жадвал Республика Макроиктисодиёт ва статистика ҳамда Қишлоқ ва сув хўжалиги вазирликлари маълумотлари асосида тузилган.

24-жадвалда келтирилган маълумотлардан кўришиб турибдики, қишлоқ хўжалик маҳсулотлари етиштириш республика миқёсида ҳам, вилоятларда ҳам унчалик ривожланмаган. Масалан, Қорақалпоғистон Республикасида жадвалда кўрсатилган барча маҳсулотлар бўйича ишлаб чиқариш ҳожи пасайган. Хоразм вилоятида эса пахта хомашёси етиштириш 1996–2000 йиллар ичида 31,4 фоизга қисқарган. Бундай ҳол Қашқадарё, Сурхондарё ҳамда Самарқанд вилоятларида ҳам содир бўлган. Бунинг энг асосий сабаби – шу вилоятларда фойдаланилаётган ерларнинг мелиоратив ҳолати ёмонлашганлигидир. Оқибатда мавжуд сугориладиган ерларнинг шўрланиш даражаси ортиб, унумдорлиги пасаймоқда.

Республикада қишлоқ хўжалик маҳсулотлари асосан иккита йирик тармоқда – ўсимликчилик ва чорвачилик тармоқларида етиштирилади. Сўнгги йилларда мамлакат бўйича етиштирилаётган ялпи маҳсулотнинг (қиймат ҳолида) 55-58 фоизи ўсимликчиликда, 44-41 фоизи чорвачилик, бир фоизга яқини баллиқчилик, яъни сув хўжалиги ҳиссасига тўғри келмоқда.

Бозор талабини қондириш учун қишлоқ хўжалик ишлаб чиқаришини табиий ҳамда иқтисодий омилларни эътиборга олган ҳолда мақсадга мувофиқ жойлаштириш талаб этилади. Бунда қишлоқ хўжалик ишлаб чиқаришини барча турдаги зарур ишлаб чиқариш ресурслари билан таъминлаш ҳамда улардан уддабуронлик билан самарали фойдаланишга эришиш керак.

Ҳақиқий баҳоларда ҳисобланган ялпи маҳсулот қиймати тез суръатларда ўсишига маҳсулотларнинг баҳолари ҳар йили ўзгариши таъсир этган. Агарда 1 тонна пахта хомашёсининг харид баҳоси 1992 йилда 2400 рубль бўлган бўлса, 1994 йилда пул ҳамда баҳолар ислоҳоти натижасида 8000 сўм даражасида белгиланган, 2000 йилда 52,5 минг сўм ва ниҳоят, 2002 йилда эса 104,7 минг сўмни ташкил этган. Агар республикада амалга оширилган пул ислоҳотлари туфайли рубль сўм купонига, сўм купон эса миллий пул бирлиги сўмга ўзгартирилишини эътиборга олсак, унда пахта хомашёсининг баҳоси неча минг марта ўзгарганлиги маълум бўлади. Бу фикр дон маҳсулотлари баҳоларига ҳам тегишлидир. Чунончи, бир тонна доннинг ўртача сотиш баҳоси 1991 йилда 235 рубль бўлган бўлса, 1995 йилга келиб, 2500 сўмни, 2000 йилда 21,8 минг ва ниҳоят, 2002 йилда 53 минг сўмга яқинни ташкил этган. Қайд этилган йилларда бошқа қишлоқ хўжалик маҳсулотларининг баҳолари ҳам ошиб борган. Бу, албатта, ялпи маҳсулот қийматининг ошишига таъсир этган.

Республикада етиштирилаётган ялпи маҳсулотнинг 98,7 фоизи (2001 йил) нодавлат сектор зиммасига тўғри келмоқда. Бу, албатта, ижобий ҳол. Лекин тармоқда маълум миқдорда давлат сектори бўлиши мақсадга мувофиқдир. Улар асосан қишлоқ хўжалигида фан, техника, технологияларни ривожлантириш билан банд бўлиши мумкин. Жумладан, фан ютуқларига асосланган ҳолда қишлоқ хўжалик экинларининг сифатли, серунум навларини, чорва ҳайвонларининг маҳсулдор зотларини, янги, серунум техникаларни, самарали технологияларни яратиш, уларни ўз ишлаб чиқаришимизда синашимиз ва ҳаётга кенг татбиқ этишимиз лозим.

Қишлоқ хўжалигининг нодавлат секторида жамоа, ширкат, фермер, деҳқон хўжаликлари, кичик корхоналар маҳсулот етиштириш билан банд. Жамоа, ширкат ҳамда фермер хўжаликлари асосан товар маҳсулотлар етиштириб, бозор талабини қондириш билан шуғулланмоқдалар. Деҳқон хўжаликлари эса ўз ички талабларини қондириш мақсадида маҳсулот етиштириб, эҳтиёждан ортган қисмини бозорга чиқарадилар. Ҳозирги даврда республикада етиштирилаётган пахтанинг 100 фоизини, доннинг 80 фоизга яқинини жамоа, ширкат, фермер хўжаликлари етиштирмоқдалар. Сабзавот маҳсулотларининг 75 фоизга яқини, картошканинг 80 фоизи, гўштнинг 91,1 фоизи, сутнинг эса 93,6 фоизи деҳқон хўжаликлари ҳиссасига тўғри келмоқда.

Бу республика қишлоқ хўжалигида кўп укладли иқтисодиёт шаклланаётганлигидан далолат беради.

Хўжалик юретишнинг бу шакллари янада ривожлантириш учун давлатнинг истиқболга мўлжалланган самарали дастурлари ишлаб чиқилиши ҳамда ишлаб чиқаришга жорий этилиши зарур. Шундагина кўзланган натижага эришиш мумкин.

Қишлоқ хўжалигида давлат раҳбарлигида ташкилий аграр иқтисодий ислохотларни босқичма-босқич амалга оширилиши натижасида 2004 йилнинг 9 ойида ишлаб чиқарилган ялпи маҳсулот қиймати 2003 йилнинг худди даврига нисбатан 14,2 фоизга ошган. Бу ўсиш асосан ўсимликчилик тармоқларини ўсиши ҳисобидан таъминланган. Бу тармоқдаги ўсиш кўрсатилган даврда 22 фоизга тенг бўлган, чорвачилик тармоқларидаги ўсиш эса 6,8 фоизни башкил этган. 2004 йилда Республика ҳукумати томонидан катта ташкилий чоратadbирларни амалга оширилиши, бозор механизмларини жорий этилиши ҳамда мавжуд бўлган барча ресурслардан тўлиқ ва самарали фойдаланиш ҳамда табиий шароитларни шу йили жуда қула келиши натижасида 6 млн. тоннага яқин дон маҳсулоти, 3,5 млн. тоннага яқин пахта хом-ашёсини етиштиришга эришилди. Худди шундай картошка, сабзавотчилик маҳсулотларини ишлаб чиқариш ҳам ўсган. Бу ўсиш асосан интенсивлаштириш эвазига таъминланган.

10.3. Қишлоқ хўжалик маҳсулотларини тақсимлаш, сотиш ва уларнинг товарлик даражаси

Қишлоқ хўжалигининг энг асосий вазифаси республика ҳудудидаги қишлоқ хўжалик маҳсулотларини қайта ишловчи корхоналарнинг хомашёга, аҳолининг озиқ-овқат маҳсулотларига бўлган талабларини қондиришдир. Шу билан биргаликда, тармоқ ташқи бозор талабини қондиришда ҳам қатнашиши мақсадга мувофиқдир.


Бу талаблар қишлоқ хўжалиги учун давлатнинг пахта ва ғаллага бўлган энг муҳим буюртмаларини бажаришга асосланади. Бу маҳсулотларга давлат буюртмаларининг миқдори уларни етиштириш бўйича режалаштирилган ҳажмга нисбатан 30 фоиз даражасида белгиланган. Бу ўринда эслатиб ўтиш керакки, қишлоқ хўжалигининг ўзига хос хусусиятларидан келиб чиқиб, тармоқда етштирилган маҳсулотларнинг, чунончи, уруғлик, ем-хашак, озуқа кабиларнинг маълум бир қисми ички талабни қондиришга сарфланади. Акс ҳолда тармоқда такрор ишлаб чиқариш жараёнининг ривожланиши таъминланмайди.

Қишлоқ хўжалик корхоналари ишлаб чиқаришининг кенгайтирилган такрор ишлаб чиқариш асосида ривожланишини таъминлаш учун етиштирилган маҳсулотларнинг бир қисми бу борадаги талабларини қондириш мақсадида ишчи-хизматчиларга иш ҳақи ўрнига натура ҳолида берилади, уларнинг овқатланишлари учун ажратилади. Шунингдек, аҳолининг кам таъминланган қисмини ижтимоий муҳофаза қилиш мақсадида уларга маълум миқдордаги маҳсулотлар текинга берилади.

Ҳозирги даврда қишлоқ хўжалик корхоналарида етиштирилаётган маҳсулотлар муайян каналлар бўйича тақсимланмоқда ва сотилмоқда, (10-чизма).

10-чизма

Ўзбекистон Республикасида етиштирилаётган қишлоқ хўжалик маҳсулотларининг тақсимланиши ва сотилиши



Чизмадан кўриниб турибдики, қишлоқ хўжалик корхоналари, аввало, етиштирган пахта, дон маҳсулотларининг давлат буюртмасида кўрсатилган миқдорини «Ўзпахтасаноатсотиш» уюшмаси ҳамда «Ўздонмаҳсулот» компаниясининг жойлардаги корхоналари билан тузилган шартномалар асосида сотадилар. Бу турдаги маҳсулотларнинг давлат буюрмаларидан ортикча қисми эркин савдода шартномалар асосида қишлоқ хўжалик маҳсулотларини қайта ишловчи корхоналарга сотилади. Шу ўринда таъкидлаш керакки, бозор иқтисоди шароитида корхоналарга етиштирган маҳсулотларини эркин сотиш имкониятлари тўлиқ борилиши зарур. Шунинг учун давлат буюртмалари ўрнига иқтисодий жиҳатдан ривожланган демократик давлатлардагидек маҳсулотларни эркин сотиб олиш бўйича давлат дастурини ишлаб чиқиш лозим. Шу орқали давлатнинг иқтисодий эркинлаштириш сиёсати амалга оширилиши учун тўлиқ имконият яратилади. Бунда корхоналар ўз ишлаб чиқаришини кенгайтирилган такрор ишлаб чиқариш асосида ривожлантириш учун зарур маҳсулотларни ички талабларни қондирадиган миқдорда ажратишлари лозим. Бунинг учун ҳам ички шартномалар тузиш керак. Уларда хўжалик ичидаги муносабатларни амалга ошириш тартиби тўлиқ кўрсатилиши зарур.

Шундан сўнг улар қолган маҳсулотларини шартномалар асосида эркин бозорларда, жумладан, биржаларда, кўргазмалар ёрдамида, аукционлар ҳамда чакана савдолар орқали сотишлари мумкин.

Эркин бозор шароитида маҳсулотларни сотиш билан боғлиқ бўлган барча муносабатлар ҳамма талабларга жавоб бера оладиган даражадаги шартномалар асосида амалга оширилиши тақозо этилади.

Шартномалар ҳар икки томоннинг эркин келишуви асосида тузилиши шарт. Шартномаларни тузишдан олдин томонлар бозорни (маркетинг масалаларини) мукамал ўрганишлари, хўжалик раҳбарлари, бош мутахассислар, менежерлар зарур воситаларни қаердан, қачон, қандай баҳоларда, қанча ва қандай усулларда олиш мумкинлигини, шунингдек, ўз маҳсулотларини фойдаси билан сотиш йўллари, хўжалик раҳбарлари, шунингдек, амалиётдаги қонун ва қоидаларни ҳам мукамал билишлари, улар асосида иш юритишлари керак.

Шартномалар узоқ, қисқа муддатга ва бир марта амалга ошириладиган муносабатлар бўйича тузилиши мумкин. Масалан, қишлоқ хўжалик корхоналари маҳсулотларини сотиш учун ҳар йили шу маҳсулотларни (пахта, ғалла, чорвачилик маҳсулотлари ва бошқ.) сотиб олувчилар билан шартномалар тузадилар.

Шартномалар ҳар бир ҳамкор билан маҳсулотлар, бажариладиган ишлар ва хизматлар бўйича алоҳида-алоҳида тузилиши лозим. Уларни тузишни осонлаштириш мақсадида Ўзбекистонда намунавий шартномаларнинг бир неча тури мутасадди ташкилотлар томонидан тавсия этилган. Чунончи, Қишлоқ ва сув хўжалиги вазирлиги вилоятлардаги, туманлардаги бошқармаларига, туманларга ҳамда давлат хўжаликларига, фермер хўжаликларига ўз иш фаолиятларини юритиш учун ерни узок муддатга ижарага бериш; боғ ва токзорларни улар жойлашган ер участкалари билан ижарага бериш бўйича намунавий шартномаларни давлат тилида тақдим этган.

Намунавий шартномаларнинг аксарияти рус тилидаги сабабли тадбиркорлар кўп ҳолларда уларни тушунишга қийналмоқдалар, хатоликларга йўл қўймоқдалар. Қолаверса, улар эскирган тизим қолипида бўлганлиги боис талабларга тўла жавоб бермаётир. Шунинг учун тавсия этилган барча намунавий шартномалар давлат тилига қайта, замон талабларига жавоб бера оладиган даражада ўгирилиши шарт. Намунавий шартномаларда томонларнинг вазифалари, бурчлари, мажбуриятлари, барча шартлар аниқ, тўғри, равон ёзилиши талаб этилади. Масалан, давлат талабини қондириш учун қишлоқ хўжалик маҳсулотларини сотиб олиш бўйича тузиладиган шартномада қуйидаги масалалар аниқ кўрсатилиши лозим: шартнома тузувчиларнинг юридик номлари, раҳбарнинг исми-шарифи; сотувчининг қандай маҳсулотларни, қайси муддатларда, қанча миқдорда тайёрлаб бериши, олувчининг сотиб олган маҳсулотлар учун белгиланган вақтда ҳақ тўлаши лозимлиги; сотилган маҳсулотларнинг ассортименти давлат андозалари бўйича; маҳсулот ишлаб чиқарувчининг уларни сотиб олувчи ташкилот томонидан молиялаштириш тартиби аниқ ёзилган бўлиши; томонларнинг юридик жиҳатдан қафолатланганлиги ҳамда бу қафолатнинг муҳлати; сотувчининг сотиладиган маҳсулотларни олувчига етказиб бериш тартиблари ва муддати; сотилган маҳсулотларнинг баҳолари тўлиқ кўрсатилиши; сотиб олинган маҳсулотларга ҳақ тўлаш тартиби, уларни етказиб бериш шартлари; томонларнинг мажбуриятлари; идишлар ва маҳсулотларни жойлаштириш ишлари, уларга белги, тамға босиш тартиби; тузилаётган шартноманинг ҳаракат муддати, томонларнинг жавобгарлиги; муносабатлар жараёнида вужудга келиши мумкин бўлган муаммо ва келишмовчиликларни бартараф этиш тартиби; шартномаларга ўзгартириш киритиш шартлари; томонларнинг ўзаро алоқаларни ўрнатиш тартиби; форсмажор ёки томонларнинг махсус, тасодифий (ёнғин, сув тошқини, уруш, zilзила) ҳолатларидаги вазифалари, бурчлари; томонларнинг юридик маскани; маҳсулот сотувчи ва сотиб олувчи ҳақидаги тўлиқ маълумотлар; томонларнинг муҳри, раҳбарларнинг исми-шарифи тўлиқ келтирилган бўлиши шарт. Бу шартнома қишлоқ хўжалиги корхоналари билан пахта заводлари, дон комбинатлари ўртасида тузилади.

Шуни алоҳида қайд этиш керакки, шартномаларни тузишда ҳозир ҳам яккаҳокимлик аломатлари мавжуд. Чунки эркин бозорда қайта ишловчи уларнинг рақобатчилари бўлмаганлиги, бўлганда ҳам жуда камлиги сабабли яккаҳокимлик улар томонида бўлади. Оқибатда қишлоқ хўжалиги корхоналари томонидан сотиладиган пахтанинг, ғалланинг баҳоси эркин, келишилган ҳолда ўрнатилаётгани йўқ. Бу муаммоларни тўғри ҳал этиш учун мулкчиликнинг турли шакллари асосланган қайта ишлаш саноати корхоналарини ташкил этишга алоҳида аҳамият бериш зарур.

Лекин, ҳозирги даврда эркин савдо субъектлари чекланганлиги сабабли қишлоқ хўжалик корхоналарининг маҳсулотларини эркин сотиш имкониятлари жуда тор, яъни эркин рақобатли бозор тўлиқ шакллангани йўқ. Масалан, корхоналар маҳсулотларининг давлат бунортмаларидан ортиқча қисмини эркин рақобат асосида сотиб оладиган пахта тозалаш заводлари, дон комбинатлари жуда кам. Шунингдек, туманларда сабзавот, боғдорчилик, чорвачилик маҳсулотларини сотиб олувчи корхоналар ҳам чекланган. Қишлоқ хўжалик маҳсулотларини четга олиб чиқиб сотиш учун талайгина муаммолар ҳал этилиши талаб қилинади. Уларни ҳал этиш учун барча хўжалик раҳбарларининг имкониятлари йўқ. Шунинг учун келажакда қишлоқ хўжалик

маҳсулотларини сотиш тизимини такомиллаштириш чора-тадбирларини яратиш зарур. Бунда даставвал нодавлат мулкчилигига асосланган турли хилдаги кичик, ўрта корхоналарни барпо этишга алоҳида эътибор бериш лозим. Шу орқали қишлоқ хуудларида кўшимча иш жойлари ташкил этилиб, маҳсулотларни сотишда эркин бозорни шакллантириш таъминланади. Шунингдек, қишлоқ хўжалик корхоналарининг ўз маҳсулотларини (рақобатбардош бўлса) эркин сотиш имкониятларини кенгайтириш, бу жараёни соддалаштириш керак.


Қишлоқ хўжалик корхоналари етиштирган маҳсулотларни сотишга Республика Қишлоқ ва сув хўжалиги вазирлигининг, Дехқон ва фермер хўжаликлари уюшмасининг жойлардаги бўлимлари ҳамда бошқа манфаатдор ташкилотлар амалий ёрдам беришлари зарур. Шу билан бирга, қишлоқ хўжалик корхоналарида бозорни ўрганиб, савдо-сотик ишларини ривожлантирадиган маркетинг бўлимлари ташкил этиб, уларни ривожлантиришга алоҳида эътибор бериш лозим.

Қишлоқ хўжалик корхоналари ишлаб чиқариши самарали ривожланишини таъминлаш мақсадида етиштирган маҳсулотларининг маълум қисмини ўз такрор ишлаб чиқариши учун уруғликка, кўчат етиштиришга, емга, озукага сарфлайди, ишчи-хизматчиларини ижтимоий муҳофаза қилиш мақсадида иш ҳақи эвазига, умумий овқатланишга беради. Буларнинг ҳаммаси ҳозирча таннархда берилади. Ҳозирги даврда хўжаликлар аҳолини ижтимоий муҳофаза қилиш мақсадида иқтисодий ночор оилаларга, кексаларга, болалар уйларига ҳайрия шаклида ҳам ўз маҳсулотларини бермоқдалар. Бундай муносабатларда хўжаликлар даромад олмайдилар.

Қишлоқ хўжалик корхоналарида етиштирилган маҳсулотлар сотилиши натижасида уларнинг товарлилик даражаси ошиб бормоқда (3-диаграмма).

3-диаграмма

Республикада айрим қишлоқ хўжалик маҳсулотлари товарлилик даражасининг ўзгариши, фоизда



сабабли унинг ҳаммаси давлатга сотилмоқда. Дон маҳсулотларининг товарлилик даражаси 1993 йилда 51,8 фоизга тенг бўлган бўлса, 1996 йилда 65,1 фоизни, 2001 йилга келиб, салкам 70 фоизни ташкил этган, картошканинг товарлилик даражаси шу йиллар ичида 56,1 фоиздан 60 фоизга, сабзаёт маҳсулотлариники эса 60,4 фоиздан 64,9 фоизга, гўшт маҳсулотлариники 30,8 фоиздан 63 фоизга, сутнинг товарлилик даражаси 22,3 фоиздан 50,4 фоизга етган.

Қишлоқ хўжалик маҳсулотлари етиштиришда, сотишда табиий шароитларни ҳамда халқимизнинг ўзига хос миллий хусусиятларини, албатта, эътиборга олиш зарур. Чунки айрим маҳсулотларни етиштиришга табиий шароитлар, айримларини етиштиришга миллий одатларимиз йўл бермайди. Жумладан, чўчкачиликни ривожлантиришга. Лекин бу соҳа самарали ҳисобланади. Етиштирилаётган маҳсулотларни эркин сотишда аҳолининг миллий эҳтиёжини эътиборга олиш лозим.

Чунки мусулмон динига мансуб бўлган аҳоли чўчка гўштани, чўчка гўшtidан тайёрланган маҳсулотларни сотиб олмайди, чунки уларни истеъмол қилмайди. Лекин унни, нон маҳсулотларини, шолени кўпроқ сотиб олади. Чунки улар ҳар куни уч маҳал нон есалар ҳам кўнгилларига тегмайди. Демак, маҳсулот ишлаб чиқариш ва уларни сотишда, тақсимлашда юқоридаги масалаларга эътибор бериш лозим.

Қишлоқ хўжалигида ўсимликчилик тармоқларини тез суръатларда ривожланиши етиштирилган маҳсулотларни сотиш ҳажмини ошишини таъминлаган. Энг асосан ун маҳсулотларини ҳамда пахта толасини сотиш ҳажми 2004 йилда 2003 йилга нисбатан сезиларли даражада ошган.

10.4. Ялпи маҳсулотни кўпайтириш, унинг товарлилик даражасини ошириш йўллари

Республика аҳолисининг аксарият қишлоқ хўжалиги маҳсулотларга бўлган эҳтиёжи ҳам тўлиқ қондирилмаяпти. Уларнинг айримларини четдан олиб келиб, сотиш орқали ҳам бу муаммо тўлиқ ечилганича йўқ. Бу асосан дон, қанд, шакар маҳсулотларига, катоска ва чорвачилик маҳсулотларига, айниқса, гўшт ва сут маҳсулотларига тегишли. Шунинг учун барча турдаги корхоналарда қишлоқ хўжалик маҳсулотлари етиштиришни кўпайтириш энг долзарб муаммодир. У сиёсий, иқтисодий ҳамда ижтимоий аҳамиятга эга. Бу муҳим муаммони ҳал этишнинг асосан икки йўли мавжуд:

- ◆ **Экстенсив йўл.** Яъни, экин майдонларини, чорва ҳайвонлари бош сонини кўпайтириш ҳисобига ялпи маҳсулот ҳажмини кўпайтириш. Бу усулни адабиётларда, Америка усули, деб ҳам аташади. Лекин унинг ривожлантирилиши айрим ишлаб чиқариш ресурслари, жумладан, ер ва сув ресурслари табиатан чекланганлиги сабабли тўлиқ таъминланмайди.

Бу усулда қишлоқ хўжалик маҳсулотлари ҳажмини кўпайтириш учун моддий маблағ ҳамда меҳнат сарфлари асосан янги ерларни ўзлаштириб, қишлоқ хўжалик ишлаб чиқариши муомаласига киритишга ҳамда чорва ҳайвонлари бош сонини кўпайтиришга қаратилади. Натижада ўсимликчилик ва чорвачилик маҳсулотларининг миқдори кўпайтирилади. Шу билан бирга бу жараёнда янги техникаларни, илғор технологияларни, зооветеринария ишларини ҳам амалга ошириш талаб қилинади. Демак, бу усул ёрдамида ялпи маҳсулот ҳажми кўпайиши, сифати яхшиланиши таъминланади.

- ◆ **Интенсив йўл.** Яъни, фойдаланилаётган ерларнинг унумдорлигини ошириш, фан-техника, самарали технологияларни жорий этиш натижасида мавжуд ресурслардан оқилона фойдаланиш, уларнинг унумдорлигини юксалтириш, чорвачиликда зоттехнология, ветеринария ишларини ривожлантириш асосида ҳайвонларнинг маҳсулдорлигини ошириш. Бу усулни адабиётларда, Пруссия йўли, деб ҳам аталади. Қишлоқ хўжалик маҳсулотларининг ҳажмини кўпайтириш, сифатини яхшилаш асосан моддий, маблағ ва меҳнат сарфларини, фан ютуқларини, янги техникаларни ҳамда илғор технологияларни, ҳайвонларнинг насл ва зотларини, ўсимлик навларини яхшилашга қаратиш орқали, бинобарин, қўшимча инвестицияларни амалга ошириш ҳисобига таъминланади.

Республикада экстенсив йўл билан қишлоқ хўжалик маҳсулотларини кўпайтириш Фарғона водийсининг аксарият хўжаликларида, Хоразм вилоятида ҳамда эскидан дон суғориладиган ҳудудларда анча чекланган. Лекин интенсив усулдан барча вилоятларда фойдаланиш имконияти мавжуд. Бунинг учун, аввало, бутун аҳолида ватанпарварлик руҳи ривожланишига эришиш, ўз ҳаётимизнинг юксалишини ўзимиз таъминлашимиз керак, деган тушунча барчада мустаҳкам шаклланиши керак. Ватанпарварлик, албатта, иқтисодий тадбиркорлик билан мустаҳкам, реал боғланиши, чунончи, тадбиркорликни амалга ошириш учун маблағлар бўлиши лозим. Уларни асосан ишлаб топиш зарур, етишмаган қисмини эса давлат ва маҳаллий бюджетлардан, қарзлар ва бошқа манбалар ҳисобига қоплаш мумкин. Бу маблағларни қишлоқ хўжалик

маҳсулотларини кўпайтириш, уларнинг сифатини таъминловчи куйидаги тадбирларга сарфлаш мақсадга мувофиқдир:

- янги ерларни комплекс ўзлаштиришга;
- зотли, сермахсул чорва ҳайвонларини яратиш, сотиб олишга;
- янги боғлар, токзорлар, кўп йиллик дарахтзорларни барпо этишга;
- янги ирригация-мелиорация тизимини барпо этиш, мавжудларининг ишга яроқлилигини таъминлаш мақсадида таъмирлашга;
- сермахсул ўсимлик навларини, чорва зотларини яратиш мақсадида фан-техникани ривожлантиришга;
- янги техникаларни, илғор технологияларни ишлаб чиқаришга изчил жорий этишга;
- ишлаб чиқаришни комплекс механизациялаштириш, кимёлаштиришни ҳамда электрлаштиришни таъминлашга;
- мавжуд асосий воситаларнинг ишга яроқлилигини таъминлашга;
- ўсимликчиликнинг, чорвачиликнинг ишлаб чиқариш воситаларига бўлган талабини имконият даражасида таъминлашга;
- ишчи-хизматчиларнинг билимини, малакасини юксалтириш ва моддий ҳамда маънавий рағбатлантиришни реал, таъсирчан усуллар орқали ривожлантиришга;
- ишлаб чиқаришни либераллаштириш, эркинлаштиришга, ислоҳотларни чуқурлаштиришга;
- ишлаб чиқариш, давр харажатларини, молиявий харажатларни имконият доирасида камайитиришга;
- солиқлар тизimini такомиллаштиришга;
- айрим қишлоқ хўжалик маҳсулотларининг баҳоларини эркинлаштириш ва бошқаларга.

Таъкидланган тадбирлар ўз вақтида, сифатли амалга оширилиши натижасида ўсимликчилик, чорвачилик маҳсулотлари миқдорининг кўпайиши ва қийматининг ошиши таъминланади. Қишлоқ хўжалик маҳсулотлари ҳажмининг ўсиши улар ички ва ташқи талабни қондириш мақсадида кўпроқ сотилишини таъминлайди. Натижада ўсимчилик, чорвачилик маҳсулотларининг товарлилик даражаси оширилади.

Ҳозирги даврда қишлоқ хўжалик маҳсулотларини сотишда эркин, рақобатли бозор талаб даражасида шаклланмаган. Шу сабабли, жамоа, ширкат ҳамда фермер хўжаликлари сотган маҳсулотларининг ҳақини вақтида ола олмаяптилар, оқибатда дебиторлик қарзлари ортиб бормоқда. Чунончи, республикадаги жамоа, ширкат хўжаликларининг дебиторлик қарзлари 2000 йилда 64,2 млрд.сўмни ташкил этган бўлса, 2001 йилга келиб, 71,8 млрд.сўмга етган. Бундай ҳол қишлоқ хўжалигини ривожлантиришга салбий таъсир кўрсатмоқда.

Қишлоқ хўжалик маҳсулотлари сотиш тизимини эркин бозор талабларига жавоб берадиган даражага олиб чиқиш лозим. Бунинг учун аввало, қишлоқ хўжалик корхоналарининг ўзида маркетинг масалалари билан мунтазам шуғулланадиган гуруҳлар ёки бўлимларни ташкил этиш, уларни эркин бозор маълумотлари билан мунтазам таъминлаш зарур.

Шунингдек, қишлоқ хўжалик маҳсулотларини сотиб олиш билан шуғулланувчи барча ташкилотларнинг, корхоналарнинг фаолиятини ривожлантириш, уларнинг бўлимларини ишлаб чиқаришга яқинлаштириш керак. Шундагина ортиқча харажатларга, нобудгарчиликка йўл қўйилмайди: қишлоқ хўжалик корхоналари тез айнийдиган маҳсулотларни 70-100 км. масофадаги заводларга ташиб, вақтдан ютказмайди, ортиқча харажатлар қилмайди ва маҳсулот сифати ёмонлашмайди, маҳсулотларнинг кўпроқ, тезроқ, арзонроқ сотилиши таъминланади.

Бундан ташқари корхоналарнинг ўзлари ҳам етиштирган маҳсулотларини сотиш билан шуғулланувчи уюшмалар ташкил этишлари мумкин. Уюшмага кирувчилар учун эркин, қулай шароитлар яратилиши лозим. Бундай уюшмалар маҳсулотларни сотишда эркин рақобатли бозор вужудга келишида муҳим ўрин тутаяди.

Натижада қишлоқ хўжалик корхоналари маҳсулотларининг ҳақини келишилган муддатларда олиш имкониятларига эга бўладилар, уларни хўжаликлар ишлаб чиқаришга сарфлаши натижасида ялпи ва товар маҳсулотларини кўпайтиришга эришадилар.

10.5. Субъектлар ўртасидаги муносабатларнинг хусусий асоси, турлари, мазмун ва моҳияти.

Эркин бозор иқтисодиёти шароитида барча турдаги тадбиркорлик субъектлари ўз мақсадларига ўзаро турли хилдаги муносабатларни амалга ошириш натижасида эришадилар. Чунки бу эркин, рақобатли бозор иқтисодининг асосий шартларидан биридир.

Бу муносабатлар кўламига кўра:

- давлатлараро;
- давлат билан корхона, ташкилот, фуқаролар ўртасида;
- корхоналар, ташкилотлараро;
- корхона, ташкилотлар билан ишчилар ўртасида ва ниҳоят, фуқаролар ўртасида

амалга оширилади.

Демак, бу муносабатлар икки ёки бир неча томонлар ўртасида амалга оширилади. Одатда бу муносабатлар оғзаки ёки ёзма шаклдаги келишувлар асосида амалга оширилади. Уларнинг иқтисодиётдаги аҳамияти бекиёс. Жумладан, томонлар оғзаки келишувларга асосланган ҳолда турли хилдаги масалаларни тезкорлик билан ҳал этилишини таъминлаб берадилар. Бу сўзсиз иқтисодиётга таъсир этади. Лекин оғзаки келишувлар юридик кучга, ҳуқуқга эга эмас. Шунинг учун бозор субъектлари барча муносабатларни ёзма равишда, хужжатлаштирилган ҳолда амалга ошириши мақсадга мувофиқдир. Бунинг учун томонлар келишилган ҳолда шартномалар тузадилар.

Ҳозирги даврда қишлоқ хўжалик корхоналари давлат буюртмаларини (пахта хом ашёсига ҳамда ғаллага нисбатан) бажариш мақсадида давлат томонидан белгиланган ташкилотлар билан контрактация шартномаларни белгиланган муддатларда тузадилар. Давлат буюртмаларидан ортиқча бўлган ҳамда сабзавот, полиз, картошка, боғдорчилик ва чорвачилик ва бошқа маҳсулотларни эркин бозорда сотиш учун уларни олувчилар билан фючерс шартномаларини тузишлари мумкин.

Ширкат, фермер хўжаликлари маҳсулот ишлаб чиқариш учун зарур бўлган минерал ўғитларни, бошқа кимёвий воситаларни, ёқилғи-мойлаш материалларини, барча турдаги техникаларни, эҳтиёт қисмларини сотиб олиш ҳамда барча турдаги хизматларни кўрсатувчи субъектлар билан фючерс шартномасини тузмоқдалар. Шу тузилаётган барча турдаги шартномаларнинг хусусий асосини қуйидагилар ташкил этади:

- Ўзбекистон Республикаси Фуқаролик Кодекси;
- “Хўжалик юритувчи субъектлар фаолиятининг шартномавий-хусусий базаси тўғрисида”ги Ўзбекистон Республикасининг қонуни;

- қишлоқ хўжалиги маҳсулотлари етиштирувчилар билан тайёрлов, хизмат кўрсатиш ташкилотлар ўртасида шартномалар тузиш, уларни рўйхатдан ўтказиш, бажариш, шунингдек, уларни бажарилиш мониторингини олиб бориш тўғрисидаги Низом.

Контрактация шартномалари, шунингдек, моддий-техника ресурсларини етказиб бериш ва хизматлар кўрсатиш (ишларни бажариш) юзасидан тузиладиган шартномалар хўжаликларнинг бизнес-режаларида назарда тутилган ҳолатлардан келиб чиққан ҳолда, агротехника тадбирларини амалга ошириш бошланишидан 1 ой олдин, лекин календар йил бошланишдан кечикмай тузилади. Шартномаларни тузишга хўжалик, ташкилот раҳбарлари мутахассислари билан биргаликда, ижодкорликда барча ижобий ҳислатларига асосланган ҳолда, бурч ва масъулиятларини тушунганлари ҳолда ёндашишлари лозим. Шундагина уларнинг сифатли ва ўз вақтида тузилиши таъминланади. Барча турдаги шартномалар республикада ишлаб чиқилган намунавий шаклларга амал қилинган ҳолда манфаатдор субъектлар томонидан мустақил ҳолда тузилиши лозим. Шартномалар узок,

қисқа муддатли ва бир марта амалга ошириладиган муносабатлар бўйича тузилиши мумкин.

Тузиладиган шартномаларда томонларнинг юридик номи, уларни раҳбарларининг фамилияси, исми, отасининг исми, шартнома мавзуси, яъни шартнома нима мақсадда тузилаётганлиги, агар маҳсулот сотиш бўйича бўлса, унинг номи, тури, ассортимент, сифати, унинг миқдори, даврлар бўйича нархи, ассортимент бўйича бозор талабларидан келиб чиққан ҳолда белгиланади. Шунинг билан биргаликда маҳсулот сотувчи корхона қандай идишларга, қандай қилиб солиб, қадоклаб юбориши ҳам кўрсатилади. Хуллас, шартномада сотувчи ўз маҳсулотларини истеъмолчига сифатли ҳолда, ўз вақтида етказиб беришини аниқ, раван кўрсатиб бериши керак. Булар маҳсулот сотувчи томон субъектининг мажбурияти, бурчи ҳисобланади. Шартномага мувофиқ маҳсулотни сотиб олувчи ташкилот (субъект) сотувчи томонидан шартнома шартларига оид юбориладиган маҳсулотни ўз вақтида тушириб олиш ва унга белгиланган тартибда ҳақ тўлаш тартибини аниқ эътиради. Бу маҳсулот сотиб олувчининг бурчи, мажбурияти ҳисобланади. Ушбу шартномада маҳсулотни ташиш ва тушуриш бўйича барча харажатлар тайёрлов ва хизмат кўрсатиш ташкилотлари зиммасига юкланиши ҳамда маҳсулот уни сотувчи хўжалик транспортида етказиб берилса, тайёрлов ва хизмат кўрсатиш ташкилотлари хўжаликка маҳсулотни ташиш харажатларини ҳақиқий брутто вазни бўйича қоплашини кўрсатади. Уларнинг суммаси қонун ҳужжатларга мувофиқ тасдиқланган нормалар ва тарифлар бўйича белгиланади. Юқоридагилар билан биргаликда шартномада томонларнинг шартнома мажбуриятлари бажарилмаганлиги ёки зарур даражада бажарилмаганлиги учун томонларнинг мулкӣ жавобгарлиги аниқ республика Фуқаролик кодексининг 324-329 моддаларидаги талаблари негизида белгиланади. Масалан:

- қишлоқ хўжалиги маҳсулотларини контракция шартномасида белгиланган ассортимент ва турларда, муддатларда топширилишидан асосиз бўйин товлаган хўжалик тайёрловчига топширилмаган маҳсулот қийматининг 25%и миқдорида жарима тўлайди. Жарима миқдори ўтган давр (ой, чорак, йил)да маҳсулотнинг шаклланган ўртача нархидан келиб чиқиб, харид нархларига белгиланган устамалар тўплашни ҳисобга олмасдан ҳисоблаб чиқилади. Бундан ташқари, зарарнинг маҳсулот етказиб берилмаганлиги туфайли юзага келган жарима билан қопланмаган қисми ҳам тўланиши;

- қишлоқ хўжалиги маҳсулотини контракция шартномасида белгиланган ассортимент, турлар ва муддатларда қабул қилиб олиш, рад этилган ҳар бир ҳолат учун тайёрлов ташкилоти хўжаликка белгиланган устамалар тўлашни ҳисобга олмасдан шаклланган ўртача нархдан келиб чиқиб, қабул қилинмаган маҳсулот қийматининг 25%и миқдорида жарима тўлайди, тез бузилувчи маҳсулот бўйича эса – унинг тўлиқ қийматини тўлайди. Бундан ташқари, маҳсулотни қабул қилиш рад этилганлиги туфайли хўжалик кўрган зарарнинг жарима билан қопланмаган қисми ҳам тўланади;

- контракция шартномасига мувофиқ топширилган (юклаб жўнатилган) қишлоқ хўжалиги маҳсулоти учун ҳақ тўлашдан асосиз бош тортилганда (хўжаликка тегишли суммаларни, белгиланган устамаларни ҳам қўшиб, ўз вақтида ҳисоблаб ўтказмаганлик, ҳисоб-китобларнинг акцепт шаклида эса тўлов топшириғи акцептини асосиз тўлиқ ёки қисман рад этганда) тайёрлов ташкилоти хўжаликка тўланмаган суммани ўзи тўлашдан бош тортган сумманинг 15 %и миқдоридаги жаримани тўлайди. Тайёрлов ташкилоти жаримадан ташқари, хўжаликка муддати ўтказиб юборилган ҳар бир кун учун белгиланган муддатда тўланмаган сумманинг 0.4 %и миқдорида, бироқ муддати ўтказиб юборилган суммаларнинг 50 %идан ортиқ бўлмаган пеня тўлайди;

- товар-транспорт ҳужжатини расмийлаштириш рад этилганлиги ёки нотўғри расмийлаштирилганлиги учун айбдор томон бошқа томонга товар-транспорт ҳужжатини расмийлаштириш рад этилганлиги ёки нотўғри расмийлаштирилганлигининг ҳар бир ҳолати учун энг кам ойлик иш ҳақи миқдорида жарима тўлайди;

- юклаб жўнатилган товарларга тўлов ёки товар-транспорт ҳужжатининг нусхаси белгиланган муддатда юборилмаганлиги ёки товарлар юклаб жўнатилганлиги тўғрисида

бошқа ахборот тақдим этилмаганлиги учун айбдор томон ҳар бир ҳолат учун товар қийматининг 1 %и миқдорида жарима тўлайди;

- хўжаликни стандартлар талаблари ва техник шартларга жавоб берадиган, маҳсулотнинг тегишли турларини харид қилишнинг тартибга солувчи йўриқномалар ва қоидаларда ёки контрактация шартномасида белгиланган миқдорда ва муддатларда идиш ва ўраш материаллари билан таъминланмаганлиги учун тайёрлов ташкилоти хўжаликка етказиб берилмаган идиш, ўраш материалларни етказиб бериш вақтида амалда бўлган қийматининг икки баробари миқдорида жарима тўлайди. Тайёрловчининг хўжаликни идиш билан таъминламаганлиги маҳсулот сифатининг пасайишига ёки тез бузилувчи маҳсулотнинг бузилишига олиб келган бўлса, тайёрлов ташкилоти хўжаликка кўрилган зарарнинг жарима билан қопланмаган қисмини ҳам тўлайди. Бунда хўжалик сифатсиз қишлоқ хўжалиги маҳсулотлари етказиб берилганлиги учун жавобгарликдан озод қилинади;

- томонлар ўртасида келишилган жадвалга мувофиқ келган транспортнинг белгиланган муддатдан ортиқча бекор туриб қолганлиги учун айбдор томон бекор туриб қолиш билан боғлиқ ҳаражатларни тўлайди. Бекор туриб қолиш вақти, томонлар ўртасида имзоланган далолатномага мувофиқ расмийлаштирилади;

- тайёрлов ёки хизмат кўрсатиш ташкилот томонидан маҳсулот ва кўрсатилаётган хизматлар сифати, миқдори нотўғри аниқланиши, уларнинг қиймати нотўғри белгиланиши ва ундирилиши ҳоллари аниқланган тақдирда тайёрлов ва хизмат кўрсатиш ташкилотлари маҳсулот ва кўрсатилган хизматлар сифатини, шунингдек, уларнинг миқдорини ҳисобга олган ҳолда қайта ҳисоб-китоб қиладилар ҳамда ушбу ҳисобланган суммадан ташқари, хўжаликка нотўғри ҳисобланган сумманинг 20 %и миқдорида жарима тўлайдилар;

- маҳсулот учун ҳисоб-китоб қилишда тайёрловчи томонидан ортиқча олинган пул суммалари қайтариб берилмаган тақдирда (айни бир маҳсулотнинг ўзига такроран ҳақ тўланганда, маҳсулот нархи нотўғри қўлланилганда, товарсиз тўлов талабномасига ҳақ тўланганда ва бошқаларда) тайёрловчи ушбу суммани қайтаради ва бошқа томонга ушбу пул маблағларидан фойдаланилган бутун вақт учун Ўзбекистон Республикаси Марказий Банкнинг қайта молиялаш ставкаси миқдорида ортиқча олинган сумма учун жарима тўлайди;

- агар юклаб жўнатилган маҳсулот (бажарилган ишлар ёки кўрсатилган хизматлар)нинг сифати, ассортимент, сорти стандарт талабларга, техник шартларга, намуналарга (эталонларга) ёки шартномада белгиланган бошқа шартларга жавоб бермаган тақдирда, айбдор томон сифати зарур даражада бўлмаган маҳсулот (бажарилган ишлар, кўрсатилган хизматлар) қийматининг 20 %и миқдорида жарима тўлайди;

- моддий-техника ресурслари етказиб бериш ва хизматлар кўрсатиш бўйича шартномада назарда тутилган мажбуриятлар бажарилиши рад этилганлиги учун хизмат кўрсатувчи ташкилот хўжаликка белгиланган устамалардан ташқари, етказиб берилмаган моддий-техника ресурслари ёки кўрсатилиш керак бўлган хизматлар қийматининг 25 %и миқдорида жарима тўлайди. Жаримадан ташқари, хизмат кўрсатувчи ташкилот хўжаликка моддий-техника ресурслари етказиб берилмаганлиги, ишлар бажарилмаганлиги ёки хизматлар кўрсатилмаганлиги натижасида еказилган зарарни тўлайди;

- етказиб бериш муддати кечиктирилган, товарлар етказиб берилмаган, ишлар бажарилмаган ёки хизматлар кўрсатилмаган тақдирда хизмат кўрсатувчи ташкилот хўжаликка муддати ўтказиб юборилган ҳар бир кун учун мажбуриятларнинг бажарилмаган қисмининг 0.5 %и миқдорида пеня тўлайди, бироқ пенянинг умумий суммаси етказиб берилмаган товарлар, бажарилмаган ишлар ёки кўрсатилмаган хизматлар қийматининг 50 %идан ортиқ бўлмаслиги керак. Пеня тўланиши шартнома мажбуриятларини бузган томонни шартноманинг зарур даражада бажарилишидан ва етказиб бериш кечиктирилганлиги, товарлар тўлиқ етказиб берилмаганлиги, ишлар

бажарилмаганлиги ёки хизматлар кўрсатилмаганлиги туфайли етказилган зарарлар қопланишидан озод қилмайди;

- томонларнинг келишувига кўра шартномада шартнома мажбуриятлари бажарилмаслиги ёки зарур даражада бажарилмаслиги учун жавобгарликнинг амалдаги қонун ҳужжатларга зид бўлмаган бошқа чоралари ҳам назарда тутилиши мумкин;

- зил-зила, қурғоқчилик, сув тошқини, ёнғин ва бошқа табиий офатлар натижасида олдиндан кўриш ва бартараф этиш мумкин бўлмаган (форс мажор) ҳолатлар муносабати билан уларнинг иродаси ва хоҳишига боғлиқ бўлмаган сабаблар бўйича ўз зиммаларига олган шартнома мажбуриятлари бажарилмаганлиги учун бир томон бошқа томон олдида жавоб бермайди;

- хўжаликлар томонидан контрактация шартномалари бажарилмаганлиги ёки зарур даражада бажарилмаганлиги учун уларни жавобгарликка тортишда, шунингдек, ҳатти-ҳаракатлари (ҳаракатсизлиги) натижасида контрактация шартномалари бўйича шартнома мажбуриятлари хўжаликлар томонидан бажарилмаслиги (зарур даражада бажарилмаслиги) учун хизмат кўрсатувчи ташкилотларнинг жавобгарлиги ҳам кўриб чиқилади.

Хизмат кўрсатиш ташкилотларининг айби билан хўжаликлар томонидан контрактация шартномалари бажарилмаслиги (зарур даражада бажарилмаслиги) натижасида етказилган зарар ушбу ташкилотлар томонидан белгиланган тартибда қопланиши кўрсатилади.

Ушбу шартномада шаклланган низоларни, форс-мажор ҳолатларини ҳал этиш тартиби, ҳисоб-китоблар тартиби, шакли, муддатлари, томонларнинг тўлов ва бошқа реквизитлари, шартнома тузилган сана ва жойи кўрсатилади.

Қишлоқ хўжалиги маҳсулотларини етиштириш учун ишлаб чиқариш жараёнларидаги ишларни, хизматларни бажариш билан ҳамда хўжаликларга зарур бўлган минерал ўғит ҳамда барча турдаги кимёвий воситаларнинг, ёқилғи-мойлаш материалларини, техника воситаларини етказиб бериш билан боғлиқ бўлган муносабатлар бўйича тузиладиган шартномаларда ҳам юқорида кўрсатилган барча масалалар ўз аксини тўлиқ топиши лозим.

Юқорида кўрсатилган мазмунда тузилган шартнома лойиҳаси тайёрлов ва хизмат кўрсатувчи ташкилот томонидан 7 кун давомида кўриб чиқилиб, протоколга асосан тузувчига қўл қўйиш (ижобий бўлса) учун қайтарилади. Низо бўлса, у бир ҳафта ичида кўриб чиқиб, ечилади. Барча талабларга тўлиқ жавоб берадиган шартномалар томонларнинг ҳар бири ва туман қишлоқ ва сув хўжалиги бўлими учун бир нусхада тузилади. Унинг барча нусхалари бир хил кучга эгадир.

Шартнома томонларнинг раҳбарлари имзолаб, муҳрларини қўйган кундан бошлаб юридик кучга эга бўлиб, тузилган ҳолда тасдиқланган ҳисобланади.

Шундай шартномалар 3 кун мобайнида тайёрлов ёки хизмат кўрсатиш ташкилотлари томонидан туман қишлоқ ва сув хўжалиги бўлимига рўйхатдан ўтказиш учун тақдим этилади.

Рўйхатдан ўтказиш учун тақдим этилган шартномаларни кўриб чиқиш туман қишлоқ ва сув хўжалиги бўлими томонидан 3 иш куни мобайнида амалга оширилади.

Шартномаларни рўйхатдан ўтказишда қўшимча ҳужжатлар ёки тўлов талаб қилинишига йўл қўйилмайди.

Шартнома:

- унинг амалдаги қонун ҳужжатларига мувофиқлиги;
- унда ушбу низомнинг 10 – бандида кўрсатилган муҳим шартлар мавжудлиги;
- хизмат кўрсатиш ташкилотлари томонидан нарх бўйича тартибга солиниши керак бўлган маҳсулотлар (ишлар, хизматлар) нархларининг ошириб юборилиши юзасидан текширилади.

Шартнома қўйиладиган талабларга мувофиқ бўлган тақдирда туман қишлоқ ва сув хўжалиги бўлими уни белгиланган тартибда рўйхатдан ўтказди. Шартноманинг барча

нусхаларига рўйхатдан ўтказганлик тўғрисида белги қўйилади, туман қишлоқ ва сув хўжалиги бўлими ходими томонидан имзоланади, имзо муҳр билан тасдиқланади.

Туман қишлоқ ва сув хўжалиги бўлимларида шартномаларни рўйхатдан ўтказиш дафтарлари юритилади. Уларда қуйидаги маълумотлар мавжуд бўлади:

- шартномани руйхатдан ўтказиш тартиб рақами;
- шартнома тузилган сана;
- шартнома руйхатдан ўтказилган сана;
- шартноманинг томонлари;
- етказиб бериладиган маҳсулотлар ва кўрсатиладиган хизматлар турлари ва миқдори;
- шартнома суммаси;
- рўйхатдан ўтказилган шартномани олган шахснинг имзоси ва сана.

Шартнома рўйхатдан ўтказилган тақдирда тайёрлов ва хизмат кўрсатиш ташкилотлари шартнома рўйхатдан ўтказилган кундан бошлаб икки кун муддатда хўжаликларга шартноманинг бир нусхасини жўнатишлари шарт.

Рўйхатдан ўтказилган шартномага киритилган ўзгартириш ва қўшимчалар шартнома билан бўлган татрибда расмийлаштирилади ва улар туман қишлоқ ва сув хўжалиги бўлимларида рўйхатдан ўтказилгандан кейин бажарилиши керак.

Барча талабларга тўлиқ жавоб берадиган даржада тузилган шартномалар сифатли тузилган шартномалар ҳисобланади.

Улар республика қишлоқ хўжалигидаги субъектлар ўртасидаги аграр-иқтисодий муносабатларни вақтида, сифатли бажарилишини таъминлаб, иқтисодиётнинг ривожланишини таъминлашимизга хизмат қилади. Лекин амалиётда доимо ҳам шартнома шартлари тўлиқ бажарилаётгани йўқ. Бундай камчиликларга барча корхоналар, ташкилотлар томонидан йўл қўйилмоқда. Масалан, ширкат ва фермерлар шартномада белгиланган миқдордаги маҳсулотларни истеъмолчиларга етказиб бермаётганлик, ёқилғимойлаш материалларини, минерал ўғит ва кимёвий воситаларни, озуқаларни ширкат, фермер хўжаликларига ўз вақтида етказиб бермаслик ҳоллари, давлат тижорат банклари эса уларга ўзларининг маблағларини талаб этган вақтида бермаётганлик ҳоллари учрамоқда. Бу борада Президент И.А.Каримовнинг Олий мажлис қонунчилик палатаси ва Сенатнинг қўшма мажлисидаги маърузасида энг муҳим - барча томонларнинг шартномаларни бажариши юзасидан қатъий интизом ўрнатилиши даркор деган сўзларини келтириш ўринлидир. Бундай ҳолларни бартараф этиш мақсадида республика ҳукумати 2005 йилнинг ўзида бир қанча муҳим қарорларни қабул қилди. Жумладан, банклар зиммасига шу хўжаликлар томонидан талаб этилган миқдордаги ўз маблағини тезкорлик билан етказиб бериш вазифаси юклатилган. Булар албатта, шарномавий муносабатларнинг ривожланишини таъминлайди.

10.6. Қишлоқ хўжалик субъектларидаги ички шартномавий муносабатлар.

Эркин бозор иқтисодиёти шароитида корхона, ташкилот фаолиятининг самарали бўлиши унинг таркибидаги бўлинма ва бўлинлардаги муносабатларни сифатли бажарилиши билан бевосита боғлиқдир. Шу муносабат билан ички муносабатлар ва уларни бажарилишига алоҳида эътибор бериш зарур. Бу муносабатлар асосан:

- корхона, ташкилот раҳбарлари билан ишчи хизматчиларни ишга жалб этиш жараёнида;
- хўжалик раҳбари билан унинг аъзолари ўртасидаги ер муносабатлари жараёнида;
- хўжаликнинг мулкни ижарага бериш ва бошқа ҳолларда юзага келади.

Дарҳақиқат, қишлоқ хўжалиги корхоналарининг самарадорлиги кўп жиҳатдан унинг раҳбари ҳамда ишчи, ходимларнинг фаолиятлари билан боғлиқдир. Қаерда яхши, интизомли одамлар тўғри, тўлиқ меҳнат қилсалар ютуқ ҳам шу ерда бўлади. Шунинг учун хўжалик раҳбари фуқароларни ишга жалб этишда уларнинг билимларига, тажрибаларига, одамийлигига ва бошқа яхши ҳислатларига алоҳида эътибор қаратадилар. Уларни ишга

олиш албатта, меҳнат шартномаси асосида амалга оширилиши зарур. У барча хусусий-меъёрий ҳужжатлар асосида тузилиши лозим. Унда ишга ёлланувчининг фамилияси, исми, отасининг исми, қандай муддатга, қайси лавозимга, ойлик маошининг миқдори, уни бериш тартиби, иш жойи, ижтимоий ҳимояланганлиги, томонларнинг бурчи ва мажбуриятлари ҳамда уларнинг бажарилиши тўлиқ, аниқ акс этирилиши керак.

Қишлоқ хўжалик корхоналари аҳолини ишга жалб этишни “Меҳнат биржаси” ҳамда “Бандлик фонди” орқали амалга ошириш ишлари мақсадга мувофиқдир. Чунки бунда айрим имтиёзларга эга бўлади. Ҳозирги даврда ширкат хўжаликлари ихтиёридаги боғзор, токзор ерлар ширкат аъзоларига ижарага берилмоқда. Шунда ширкат раҳбари билан ижарачи ўртасида боғ ва токзорларни ижарага олиш бўйича шартнома тузадилар. Бу шартнома ким томонидан тузилаётганлиги, яъни фамилияси, исми, отасининг исми, турар жойи, шартнома предмети боғзор ва токзор майдон миқдори, сифати ва дарахтларнинг сони, сифат ҳолатига, уларнинг баланс қиймати, ижара муддати, ижара ҳақи суммаси, уни тўлаш тартиби, маҳсулот (турлар бўйича) етиштириш миқдори, ассортименти, сифати, ерларни етиштириб бериш муддати, нархи, ижарачининг ҳамда ширкатнинг бурчи, мажбурияти, мулкӣ жавобгарлиги, шартнома тузилган сана, имзолар ва бошқа реквизитлар акс этирилиши лозим. Уни томонлар имзолагандан сўнг у кучга киради. Бу шартнома икки нусхада тузилиб, бир хил кучга эгадир. Бир нусхаси ширкат хўжалигида, иккинчиси эса ижарачида сақланади.

Фермер хўжаликлари ихтиёридаги боғзор, токзорларни ижарага бериш шу тўғридаги қонунда таъқиқланган. Фермер хўжаликлари ерларини узоқ муддатга давлатдан ижарага олганликлари муносабати билан уларда ерга нисбатан иккиламчи ижара таъқиқланган.

Лекин, ширкат хўжаликларида ижара муносабатларини ривожлантирилиши натижасида боғзор ва токзорларга фойдаланиш борасида ижарачиларда эгалик қилиш ҳиссиёти барқарор ҳолда юксалмоқда. Шунинг оқибатида, уларда олаётган маҳсулотларига эгалик қилиш ҳиссиёти шаклланмоқда. Бундай ҳол уларга боғзор ва токзорлардан тўлиқ ва оқилона фойдаланиш туйғусини ошириб, кўпроқ ҳосил олишга интилмоқда. Ижарачилар ижара шартларидан ортиқча етиштирган маҳсулотларига мустақил эркин ҳолда эгалик қиладилар. Яъни шартномадан ортиқча етиштирган маҳсулотларни қонунда белгиланган тартибда риоя қилган ҳолда хоҳлаган муддатларда жойларда эркин сотиш имкониятларига эгадирлар. Шунинг натижасида олган пул даромадларини, ҳисоб фойдаларини ўзларининг хоҳишларига кўра фойдаланадилар. Натижада хўжаликнинг ҳам, ижарачининг ҳам оиласининг иқтисодий ҳолати яхшиланади.

Ширкат ҳамда йирик фермер хўжаликларида пахта хом ашёсини, ғалла, картошка, сабзавотчилик маҳсулотларини етиштиришда ижара пудрати асосида юритилмоқда. Бундай ҳолларда ҳам ички ижара шартномалари хўжалик раҳбари ва пудратчи томонидан тузилади.

Унда кимдан, ким қанча ерни, қанча муддатга ижара пудратчига олгани, қайси маҳсулот, қанча ишлаб чиқариш муддати, миқдори, ассортименти, сифати, қанчасини топширилиши, қандай рағбатлантирилиши, мулкӣ жавобгарлиги ҳамда хўжаликнинг бурчи, вазифалари кўрсатилиб, томонлар имзолайди. Шунинг оқибатида у кучга киради. У ҳам икки нусхада тузилиб томонларда сақланади. Шундай тартибда тузилган шартномалар томонларнинг манфаатларини таъминлашга қаратилган бўлади.

10.7. Шартномалар бажарилиш мониторинги.

Барча талабларга жавоб берадиган қилиб тузилган контрактация, фючерс шартномаларини бажарилиши мониторингини амалга ошириш талаб этилади. Шу муносабат билан барча тайёрлов ва хизмат кўрсатиш ташкилотлари ўзаро муносабатда бўлган ҳар бир хўжалик бўйича шартномаларни рўйхатдан ўтказиш ва уларни ўз вақтида тўлиқ бажарилишини мониторинг қилиш дафтарини юритадилар. Ушбу дафтарда шартнома предмети ҳамда томонларнинг вазифалар, мажбуриятларини ифодаловчи

асосий индикаторлар акс эттирилади. Жумладан, ширкат хўжалиги тайёрлов ташкилотига қанча пахта сотиши, унинг ассортименти, миқдори, нархи, даври ва бошқалар акс эттирилади. Хизмат кўрсатувчи ташкилотлар бўйича эса, улар кўрсатилган хизматларнинг тури, ҳажми, даври, сифати, қиймати ва бошқа кўрсаткичлар акс эттирилади. Шартномада кўрсатилган шартлари бажарилиши мониторинги ўтказилади. Масалан, тайёрлов ва хизмат кўрсатиш ташкилотлари ҳисобот давридан кейинги ойнинг ўнинчи кунидан кечикмай ҳар ойда хўжаликлар жойлашган жойдаги тегишли туман қишлоқ ва сув хўжалиги бўлими раҳбариятини белгиланган тартибда пахта, бошоқли экинлар дони ва шоли бўйича хўжаликлар билан тузилган шартномалар шартларини бажарилишини тўғрисида хабардор қилади. Шунингдек, пахта, бошоқли экинлар дони ва шоли етиштириш учун хўжаликлар билан моддий-техника ресурслари етказиб бериш ва хизматлар кўрсатиш (ишларни бажариш) бўйича шартномалар шартини бажарилишининг бориши бўйича ҳам маълумотлар беради. Туманлар миқёсида шу тўпланган маълумотлар 5 кун муддатда вилоят қишлоқ ва сув хўжалиги бошқармасига юборилади. Вилоятнинг бу ташкилоти вилоятдаги барча туманлар бўйича шартномалар бажарилишининг боришини 5 кун муддатда йиғма ахборотини тайёрлайдилар. Шу йиғма ахборот Ўзбекистон Республикаси қишлоқ ва сув хўжалиги вазирлигига ҳамда ҳудудий адлия органларига юборилади. Бу ташкилотлар барча ахборотларни чуқур таҳлил этиб, тегишли хулосалар чиқариб, уларни бажарилиши мониторингини олиб борадилар.

Шартномалар бажарилиши мониторингини амалга оширилиши тузилган барча шартнома шартларини тўлиқ таъминлашга хизмат қилади. Шунинг учун уни сифатли юритилишини таъминлашга алоҳида эътибор қаратиш мақсадга мувофиқдир.

Таянч иборалар:

Иқтисодий муносабатлар, шартномавий муносабатлар, контрактация шартномаси, фючерс гартномаси, маҳсулот сотувчилар, иш ва хизмат кўрсатувчилар, маҳсулот сотиб олувчилар, давлат буюртмаси, эркин сотиш, томонларнинг вазифаси, мажбурияти, мулкый жавобгарлик, хўжалик бўйича шартнома, ички хўжалик шартномаси мониторинги.

Қисқача хулосалар

Қишлоқ хўжалигида аҳоли ва қайта ишлаш тармоқларининг талабларини қондириш мақсадида турли хил маҳсулотлар етиштирилмоқда. Улар мамлакат ялпи ички маҳсулотининг 26-30 фоизини ташкил этмоқда. Ялпи маҳсулот–тайёр маҳсулот ва тугалланмаган ишлаб чиқариш харажатлари йиғиндисидир.

Тайёр маҳсулотларни сотиш натижасида республика валюта тушумининг аксарият қисми шакллантирилмоқда. Ялпи маҳсулот таркибида тайёр ва товар маҳсулотлар салмоғини ошириш мақсадга мувофиқдир.

Қишлоқ хўжалик маҳсулотларини тақсимлаш ва сотиш йўллари, уларнинг бозорини ривожлантиришга эришиш лозим.

Ялпи маҳсулот миқдорини талаб даражасида кўпайтириш, сифатларини яхшилаш мақсадида экстенсив ҳамда интенсив усуллардан фойдаланиш мақсадга мувофиқдир.

Назорат ва муҳокама учун саволлар

1. Нима учун шартномавий муносабатлар амалга оширилмоқда?
2. Шартнома деганда нимани тушунаси?
3. Шартноманинг қандай турлари мавжуд?
4. Шартноманинг мазсуни деганда нимани тушунаси?

5. Томонларнинг вазифаси, мажбуриятлари қандай бўлиши мумкин?
6. Мулкий жавобгарлик қандай бўлади?
7. Ички ижаранинг мазмуни қандай?
8. Мониторинг қандай тартибда амалга оширилади?
9. Ялпи маҳсулот деганда нимани тушунаси?
10. Ялпи маҳсулотлар қандай турларда ҳисобга олинади?
11. Ялпи маҳсулотнинг таркиби қандай ?
12. Тайёр маҳсулот деганда нимани тушунаси?
13. Қандай маҳсулот товар маҳсулоти деб аталади?
14. Маҳсулотларнинг товарлилик даражаси қандай аниқланади?
15. Ялпи ва товар маҳсулотларнинг иқтисодий-ижтимоий аҳамияти қандай?
16. Ялпи маҳсулотни кўпайтиришнинг қандай йўллари бор?
17. Экстенсив ҳамда интенсив усул ҳақида қандай тушунчага эгасиз?
18. Маҳсулотлар сотишни ривожлантиришнинг қандай йўллари мавжуд?

Асосий адабиётлар

1. Ўзбекистон Республикаси Президентининг «Лизинг фаолиятини ривожлантиришни янада рағбатлантириш чора-тадбирлари тўғрисида»ги 2002 йил 28 августдаги Фармони, Халқ сўзи, 2002 йил 30 август
2. Ўзбекистон Республикаси Президентининг «Қишлоқ хўжалигида ислохотларни чуқурлаштиришнинг энг муҳим йўналишлари тўғрисида»ги Фармони. «Халқ сўзи», 2003 йил 25 март.
3. Ўзбекистон Республикаси Президентининг 2003 йил 27 октябрдаги «2004-2006 йилларда фермер хўжаликларини ривожлантириш концепцияси тўғрисида»ги Фармони, «Халқ сўзи», 2003 йил 28 октябр
4. Ўзбекистон Республикаси Президентининг 2004 йил 4 ноябрдаги «2005-2007 йилларда фермер хўжаликларини жадал ривожлантиришга қаратилган таклифлар тайёрлаш бўйича махсус комиссия тузиш тўғрисида»ги Фармони, «Халқ сўзи», 2004 йил 5 ноябр
5. З.М. Ильина, И.В.Мировицкая, «Рўнки сельскохозйственнoгo сўрья и продовольствия», Минск, БГЭУ, 2001
6. Л.Н. Иванов, А.Л. Иванов, «Методў принятия решений бизнес – плана» - М.: Приор - издат, 2004
7. В.В. Ковалев, «Практикум по финансовому менеджменту. Конспект лекций с задачами», - М: Финансў и статистика, 2004
8. Н.А. Коленниковой, А.Д. Миронова, «Бизнес–план. Методические материалў», - М.: Финансў и статистика, 2004
9. М.И. Лехенко, «Основў лизинга: Учебное пособие», - М.: Финансў и статистика, 2004
10. И. Минаков, «Экономика сельскохозйственнoгo предприятия», Учебник, М.: Колос, 2004.

Интернет сайтлари:

1. Коваленко Н.Я. Экономика сельского хозяйства, М. «Юркнига». 2004
<http://FFshopper.h1.ruFbooks.shtml1?topicк935&pageк1>
2. Королев Ю.Б. и др. Менеджмент в АПК, 2002, учебник,
3. <http://Fweb.book.ruFcgi-binFbook.p1?pageк4&bookк88899>
4. Экономика и управление в сельском хозяйстве, 2003,
<http://Fpsbatishev.narod.ruFlibraryF03762.htm>
5. <http://Fwww.bookler.ruFbookisbnF5-7695-1158-3.shtml>

ҚИШЛОҚ ХЎЖАЛИГИДАГИ (ЖОРИЙ ВА ЎРТАЧА) ХАРАЖАТЛАР, УЛАРНИ КАМАЙТИРИШ ЙЎЛЛАРИ

11.1. Қишлоқ хўжалигидаги харажатлар, уларнинг аҳамияти

11.2. Харажатлар таркиби, уларнинг туркумлаштирилиши

11.3. Маҳсулот таннархи ҳақида тушунча (ўртача харажатлар), унинг турлари ва аниқланиш тартиби

11.4. Қишлоқ хўжалик маҳсулотларининг таннарх даражаси, динамикаси ва харажатларни қисқартириш, маҳсулотлар таннархларини пасайтириш йўллари

11.1. Қишлоқ хўжалигидаги харажатлар, уларнинг аҳамияти

Қишлоқ хўжалиги мамлакатимиз халқ хўжалигининг энг муҳим тармоғи, унинг серкирра фаолиятини ташкил этиш ва бошқариш учун маълум миқдорлар моддий, пул ҳамда меҳнат сарф-харажатлари амалга оширилади. Уларнинг мамлакат миқёсидаги миқдори жами ижтимоий харажатлар деб аталади. Ижтимоий харажатлар ижтимоий маҳсулот қиймати билан тенгдир. Уларнинг таркиби қуйидагилардан ташкил топади:

1. Ишлаб чиқариш воситаларида буюмлашган харажатлар. Улар ўтган давр харажатлари бўлиб, C ҳарфи билан белгиланади.
2. Жонли меҳнат харажатлари. Улар ўзи учун янги қийматни яратади, V ҳарфи билан белгиланади.
3. Буюмлашган ва жонли меҳнат уйғунлашиши натижасида жамият учун қўшимча қиймат яратилади. U m ҳарфи билан белгиланган.

Ижтимоий харажатлар, яъни ялпи ижтимоий маҳсулот қийматининг умумий кўриниши қуйидагича: $C + V + m$

Мамлакатнинг жами ижтимоий харажатлари—давлат ҳамда тармоқлар, корхона ва ташкилотлар миқёсидаги барча харажатларнинг йиғиндисидир.

Тармоқнинг ижтимоий харажатлари—индивидуал корхоналарнинг, ташкилотларнинг харажатлари йиғиндисидир. Шундай тармоқлардан энг муҳими, қишлоқ хўжалигидир.

Қишлоқ хўжалик корхоналари турли хилдаги талабларни қондириш мақсадида маҳсулотлар ишлаб чиқариш, хизматларни бажариш учун моддий, пул ва меҳнат харажатларини амалга оширадилар. Юқорида қайд этганимиздек, корхона миқёсидаги моддий ва буюмлашган харажатлар C ҳарфи билан, меҳнат харажатлари, иш ҳақи шаклида бўлиб, V ҳарфи билан белгиланади. Корхоналар харажатларининг умумий кўриниши қуйидагича: $C + V$. Бу умумий харажат ҳисобланади.


Қишлоқ хўжалик корхоналари турли хилдаги маҳсулотларни етиштириш, хизмат ва ишларни бажариш учун моддий ва буюмлашган қуйидаги харажатларни амалга оширадилар: уруғлик, кўчат, минерал, маҳаллий ўғитлар, кимёвий воситалар, ёқилғи, ёғловчи материаллар, озуқа ва ем-хашаклар, асосий воситаларнинг эскириш қиймати, ишчи хизматчиларнинг меҳнатларига тўланган ҳақлар, солиқлар, кредитлар учун тўловлар, маҳсулотларни сотиш билан боғлиқ бўлган харажатлар, кам қийматли, тез эскирувчан материаллар ва бошқалар.

Бозор иқтисодиёти шароитида тармоқда амалга ошириладиган харажатларнинг янги тартиби 1995 йил 1 январдан бошлаб жорий этилган. У «Маҳсулот ишлаб чиқариш (иш, хизмат) ва сотиш таннархларига қўшиладиган харажатлар таркиби ва молиявий натижаларни шакллантириш тартиби тўғрисидаги низом»да (Тошкент, 1999 й.) ўз ифожасини топган. Ҳозирги даврда қишлоқ хўжалигида амалга ошириладиган харажатлар ўзгарувчан ҳамда доимий харажатлардан ташкил топади. Улар ишлаб чиқарилаётган маҳсулотларнинг ҳажми, иш миқдорининг ўзгариши билан узвий боғланган бўлади. Доимий харажатлар ишлаб чиқариладиган маҳсулот ҳажмининг ўзгариши билан боғлиқ эмас. Маҳсулот ҳажми кўпайиши ёки камайиши билан доимий харажатлар қиймати

Ўзгармайди. Масалан, ер учун айрим асосий воситаларга тўланадиган ижара ҳақи, айрим асосий воситаларнинг эскириш суммаси (амортизация суммаси) тўловлари ва бошқалар доимий харажатлар таркибига киради. Ўзгарувчан харажатлар ишлаб чиқариладиган маҳсулот ҳажмининг ўзгариши билан бевосита боғлиқдир. Ишлаб чиқариладиган маҳсулотлар миқдорининг кўпайиши ўзгарувчан харажатлар кўпроқ сарфланишини тақозо этади. Уларга уруғликлар, кўчатлар, минерал ва маҳаллий ўғитлар, озуқалар, ем-хашак, меҳнатга тўланадиган иш ҳақи, электроэнергия харажатлари ва бошқа харажатлар киради.

4-диаграмма

Доимий ва ўзгарувчан харажатларнинг ҳаракати



Доимий ва ўзгарувчан харажатларнинг ўзгариши янги техникаларни, самарали технологияларни жорий этиш, сермахсул чорва ҳайвонларини яратиш, шакллантириш ҳамда илғор тажрибаларни амалга ошириш билан бевосита боғлиқ.

Қишлоқ хўжалигида моддий маблағ ва меҳнат сарфларини амалга оширишда уларнинг ўриндошлигини ҳамда ҳар бир сарфланаётган қўшимча харажатни тежаш, қолаверса, ортиқча сарф-харажатлар қилмасликни талаб этади. Хўжаликларда амалга оширилаётган харажатлар маълум мақсадни ҳал этишга қаратилган. Шундан келиб чиққан ҳолда улар қуйидагича гуруҳлаштирилган:

1. Маҳсулотнинг ишлаб чиқариш таннархига киритиладиган харажатлар:
 - а) бевосита ва билвосита моддий харажатлар;
 - б) бевосита ва билвосита меҳнат харажатлари (иш ҳақи);
 - в) бошқа бевосита ва билвосита харажатлар
2. Ишлаб чиқариш таннархига киритилмайдиган, бироқ асосий фаолиятдан олинган фойдада ҳисобга олинмайдиган ҳамда давр харажатларига киритиладиган харажатлар:
 - а) маҳсулотни сотиш билан боғлиқ харажатлар;
 - б) корхонани бошқариш харажатлари (маъмурий сарф-харажатлар);
 - в) бошқа операцион харажатлар ва зарарлар.
3. Хўжалик юритувчи субъектнинг умумхўжалик фаолиятдан олинган фойда ёки зарарларни ҳисоблаб чиқишда хўжалик юритувчи субъектнинг молиявий фаолияти бўйича ҳисобга олинмайдиган харажатлар.
4. Фавқулодда зарарлар, даромад (фойда)дан олинмайдиган солиқ тўлангунга қадар фойда ёки зарарларни ҳисоблаб чиқишда ҳисобга олинмади.

Қишлоқ хўжалигида сарфланаётган харажатларни имконият доирасида тежашга ҳаракат қилиш зарур. Бунинг учун фан, техника ютуқларини, янги технологияларни, илғор тажрибаларни имконият доирасида ишлаб чиқаришга татбиқ этиш лозим. Харажатларнинг

тежалиши бошқа ишлар бажарилишини ҳамда олинадиган фойда суммаси ошишини таъминлайди. Натижада хўжаликнинг рентабеллик даражаси ортади. Фойда суммасининг ошиши хўжаликни кенгайтирилган такрор ишлаб чиқариш асосида ривожлантириш учун имконият яратади.

Шунинг учун ҳам бу масалага республикамиз ҳукумати, хўжаликларнинг барча ходимлари доимо қатъий эътибор бермоқдалар.

11.2. Харажатлар таркиби, уларнинг туркумлаштирилиши

Қишлоқ хўжалигида маҳсулот етиштириш, иш ва хизматларни бажариш учун қилинаётган барча харажатлар иқтисодий мазмунга, мақсадга, ҳисобот объектига ҳамда шаклланиш манбаларига кўра, қуйидаги элементларга ва моддаларга гуруҳлаштирилган (11-чизма):

- маҳсулот етиштириш, ишларни, хизматларни бажариш билан боғлиқ харажатлар;

- давр харажатлари;

- молиявий фаолият билан боғлиқ бўлган харажатлар;

- фавқулодда қилинадиган харажатлар(фойда, зарарлар).

Иқтисодий моҳиятига кўра, бир хил харажатлар харажат элементларини, бир нечта харажат элементлари харажат моддаларини ташкил этади. Демак, харажат моддалари харажат элементларига нисбатан кенгрокдир.

11-чизма

Қишлоқ хўжалигидаги харажатларнинг иқтисодий элементлар



бўйича гуруҳлаштирилиши

Амалга оширилатган ва оширилиши лозим бўлган харажатларни иқтисодий элементлар бўйича гуруҳлаштириш натижасида меънавий харажатлари учун берилган иш ҳақини ва

унинг таркибини, сарфланган моддий (материал) харажат, турли мақсадларга сарфланган пул харажатлари (объектлари бўйича) суммасини аниқлаб, уларни чуқур таҳлил қилиш имконияти яратилади.


Сарфланаётган харажатларни таҳлил этиш жараёнида уларнинг қанчиси маҳсулот етиштиришга оид технологик жараёнлар бўйича сарфланганлигига ҳам алоҳида эътибор берилади. Бундан мақсад – фан-техника, технология янгиликларини ишлаб чиқаришнинг у ёки бу жараёнига татбиқ этиш натижасида харажатларни тежаш имкониятини аниқлашдир. Шунинг учун ҳам харажатларни маҳсулот етиштириш технологик жараёнлари бўйича ҳам туркумлаштириш мумкин (12-чизма).



Харажатларнинг бундай тартибда туркумлаштирилиши уларнинг ўсимликчилик маҳсулотлари етиштириш даврлари бўйича қилинадиган миқдорини, қийматини аниқлаш имкониятини яратади. Шунга асосланган ҳолда уларнинг самарали амалга оширишлигини таъминлаш маблағлар билан таъминланиш масалалари ҳам ҳал этилишини тақозо қилади.

Қишлоқ хўжалигида харажатларни сарфлашдан яна бир мақсад—етиштирилаётган бир бирликдаги маҳсулот, бажарилаётган ишлар, хизматлар учун ўртача қанча харажат қилинганлигини ҳам аниқлашдир, яъни уларнинг таннархларини билишдир. Маҳсулот (иш, хизмат) таннархи даражаси уларнинг фойдали ёки зарарлилиги бўйича аниқланади. Шунинг учун харажатлар ҳар бир таннарх объекти бўйича тўғри олиб борилишини таъминлаш лозим. Бунинг учун сарфланаётган харажатлар маҳсулот ишлаб чиқариш даврларига қараб қўшилиши бўйича туркумлаштирилади (13-чизма).

Харажатларнинг маҳсулот етиштириш муддатлари бўйича туркумлаштирилиши



Қишлоқ хўжалигида харажат маҳсулот етиштириш жараёнида бевосита ҳамда билвосита сарфланадиган харажатларга ҳам туркумлаштирилади. Бевосита (тўғри) харажатлар маҳсулотларни етиштиришда бевосита қатнашади ва улар маҳсулот ҳажмига, сифатига тўғри таъсир кўрсатмайди.

Қишлоқ хўжалик маҳсулотларини етиштиришда (ишларни бажариш ва хизматларни кўрсатишда) бевосита қатнашадиган харажатларга қуйидагилар киритилмоқда:

1. Маҳсулот (ишлар, хизматлар)нинг ишлаб чиқариш таннархига киритиладиган харажатлар таркиби.

Маҳсулот (ишлар, хизматлар)нинг ишлаб чиқариш таннархини ҳосил қилувчи харажатлар, улар иқтисодий мазмунига кўра, қуйидаги элементлар билан гуруҳларга ажратилади:

- ишлаб чиқариш моддий харажатлари (қайтариладиган чиқитлар қиймати чиқариб ташланган ҳолда);
- ишлаб чиқариш хусусиятига эга бўлган меҳнатга ҳақ тўлаш харажатлари;
- ишлаб чиқаришга тегишли бўлган ижтимоий суғурга ажратмалари;

- асосий фондлар ва ишлаб чиқариш аҳамиятига эга бўлган номоддий активлар амортизацияси;
- ишлаб чиқариш аҳамиятига эга бўлган бошқа харажатлар.

1. Ишлаб чиқариш билан боғлиқ моддий харажатлар

Ишлаб чиқариш билан боғлиқ моддий харажатларга қуйидагилар тегишли:

- ◆ ишлаб чиқариладиган маҳсулотнинг асосини ташкил этиб, унинг таркибига кирадиган ёки маҳсулот тайёрлашда (ишларни бажаришда, хизматларни кўрсатишда) зарур таркибий қисм ҳисобланган, четдан сотиб олинadиган хомашё ва материаллар;
- ◆ нормал технология жараёнини таъминлаш ва маҳсулотларни ўраш учун маҳсулот (ишлар, хизматлар) ёки бошқа ишлаб чиқариш эҳтиёжларига сарфланадиган (асбоб-ускуналар, бинолар, иншоотлар ва бошқа асосий воситалар синовини ўтказиш, назорат қилиш, сақлаш, тузатиш ва улардан фойдаланиш) учун ишлаб чиқариш жараёнида фойдаланиладиган, харид қилинадиган материаллар, шунингдек, асбоб-ускуналарни тузатиш учун эҳтиёт қисмлар, инструментар, мосламалар, инвентар, приборлар лаборатория асбоб-ускуналари ва асосий фондларга кирмайдиган бошқа меҳнат воситаларининг эскириши, махсус кийим-бош ва арзонбаҳоли бошқа ашёларнинг эскириши;
- ◆ сотиб олинadиган, келгусида ушбу хўжалик юритувчи субъектларида монтаж қилинадиган ёки қўшимча ишлов берилadиган бутловчи буюмлар ва ярим тайёр маҳсулотлар;
- ◆ ташқи юридик ва жисмоний шахслар, шунингдек, хўжалик юритувчи субъектнинг ички таркибий бўлинмалари томонидан бажариладиган, фаолиятнинг асосий турига тегишли бўлмаган, ишлаб чиқариш хусусиятига эга бўлган ишлар ва хизматлар.
Ишлаб чиқариш характерига эга бўлган ишлар ва хизматларга маҳсулот тайёрлаш бўйича айрим операцияларни бажариш, хомашё ва материалларга ишлов бериш, истеъмол қилинаётган ашё ва материаллар сифатини аниқлаш учун синовлар ўтказиш, белгиланган технологик жараёнларга риоя этилиши устидан назорат қилиш, асосий ишлаб чиқариш фондларини тузатиш ва бошқалар тегишли бўлади. Хўжалик юритувчи субъект ичида ташқи юридик шахсларнинг транспорт хизматлари (хомашё, материаллар, инструментлар, деталлар, товарлар, юкларнинг бошқа турларини базис (марказий) омбордан қуйи бўғинларга, яъни цехга ва тайёр маҳсулотни сақлаш учун омборга келтириш) ҳам ишлаб чиқариш хусусиятига эга бўлган хизматларга тегишли:
- ◆ табиий хомашё (ер рекультивациясига ажратмалар, ихтисослаштирилган юридик шахслар томонидан амалга ошириладиган ерни рекультивация қилиш ишларига ҳақ тўлаш), илдизи билан берилadиган дарахтга ҳақ тўлаш, саноат корхоналари томонидан сув хўжалиги тизимидан белгиланган лимитлар доирасида ва ундан ортикча олинadиган сув учун ҳақ тўлаш. Саноатнинг хомашё тармоқлари учун ёғоч, тахта материалларидан ёки фойдали қазилмалардан (рудадан) фойдаланиш ҳуқуқларининг амортизация қилинадиган қиймати ёки атроф-муҳитни тиклаш харажатлари;
- ◆ технологик мақсадларга энергиянинг барча турларини ишлаб чиқаришга, биноларни иситишга сарфланадиган ёнилғининг четдан сотиб олинadиган барча турлари, хўжалик юритувчи субъектларнинг траспорти томонидан бажариладиган, ишлаб чиқаришга хизмат кўрсатиш бўйича траспорт ишлари;
- ◆ хўжалик юритувчи субъектнинг технологик, транспорт ва бошқа ишлаб чиқариш ва хўжалик эҳтиёжларига сарфланадиган барча турдаги харид қилинадиган энергия (хўжалик юритувчи субъектнинг ўзи томонидан ишлаб чиқариладиган электр энергияга ва энергиянинг бошқа турларига, шунингдек, харид қилинадиган энергияни истеъмол жойигача трансформация қилиш ва узатиш харажатлари харажатларнинг тегишли элементларига киритилади);
- ◆ ишлаб чиқариш соҳасида моддий бойликларнинг табиий йўқотиш меъёрлари доирасида ва улардан ортикча йўқотилиши, яроксизланиши ва кам чиқиши;
- ◆ хўжалик юритувчи субъектнинг траспорти ва ходимлари томонидан моддий ресурсларни етказиш билан боғлиқ харажатлар (юклаш ва тушириш ишлари ҳам шу жумлага кирadi)

ишлаб чиқариш харажатларининг тегишли элементларига кириши керак (меҳнатга ҳақ тўлаш харажатлари, асосий фондлар амортизацияси, моддий харажатлар ва бошқалар);

- ◆ хўжалик юритувчи субъектлар томонидан моддий ресурсларни етказиб берувчилардан олинadиган идишлар ҳам моддий ресурслар қийматига киритилади;
- ◆ маҳсулот таннархига киритилadиган моддий ресурслар харажатларидан қайтариладиган чиқитлар қиймати, идиш ва ўраш-жойлаш материаллари қиймати. Улар амалдаги сотилиши, фойдаланилиши ёки омборга кирим қилиниши нархи бўйича чиқариб ташланади;
- ◆ «моддий харажатлар» элементи бўйича акс этириладиган моддий ресурслар қиймати сотиб олиш нархидан, шу жумладан, бартер битишувларида, қўшимча нарх (устама)дан, таъминот, ташқи иқтисодий ташкилотлар томонидан тўланадиган воситачилик тақдирлашларидан, товар биржалари хизматлари қийматидан, шу жумладан, брокерлик хизматларидан, божлар ва йиғимлардан, транспортда ташишга ҳақ тўлашдан, ташқи юридик шахслар томонидан амалга ошириладиган сақлаш ва етказиб беришга ҳақ тўлашдан келиб чиқиб шаклланади.

2. Ишлаб чиқариш хусусиятига эга бўлган меҳнатга ҳақ тўлаш харажатлари.

Ишлаб чиқариш хусусиятига эга бўлган меҳнатга ҳақ тўлаш харажатлари таркибига куйидаги моддалар киритилади:

- хўжалик юритувчи субъектда қабул қилинган меҳнатга ҳақ тўлаш шакллари ва тизимларига мувофиқ бажарилган нархномалар, тариф ставкаларига ва лавозим маошларидан келиб чиқиб ҳисобланган, амалда бажарилган иш учун ишлаб чиқариш хусусиятига эга бўлган, ҳисобланган иш ҳақи, шу жумладан, бажарилган ишни ҳисобга олиш бўйича дастлабки ҳужжатларда назарда тутилган рағбатлантирувчи тусдаги тўловлар;
- касб маҳорати ва мураббийлик учун тариф ставкаларига ва окладларига устамалар;
- иш режими ва меҳнат шароитлари билан боғлиқ бўлган компенсация тусидаги тўловлар;
- технологик жараён жадвалида назарда тутилган тунги вақтда, ишдан ташқари вақтда, дам олиш ва байрам (ишланмайдиган) кунларида ишлаганлик учун тариф ставкалари ва окладларга устамалар ва қўшимча ҳақ;
- кун, сменали режимда ишлаганлик, касбларни бирга қўшиб олиб борганлик ва хизмат кўрсатиш зоналарини кенгайтирганлик учун устамалар;
- ҳукумат томонидан тасдиқланган касблар ва ишлар рўйхати бўйича оғир, зарарлик, алоҳида зарарли меҳнат ва табиий-иқлим шароитларида ишлаганлик учун устамалар, шу жумладан, ушбу шароитлардаги узлуксиз иш стажи учун устамалар.
- алоқа, темир йўл, дарё, автомобиль траспорти ва катта йўллар ходимларининг ва доимий иши йўлда ўтадиган ёки қатнов тусига эга бўлган бошқа ходимларнинг иш ҳақи, хўжалик юритувчи субъект жойлашган жойдан жўнаган пайтидан бошлаб шу жойга қайтиб келган, қайтишгача тўланадиган, йўлда ўтган ҳар бир сутка учун тўланадиган устамалар;
- қурилишда, реконструкция қилишда ва мукамал таъмирлашда бевосита банд бўлган, шунингдек, қонун ҳужжатларида назарда тутилган ҳолларда вахта усули билан ишларни бажарган ходимлар учун ишнинг кўчма ва қатнов хусусияти учун устама;
- доимий равишда ер ости ишларида банд бўлган ходимларга уларнинг шахтада (конда) иш жойига жўнаб кетишларидан ва орқага қайтишларигача ўтадиган норматив вақт учун қўшимча ҳақ;
- меҳнатга ҳақ тўлашнинг районлар бўйича тартибга солинишига, шу жумладан, район коэффицентлари ва амалдаги қонун ҳужжатларига мувофиқ чўл, сувсиз ва юқори тоғ жойларида ишлаганлик учун коэффицентлар билан белгиланган тўловлар;
- хўжалик юритувчи субъект жойлашган жойдан (йиғилиш пунктидан) иш жойига ва орқага қайтадиган йўлда ўтадиган кунлар учун вахтада ишлаш жадвалида назарда тутилган, шунингдек, метеорология шароитларига кўра ва транспорт ташкилотларининг айби билан

йўлда қолинган кунлар учун тариф ставкаси, оклад миқдорида тўланадиган суммалар (вахта усулида ишни бажаришда);

- иш вахта усулида ташкил этилганда, иш вақти жамланиб ҳисобланганда ва қонун ҳужжатлари билан белгиланган бошқа ҳолларда ходимларга уларга иш вақтининг нормал давом этишидан ортиқ ишлаганлиги муносабати билан бериладиган дам олиш (ортиқча ишлаган иш вақти учун дам олиш) кунлари учун ҳақ тўлаш;
- ишланмаган вақт учун ҳақ тўлаш;
- амалдаги қонун ҳужжатларига мувофиқ навбатдаги (ҳар йили) ва қўшимча таътиллار, навбатдаги (ҳар йили) фойдаланилмаган ва қўшимча таътиллари учун компенсациялар, ўсмирларнинг имтиёзли соатлари, болани овқатлантириш учун оналар ишидаги танаффуслар, шунингдек, тиббий кўриклардан ўтиш билан боғлиқ вақт учун ҳақ тўлаш;
- мажбурий таътилда бўлган ходимларга, асосий иш ҳақини қисман сақлаб қолган ҳолда ҳақ тўлаш;
- донор ходимларга қонни текшириш, топшириш кунлари учун ва қон топширилган ҳар бир кундан кейин бериладиган дам олиш кунлари учун ҳақ тўлаш;
- давлат вазифаларини бажарганлик учун (ҳарбий йиғинлар, фавқулодда вазиятлар бўйича йиғинлар ва бошқаларда қатнашганлик учун) меҳнат ҳақи тўлаш;
- хўжалик юритувчи субъект штатида турмайдиган ходимлар меҳнатига улар томонидан фуқаролик-ҳуқуқий тусда тузилган шартномалар бўйича ишлар бажарилганлиги учун ҳақ тўлаш, агар бажарилган иш учун ходимлар билан ҳисоб-китоб хўжалик юритувчи субъектнинг ўзи томонидан амалга оширилса, пудрат шартномаси ҳам шу жумлага киради;
- белгиланган тартибга мувофиқ ишлаб чиқариш жараёнида қатнашувчи ходимлар меҳнатига ҳақ тўлаш фондига киритиладиган тўловларнинг бошқа турлари.

3. Ишлаб чиқаришга тегишли бўлган ижтимоий суғуртага ажратмалар.

Ижтимоий суғурта ажратмаларига қуйидагилар киради:

- ◆ қонун ҳужжатлари билан белгиланган нормалар бўйича меҳнатга ҳақ тўлаш фондига ижтимоий тусдаги мажбурий ажратмалар;
- ◆ нодавлат пенсия жамғарларига, ихтиёрий тиббий суғуртага ва ихтиёрий суғуртанинг бошқа турларига ажратмалар;
- ◆ асосий воситалар ва ишлаб чиқариш аҳамиятига эга бўлган номоддий активлар амортизацияси.

Асосий воситалар ва ишлаб чиқариш аҳамиятига эга бўлган номоддий активлар амортизацияси бўйича харажатлар таркибига қуйидагилар киради:

- асосий ишлаб чиқариш фондларининг дастлабки (тиклаш) қийматидан келиб чиқиб ҳисобланган амортизация ажратмалари суммаси (ҳисобланган эскириш). лизинг бўйича ва белгиланган тартибда тасдиқланган меъёрлар, қонун ҳужжатларида амалга ошириладиган жадаллаштирилган амортизация ҳам шу жумлага киради;
- ишлаб чиқариш аҳамиятига эга бўлган номоддий активлар эскириши ҳар ойда хўжалик юритувчи субъект томонидан дастлабки қиймати ва улардан фойдали фойдаланиш муддатидан (бирок хўжалик юритувчи субъект фаолияти муддатидан ортиқ эмас) келиб чиқиб ҳисобланадиган маҳсулот (ишлар, хизматлар) таннархига тегишли бўлади, фойдали фойдаланиш муддатини аниқлаш имкони бўлмаган номоддий активлар бўйича эскириш меъёри беш йил ҳисобига белгиланади, бирок хўжалик юритувчи субъект фаолияти муддатидан ортиқ эмас.

4. Ишлаб чиқариш тусидаги бошқа харажатлар.

Ишлаб чиқариш тусидаги бошқа харажатларни ҳисобга олишнинг навбатдаги комплекс моддалари – бандларда келтирилган харажатлар элементлари бўйича ажратилади.

1. Ишлаб чиқариш жараёнига хизмат кўрсатиш харажатлари.
2. Ишлаб чиқаришни хомашё, материаллар, ёнилғи, энергия, инструмент, мосламалар ва бошқа меҳнат воситалари ва буюмлари билан таъминлаш харажатлари.

3. Асосий ишлаб чиқариш фондларини иш ҳолатида сақлаш харажатлари (техник кўрик ва каров, ўртача, жорий ва мукаммал тузатиш харажатлари). Асосий ишлаб чиқариш воситаларини барча турда (жорий, ўртача, мукаммал) тузатишларни хўжалик юритувчи субъектнинг ўз кучи билан ўтказиш ишлаб чиқариш харажатларининг тегишли элементлари (моддий харажатлар, меҳнат ҳақи тўлаш харажатлари ва бошқалар) бўйича маҳсулот (ишлар, хизматлар) таннархига киритилади.
4. Зарурат бўлганда, айрим тармоқларнинг хўжалик юритувчи субъектлари Ўзбекистон Республикаси Молия вазирлигининг рўйхати билан мукаммал тузатиш ишларини ўтказиш учун маблағлар захирасини такшил қилишлари мумкин. Ушбу захирага ажратмалар «Ишлаб чиқариш тусидаги бошқа харажатлар» элементи таркибида акс эттирилади ва кўзда тутилаётган харажатлар қиймати ҳамда асосий воситалар ҳар бир объекти мукаммал тузатишларнинг даврийлигидан келиб чиққан ҳолда аниқланади. Захирага ажратмалар меъёри ҳар бир ҳисобот йили охирида қайта кўриб чиқилади ва зарурат бўлганда янги молия йили учун ажратмалар миқдори кўпайтирилиши ёки камайтирилиши мумкин. Агар мукаммал тузатишга захира маблағлари суммаси ушбу объектни тузатишга қилинган ҳақиқий харажатлар суммасидан ошиб кетса, ошиб кетган сумма бўйича тузатиш киритилиши керак, агар ҳақиқий харажатлар ошиб кетса, у ҳолда ошиб кетган сумма «Ишлаб чиқариш тусидаги бошқа харажатлар» элементи таркибида акс эттирилади.
5. Ёнғиндан сақлаш ва кўриқлашни ҳамда хўжалик юритувчи субъектларнинг техникавий фойдаланиш қоидалари билан назарда тутилган бошқа махсус талабларини таъминлаш, улар фаолиятини назорат қилиш харажатлари.
Юқоридагилардан ташқари кўриқлаш харажатлари бундай кўриқлаш мавжуд бўлишини талаб қилувчи мазкур ишлаб чиқаришга махсус талаблар мавжуд бўлган тақдирда маҳсулот (ишлар, хизматлар) таннархига киритилиши мумкин.
1. Ишлаб чиқариш фаолиятига тегишли бўлган асосий воситаларни жорий ижарага олиш билан боғлиқ харажатлар.
2. Табиатни маҳофаза қилиш мақсадларидаги фондларни сақлаш ва улардан фойдаланиш билан боғлиқ жорий харажатлар, шу жумладан, ифлослантирувчи моддаларни йўл қўйиладиган меъёрлар доирасида ва ундан ортикча атроф-муҳитга чиқарганлик учун тўловлар.
3. Ишлаб чиқариш хусусиятлари билан боғлиқ бўлган ва қонун ҳужжатларида назарда тутилган меҳнатнинг нормал шароитларини ва техника хавфсизлигини таъминлаш харажатлари.
4. Ходимларнинг ишлаб чиқариш жараёнида бевосита қатнашиши билан боғлиқ бўлган соғлиқни сақлаш тадбирлари.
5. Текин кўрсатиладиган коммунал хизматлар, озиқ-овқат, айрим тармоқлар ходимларига бериладиган озиқ-овқатлар қиймати, хўжалик юритувчи субъект ходимларига бериладиган текин уй-жой ҳақини тўлаш харажатлари (ёки уй-жой, коммунал хизматлар ва бошқалар учун пул компенсацияси суммаси).
6. Амалдаги қонун ҳужжатларига мувофиқ текин бериладиган ва шахсий фойдаланишда қоладиган буюмлар қиймати (шу жумладан, формали кийим-бош, махсус овқатлар ёки улар пасайтирилган нархлар бўйича сотилиши муносабати билан имтиёзлар суммаси).
7. Ишлаб чиқариш жараёнига тегишли бўлган бошқарувнинг техник воситаларини, бошқарувнинг бошқа техник воситаларини ҳисоблаш марказларини сақлаш ва уларга хизмат кўрсатиш харажатлари.
8. Қонун ҳужжатларига мувофиқ ишлаб чиқаришда банд бўлган ходимларни тиббий кўриқдан ўтказганлик учун тиббий муассасаларга ҳақ тўлаш.
9. Ишлаб чиқариш ходимларини белгиланган ишлаб чиқариш жараёнига тегишли бўлган хизмат сафарларига юбориш бўйича меъёрлар доирасида ва улардан ортикча харажатлар.
10. Ишлаб чиқариш ишчиларини ва ишлаб чиқариш активларини мажбурий суғурта қилиш харажатлари.
11. Брак туфайли келиб чиқадиган йўқотишлар.

12. Ишлаб чиқаришнинг ички сабабларига кўра, бекор туришлар туфайли йўқотишлар.
13. Кафолатли хизмат муддати белгиланган буюмларни кафолатли тузатиш ва уларга кафолатли хизмат кўрсатиш харажатлари.
14. Маҳсулот (хизматлар)ни мажбурий сертификация қилиш харажатлари.
15. Ишлаб чиқариш жароҳатлари туфайли меҳнат қобилияти йўқолиши билан тегишли ваколатли органларнинг қарорлари асосида ва қарорларисиз тўланадиган нафақалар.
16. Умумий фойдаланиладиган йўловчилар транспорти хизмат кўрсатмайдиган йўналишларда ходимларни иш жойига олиб бориш ва олиб келиш билан боғлиқ харажатлар.
 1. Қишлоқ хўжалигида давр харажатлари ҳам амалга оширилади. Улар маҳсулотларни бевосита ишлаб чиқариш жараёнига боғлиқ бўлмай, балки хўжаликнинг соҳалари бўйича ташкил этиш ва уларни бошқариш билан боғлиқ бўлган харажатлардан иборатдир. Бу харажатлар ҳам мақсад вазифаларига кўра, қуйидагича туркумлаштирилади:
 - етиштирилган маҳсулотларни сотиш, хизматларни кўрсатиш учун қилинадиган қуйидаги харажатлар: маҳсулотларни сотиш билан боғлиқ бўлган барча харажатлар;
 - маъмурий харажатлар, уларга тармоқни, корхонани бошқариш билан боғлиқ бўлган барча харажатлар, жумладан, бошқарув тизимларининг фаолияти, бошқарув соҳасидаги воситалар билан боғлиқ бўлган харажатлар;
 - бошқа операцион харажатлар, жумладан, кадрлар тайёрлаш, лойиҳаларни тузиш, ходимларни ижтимоий муҳофаза қилиш билан боғлиқ харажатлар;
 - ҳисобот даврининг келгусида солиқ солинадиган базадан чиқариладиган харажатлар.
 2. Молиявий фаолият бўйича харажатлар. Уларга барча турдаги кредитлар бўйича, мол-мулкнинг ижара ҳақи тўловлари ҳамда қимматли қоғозларни чиқариш, сотиш, тарқатиш билан боғлиқ бўлган харажатлар киради.
 3. Фавқулодда юз берадиган ҳодиса, воқеаларни қоплаш билан боғлиқ бўлган харажатлар. Уларга корхоналарнинг одатдаги фаолиятидан четга чиқувчи ҳодисалар ёки операциялар натижасида вужудга келадиган ва рўй бериши кутилмаган одатдан ташқари харажатлар киради. Масалан, ер қимирлаши, тинчликка хавф солувчи ҳаракатларни маълум миқдорда қоплаш харажати. Чунки улар асосан давлат ва маҳаллий бюджет ҳисобидан қопланади.

11.3. Маҳсулот таннархи ҳақида тушунча (ўртача харажатлар), унинг турлари ва аниқланиш тартиби

Бозор иқтисодиёти шароитида тармоқлар, корхоналар миқёсида умумий қиймат кўрсаткичлари билан биргаликда ўртача харажатлар, яъни таннарх кўрсаткичи ҳам фаолият кўрсатиши тақозо этилади. Таннарх бозор иқтисоди шароитида иқтисодий категория ҳисобланади. Унинг ёрдамида қишлоқ хўжалигида етиштирилаётган маҳсулотлар, бажарилаётган ишлар ва кўрсатилаётган хизматларнинг бир бирлиги хўжаликлар учун қанча сўмга тушганлиги аниқланади. Уларнинг даражаси қийматни ифодаловчи баҳолар даражаси билан таққосланиши натижасида олинадиган фойда ёки кўриладиган зарарлар даражаси аниқланади. Бу кўрсаткич хўжаликларнинг ички бошқарувчилари учун жуда муҳимдир.

Ҳозирги даврда маҳсулот (иш, хизмат)нинг ишлаб чиқариш таннархи аниқланади. Таннарх деганда бир бирликдаги маҳсулот ишлаб чиқариш, иш ва хизматларни бажариш учун сарфланган моддий, меҳнат, пул харажатлари назарда тутилади. Унинг мутлақ (абсолют) даражасини аниқлаш учун барча бевосита ва билвосита ишлаб чиқариш харажатларининг умумий суммаси шу харажатлар ёрдамида ишлаб чиқарилган ялпи маҳсулот миқдорига тақсимланади. Қишлоқ хўжалигида 1 ц. маҳсулотнинг нархи; 1 эталон гектарнинг; 1 тонна-км^Гнинг; 1 квт^Гсоат электроэнергиянинг таннархи аниқланади. Уни қуйидаги формула ёрдамида аниқлаш мумкин:

$$T_n = \frac{\sum Ix}{\sum M_m (I_m, X_m)};$$

Бунда: Тн – маҳсулот, иш, хизмат таннархи, сўмда;

ΣИх – ишлаб чиқариш харажатларининг умумий суммаси, сўмда;

ΣМм (Им, Хм) – ялпи етиштирилган маҳсулот, жами бажарилган иш, хизматлар миқдори цен., тоннада, эталон гектарда...

Етиштирилаётган маҳсулотларнинг:

- ишлаб чиқариш таннархи;
- тўлиқ таннархи, тижориат таннархи аниқланади.

Маҳсулотнинг ишлаб чиқариш таннархини аниқлаш усули юқорида келтирилган. Унинг тўлиқ ёки тижорат таннархи жами харажатларни (жумладан, сотиш харажатлари билан) етиштирилган ялпи маҳсулот миқдорига ёки сотиладиган маҳсулот миқдорига нисбати билан аниқланади.

Қишлоқ хўжалик маҳсулотлари (ишлар ва хизматлар) нинг ҳақиқий ҳамда режа таннархлари аниқланади. Ҳақиқий таннарх даражаси йил якунидаги маълумотлар ёрдамида ҳисобланади. Режа таннархи эса нормативлар, эришилган маълумотлар асосида аниқланиб, «Бизнес режа»да акс эттирилади.

Қишлоқ хўжалигида барча харажатларни амалга ошириш натижасида турли хилдаги асосий, қўшимча ҳамда ёрдамчи маҳсулотлар олинади. Жумладан, пахтачиликда пахта хомашёси асосий маҳсулот ҳисобланса, ғўзапояси қўшимча маҳсулот саналади.


Дончиликда дон асосий, сомони (пояси) қўшимча маҳсулотдир. Қорамолчиликда гўшт, сут асосий, бузоқ қўшимча, гўнг эса ёрдамчи маҳсулот ҳисобланади. Лекин тармоқдаги барча харажатлар асосий маҳсулотни етиштиришга қаратилган бўлади. Шундан келиб чиққан ҳолда 14-чизмада акс эттирилган объектлар таннарх объектлари ҳисобланади.

Қишлоқ хўжалигида етиштириладиган асосий, қўшимча ҳамда ёрдамчи маҳсулотларнинг ишлаб чиқариш таннархлари куйидаги усулларда ҳисобланади:

1. Масалан, дончиликда қўшимча маҳсулотлар белгиланган коэффициентлар ёрдамида асосий маҳсулотларга айлантирилади. Уларни асосий маҳсулотларнинг миқдорига қўшиб, жами ялпи дон маҳсулотининг шартли миқдори аниқланади. Шартли маҳсулот таркибидаги асосий ҳамда ёрдамчи маҳсулотларнинг шартли миқдори салмоғи аниқланади. Шундан сўнг жами ишлаб чиқариш харажатларидан шартли маҳсулот салмоғига мутаносиб равишдаги салмоғи ҳисобланиб, уларнинг умумий суммаси аниқланади. Шу аниқланган сумма асосий маҳсулот миқдорига тақсимланиб, асосий маҳсулотнинг ишлаб чиқариш таннархи аниқланади. Шартли ёрдамчи маҳсулот ҳиссасига тўғри келадиган ишлаб чиқариш харажатларини ёрдамчи маҳсулотнинг ҳақиқий миқдорига тақсимлаб, ёрдамчи маҳсулотнинг ишлаб чиқариш таннархи аниқланади.


Маҳсулот таннархини ҳисоблашнинг жаҳондаги ривожланган мамлакатлар иқтисодиётида ўзини оқлаган «Директ-костинг» тизимини Республикамиз қишлоқ хўжалигида ҳам жорий этиш йўли танланган.

«Директ-костинг» тизимининг моҳияти шундан иборатки, бунда жами харажатлар доимий ва ўзгарувчан қисмларга ажратилади ва маржинал даромад миқдори аниқланади. Ушбу тизимда маҳсулотлар таннархи фақатгина тўғри (ўзгарувчан) харажатлар чегарасида аниқланади. Маҳсулотларни сотишдан келган пул тушуми билан уларнинг харажатлар бўйича таннархини таққослаш натижасида хўжаликнинг маржинал даромадини аниқлаш мумкин. Маржинал даромаддан доимий харажатларни айириш орқали хўжалик маҳсулот сотиш натижасида олган соф фойда аниқланади. Ушбу услубнинг моҳияти 16-17-чизмаларда ифодаланган.




Қишлоқ хўжалигида маҳсулот таннархи объектлари


Харажатларни тақсимлаш услублари



Харажатларни тақсимлашнинг маржинал-костинг услуги



Абзорбши-костинг услуги



Маржинал-костинг услугини республикаимиз кишлок хўжалигига жорий этиш натижасида етиштирилаётган махсулотларнинг реал, аниқ ишлаб чиқариш таннархини ҳисоблаш имкони пайдо бўлди. Бу молиявий ҳисоб учун жуда зарурдир. Лекин бошқарув ҳисоби учун бу услубнинг маълумотлари етарли эмас. Чунки бошқарув ҳисоби учун фақатгина

ишлаб чиқариш таннархи эмас, балки тўлиқ танарх кўрсаткичи ҳам зарур. Шу муносабат билан қишлоқ хўжалигида харажатларни янада чуқурроқ тадқиқ этиш учун уларнинг бошқариш самарадорлигини оширишда абзорбшн-костинг услубини қўллаш мақсадга мувофиқди. Ушбу усулнинг моҳияти шундан иборатки, унда барча харажатлар маҳсулотнинг тўлиқ таннархини шакллантиради. Унинг мазмуни 17-чизмада ифодаланган.

Маҳсулот харажатлари ва таннархини ўрганиш бошқарув ҳисобининг муҳим бўлимларидан биридир.

Меҳнат ва моддий кўринишидаги тўғри харажатлар бевосита аниқ бир маҳсулот ёки хизмат турига оид бўлиши, умумишлабчиқариш харажатлари маҳсулот турига қараб фақат махсус усуллар ёрдамида тақсимланиши мумкин.

Харажатларни тақсимлаш - қилинган харажатларнинг аниқ бир харажат объектига бориш жараёнидир.

Харажатлар объекти – ташкилий бўлинма, шартнома ёки бошқа ҳисоб бирлиги бўлиб, у бўйича харажатлар ҳақидаги маълумотлар йиғилади ва жараёнлар, маҳсулот, шу капитални қўйиш лойиҳаси ва ҳоказолар қиймати ўлчанади.

Маҳсулотлар таннархларини ҳисоблашда таъкидланган маржинал-костинг ва абзорбшн-костинг услублари асосида турли хилдаги усуллар қўлланиши мумкин. Ушбу усуллар 18-чизмада ифодаланган.

18-чизма

Маҳсулот таннархини ҳисоблаш усуллари



Ушбу усулларнинг ижобий томонларини бошқарув ҳисоби тизимида маҳсулотлар таннархларини ҳисоблаш жараёнида татбиқ этиш зарур.

Харажатларни тақсимлашнинг муҳим категорияси бўлиб, харажатлар маркази ҳисобланишини яна бир бор таъкидламоқчимиз.

Харажатлар маркази – ташкилий бирлик ёки фаолият соҳали бўлиб, у ерда активлар хариди учун қилинган чиқимлар ва харажатлар ҳақида ахборот тўплаш мақсадга мувофиқдир.

Барча харажат гуруҳлари бошқарув ечимларини қабул қилишга мўлжалланган. Бошқарув ҳисобида харажатлар икки асосий объект гуруҳлари бўлинмалар ва маҳсулотлар бўйича тақсимланиши керак. Ушбу жараён икки босқичда амалга оширилади:

- харажатлар жавобгарлик марказлари бўйича тўпланади;
- харажатлар муайян бригадада етиштираётган аниқ маҳсулот таннархига тақсимланади.

Тайёр маҳсулот таннархини ҳисоблашда қуйидаги усулларга мурожаат қилишади: ҳамма харажатларни ҳисобга олган ҳолда харажатларни калькуляция қилиш ёки уларнинг бир қисми бўлган ўзгарувчан харажатларнигина ҳисобга олиб, калькуляция қилиш мумкин.

11.4. Қишлоқ хўжалик маҳсулотларининг таннарх даражаси, динамикаси ва харажатларни қисқартириш, маҳсулотлар таннархларини пасайтириш йўллари

Республика Қишлоқ ва сув хўжалиги вазирлиги тизимидаги қишлоқ хўжалик корхоналари турли хилдаги қишлоқ хўжалик маҳсулотлар етиштириш, ишлар ва хизматларни бажариш жараёнида материал, пул ва меҳнат сарфламоқдалар. Бозор иқтисодиётига ўтиш даврида бу харажатлар йил сайин ошиб бормоқда. Агарда 1997 йилда жами ишлаб чиқариш харажатлар суммаси 104,2 млрд.сўм, 1998 йилда 128,6 млрд.сўм, 1999 йилда 196,6 млрд.сўм бўлган бўлса, 2000 йилга келиб 265,7 млрд.сўмга, 2001 йилда эса 469,2 млрд.сўмга тўғри келган.

1997-2001 йилларда харажатларнинг ўсиш даражаси йил сайин ошиб борган. 1998 йилда харажатлар 1997 йилдагига нисбатан 23,4 фоизга ўсган, 1999 йилда 1998 йилдагига нисбатан ўсиш 52,9, 2000 йилда 1999 йилдагига нисбатан 35,1 фоизга тенг бўлган, 2001 йилда эса 2000 йилдагига нисбатан ўсиш 76,5 фоизни ташкил этган. Шу йиллар ичида ишлаб чиқариш кўрсаткичларининг умумий суммаси 2,5 мартага кўпайган (25-жадвал).

Шу йиллар ичида ишлаб чиқариш харажатлари барча вилоятларда ўсган, лекин бу жараён Жиззах, Фарғона, Сирдарё, Навоий вилоятларида юқори суръатларда кечган.

Ишлаб чиқариш харажатларининг ўсишига асосан қишлоқ хўжалигида ишлатилаётган саноат маҳсулотлари баҳоларининг юқори суръатлар билан ўсиши таъсир этган.

Жумладан, ёқилғи, ёнилғи материалларининг ўртача баҳоси 1996-2001 йилларда 5,2 мартага ортган.

Шу билан биргаликда, ирригация-мелиорация ишлари ривожланишида янги техникалар, технологияларнинг жорий этилиши ҳам харажатлар ошишига олиб келган.

**Ўзбекистон Республикаси Қишлоқ ва сув хўжалиги вазирлиги
тизимидаги жамоа, ширкат хўжалиklarининг ишлаб чиқариш харажатлари
динамикаси (млн.сўм)**

Вилоятлар	Йиллар				2000 йилда 1997 йилдагига нисбатан фоизда
	1997	1998	1999	2000	
Қорақалпоғистон Республикаси	7008,5	7777,8	13172,7	14514,6	207,1
Андижон	13547	15517,9	24785,3	31609,8	233,3
Бухоро	9338,9	10839	17830,1	21650,4	231,8
Қашқадарё	13551,7	15583,1	21189,7	27116,2	200,1
Самарқанд	9573,1	11365,4	20015,3	22419,1	234,2
Сирдарё	4020,1	4558,7	6529,2	11122,1	276,7
Сурхондарё	1035,7	11428,4	13969	18229,1	175,7
Наманган	8509,1	9403,1	13409	21561,6	253,4
Навоий	3296,3	3938,2	6206,8	8206,5	249,0
Жиззах	3298,4	3926,8	6940,5	11297,7	342,5
Фарғона	1134,3	12910,2	18616,4	32134,4	283,3
Тошкент	7711,7	8725,8	14284,7	19082,3	247,4
Хоразм	12831,2	12609,6	19674	26722,2	28,3
ЖАМИ	104196	128584	196586,7	265666	246,3

Ишлаб чиқариш харажатлари таркибида иш ҳақи сарфи ижтимоий суғурта ва ижтимоий таъминот тўловларини қўшиб ҳисоблаганда 1998-2001 йилларда 33,7 фоиздан 35,9 фоизга етган. Шу йилларда унинг салмоғи 2,2 фоизга ортган. Бу ижобий ҳол. Яъни ишчи-хизматчиларни моддий рағбатлантириш биров ривожлантирилган. Лекин бу борада эришилган даража талабга тўлиқ жавоб бермайди.

1998-2001 йилларда ишлаб чиқариш харажатлари таркибида ёқилғи ва ёнилғи маҳсулотлари билан боғлиқ бўлган харажатлар 8,9 фоиздан 10,6 фоизгача ортган, иш ва хизматларга тўланган ҳамда материал харажати билан боғлиқ бўлган сарфлар 10,4 фоиздан 12,9 фоизга ортган (26-жадвал).

Худди шундай ўзгаришлар тармоқнинг ўсимликчилик соҳасига ҳам хосдир. Лекин чорвачиликда энг асосий харажатлар ем-хашак ва иш ҳақи билан ижтимоий суғурта ва ижтимоий таъминот сарфларига тўғри келган. Бу соҳада ҳам юқорида кўрсатилган элементлар бўйича харажатлар ортган.

Қишлоқ хўжалигида маҳсулотлар етиштириш, ишлар, хизматлар бажариш билан боғлиқ бўлган харажатларнинг ортиши натижасида етиштирилаётган маҳсулотларнинг таннархлари (ўртacha харажатлари) ҳам ошган.

**Ўзбекистон Республикаси Қишлоқ ва сув хўжалиги вазирлиги
таркибидаги жамоа ва ширкат хўжалиklarида асосий ишлаб чиқариш
харажатларининг салмоғи, фоиз**

Харажат турлари	Харажатлар	Шундан
-----------------	------------	--------

	салмоғи, фоиз		ўсимликчиликда, фоиз		чорвачиликда, фоиз	
	1998	2001	1998	2001	1998	2001
Меҳнат ҳақи сарфи ижтимоий суғурта ва ижтимоий таъминотга ҳисоблангани билан	33,75	35,9	32,5	36,2	22,3	23,5
Уруғлик ва кўчатлар	6,8	6,4	8,7	7,65	-	-
Ем-хашак	5,9	4,8	-	-	47,9	44,0
Маданий ўсимликлар	10,74	9,96	13,6	12,0	-	-
Ёқилғи ва ёнилғи маҳсулотлари	8,9	10,6	10,3	11,1	5,5	6,1
Электр энергияси	2,2	1,3	2,5	1,27	1,9	1,6
Таъмирлаш ва қурилиш материаллари	2,95	1,54	3,4	1,6	2,1	1,7
Иш ва хизматга тўланган, бошқа ташкилотларнинг бажарган ишлари ва материал харажатлари	10,44	12,95	11,9	14,54	6,7	7,5
Ер унумдорлигини ошириш, ўғитлаш ва агрохимё таъмири	2,93	3,3	3,6	3,76	0,8	0,8
Техника учун	5,2	4,26	5,8	4,8	2,2	2,3
Ветеринария ва зоотехника хизмати	0,25	0,2	-	-	2,0	1,8
Аоссий воситаларнинг амортизацияси	1,76	2,1	1,9	1,93	1,5	1,7
Суғурта тўловлари	0,3	0,33	0,3	0,4	0,2	0,1
Банк қарзи фоизлари	0,08	0,1	0,1	0,1	0,1	0,1
Бошқа харажатлар	7,8	6,26	5,4	4,6	6,8	8,7
Ҳамма харажатлар	100,0	100,0	100,0	100,0	100,0	100,0

Республика Қишлоқ ва сув хўжалиги вазирлиги тизимидаги қишлоқ хўжалик корхоналарида 1997-2001 йилларда етиштирилган 1 центнер бошоқли доннинг таннархи 4,4 мартага ортиб, 4638 сўмга тенг бўлган. Лекин шу йиллар ичида буғдой таннархининг ўсиши дон маҳсулотлари тизимида айниқса юқори бўлган. Пахта хомашёсининг 1 центнери таннархи эса, 2440 сўмдан 10380 сўмга етиб, 4,3 мартага ошган. Худди шундай ўсиш сабзавот ва полиз маҳсулотлари бўйича ҳам содир бўлган. Уларнинг таннархлари тегишлига 4 мартадан 4,5 мартагача ошган. Шу йиллар ичида чорвачилик маҳсулотларининг таннархлари жуда юқори суръатлар билан ошган. Жумладан, 1 центнер сутнинг таннархи 5,5 мартага, тирик вазндаги 1 центнер гўштнинг таннархи эса, 10,3 марта ортган (27-жадвал)

27-жадвал

Ўзбекистон Республикаси Қишлоқ ва сув хўжалиги вазирлиги тизимидаги хўжаликларда айрим қишлоқ хўжалик маҳсулотларининг таннархи даражаси, динамикаси, цен. сўмда

	Йиллар					2001 йилда 1997 йилдагига нисбатан, марта
	1997	1998	1999	2000	2001	

Бошоқли дон						
Шу жумладан:	1043	1353	2013	3075	4638	4,4
Буғдой	913	1186	1791	2986	4567	5,0
Картошка	1279	1698	2020	2686	3107	2,4
Пахта хомашёси	2440	3272	3240	6770	10380	4,3
Сабзавот	335	466	543	1094	1518	4,5
Полиз	230	283	366	621	926	4,0
Мева	717	844	1119	1352	1717	2,4
Узум	846	1247	1448	1399	2457	2,9
Сут	2047	2865	3794	6347	11380	5,6
Гўшт(тирик вазнда)	7186	11015	15441	97666	74370	10,3
Жун	3466	3526	5252	14365	25057	7,2
Асал	9018	11581	22006	46245	52156	5,8
Пилла	10363	18252	10765	38388	50890	4,9

Қишлоқ хўжалигида сарфланган харажатлар ўсиши билан етиштирилган маҳсулотлар таннархларининг ўсиши ўртасида узвий боғлиқлик мавжуд. Агар жами ишлаб чиқариш харажатлари 1997-2001 йилларда 4,5 мартага ошган бўлса, дон маҳсулотлари, пахта хомашёси, сабзавот, полиз маҳсулотларининг таннархлари 4-4,5 марта ортган. Булар қишлоқ хўжалиги ялпи маҳсулотининг асосий қисмини ташкил қилади. Лекин айрим чорвачилик маҳсулотлари бўйича таннарх юқори суръатлар билан ўсган. Жумладан, 1 цен. сутнинг таннархи 5,6 марта, тирик вазнидаги шунча гўштники 10,3 мартага, жунники эса 7,2 мартага ошган. Бу қилинган қўшимча харажатлар доим ҳам самарали бўлмаганлигидан далолат беради. Шунинг учун ҳам ҳар бир сўмни оқилона, мақсадга мувофиқ сарфлашга ҳаракат қилиш, яъни материал, пул ҳамда меҳнат харажатларини тежашга, шу орқали етиштириладиган маҳсулотларнинг, бажариладиган иш ва хизматларнинг таннархларини пасайтиришга эришиш лозим. Бунинг учун:

- деҳқончилик ва чорвачилик тармоқларида мавжуд бўлган барча ишлаб чиқариш воситаларидан йил давомида тадбиркорлик билан оқилона, самарали фойдаланиб, барча ишларнинг вақтида, сифатли бажарилишини таъминлашга;
- экинларнинг тезпишар, самарали навларини, уруғчиликни, чорва ҳайвонларининг маҳсулдор зотларини ҳаётга иложи борича кўпроқ татбиқ этишни таъминлашга;
- харажатларни тежайдиган янги техника, самарали технологияларни жорий этиш натижасида ишлаб чиқариш жараёнларининг механизациялаштирилганлик, автоматлаштирилганлик даражасини ошириб, жонли меҳнат сарфини қисқартиришга;
- ирригация, мелиорация ва химизация билан боғлиқ бўлган масалаларнинг сифатли ва самарали ҳал бўлишини таъминлашга;
- меҳнатни ташкил этишнинг самарали шакллари ва рағбатлантириш тизимини такомиллаштиришга;
- экинлар ҳосилдорлигини, чорва ҳайвонларининг маҳсулдорлигини оширишга эришиш лозим.

Таянч иборалар:

Жами харажатлар, харажат элементлари, моддалари, харажатларни туркумлаштирилиши, маҳсулот таннархи, (ўртача харажатлар)доимий харажатлар, ўзгарувчан харажатлар, маҳсулот таннархи турлари.

Қисқача хулосалар

Қишлоқ хўжалигини оддий ва кенгайтирилган такрор ишлаб чиқариш негизида ривожлантириш ҳамда самарадорлигини юксалтириш учун маълум миқдорда моддий, маблағ ва меҳнат сарфлар талаб этилади. Улар ёрдамида ишлар, хизматлар бажарилиб, турли хилдаги маҳсулотлар етиштирилади. Бундай сарфлар доимий ва ўзгарувчан харажатлардан иборат бўлади. Харажатлар иқтисодий элементлар, маҳсулот етиштириш технологик жараёнлари, муддатлари ва бошқа мақсадларга кўра туркумлаштирилади. Улар ялпи ва ўртача харажатлардан ташкил топади. Сўнгги йилларда ялпи ва ўртача харажатлар суммаси (миқдори) йил сайин ошиб бормоқда. Улар таркибида, айниқса, моддий-техника ресурсларига йўналтирилаётган харажатларнинг салмоғи улкан. Ялпи ва ўртача харажатлар миқдорини камайтириш мақсадида тармоқдаги барча жараёнларни механизациялаштириш, автоматлаштириш, электрлаштириш натижасида экинлар ҳосилдорлигини, чорва ҳайвонлари маҳсулдорлигини ошириб, маҳсулотлар сифатини яхшилашга эришиш лозим.

Назорат ва муҳокама учун саволлар

1. Қандай харажатлар ижтимоий ва индивидуал харажатлар деб аталади?
2. Жами ва ишлаб чиқариш харажатлари деганда нимани тушунасиз?
3. Қандай харажатларни доимий ва ўзгарувчан харажатлар деб аташ мумкин?
4. Харажатлар элементлари ва моддалари ҳақида қандай тушунчага эгасиз?
5. Маҳсулот таннархи деганда нимани тушунасиз?
6. Маҳсулот таннархи даражасини, динамикасини қандай тушунасиз?
7. Маҳсулот таннархи таркиби деганда нимани тушунасиз?
8. Харажатларни камайтириш, таннархни пасайтиришга қандай чора-тадбирлар ёрдамида эришиш мумкин?

Асосий адабиётлар

1. Ўзбекистон Республикаси Президентининг «Лизинг фаолиятини ривожлантиришни янада рағбатлантириш чора-тадбирлари тўғрисида»ги 2002 йил 28 августдаги Фармони, Халқ сўзи, 2002 йил 30 август
2. Ўзбекистон Республикаси Президентининг «Қишлоқ хўжалигида ислохотларни чуқурлаштиришнинг энг муҳим йўналишлари тўғрисида»ги Фармони. «Халқ сўзи», 2003 йил 25 март.
3. Ўзбекистон Республикаси Президентининг 2003 йил 27 октябрдаги «2004-2006 йилларда фермер хўжалиklarини ривожлантириш концепцияси тўғрисида»ги Фармони, «Халқ сўзи», 2003 йил 28 октябр
4. Ўзбекистон Республикаси Президентининг 2004 йил 4 ноябрдаги «2005-2007 йилларда фермер хўжалиklarини жадал ривожлантиришга қаратилган таклифлар тайёрлаш бўйича махсус комиссия тузиш тўғрисида»ги Фармони, «Халқ сўзи», 2004 йил 5 ноябр
5. З.М. Ильина, И.В.Мировицкая, «Рўнки сельскохозяйственного сўрья и продовольствия», Минск, БГЭУ, 2001
6. Л.Н. Иванов, А.Л. Иванов, «Методў принятия решений бизнес – плана» - М.: Приор - издат, 2004
7. В.В. Ковалев, «Практикум по финансовому менеджменту. Конспект лекций с задачами», - М.: Финансў и статистика, 2004
8. Н.А. Коленникова, А.Д. Миронова, «Бизнес–план. Методические материалў», - М.: Финансў и статистика, 2004
9. М.И. Лехенко, «Основў лизинга: Учебное пособие», - М.: Финансў и статистика, 2004
10. И. Минаков, «Экономика сельскохозяйственного предприятия», Учебник, М.: Колос, 2004.

Интернет сайтлари:

1. Московская сельскохозяйственная академия. www.ecfak.timacad.ru
2. Приамурский Институт Агроэкономики и Бизнеса www.admin.ru
3. Петранева Г.А. Экономика и управление в сельском хозяйстве, Академия, 2003.
<http://textbook.ru/catalogue/book/33320.html>
4. Экономика и управление в сельском хозяйстве, 2003,
<http://psbatishev.narod.ru/library/03762.htm>
5. <http://www.bookler.ru/book/isbn/5-7695-1158-3.shtml>

ҚИШЛОҚ ХЎЖАЛИК МАҲСУЛОТЛАРИНИНГ БАҲОЛАРИ, УЛАРНИНГ ТАКОМИЛЛАШТИРИЛИШИ

12.1. Баҳонинг иқтисодий мазмуни, аҳамияти, функциялари

12.2. Қишлоқ хўжалигида баҳолар тизими, уларнинг даражаси ва динамикаси

12.3. Бозор иқтисодиёти шароитида баҳоларни такомиллаштириш масалалари

12.1. Баҳонинг иқтисодий мазмуни, аҳамияти, функциялари

Бозор иқтисоди эркин пул-товар муносабатларига асосланган. Бу муносабатлар эса баҳолар ёрдамида амалга оширилади. Баҳо товар қийматининг пулда ифодаланганлигини исботловчи восита, яъни механизмдир. Унинг абсолют миқдори бозор иқтисоди шароитида самарали, чекланган харажатларга асосланади, яъни улар баҳонинг иқтисодий асосини ташкил этади. Ҳар қандай харажатлар ҳам самарали ҳисобланмайди. Шунинг учун маълум бир миқдоргача бўлган, яъни мақсадга мувофиқ сарфланган харажатларгина эътиборга олинади. Бозор иқтисоди шароитида юқоридаги ҳолатлар билан биргаликда талаб ва таклиф асосида иқтисодий жиҳатдан асосланган реал мувозанатли баҳо ўрнатилади. Рақобатли бозорда талаб ва таклифнинг ўзгариши баҳолар даражаси ўзгаришига бевосита таъсир этади. Шунинг учун корхоналар бозор талабини ҳамда таклифини чуқур ўрганган ҳолда қишлоқ хўжалик маҳсулотлари етиштиришлари лозим. Бунда улар имконият доирасида ишлаб чиқариш харажатларини тежашга алоҳида эътибор беришлари керак. Бунинг учун маҳсулот етиштириш жараёнларини механизациялаштиришга, илғор технологияларни жорий этишга ҳамда мавжуд бўлган барча табиий ва иқтисодий ресурслардан йил давомида оқилона ва самарали фойдаланишга алоҳида эътибор беришлари лозим.

Демак, қишлоқ хўжалик корхоналари бозор иқтисодиётига хос бўлган ҳолларни, яъни кимга, қандай маҳсулотларни қанча миқдорда, қандай қилиб етиштиришни билишлари зарур.


Қишлоқ хўжалик маҳсулотларига бўлган талаб эса ҳозирги даврда қуйидаги омилларга боғлиқ: истеъмолчиларнинг даромади, диди, ўриндош товарларнинг нархи, харидорлар миқдори ва бошқаларга.

Маҳсулотларга бўлган талабни ўрганишда халқимизнинг миллий урф-одатларини, албатта, эътиборга олиш керак. Жумладан, халқимизнинг нонни, ун маҳсулотларини, гуручни, кўй ва мол гўштини кўпроқ истеъмол этишга мойиллигини. Қишлоқ хўжалик корхоналари ўз маҳсулотларини талабни эътиборга олган ҳолда таклиф этишлари мумкин. Бунда улар қуйидаги омилларга асосланишлари лозим: етиштириладиган маҳсулотларнинг баҳосига, ишлатиладиган ресурслар баҳосига, қўлланилаётган технологиялар даражасига, самарасига, солиқ ставкасига, дотация миқдори, ишлаб чиқарувчиларнинг сонига ва бошқаларга.

Юқоридаги ҳолатларга асосланган ҳолда қишлоқ хўжалиги тармоғида ишлаб чиқарилаётган маҳсулотларнинг, иш ва хизматларнинг баҳоларини 19-чизмадаги тартибда шакллантиришга эътибор қаратилади. Шакллантириладиган баҳолар эса бир қанча вазифалар бажарилишини таъминлаши зарур.

19-чизма

Қишлоқ хўжалик корхоналарида баҳонинг шаклланиши ҳамда вазифалари



Демак, талаб ва таклиф омиллари ҳамда корхоналарнинг мақсадларини эътиборга олган ҳолдагина мувозанатлашган баҳо шаклланади. Мувозанатли баҳо эса иқтисодий жиҳатдан асосланган ҳисобланади. Иқтисодий жиҳатдан асосланган мувозанатли баҳо 20-чизмада қайд этилган функцияларни, вазифаларни бажариши лозим.

Маҳсулотга бўлган бозор талабини ҳамда баҳонинг шаклланишини эътиборга олган ҳолда белгиланган мувозанатли баҳолар хўжалик нуқтаи назаридан қуйидаги вазифаларни бажариши лозим:

- хўжаликларнинг мақсадга мувофиқ, самарли ишлаб чиқариш ва сотиш харажатларини қоплаш;
- корхонанинг давр ва молявий харажатларини қоплаш;
- хўжаликка келажакда ривожланишини таъминлайдиган оптимал миқдорда фойда келтириш.

Мувозанатли баҳолар истеъмолчилар ҳамда маҳсулот ишлаб чиқарувчиларнинг харажатларини, даромадларини, фойдаларини тўғри тақсимлаб, уларнинг иқтисодиётини барқарорлаштириш ва ривожлантиришга самарали таъсир кўрсатиши мумкин. Лекин маҳсулот ишлаб чиқарувчилар монополист, сотиб олувчилар олигополист бўлган ҳолда маҳсулот баҳоларининг мутлақ даражаси кескин ўзгариши, бу истеъмолчилар ҳамда ишлаб чиқарувчилар иқтисодиётига турлича таъсир кўрсатиши мумкин. 2001 йили сув танқислиги оқибатида шоли ҳосили кескин камайди, бу ҳол 2002 йилнинг дастлабки ойларида бозорларда гуручнинг баҳосини 2-3 мартага ошиб кетишига олиб келди.

20-чизма

Бозор шароитида баҳонинг функциялари, вазифалари

Баҳо ылчов бирлиги вазифасини бажариши. У маъсулот ишлаб чиқариш учун сарфланган ижтимоий зарурий меънатни ифодалайди. Меънат эса қийматни яратади. Демак, баҳо товар қийматини маълум бир пул бирлигида ифодаловчи воситадир.

Баҳо тақсимлаш вазифасини бажариши. У бозор иқтисодиёти шароитида тармоқлар, корхоналар ва ишчи-хизматчилар ўртасида даромадларни, фойдаларни тақсимловчи, айта тақсимловчи воситадир. Баҳонинг ошиши ёки пасайиши уларнинг даромадлари оқилона ёки самарасиз тақсимланишини таъминлайди.

Баҳо бошқариш вазифасини бажариши. У бозор иқтисодиёти шароитида талаб ва таклифни мувозанатлаштирувчи восита сифатида атнашади. У маъсулот ишлаб чиқарувчилар ҳамда уларни истеъмолчиларнинг пул миқдорига бўлган талабини шакллантирувчи воситадир.

Баҳонинг раъбатлантирувчилик функцияси. Баҳолар товар ишлаб чиқарувчиларни маъсулот шажмини қўпайтиришга ҳамда фойда суммасини оширишга раъбатлантиради.

Баҳонинг назорат функцияси. Баҳолар маъсулот ишлаб чиқаришда моддий, табиий ресурслар харажати назорат этади.

Баҳонинг ижтимоий вазифаси. Унинг ызғариши аҳоли ва оила бюджети айта тақсимланишига, турмуш даражаси ызғаришига таъсир этади.


Натижада ишлаб чиқарувчиларнинг даромадлари ортади, истеъмолчиларнинг даромадлари эса аксинча камаёди. Бундай ҳол уларнинг турмуш даражаси нисбатан пасайишига олиб келди. Пахта хомашёсини етиштиришда эса харажатлар вилоятлар, туманлар доирасида бир-биридан анча фарқ қилади. Сабаби – ерларнинг мелиоратив ҳолати ёмонроқ бўлган Хоразм воҳасида, Мирзачўлда кўпроқ харажат талаб этилади. Қишлоқ хўжалигида фойдаланиладиган ишлаб чиқариш воситаларини сотиб олиш, уларни олиб бориш билан боғлиқ бўлган харажатлар ҳам узоқ ҳудудларда жойлашган хўжаликларда кўпроқ бўлади. Сабаби – масофа сарф- харажатларнинг ортишига таъсир этади. Лекин давлат пахта хомашёсини сотиб олиш бўйича ўрнатган харид баҳоларининг мутлақ миқдори республика ҳудудларида бир хил. Бундай ҳол юқоридаги ҳолатлар мавжуд бўлган хўжаликларнинг иқтисодиётига салбий таъсир кўрсатади. Чунки сўнгги йилларда етиштирилган пахта хомашёси тўлиқ давлатга давлат буюртмалари ҳамда шартномалар асосида сотилган.

Шундай экан, иқтисодий жихатдан асосланган мувозанатли баҳоларни шакллантиришда қишлоқ хўжалик маъсулотларига бўлган талаб ва таклифни эътиборга олиш лозим. Бунда давлатнинг ҳам роли бўлиши керак.

12.2. Қишлоқ хўжалигида баҳолар тизими, уларнинг даражаси ва динамикаси

Қишлоқ хўжалигида барчав талабларни қондириш мақсадида турли хилдаги ўсимликчилик ва чорвачилик маъсулотлари етиштирилади, ишлар ҳамда хизматлар бажарилади. Уларни истеъмолчиларга етказиб беришда, сотишда турли хилдаги

баҳолардан фойдаланилади. Баҳолар маҳсулот (иш, хизмат) ларни айрибошлаш масканига, мақсадига, вазифасига кўра, бир қанча турлардан ташкил топади. (21-чизма)
21-чизма



Қишлоқ хўжалик корхоналарида етиштирилаётган пахта хомашёси ва бугдойнинг 30 фоизи «Ўзпахтасаноатсотиш» уюшмаси ва «Ўздонмаҳсулот» корпорацияси корхоналарига шартномалар асосида давлат буюртмаларини бажариш мақсадида давлат харид баҳоларида сотилмоқда. Уларнинг мутлақ миқдори талаб ва таклиф эътиборга олинган ҳолда ўзгариб бормоқда (21-жадвал).

21-жадвал

Давлатнинг харид нархлари
(центҒсўм)

	Йиллар				2002 йилда 1995 йилдагига нисбатан, марта
	1995	2000	2001	2002	
Пахта хомашёси	800	5200	8000	10460	13,1
Бошоқли дон	250	2181	3360	5295	21,2

Давлатнинг харид баҳолари 1995-2002 йилларда пахта хомашёси бўйича 13,1 марта, бошоқли дон маҳсулотлариники эса 21,2 марта ошган. Пахта хомашёси харид нархлари унинг саноат навлари, синфлари ҳамда толасининг типлари бўйича ҳам белгиланади. Жумладан, ўрта толали пахта нави ҳам ашёсининг 1-нави 2 синфга тааллуқли бўлиб, толасининг типини IV бўлганда харид нархи VII типдагига нисбатан 23,5 фоизга юқори. Пахта толасининг IV типини I саноат навларининг харид баҳосини IV типга нисбатан 2,1 марта юқори ўрнатилган. Демак, сифатни эътиборга олган ҳолда баҳоларнинг мутлақ миқдори бир-биридан анчага фарқ қилади.

Бошоқли донларнинг ҳам харид нархлари уларнинг сифатларига қараб ўрнатилган. Яъни маҳсулот сифати юқори бўлса, харид баҳолари ҳам юқори. Баҳолар рағбатлантирувчи вазифани бажариши лозим. Республика ҳукумати бу масалага алоҳида эътибор бермоқда. Бу яхши натижалар бермоқда. Жумладан, давлатнинг хўжаликларни рағбатлантириш мақсадида ўз буюртмаси учун буғдойнинг харид нархларини йил сайин ошириши унинг ялпи ҳосили ошишига ижобий таъсир этмоқда. Бу ҳол, баҳо ва ялпи ҳосил ўртасида ўзаро боғлиқлик, яъни эластиклик мавжуд эканлигидан далолат беради (5-диаграмма)


Давлат ўз буюртмаси бўйича сотиб олаётган ҳар тонна буғдой харид нархларини сўнгги йилларда нисбатан юқори суръатлар билан ошириши унинг ялпи ҳосили ошишига олиб келди. Бунга харид нархлари шундай суръатларда ошишидан ишлаб чиқарувчилар манфаатдор бўлганлиги туфайли эришилди.

Ҳозиргача республикада буғдойнинг баҳосини билан унинг ялпи ҳосили ўсиши ўртасидаги корреляция коэффициенти $R=0,9321$ га тенг. Бу давлатнинг дон маҳсулотлари баҳолари борасида олиб бораётган иқтисодий сиёсати тўғрилигидан далолат беради.

Корхоналар давлат буюрмасидан ташқари барча маҳсулотларини эркин ва бошқа турдаги баҳоларда сотмоқдалар. Эркин баҳо бозорда маҳсулот сотувчи ва уни сотиб олувчилар ўртасида, уларнинг иқтисодий манфаатлари ҳамда бозор талаби ва таклифи асосида шаклланади, яъни белгиланади. У тармоқларнинг маҳсулот олди-сотди муносабати бўйича тузилган шартномаларида ўз аксини топади. Шунинг учун эркин баҳоларни шартнома баҳолари деб ҳам аташади. Унинг абсолют миқдори маҳсулот сотиш даврига, унга бўлган талабга ҳамда маҳсулот сифатига боғлиқ.

5-диаграмма

Бугдойнинг баҳоси билан унинг ялпи ҳосили ўртасидаги боғлиқлик



Тарм
оқдаги
эркин
(шартнома)
баҳоларнинг
мутлак
(абсолют)
миқдори
қишлоқ
хўжалигида
фойдаланил
аётган
ишлаб
чиқариш
воситалари
баҳоларининг
ўсиши,
маҳсулотлар
га нисбатан
талабнинг
ошиши

натijasида сўнги йилларда ўзгариб бормоқда (29-жадвал)
29-жадвал

Қишлоқ хўжалик маҳсулотларининг ўртача эркин баҳолари*

Маҳсулот турлари	1 ц. сотиш баҳоси, сўм				
	1997й	1998й	1999й	2000й	2001й
Бошоқли дон	1123	1503	2381	2983	4608
Шу жумладан, бугдой	1018	1332	2106	2845	4482
Картошка	1463	1748	2908	4086	6263
Пахта	1986	2408	3539	5670	8510
Сабзавот	451	725	874	1591	2250
Полиз	265	374	536	887	1242
Мева	647	915	1545	2175	3337
Узум	936	1346	2195	2598	3519
Сут	1419	1884	2691	4801	7629
Гўшт (тирик вазнда)	6409	10260	15500	24988	38092
Жун	2160	2542	4593	10759	16169
Асал	15380	18693	30720	66398	92523
Пилла	7117	14709	8757	32300	46018

* Республика Қишлоқ ва сув хўжалиги вазирлиги маълумотлари асосида тузилган.

Давлат харид ҳамда эркин (шартнома) баҳоларида маҳсулотлар истеъмолчиларга улгуржи ҳолда, яъни кўп миқдорда, катта партияларда ҳам сотилади. Шунинг учун уларни улгуржи баҳоларга ҳам тенглаштириш мумкин.

Қишлоқ хўжалик маҳсулотлари жаҳон баҳоларида ҳам сотилмоқда. Унинг мутлак (абсолют) миқдори жаҳондаги ихтисослашган йирик биржаларда белгиланиб, маҳсулот экспорти ва импорти шартномаларида акс эттирилади. Қишлоқ хўжалик маҳсулотари даражасига жаҳондаги йирик товар ишлаб чиқарувчилар ҳамда уларни сотиб олувчилар ҳам таъсир кўрсатиши мумкин. Шу билан бирга уларнинг барқарорлигига дунё миқёсидаги тинчлик, иқтисодий барқарорлик ҳам таъсир этади. Жумладан, 2001 йил

сентябрь ойидаги воқеалар ва кейинги ҳолатлар таъсирида жаҳон миқёсида нефтнинг баҳоси ўзгариб турган ҳолда, пахта толасининг баҳоси пасайиб бормоқда, гуруч ва буғдойнинг баҳолари эса ўзгариб турибди (30-жадвал).

30-жадвал

Айрим қишлоқ хўжалик маҳсулотларининг жаҳон бозоридаги баҳоси, 1990 йил баҳосида, ўртача тоннага доллар*

Товарлар	Йиллар						2001 й. да 1990 й. дагига нисбатан, фоиз
	1990	1997	1998	1999	2000	2001	
Пахта толаси	1819	1613	1387	1131	1232	1163,5	≈64,0
Буғдой	135,5	147,2	121,1	108,2	114,9	119,9	88,5
Гуруч	270,9	280,0	291,9	239,9	244,9	248,2	91,6

* Global Commodity Markets. A Comprehensive Review and Price Forecast. January 2000. Number 1-Washington, D.C. The World Bank, 2001 p.98.

Пахта толасининг ўртача жаҳон баҳоси асосан Нью-Йорк ҳамда Ливерпул хомашё товар биржаларидаги савдода белгиланади. 1990-2002 йилларда пахта толасининг жаҳон бозоридаги баҳоси салкам 40 фоизга, буғдой билан гуручнинг баҳоси эса 8-12 фоизга пасайган. Бундай ҳол шунинг учун рўй бердики, талабни ўриндошлик маҳсулотлари толасига талаб мавжудлиги билан қондириш анча мараққаб, лекин пахта толасининг ўрнини бошқа маҳсулотлар билан қондириш имконияти анча юқори.

Қишлоқ хўжалик корхоналари ўз ишлаб чиқаришини ривожлантириш мақсадида етиштирилган маҳсулотларининг маълум бир қисмини қайта ишлайдилар (уруғлик, ем, овқатланишга ...). Бу жараёнда қатнашадиган маҳсулотлар ички муносабатларни ҳисобга олган ҳолда таннархлари бўйича берилади. Шунинг учун бундай баҳолар таннарх баҳолари ҳам дейилади.

Хўжаликлар маълум миқдордаги ортиқча маҳсулотларини фуқароларга чакана баҳоларда сотишлари мумкин. Ҳар бир фуқаро ўзи хоҳлаган миқдордаги маҳсулотларни эркин бозорлардан, дўконлардан сотиб олиши мумкин. Бу жараёнда фойдаланилган баҳолар чакана баҳолар ҳисобланади.

Чакана баҳолар – савдо жараёнида сотилатган товарларнинг баҳосидир. Чакана баҳолар орасида улгуржи ҳамда чакан савдо корхонаси сотиб олган товарлар баҳоси ётади. Савдо корхоналари улгуржи баҳоларга савдо устамасини қўядилар, шунинг ҳисобидан қилинган харажатлар қопланади ва фойда олинади. Савдо устамаси миқдорини савдо корхоналари ўзлари белгилайдилар, лекин маълум чегарадан ўтмайдилар. Шунингдек, савдо устамасига қўшимча қиймат солиғи ва махсус солиқ ҳам қўшилади.

Корхоналар иқтисодиётининг бир неча йиллигини ўрганиш мақсадида, яъни маҳсулотини, меҳнат унумдорлигини, фондлар қайтими ўзгаришини таҳлил этишда қиёсий баҳолардан фойдаланилади. Қиёсий баҳолар асосида мамлакат миқёсидаги маълум бир йилнинг ҳақиқий ўртача баҳоси ётади. Ҳозирги даврда қиёсий(таққослама) баҳо сифатида 1996 йилдаги ҳақиқий баҳолар олинган. Келажакда қиёсий баҳо учун инфляция ва бошқа асосий иқтисодий масалаларни эътиборга олган ҳолда бошқа йилнинг ҳақиқий баҳоси асос қилиб олиниши мумкин. Бозор иқтисодиёти шароитида маҳсулот айрибошлаш жараёнида пул ўтказиш операциялари маълум даражада бузилиши туфайли маҳсулотларни натура ҳолида (бартер) айрибошлаш амалга оширилмоқда. Маҳсулот айрибошлаш жараёнида эквивалентлик ҳолатини таъминлаш учун шу маҳсулотнинг баҳолари эътиборга олинмоқда. Бартер жараёнида корхоналар ўз мақсадларини ҳал этсалар, давлат маълум миқдорда даромад ололмай қолади. Чунки бартерда маҳсулотнинг қиймати пулда ҳисобланмайди. Оқибатда давлат бюджетига фойдадан олинадиган солиқ тўланмайди.

Қишлоқ хўжалиги корхоналари томонидан қурилиш, транспорт хизматлари, маиший хизмат кўрсатилади. Бу хизматларнинг қиймати смета ҳамда тариф баҳоларида ҳисоб-китоб қилинади.

Трансферт баҳолар – бир бирлашма ёки корпорация ичидаги ўзаро ҳисоб-китобда қўлланиладиган баҳолардир.

Уларнинг мутлақ (абсолют) миқдори бозор иқтисодига ўтиш даврида талаб ва таклифдан, фан-техника тараққиёти талабларидан келиб чиққан ҳолда ўзгариб болрмоқда. Буни пахта хомашёси учун ўрнатиладиган давлат харид баҳолари ҳам исботлаши мумкин.

12.3. Бозор иқтисодиёти шароитида баҳоларни такомиллаштириш масалалари

Фан-техника тараққиёти шароитида талаб ва таклиф ўзгаришини эътиборга олган ҳолда баҳоларнинг мутлақ (абсолют) миқдорини ўзгартириш, такомиллаштириш, яъни либераллаштириш лозим. Бу ниҳоятда мураккаб масала. Унинг ижобий ҳал этилиши жуда кўп томонларга, ҳолатларга боғлиқ. Республика миқёсида бу масалани ҳал этишда ўтиш даврининг ҳозирги босқичида давлатнинг роли анча улкан. Шунинг учун бу жараёнда агросаноат мажмуасини ривожлантиришда қўлланилаётган нарх ва молия-кредит сиёсати қуйидаги вазифаларни ечишга йўналтирилган бўлиши керак:

- давлатнинг истеъмол моллари билан ўзини-ўзи таъминлашини тезлаштириш;
- қишлоқ хўжалиги ва саноат маҳсулотлари ўртасидаги эквивалентлик муносабатларини таъминлашга эришиш;
- қишлоқ товар ишлаб чиқарувчиларининг даромадларини кенгайтирилган такрор ишлаб чиқаришни таъминлайдиган даражада рағбатлантириш;
- фан-техника тараққиёти ютуқларини жорий қилишда кўмак бериш;
- давлат ичида ягона иқтисодий режани ташкил қилиш, яқин ҳамда узоқ хорижга чиқиш ва бошқалар.

Бозор иқтисодиётида баҳо муносабатлари қуйидаги тамойилларга асосланиши керак:

- эркин баҳоларни давлат томонидан бошқариладиган баҳолар билан уйғунлаштириш;
- таклиф қилинаётган маҳсулотларнинг баҳоларини ҳисоблашда норматив усуллардан фойдаланиш;
- товар ишлаб чиқарувчиларнинг даромад олишларини таъминлаш;
- ишлаб чиқариш харажатларини пасайтириш ва самарадорликни ошириш;
- нарх ва молия-кредит муносабатларининг ўзаро алоқасини оптималлаштириш;
- талаб ва таклиф таъсири натижасида мувозанатли баҳоларни шакллантириш;
- фан-техника тараққиётини, илғор технологияларни рағбатлантириш ва бошқалар.

Улар барча тамойиллар, далиллар ёдамида исботланиши лозим.

Қишлоқ хўжалик маҳсулотларининг баҳоларини белгилашда монополия, олигополиянинг мавжудлиги, эркин рақобатнинг нисбатан камлиги, инфляциянинг мавжудлигини, қишлоқ хўжалик маҳсулотларини сотиб олишдаги монополия маълум даражада юз бераётганлигини ҳам эътиборга олиш зарур.

Маълумки, қишлоқ хўжалик корхоналарида етиштирилган пахта хомашёсининг асосий қисмини «Ўзпахтасаноат» уюшмаси сотиб олмақда. Бу ҳол маълум даражада эркин бозор, яъни рақобат мавжуд эмаслигидан далолат беради.

Қишлоқ хўжалик корхоналари ўзларининг маҳсулотларига дастбалки баҳоларни белгилашда қуйидагиларга асосланиши мақсадга мувофиқдир:

- ◆ маҳсулотларни етиштириш учун зарур бўлган моддий-техника ресурсларининг баҳолари, уларнинг даражасига. Ҳозирги даврда улар эркин бозор баҳоларида сотилмоқда. Лекин уларни белгилашда республика шароитида монопол ҳолат мавжуд. Масалан, республикада тракторсозлик, машинасозлик заводлари яққаҳоқим. Демак, шу масалани ҳал этишда давлатнинг роли бўлиши мақсадга мувофиқдир;

- ◆ маҳсулотларни етиштириш ҳамда сотиш жараёнларидаги муносабатлар натижасига;
- ◆ қишлоқ хўжалик маҳсулотларини қайта ишлаш ва сотиш жараёнларидаги муносабатларнинг оқибатларига ва бошқаларга.

Ҳозирги даврда тармоқда ишлаб чиқарилаётган маҳсулотларнинг таннархлари таркибида ўғитлар, кимёвий воситалар, ёқилғи, ёғловчи материалларнинг, электроэнергия ҳамда асосий воситалар амортизациясининг салмоғи 45-55 фоизни ташкил этмоқда.

Қишлоқ хўжалик маҳсулотларининг баҳоларини белгилашда қуйидаги услублардан фойдаланилмоқда:

- ◆ баҳоларни белгилашда ўртача харажатлар (таннарх) ҳамда фойданинг (оптимал миқдорда) таъминланишини;
- ◆ баҳоларни белгилашда маҳсулотнинг реал қийматига асосланиш;
- ◆ баҳоларни белгилашда реал ўртача баҳоларга асосланиш. Бунда талаб ва таклиф муаммолари ҳам маълум даражада ўз аксини топади.

Қишлоқ хўжалик маҳсулотларининг баҳолари даставвал талаб ва таклифни эътиборга олиши лозим. Бунинг учун маҳсулотлар сифатли бўлиши зарур. Шу билан бирга хўжаликларнинг барча харажатларини қоплаб, оптимал миқдорда фойда билан таъминланишига эришиш мақсадга мувофиқдир. Бунинг учун улар фан-техника ютуқларини, самарали технологияларни ишлаб чиқаришга жорий этишлари, ишчи ва хизматчиларнинг билим ва малакаларини ҳамда тадбиркорлик фаолиятларини юксалтиришга эришишлари лозим.

Бундай тартибда белгиланган баҳолар иқтисодий жиҳатдан асосланган бўлиб, улар вазифаларини тўлиқ бажаришлари мумкин. Шундай баҳоларгина томонларнинг манфаатларини самарали равишда қондириш имкониятига эга бўлади.

Таянч иборалар:

Баҳолар турлари, баҳони белгилаш тартиби, харид баҳолари, шартнома баҳолари.

Қисқача хулосалар

Баҳо қишлоқ хўжалик иқтисодиётининг энг муҳим категорияси, яъни механизми ҳисобланади. Унинг мутлақ (абсолют) миқдори иқтисодий жиҳатдан асосланган бўлиши керак. Баҳолар зарур бўлган барча харажатларни қоплаб, корхонага ўзининг ривожланишини таъминлайдиган миқдорда фойда келтириши лозим.

Иқтисодий жиҳатдан асосланган баҳолар ўз олдиларига қўйилган бир қанча функциялар, вазифалар бажарилишини таъминлаши зарур.

Ҳозирги даврда қишлоқ хўжалигида баҳолар тизими шаклланган. Лекин уларнинг мутлақ (абсолют) миқдори ва ўсиши бир-биридан катта фарқ қилади.

Баҳолар доимо ҳам қишлоқ хўжалигини ривожлантириш ва унинг самарадорлиги ошишини таъминлайвермайди. Келажакда қишлоқ хўжалигидаги баҳоларнинг турларини ва мутлақ (абсолют) миқдорини бозор иқтисодиёти талаблари асосида такомиллаштириш мақсадга мувофиқдир.

Назорат ва муҳокама учун саволлар

1. Қиймат, баҳо деганда нимани тушунаси?
2. Баҳо қандай шаклланади?
3. Баҳонинг қандай вазифалари мавжуд?
4. Баҳонинг қандай функцияларини биласиз?
5. Қандай баҳоларни биласиз?
6. Харид баҳолари қандай баҳолар?
7. Жаҳон баҳоси деганда нимани тушунаси?

8. Қийёсий баҳо деганда нимани тушунализ?
9. Баҳоларни либераллаштиришнинг қандай йўллари мавжуд?

Асосий адабиётлар

1. Ўзбекистон Республикаси Президентининг «Лизинг фаолиятини ривожлантиришни янада рағбатлантириш чора-тадбирлари тўғрисида»ги 2002 йил 28 августдаги Фармони, Халқ сўзи, 2002 йил 30 август
2. Ўзбекистон Республикаси Президентининг «Қишлоқ хўжалигида ислохотларни чуқурлаштиришнинг энг муҳим йўналишлари тўғрисида»ги Фармони. «Халқ сўзи», 2003 йил 25 март.
3. Ўзбекистон Республикаси Президентининг 2003 йил 27 октябрдаги «2004-2006 йилларда фермер хўжалиklarини ривожлантириш концепцияси тўғрисида»ги Фармони, «Халқ сўзи», 2003 йил 28 октябр
4. Ўзбекистон Республикаси Президентининг 2004 йил 4 ноябрдаги «2005-2007 йилларда фермер хўжалиklarини жадал ривожлантиришга қаратилган таклифлар тайёрлаш бўйича махсус комиссия тузиш тўғрисида»ги Фармони, «Халқ сўзи», 2004 йил 5 ноябр
5. З.М. Ильина, И.В.Мировицкая, «Рўнки сельскохозяйственого сўрья и продовольствия», Минск, БГЭУ, 2001
6. Л.Н. Иванов, А.Л. Иванов, «Методў принятия решений бизнес – плана» - М.: Приор - издат, 2004
7. В.В. Ковалев, «Практикум по финансовому менеджменту. Конспект лекций с задачами», - М: Финансў и статистика, 2004
8. Н.А. Коленниковой, А.Д. Миронова, «Бизнес–план. Методические материалў», - М.: Финансў и статистика, 2004
9. М.И. Леҳенко, «Основў лизинга: Учебное пособие», - М.: Финансў и статистика, 2004
10. И. Минаков, «Экономика сельскохозяйственого предприятия», Учебник, М.: Колос, 2004.

Интернет сайтлари:

1. Попов Н.А. Экономка отраслей АПК. Курс лекции, 2002, <http://family.taukita.ru/item22219310.htm>
2. Коваленко Н.Я. Экономика сельского хозяйства, М. «Юркнига». 2004 <http://shopper.h1.ru/books.shtml?topicк935&pageк1>
3. Королев Ю.Б. и др. Менеджмент в АПК, 2002, учебник,
4. <http://web.book.ru/cgi-bin/book.p1?pageк4&bookк88899>
5. Экономика и управление в сельском хозяйстве, 2003, <http://psbatishev.narod.ru/library/F03762.htm>
6. <http://www.bookler.ru/bookisbn/F5-7695-1158-3.shtml>

ХШ боб

КОРХОНАЛАРНИНГ ТАҚСИМЛАНИШИ. САМАРАДОРЛИГИ ДАРОМАДЛАРИ, ИШЛАБ ЧИҚАРИШНИНГ ИҚТИСОДИЙ УЛАРНИНГ ИҚТИСОДИЙ

13.1. Қишлоқ хўжалик корхоналарининг даромад ва фойдалари, иқтисодий самарадорлиги ҳақида тушунча, унинг аҳамияти

13.2. Даромадни, фойдани, иқтисодий самарадорликни аниқлаш тартиби

13.3. Қишлоқ хўжалиги даромадлари, ялпи ва соф фойдасининг ўзгариши

13.4. Қишлоқ хўжалигининг пул даромадларини, ялпи ва соф фойдаларини кўпайтириш, иқтисодий самарадорлигини ошириш йўллари

13.1. Қишлоқ хўжалик корхоналарининг даромад ва фойдалари, иқтисодий самарадорлиги ҳақида тушунча, унинг аҳамияти

Тармоқда мулкчиликнинг турли шакллариغا асосланган корхоналар ишлаб чиқариш фаолиятида ҳар хил қишлоқ хўжалик маҳсулотлари етиштирадилар, хизматларни бажарадилар. Улар даставвал натура шаклида ҳисобга олинади, кейин ҳар хил талабларни қондириш мақсадида сотилади, айирбошланади ҳамда истеъмол учун ишлатилади. Бу жараёнда етиштирилган маҳсулот, хизматларнинг қиймати пул-товар муносабатлари ёрдамида аниқланади.

Маълумки, ялпи маҳсулотнинг қиймати буюмлашган (С) ҳамда жонли меҳнат (V) харажатларидан, шунингдек, қўшимча қийматидан (m) ташкил топади. Ялпи маҳсулот қийматидан ишлаб чиқариш жараёнида ишлатилган моддий воситаларнинг қиймати ҳамда эскириш суммаси (С) айирилиши натижасида тармоқнинг, корхонанинг ялпи даромади ёки янгитдан яратилган қиймат аниқланади (VKm). У тармоқ миқёсида ялпи ички маҳсулот ёки миллий даромад деб аталади. Маҳсулотларни сотиш, хизматлар кўрсатиш натижасида хўжаликнинг банклардаги жорий ва валюта счетларига кассасига келиб тушадиган маблағлар унинг пул тушумлари (даромадлари) ни ташкил этади. Шу пул тушумларидан сотилган маҳсулотларнинг ишлаб чиқариш харажатларини айириш натижасида корхонанинг ялпи фойдаси аниқланади. Ялпи фойда суммасидан давр харажатлари, солиқлар, тўловлар, жарима ва пеня суммалари айирилиши натижада соф фойда аниқланади.

Хўжаликлар ялпи маҳсулот миқдорини сифатини таъминлаган ҳолда кўпайтиришга эришсалар, ялпи даромад, ялпи ва соф фойда суммалари кўпайиши мумкин. Бу ҳол, ўз навбатида, корхона ишчи-хизматчиларини моддий рағбатлантириш учун қўшимча имкониятлар яратади, уларнинг иш ҳақларини ошириш ҳамда мукофотлаш учун ҳам, маҳаллий ва давлат бюджетига ҳам ва ниҳоят, корхона ишлаб чиқаришини кенгайтирилган тақрор ишлаб чиқариш заминида ривожлантириш учун ҳам кўпроқ маблағ ажратилади. Натижада ишлаб чиқаришга янги техникалар, самарали технологияларни жорий этиш таъминланади. Бу ҳол меҳнат характерини ўзгартириб, унумдорлиги ошишини таъминлайди.

Демак, юқоридаги иқтисодий категориялар салмоғи ва қийматининг ўсиши корхонанинг ҳам, давлатнинг ҳам иқтисодиёти, самарадорлик юксалиши негизидир. Шунинг учун бу масалага республикамизда алоҳида эътибор берилмоқда. Республика Вазирлар Маҳкамасининг қарорларига мувофиқ қишлоқ хўжалик маҳсулотларининг харид баҳолари имконият доирасида оширилмоқда, тижорат банкларидан олинаётган кредитларнинг тўлаш муддатлари айрим вақтларда биров кечиктирилмоқда, қишлоқ хўжалиги корхоналарига кредит олишда, солиқлар тўлашда имтиёзлар яратилмоқда, чет эл инвестицияларини жалб этишда ёрдам кўрсатилмоқда. Буларнинг ҳаммаси корхоналар фаолиятининг иқтисодий самарадорлиги юксалишини таъминлайди. Бунинг учун

корхоналар ўз фаолиятлари билан боғлиқ бўлган ҳуқуқий, ташкилий, технологик ҳамда иқтисодий тадбирларни вақтида, сифатли ўтказишлари зарур.

Иқтисод фанларида «самарадорлик» ва «иқтисодий самарадорлик» тушунчалари мавжуд. Улар мамлакат, тармоқ, корхона, йўналишлар ҳамда айрим маҳсулотлар бўйича аниқланиши мумкин. «Иқтисодий самарадорлик» тушунчаси «самарадорлик» тушунчасига нисбатан кенгроқ мазмунга эга. Иқтисодий самарадорлик деганда бир йил давомида (маълум даврда) амалга оширилган тадбирлар тизими билан боғлиқ бўлган харажатлар улар натижасида олинган соф фойда суммаси билан таққосланади. Шунда сарфланган харажатлар эвазига олинган соф фойда суммаси қанча кўп бўлса, иқтисодий самарадорлик даражаси шунча ошган ҳисобланади ва аксинча. Самарадорликни эса у ёки бу тадбирларни, ишларни маҳсулотларни етиштириш натижасида эришилган ютуқлар ифодалади. Масалан, маҳаллий ва минерал ўғитлардан, ем-хашаклардан фойдаланиш натижасида ҳосилдорликнинг ошиши ва бошқалар. Демак, «самарадорлик» ҳамда «иқтисодий самарадорлик» категориялари бир-бирлари билан боғлиқ бўлган энг муҳим кўрсаткичлар ҳисобланади. Уларни юксалтириш учун корхоналар барча масалаларни ижобий ҳал этишлари лозим. Корхоналар фаолиятининг самарадорлиги ошса, мамлакатимизнинг иқтисодиёти, халқимизнинг турмуш даражаси юксалади.

13.2. Даромадни, фойдани, иқтисодий самарадорликни аниқлаш тартиби

Қишлоқ хўжалик корхоналарининг пул ва ялпи даромадлари, ялпи ҳамда соф фойда суммаларини, ишлаб чиқариш фаолиятининг рентабеллигини аниқлаш алоҳида аҳамият касб этади. Чунки шу кўрсаткичлар ёрдамида корхоналар фаолияти молиявий таҳлил қилинади. Улар билан мамлакат ҳамда корхона иқтисоди бевосита боғлиқ. Уларни аниқлашда бир қанча маълумотлардан фойдаланилади. Корхонанинг маълум бир даврдаги пул даромади (тушумлари) жами сотилган маҳсулотлар, хизматлар миқдорини уларнинг ҳақиқий баҳоларига кўпайтириш натижасида аниқланади. Унда ушбу формуладан фойдаланиш мумкин:

$$Pd = Cm \times Mb$$

Бунда: Pd – пул даромади (сўмда);

Cm – сотилган маҳсулотлар, хизматлар миқдори (тонна, цент.);

Mb – сотилган маҳсулотларнинг, қилинган хизматларнинг баҳолари, тарифлари.

Корхонанинг ялпи даромади ёки янгитдан яратилган қиймат суммасини ялпи маҳсулот қийматидан ишлатилган асосий воситаларнинг эскирган қийматини, яъни амортизация суммасини (C) айириш натижасида аниқлаш мумкин. Унинг формуласи куйидагича:

$$(C + V + m) - C = V + m$$

Бунда: C – асосий воситаларнинг амортизацияси суммаси, сўмда;

V – иш ҳақи фонди, сўмда;

m - қўшимча қиймат, сўмда.

Корхонанинг ялпи фойдаси маҳсулот сотиш(хизмат кўрсатиш)дан тушган пул даромадалридан шу маҳсулотларни ишлаб чиқариш учун сарфланган харажатларни айириш натижасида аниқланади. Уни куйидаги формула ёрдамида аниқлаш мумкин:

$$Yf = Cd - Ct$$

Бунда: Yf – ялпи фойда, сўмда;

Cd – маҳсулот сотишдан, иш, хизмат кўрсатишдан тушган пул, сўмда;

Ct – сотилган маҳсулот учун сарфланган ишлаб чиқариш харажатлари, сўмда.

Корхонанинг соф фойдаси ялпи фойда суммасидан давр харажатлари, кўзда тутилмаган харажатлар, молиявий харажатлар суммасини айириш натижасида аниқланади. Буни ушбу тенглик ёрдамида аниқлаш мумкин:

$$Cf = Yf - (Dx + Mx + Kx)$$

Бунда: $C\phi$ – соф фойда суммаси;
 Dx – давр харажатлари, сўмда;
 Mx – молиявий харажатлар суммаси, сўмда;
 Kx – кўзда тутилмаган тасодифий харажатлар, сўмда.

Корхона ишлаб чиқариш жараёнининг иқтисодий самарадорлигини ифодаловчи кўрсаткич рентабеллик ҳисобланади. Унинг даражасини аниқлаш учун соф фойда суммасини таннарх ёки ишлаб чиқариш харажатлари суммасига тақсимлаб, 100% га кўпайтирилади. Унинг тенглиги қуйидагича:

$$P\partial = \frac{C\phi}{Cm} \times 100\% , \text{ Бунда: } P\partial - \text{рентабеллик даражаси, фоизда.}$$

Бу кўрсаткич ёрдамида корхона, тармоқ миқёсида алоҳида маҳсулотларни етиштириш учун қилинган ишлаб чиқариш харажатларининг иқтисодий самарадорлик даражаси аниқланади. Шу усул ёрдамида 1 сўмлик ишлаб чиқариш харажатлари эвазига олинган соф фойда суммаси аниқланади. Бунинг учун олинган соф фойда суммаси ишлаб чиқариш харажатларига тақсимланиши лозим. Бу кўрсаткичлар даражаси қанчалик юқори бўлса, бу иқтисодий самарадорлик даражаси ҳам юқори, яъни яхши эканлигидан далолат беради.

Корхона фаолиятининг рентабеллик меъёри, умумий иқтисодий самарадорлиги ҳам аниқланиши мумкин. Бунда ишлаб чиқаришда қатнашадиган ерларнинг ҳам, асосий воситаларнинг ҳам қийматлари ҳисобга олиниши мақсадга мувофиқдир. Ернинг қиймати эса қишлоқ хўжалик ерлари қийматини аниқлаш бўйича ишлаб чиқилган услубий қўлланма ёрдамида аниқланади. Бунда рентабеллик меъёри ушбу тенглик ёрдамида аниқланиши мумкин:

$$P_n = \frac{C\phi}{A_{иф} + (A_{сф} \cdot E_k) + E_k} \times 100\% ,$$

Бунда: P_n – рентабеллик меъёри, фоизда;
 $A_{иф}$ – айланма фондларнинг ўртача йиллик қиймати, сўмда;
 $A_{сф}$ – асосий фондларнинг ўртача йиллик қиймати, сўмда;
 E_k – асосий фондларнинг иқтисодий самарадорлик коэффициенти (0,12);
 E_k - ернинг қиймати, сўмда.

Бу кўрсаткич ёрдамида корхона ихтиёридаги барча ишлаб чиқариш ресурсларидан иқтисодий жиҳатдан самарали фойдаланганлик даражаси аниқланади.

13.3. Қишлоқ хўжалиги даромадлари, ялпи ва соф фойдасининг ўзгариши

Қишлоқ хўжалигида бозор иқтисоди муносабатлари босқичма-босқич давлат раҳбарлигида шакллантирилмоқда. Унга тармоқда амалга оширилаётган иқтисодий ислохотлар далил бўлади. Масалан, баҳолар, солиқлар, кредитлар тизимидаги ислохотлар. Сўнгги йилларда қишлоқ хўжалигининг ялпи маҳсулоти, барча харажатлари, шунингдек, пул даромадлари ҳам ортиб бормоқда. Лекин қишлоқ хўжалиги маҳсулотлари баҳоларига нисбатан саноат маҳсулотлари баҳоларининг ўсиш даражаси юқори бўлганлиги учун тармоқда олинаётган соф фойда суммаси доимо ҳам ортаётгани йўқ. Масалан, қишлоқ хўжалик маҳсулотларининг 1991-1998 йилларда ўртача сотиш баҳоси 15150,9 мартага ошган бўлса, саноат маҳсулотларининг ўртача сотиш баҳолари 134431 мартага ошган. Улар ўртасидаги мутаносибат 1:8,9 га тенг. Бундай ҳол қишлоқ хўжалигида фойданинг камайишига салбий таъсир кўрсатган. Бундан ташқари қишлоқ хўжалиги корхоналари барча ишлаб чиқариш ресурсларидан етарли даражада яхши фойдаланмаган. Шуларнинг оқибатида Қишлоқ ва сув хўжалиги вазирлиги таркибидаги тармоқ корхоналари хўжалик фаолиятини 1996 йилда 11153,5 млн.сўм, 1997 йилда эса 16111,3 млн.сўм зарар билан яқунлаган. Шу йиллар ичида фақатгина Андижон ва Фарғона вилоятларидаги хўжаликларнинг умумий фаолияти фойда билан яқунланган.

Қишлоқ хўжалигида сўнги йиллардаги иқтисодий ислохотлар ижобий натижа бермоқда. Жумладан, ишлаб чиқариш ресурсларидан тўлиқ фойдаланиш натижасида тармоқнинг ялпи маҳсулоти ҳажми кескин ошди. Шу билан бирга қишлоқ хўжалик маҳсулотларининг баҳолари ҳам анчага кўтарилди. Лекин харажатлар суммаси кўп ошмади. Натижада тармоқнинг соф фойдаси ортиб, 2001 йили 111,7 млрд.сўмни ташкил этди. Қишлоқ ва сув хўжалиги вазирлиги таркибидаги корхоналарнинг рентабеллиги 26,9%га етди.

Қишлоқ хўжалик корхоналарининг иқтисодий самарадорлик даражасига бир қанча омиллар таъсир этади.

Иқтисодий самарадорликка таъсир этувчи омиллар:

- қишлоқ хўжалиги ерларининг ҳолати, улардан фойдаланиш даражаси;
- хўжаликларнинг ишлаб чиқариш фондлари билан таъминланганлик ва улардан фойдаланиш даражаси;
- меҳнат ресурслари, улардан фойдаланиш ҳамда рағбатлантирилиши;
- ишлаб чиқаришнинг интенсивлашганлик даражаси;
- чорва ҳайвонлари, уларнинг маҳсулдорлиги;
- баҳолар, солиқлар, тўловлар даражаси;
- сув ресурслари, улардан фойдаланиш даражаси;
- давлат, маҳаллий бюджетдан ажратилаётган маблағ ва бошқалар.

Тармоқда ишлаб чиқарилган ўсимликчилик маҳсулотларини (айниқса буғдой, пахта хом-ашёси) сотиш ҳажмининг ошиши ҳамда уларнинг нархларининг ошиши натижасида ширкат ва фермер хўжаликларининг пул тушумлари ошиб борган.

Лекин шу сотиб олинган маҳсулотлар учун маблағнинг ўз вақтида етказиб берилмаётганлиги учун хўжаликларнинг пул тушумлари тез сурътлар билан ошаётгани йўқ. Демак, келажакда товар пул муносабатларини, яъни тўлов тизимини йўлга қўйишга алоҳида эътибор бериш лозим. Эндиликда, пахта тозалаш дон маҳсулотлари учун маблағни контракция шартномаларида кўрсатилган муддатларда тўлашлари зарур. 2004 йилда шу масала бўйича қишлоқ хўжалик субъектларидан 565 таси хўжалик судларига мурожаат қилганлар. Бу ҳол эркин бозор муносабатларини ҳам бажарилмаётганлигидан далолат беради. Шунинг учун келажакда барча эркин бозор муносабатларини ўз вақтида сифатли бажарилишини таъминлашга ҳаракат қилиш мақсадга мувофиқдир. Ҳисоб-китобларга кўра, қишлоқ хўжаликлари корхоналари ўсимликчилик маҳсулотлари ҳажмини 2004 йилда оширишга эришганлари муносабати билан ўзларининг ялпи ва соф фойда суммасини кўпайишини кутмоқдалар. Айтилган, соф фойда суммасининг кўпайиши корхоналарни кенгайтирилган такрор ишлаб чиқариш асосида ривожланишини таъминлаш билан биргаликда уларнинг меҳнат ресурсларини рағбатлантириш ҳам таъминлаш имкониятини беради. Бу ҳол ўз навбатида аҳолини турмуш даражасини юксалишини таъминлайди.

13.4. Қишлоқ хўжалигининг пул даромадларини, ялпи ва соф фойдаларини кўпайтириш, иқтисодий самарадорлигини ошириш йўллари

Қишлоқ хўжалигининг пул даромадларини, ялпи ва соф фойдаларини келажакда янада кўпайтириш унинг барча тармоқларида бозор иқтисоди талабларига мос келадиган ташкилий, техникавий, технологик ҳамда иқтисодий тадбирлар тизими ҳаётга ўз вақтида, сифатли татбиқ этилишини объектив равишда тақозо этади.

Қишлоқ хўжалигининг иқтисодий самарадорлигини ошириш йўллари.

1. Қишлоқ хўжалигида ялпи ҳосилни кўпайтириш ва унинг сифатини яхшилаш тадбирлари:

- экинларнинг серҳосил навларини, чорва ҳайвонларининг эса сермахсул зотларини яратиш, уларни ишлаб чиқаришга жорий этишни тезлаштириш;
- ерларнинг мелиоратив ҳолатини яхшилаш, экинларни сув билан таъминлаш тадбирларини ривожлантириш;

- чорва ҳайвонларини сифатли озуқа билан таъминлаш ва озиклантиришни талаб даражасида амалга ошириш;
- экологияни эътиборга олган ҳолда ишлаб чиқариш жараёнларида маҳаллий, маданий ўғитлардан ҳамда кимёвий воситалардан мақсадга мувофиқ равишда фойдаланишни талаб даражасида таъминлаш;
- маҳсулотларнинг сифатини, уларни ташиш ва сақлаш жараёнларини яхшилаш тадбирларини тезкорлик билан амалга ошириш ва бошқалар.

2. Қишлоқ хўжалигида моддий, меҳнат ва пул харажатлари тежалишини таъминловчи тадбирлар:

- ишлаб чиқаришни самарали жойлаштириш, ихтисослаштириш ва ташкил этишни жадаллаштириш;
- янги техникаларни, илғор технологияларни жорий этиш, мавжуд ишлаб чиқариш воситаларидан самарали фойдаланиш натижасида иш жараёнларини тўлиқ механизациялаштириш, автоматлаштириш, электрлаштириш;
- ишчи-хизматчиларни рағбатлантириш тизимини ривожлантириш;
- давр ҳамда молиявий харажатларни имконият даражасида камайтириш ва бошқалар.

3. Бозор иқтисоди муносабатларини қишлоқ хўжалигига жорий этишни эркинлаштириш ва жадаллаштириш тадбирлари:

- саноат ҳамда қишлоқ хўжалик маҳсулотлари ишлаб чиқаришни, сотишни эркинлаштириш, улар ўртасидаги эквивалентликни таъминловчи тадбирлар жорий этилишини жадаллаштириш;
- нодавлат мулкчилик шакллари барпо этилишига асосланган тадбиркорлик турларини ривожлантириш;
- инвестициялар жалб этилишини таъминловчи иқтисодий механизмларни жорий этиш;
- биржаларнинг турларини ривожлантириш;
- суғурта ишларини ривожлантириш ва бошқалар.

Бу тадбирлар, аввало, етиштириладиган маҳсулотлар миқдорини талаб даражасида кўпайтиришга ва уларнинг сифатини яхшилашга қаратилган бўлиши зарур. Маҳсулотлар миқдори экин майдонларини кенгайтириш ҳамда уларнинг ҳосилдорлигини ошириш ҳисобига кўпайтирилиши мумкин. Экин майдонларини кўпайтириш учун янги ерларни ўзлаштириш талаб этилади. Лекин бу тадбир чекланган. Шунинг учун асосий эътиборни экинларнинг ҳосилдорлигини оширишга қаратиш зарур. Бунинг учун экинларнинг янги, серҳосил, тезпишар навларини яратиш, ирригация, мелиорация, агротехник, кимёвий тадбирларни ўз вақтида амалга ошириш натижасида тупроқнинг унумдорлиги ошишини таъминлаш лозим. Шу билан биргаликда экинларни алмашлаб экишни илмий асосланган ҳолда кенг жорий этиш мақсадга мувофиқ. Алоҳида эътибор ишчи-хизматчиларни моддий ва маънавий рағбатлантиришга қаратилиши зарур.

Юқоридагилар билан бирга ишлаб чиқариш, давр ҳамда молиявий харажатлар ҳажмини қисқартириш ҳам муҳим аҳамият касб этади. Бунинг учун корхоналарнинг, меҳнатнинг оқилона шакллари ташкил этиш талаб этилади.

Янги техника, илғор технологияларни ҳаётга жорий этиш натижасида жонли меҳнат харажатлари камайишини исботлаш лозим. Бу жараённинг ишлаб чиқаришни ихтисослаштириш, агросаноат интеграциясининг ривожланиши билан бевосита боғлиқлигини исботлаш зарур. Чорва ҳайвонлари маҳсулдорлигини ҳам ошириш лозим. Бунинг учун наслчилик ишларини йўлга солиш зарур. Чорва ҳайвонларини тўйимли ем-хашак билан таъминлашга эришиш мақсадга мувофиқдир. Бу тармоқда ҳам барча харажатларни қисқартириш билан боғлиқ бўлган тадбирлар сифатли амалга оширилишини таъминлаш зарур.

Ялпи фойданинг кўпайиши маҳсулотларни сотиш билан боғлиқ бўлган харажатлар камайишини тақозо этади. Шунинг учун маҳсулотларни сотиш билан боғлиқ бўлган бўлимлар, ташкилотлар сонини қисқартириб, бевосита алоқаларга ўтишни таъминлаш лозим. Ҳозирги даврдаги мавжуд бўлган ягона ер солиғини, тўловлар, кредит

ставкаларини тартибга солиш натижасида соф фойда суммаси кўпаяди. Юқорида таъкидланган иқтисодий категорияларнинг кўпайиши, ривожлантирилиши, ўз навбатида, қишлоқ хўжалиги ишлаб чиқариши иқтисодий самарадорлиги ошишини таъминлайди.

Тармоқда ишлаб чиқарилган ўсимликчилик маҳсулотларини (айниқса бугдой, пахта хом-ашёси) сотиш хажмининг ошиши ҳамда уларнинг нархларининг ошиши натижасида ширкат ва фермер хўжаликларининг пул тушумлари ошиб борган.

Лекин шу сотиб олинган маҳсулотлар учун маблағнинг ўз вақтида етказиб берилмаётганлиги учун хўжаликларнинг пул тушумлари тез сурътлар билан ошаётгани йўқ. Демак, келажакда товар пул муносабатларини, яъни тўлов тизимини йўлга қўйишга алоҳида эътибор бериш лозим. Эндиликда, пахта тозалаш дон маҳсулотлари учун маблағни контракция шартномаларида кўрсатилган муддатларда тўлашлари зарур. 2004 йилда шу масала бўйича қишлоқ хўжалик субъектларидан 565 таси хўжалик судларига мурожаат қилганлар. Бу ҳол эркин бозор муносабатларини ҳам бажарилмаётганлигидан далолат беради. Шунинг учун келажакда барча эркин бозор муносабатларини ўз вақтида сифатли бажарилишини таъминлашга ҳаракат қилиш мақсадга мувофиқдир. Ҳисоб-китобларга кўра, қишлоқ хўжаликлари корхоналари ўсимликчилик маҳсулотлари хажмини 2004 йилда оширишга эришганлари муносабати билан ўзларининг ялпи ва соф фойда суммасини кўпайишини кутмоқдалар. Айтилса, соф фойда суммасининг кўпайиши корхоналарни кенгайтирилган такрор ишлаб чиқариш асосида ривожланишини таъминлаш билан биргаликда уларнинг меҳнат ресурсларини рағбатлантириш ҳам таъминлаш имкониятини беради. Бу ҳол ўз навбатида аҳолини турмуш даражасини юксалишини таъминлайди.

Таянч иборалар:

Ялпи даромад, пул тушумлари, ялпи фойда, соф фойда, рентабеллик, иқтисодий самарадорлик.

Қисқача хулосалар

Бозор иқтисодиёти шароитида қишлоқ хўжалигидаги барча корхоналарнинг асосий мақсади – мавжуд ресурслардан оқилона, самарали фойдаланиш натижасида талабни қондирадиган миқдорда соф фойда олишдир. Соф фойда массасининг кўпайиши корхонанинг келажакда ривожланишини, ишчи-хизматчиларнинг моддий манфаатдорлиги ошишини таъминлайди.

Корхоналарнинг ялпи ва пул даромадлари ҳамда ялпи ва соф фойдасини тўғри аниқлаб, уларни мақсадга мувофиқ тақсимлашга алоҳида эътибор бериш лозим. Қишлоқ хўжалиги корхоналари фаолиятининг иқтисодий самарадорлиги даражасини тегишли кўрсаткичлар тизими ёрдамида аниқлаш мақсадга мувофиқдир.

Хўжаликларнинг даромадларини, фойдаларини кўпайитириш учун барча турдаги тадбирларни амалга ошириб, доимий ва ўзгарувчан харажатларни камайитириб, талабни қондирадиган даражада сифатли маҳсулотлар етиштириш лозим.

Назорат ва муҳокама учун саволлар

1. Ялпи даромад деганда нимани тушунасиш?
2. Ялпи даромад суммаси қандай аниқланади?
3. Ялпи фойда нима ва у қандай аниқланади?
4. Соф фойда нима ва у қандай аниқланади?
5. Иқтисодий самарадорлик деганда нимани тушунасиш?
6. Иқтисодий самарадорлик даражасини қандай кўрсаткичлар ифодалайди?
7. Рентабеллик даражаси нима ва у қандай аниқланади?
8. Фойда нормаси деганда нимани тушунасиш ва у қандай аниқланади?

9. Қандай тадбирлар қишлоқ хўжалик маҳсулотлари миқдорини ошириб, сифатини яхшилайдими?
10. Қандай тадбирлар моддий, меҳнат ва пул харажатлари тежалишини таъминлайди?

Асосий адабиётлар

1. И.А. Каримов. «Қишлоқ хўжалиги тараққиёти тўғрисида маълумотлар» - Т.: 1998.
2. Каримов И.А. Ўзбекистон XXI асрга интилоқда - Т.: 1999.
3. Каримов И.А. Иқтисодий эркинлаштириш–фаровонлик маълумоти, Сайланма асарлар. Т.: - Ўзбекистон, I Том 2001.
4. Каримов И.А. Кичик ва хусусий тадбиркорликни ривожлантиришнинг навбатдаги тадбирлари. Сайланма асарлар, 9-том. Т.: 2001.
5. Каримов И.А. Жамиятда тадбиркорлик руҳини қарор топтириш – тараққиёт гарови. Сайланма асарлар. 9-том. Т-2001.
6. А.Абдуғаниев, А.А.Абдуғаниев, «Қишлоқ хўжалиги иқтисодиёти», Т.: «Ўзбекистон Ёзувчилар уюшмаси Адабиёт Жамғармаси», 2004
7. Н.А. Коленникова, А.Д. Миронова, «Бизнес–план. Методические материалы», - М.: Финанс и статистика, 2004
8. М.И. Лехенко, «Основы лизинга: Учебное пособие», - М.: Финанс и статистика, 2004
9. И. Минаков, «Экономика сельскохозяйственного предприятия», Учебник, М.: Колос, 2004.
10. Л.И. Макавец, М.Н. Макавец, «Экономика производства сельскохозяйственного производства», Санкт_Петербург, 2002
11. Т.Ю. Мазурин, Л.Г. Скамай, «Финансы фирм», Практикум: Учеб. пособие. - М.: ИНФРА-М, 2004
12. И.А. Напетова, «Анализ финансово хозяйственной деятельности», - М.: Форум-Инфра-М, 2004

Интернет сайтлари:

1. Попов Н.А. Экономика отраслей АПК. Курс лекции, 2002, <http://family.taukita.ru/Item22219310.htm>
2. Коваленко Н.Я. Экономика сельского хозяйства, М. «Юркнига». 2004 <http://shopper.h1.ru/books.shtml?topic=935&page=1>
3. Королев Ю.Б. и др. Менеджмент в АПК, 2002, учебник,
4. <http://web.book.ru/cgi-bin/book.pl?page=4&book=88899>

XIV боб

ЎСИМЛИКЧИЛИК ТАРМОҚЛАРИ ИҚТИСОДИЁТИ

14.1. Ўсимликчилик тармоқларининг аҳамияти

14.2. Ўсимликчилик тармоқлари иқтисодиётининг ҳозирги ҳолати

14.3. Ўсимликчилик тармоқлари иқтисодиётини ривожлантириш масалалари

14.1. Ўсимликчилик тармоқларининг аҳамияти

Республика қишлоқ хўжалиги таркибида қуйидаги йирик тармоқлар мавжуд:

- ўсимликчилик;
- чорвачилик.

Ўсимликчилик мамлакат қишлоқ хўжалигининг энг асосий тармоғи ҳисобланади. Унинг қишлоқ хўжалигида ишлаб чиқарилган жами ялпи маҳсулотдаги салмоғи 1998-2001 йилларда 80-90 фоизни, товар маҳсулоти таркибидаги салмоғи эса 80-82 фоизни ташкил этган. Қишлоқ хўжалигининг ўсимликчилик тармоқғи:

- дон-ғаллачилик (буғдойчилик, шолочилик, ...);
 - техника экинлари (пахтачилик, канопчилик, тамакичилик, лавлагичилик, ...);
 - картошкачилик;
 - сабзавотчилик (карамчилик, памидорчилик; ...);
 - полизчилик (қовунчилик, тарвузчилик; ...);
 - боғдорчилик (узумчилик, ўрикчилик, олмачилик; ...)
- ва бошқа тармоқлардан иборатдир.

Бу тармоқларда буғдой, арпа, шоли, макка дони, мош, пахта хомашёси, тамаки барги, каноп, қанд лавлаги, ер ёнғоқ, картошка, памидор, бодринг, каром, сабзи, қовун, тарвуз, узим, олма, ўрик, ёнғоқ, анор ва бошқа маҳсулотлар етиштирилади. Улар қайта ишлаш саноати тармоқлари учун хомашё, аҳоли учун эса озиқ-овқат маҳсулотлари ҳисобланади.

Ўсимликчилик тармоқлари орасида ичида пахтачилик биан ғаллачилик давлат миқёсида стратегик аҳамиятга эгадир. Бу тармоқлар республикадаги йирик ва муҳим ҳисобланган «Ўздонмаҳсулот», пахта тозалаш саноати, тўқимачилик ва енгил ҳамда нон маҳсулотлари корхоналарини хомашё билан таъминлайди. Натижада миллионлаб ишчи-хизматчилар иш ҳамда даромад билан таъминланади.

Пахта толасини сотиш натижасида мамлакат валюта тушумининг 55 фоизга яқини оинмоқда.

Ғаллачилик асосан республика аҳолисининг дон маҳсулотларига бўлган талабини қондиришга хизмат этади. 2002 йилда 5,4 млн. тонна ғалла етиштирилди жон бошига 216,5 кг. дон тўғри келди. Тиббиёт нормативлари бўйича бир киши-қунига 124 кг. ун ва ун маҳсулотларини истеъмол қилиши лозим. Ғаллачиликда эришилган натижа республикада бу борадаги талабни қондириш имкониятига эга эканлигидан далолат беради. Бу Республика Президенти И.А.Каримов томонидан амалга оширилаётган ғалла мустақиллиги сиёсатининг натижасидир. Ғаллачиликнинг ривожланиши чорвачилик ва саноат тармоқлари юксалишига ҳам ижобий таъсир этиши мумкин.

Ғаллачилик билан пахтачилик тармоқларининг умумий майдони республика жами экин майдонининг 82 фоизга яқинини ташкил этмоқда. Айрим қишлоқ хўжалик корхоналарида эса жами экин майдонининг 90 фоизга яқини пахта ҳамда ғалла билан банд бўлмоқда. Шунинг учун ҳам уларнинг ялпи маҳсулотдаги салмоғи юқори.

Республика ўсимликчилик тармоқларида инсон саломатлиги учун керак бўлган турли хил маҳсулотлар етиштирилади. Жумладан, иккинчи нон ҳисобланган картошка, сабзавот, полиз ва боғдорчилик маҳсулотлари ва бошқалар. Кейинги йилларда тармоқда доривор маҳсулотлар етиштиришга ҳам алоҳида эътибор берилмоқда.

Уларнинг кўпроқ етиштирилишини доимий йўлга қўйиш мамлакат аҳолисининг бу борадаги талабини қондириш билан бирга ташқи бозорда кўпроқ сотилишини ҳам таъминлайди. Бу эса валюта тушумининг ошишига олиб келади.

14.2. Ўсимликчилик тармоқлари иқтисодийётининг ҳозирги ҳолати

Қишлоқ хўжалигининг ўсимликчилик тармоқларида ички ва ташқи бозор талабини қондира оладиган турли хилдаги маҳсулотлар давлат сиёсатини эътиборга олган ҳолда етиштирилмоқда.

Ўсимликчилик тармоқларида етиштирилаётган маҳсулотларнинг самарадорлиги бир қанча кўрсаткичлар ёрдамида аниқланади. Улар миқдор (натурал) ва қиймат шаклида намоён бўлади. Жумладан, экин турлари бўйича 1 гектар майдондан олинган ҳосил, яъни экинларнинг ҳосилдорлиги, озиқа экинлари бўйича қўшимча ҳар гектардан олинган озиқа бирлиги миқдори аниқланади. Уни аниқлаш учун жами етиштирилган ҳосилни шу ҳосил олинган экин майдонига тақсимлаш лозим. Бунинг учун қуйидаги формуладан фойдаланиш мумкин:

$$\text{Эх} = \frac{\text{Ях}}{\text{Хм}}; \quad \text{Об} = \frac{\sum \text{Об}}{\text{Об}_m}$$

Бунда: Э_х – экин турларининг ҳосилдорлиги, цҒга;

Об – бир гектардан олинган озиқа бирлиги, цҒга;

Я_х – ялпи олинган ҳосил, тонна ёки цен;

∑Об – жами олинган озиқа бирлиги, тонна ёки цен;

Х_м, Об_м – ҳосил, озиқа бирлиги олинган майдон, га.

Бир гектар экин майдонига, олинган бир центнер ҳосил учун сарфланган ишлаб чиқариш харажатлари (меҳнат, маблағ), уларнинг жами сарфланган меҳнат ва маблағ харажатларини ҳосил олинган майдон ёки жами ҳосил миқдorigа тақсимлаш натижасида аниқлаш мумкин. Бунинг учун ушбу формуладан фойдаланиш лозим:

$$\text{Хга} = \frac{\sum \text{ИЧх}}{\text{Хм}}; \quad \text{ёки} = \frac{\sum \text{Мх}}{\text{Хм}}$$

Бунда: Х_{га} – 1 гектарга сарфланган ишлаб чиқариш, меҳнат харажатлари, сўмҒга, кҒга;

∑ИЧ_х – экин турлари бўйича ишлаб чиқариш харажатлари, млн. сўм;

∑М_х – экин турлари бўйича сарфланган меҳнат сарфи, минг киши-куни.

Экинларнинг турлари бўйича ишлаб чиқариш таннархи. Уни жами ишлаб чиқариш харажатлар суммасининг олинган маҳсулот миқдorigа нисбати билан, яъни қуйидаги формула ёрдамида аниқлаш мумкин:

$$\text{Мтн} = \frac{\sum \text{ИЧх}}{\text{Ях}}$$

Бунда: М_{тн} – маҳсулот турини етиштириш таннархи, сўмҒцен. Бу кўрсаткич етиштирилган ҳар бир маҳсулотнинг бир центнари неча сўмга тушганлигини кўрсатади. Улар маҳсулотларни сотиш баҳолари билан таққосланиши натижасида ҳар бир центнер маҳсулотни етиштириш эвазига эришилган натижаларни ҳисоблаш, яъни шу маҳсулотни етиштиришдан хўжалик фойда олдими ёки зарар қилганлигини аниқлаш имкониятини яратади. Натижада ҳар бир маҳсулот турининг рентабеллилик даражаси аниқланади. Бунда қуйидаги формуладан фойдаланиш мумкин:

$$P = \frac{C\Phi}{\text{ИЧх}} \times 100$$

Бунда: P – ҳар бир маҳсулот турининг, ўсимликчиликнинг рентабеллик даражаси, фоизда;

С_ф – олинган фойда.

Ўсимликчилик тармоқларида ҳам бозор иқтисодиёти муносабатларини шакллантириш мақсадида ерларни фермер, деҳқон хўжаликларига узоқ муддатга, фуқароларга эса умрбод фойдаланишга бериш натижасида жамоа, ширкат ва давлат хўжаликлари ихтиёридаги ерлар камайиб бормоқда. Чунончи, ўсимликчилик тармоқларида экинларнинг жами майдони 1995-2000 йилларда 390,1 минг гектарга ёки 9,4 фоизга камайиб, 3774,9 минг гектарни ташкил этган. Қисқариш асосан пахта ҳамда ем-хашак экинларининг майдонлари камайиши ҳисобига юз берган (31-жадвал).

Ҳозирги даврда қишлоқ хўжалик экинларини жойлаштиришда табиий-иқтисодий шароит, давлат сиёсати ҳамда бозор талаби эътиборга олинмоқда. Республика аҳолисининг донга бўлган талбини қондириш мақсадида Президент И. Каримов раҳбарлигида ғалла мустақиллиги сиёсати амалга оширилмоқда. Уни самарали ҳал этиш мақсадида пахта яккаҳоқимлиги аста-секин пасайтирилмоқда. Бунга пахта экин майдонининг 48,5 минг гектарга ёки 3,2 фоизга қисқаргани далил бўлади. Унинг майдони пахтачилик учун табиий-иқтисодий шароити ноқулай ҳисобланган республиканинг шимолий худудларида сезиларли миқдорда қисқартирилди. Айниқса, Қорақалпоғистон Республикасида шу йиллар ичида 51,0 минг гектарга ёки 34,8 фоизга, Хоразм вилоятида 13,1 минг гектарга ёки 13,0 фоизга, Қашқадарё вилоятида эса 23,3 минг гектарга ёки 13,5 фоизга камайтирилган. Сув ресурслари етишмаслиги сабабли шולי майдони Ўзбекистон бўйича 24 минг гектарга ёки 12 фоизга қисқартирилган. Бу жараён асосан Қорақалпоғистон Республикасида ҳамда Хоразм вилоятида содир бўлган.

31-жадвал

Республикада қишлоқ хўжалик экинларининг майдони
(минг.га)*

Экинларнинг номи	Й и л л а р						2000й.да 1995й. дагига нис. %
	1995	1996	1997	1998	1999	2000	
Ғалла экинлари	1656,5	1740,5	1757,3	1686,8	1723,1	1611,9	97,3
шундан:							
-буғдой	1164,4	1328,7	1458,8	1412,4	1419,6	1354,8	116,3
Техника экинлари	1532,6	1525,1	1536,0	1614,1	1607,0	1471,2	96,0
шундан:							
-пахта	1492,2	1487,3	1511,9	1631,6	1517	1443,7	96,8
Картошка, сабзавот, полиз экинлари	244,3	219,9	322,5	231,3	238,7	263,8	108,0
Ем-хашак экинлари	731,6	521,5	500,4	497,5	449	428	58,5
Ж а м и	4165	4007	4116,2	4029,7	4017,8	3774,9	90,6

*Республика Макроиқтисод ва статистика вазирлиги маълумотлари асосида тайёрланган.

Лекин шу йиллар мобайнида етарли даражада асосланмаган ҳолда ем-хашак экинларининг майдони 303,6 минг гектарга ёки 41,5 фоизга қисқартирилган. Қисқартирилган майдонларга асосан буғдой, картошка ҳамда полиз экинлари экилган. Натижада буғдой экилган майдон республика бўйича 1164,4 минг гектардан (1995 й.) 1354,8 минг гектарга (2000й.) етказилган ва 190,4 минг гектарга ёки 16,5 фоизга кўпайган.

Аграр-иқтисодий ислохотлар амалга оширила бориши натижасида ўсимликчилик маҳсулотлари етиштиришда нодавлат секторининг улуши ортмоқда. 2001 йилнинг бошига жами экин майдонининг 37,2 фоизи ширкат, 31,7 фоизи фермер хўжаликлари ихтиёрида.

Келажакда деҳқончилик маҳсулотлари етиштириш билан фермер ва деҳқон хўжаликлари шуғулланиши мақсадга мувофиқдир.

Экин майдонлари таркиби ўзгариши туфайли умумий экин майдонидаги экинлар салмоғи ҳам ўзгармоқда. 1995 йилда донли экинларнинг салмоғи 39,8 фоиз бўлган бўлса, 2000 йилга келиб, 42,7 фоизни ташкил этган ёки 2,9 фоизга ошган, техника экинларининг салмоғи шу даврда 2,2 фоизга ортиб, 2000 йилда 39 фоизни ташкил қилган. Аҳоли учун энг зарур озиқ-овқат ҳисобланган картошка, сабзавот ва полиз экинлари майдонининг салмоғи 1,1 фоизга кўпайган. Лекин ем-хашак экинларининг салмоғи қисқариб бормоқда. Бундай ҳол экинларни алмашлаб экишга салбий таъсир этиши мумкин. Шунинг учун келажакда экин майдонлари салмоғини тартибга солишда алмашлаб экиш жорий этилишини таъминлашга алоҳида эътибор бериш лозим.

Республика қишлоқ хўжалигида экинлар майдонлари ўзгариши натижасида етиштирилаётган маҳсулотлар миқдори ҳам ўзгармоқда. Агар 1995 йилда мамлакат бўйича жами 3215,3 минг тонна дон маҳсулотлари етиштирилган бўлса, бу кўрсаткич 2000 йилда 3915,7 минг тоннани, 2002 йилда эса 5,4 млн. тоннани ташкил этди. Ғалла етиштириш 2000 йилда 1995 йилдагига нисбатан 21,8 фоизга, 2002 йилда эса 46,2 фоизга ошди. Лекин шу йилларда буғдой етиштириш устувор суъратларда кўпайган. Унинг миқдори 2000 йилда 53,9 фоизга, 2002 йилда эса 69,4 фоизга ошган. Ғалла етиштириш ҳажми Қашқадарё ва Сурхондарё вилоятларидан ташқари барча вилоятларда ошиб бомоқда (32-жадвал).

32-жадвал

Республика вилоятлари қишлоқ хўжалик корхоналарида етиштирилган деҳқончилик маҳсулотлари*

Вилоятлар	Пахта	Бошоқ.дон	Пахта	Бошоқ.дон	Сабзавот-полиз	
	1996		2000		1996	2000
Қорақалпоғистон Р.	203,9	125,4	10	64	35,4	23,8
Андижон	315,9	337,4	389,7	512,8	70,1	1,7
Бухоро	360,6	351,1	126,7	213,5	31,6	9,2
Жиззах	139,4	155,5	175,4	316,9	24	13,1
Қашқадарё	375,7	265,1	321,3	263,9	89,4	29,6
Навоий	101,3	103,6	55,5	92,6	12,5	13,6
Наманган	239,8	243,5	251,3	258,2	171,7	10,5
Самарқанд	216,8	167,7	231,2	278,1	277,9	11,2
Сурхондарё	360,1	259,5	271,3	203,1	34,1	15,2
Сирдарё	186,5	174,6	153,1	185,6	17	10,3
Тошкент	258,8	256,4	283,1	336	283	26,1
Фарғона	301,3	362,6	295,7	325,1	174	10,5
Хоразм	290	199	52	76,7	64,8	5,6
Жами	3350,1	3001,5	2616,3	3126,5	52,8	173,4

*Республика Қишлоқ ва сув хўжалиги вазирлиги маълумотлари асосида тузилган.


Шу йилларда ғаллачилик устувор суъратларда Навоий, Жиззах ҳамда Бухоро вилоятларида ривожланган. Етиштирилаётган ғалланинг 35,1 фоизи Фарғона водийси хўжаликлари ҳиссасига тўғри келмоқда. Бу маҳсулотнинг атиги 4,5 фоизи Қуйи Амударё воҳасида етиштирилган. Тошкент туманида эса ялпи ғалла ҳосилининг 26,8 фоизи етиштирилмоқда. Бу маълумотлар ғаллачилик мамлакат миқёсида қандай жойлашганлигидан далолат бермоқда.

Сўнгги йилларда ғаллачиликнинг ривожланиши ғаллазорлар кенгайиши билан ҳосилдорлик ошиши ҳисобига таъминланган. Лекин пахта хомашёси етиштириш унинг

яккаҳокимлигини сусайтириш натижасида сўнгги йилларда бироз камайиб, 3,1-3,2 млн. тоннани ташкил этмоқда. 2000-2002 йилларда жами пахта хомашёсининг 31,7 фоизи Фарғона вилояти хўжаликларида, 29,5 фоизи Бухоро, Қашқадарё ва Сурхондарё вилоятларида, атига 10,8 фоизи Қуйи Амударё воҳасидаги хўжаликларда етиштирилмоқда. Пахтанинг экин майдони камайиши билан бирга ҳосилдорлиги ҳам пасайиб бормоқда (6- диаграмма).

6-диаграмма

Қишлоқ ва сув хўжалик вазирлиги таркибидаги корхоналарда экинлар ҳосилдорлиги



Аксарият экинлар ҳосилдорлигининг пасайишига экин майдонлари унумдорлиги пасайганлиги сабаб бўлмоқда. Ҳозирги даврда республика миқёсида жами суғориладиган ерларнинг 50 фоизига яқини у ёки бу даражада шўрланган. Бундай ҳолат шу ерларнинг мелиоратив ҳолати ёмонлашиши оқибатида юз бермоқда.

Сўнгги йилларда кимёвий воситалар баҳоларининг кескин ошганлиги сабабли уларни талаб этилган миқдорда сотиб олиш ва экин майдонларига зарур даражада солиш имкони бўлмапти. Бу экинларнинг ҳосилдорлигига салбий таъсир кўрсатмоқда. Республика вилоятларида экинларнинг серҳосил, самарали навларини тўғри жойлаштиришга эришилмаганлиги ҳам ҳосилдорлик ошиши йўлидаги тўсиқлардан биридир.

Қишлоқ хўжалигида фойдаланилаётган саноат маҳсулотлари баҳоларининг тез суръатларда ошиши, экинларнинг ҳосилдорлиги эса тез ўсмаётганлиги натижасида тармоқларда етиштирилаётган маҳсулотлар таннархи сезиларли даражада ошиб бормоқда. Фақатгина 1997-2001 йилларда бошоқли доннинг 1 центнери таннархи 3,4 марта, шу жумладан, буғдойники 3,9 марта ошган. Пахта хомашёсининг таннархи эса 3,2 марта ошиб, 10380 сўмни ташкил этган (33-жадвал).

33-жадвал

Республика қишлоқ хўжалигида етиштирилаётган ўсимликчилик маҳсулотларининг таннархи ва рентабеллик даражаси*

Маҳсулот	1997 йил	1998 йил	1999 йил	2001 йил
----------	----------	----------	----------	----------

турлари	1 ц таннарх и	рента б. дар; %	1 ц таннарх и	рентаб . дар; %	1 ц таннарх и	рентаб . дар; %	1 ц таннарх и	рента б. дар; %
Бошоқли дон	1043	7,6	1353	11	2013	18,2	4638,3	14,2
Ш.ж. бугдой	913	11,5	1186	12,3	1791	11,7	4495,7	17,8
Картошка	1279	14,3	1698	2,9	2020	43,9	3106,7	44,7
Пахта	2440	-18,6	3272	-26,4	3240	-7,8	10380	0,8
Сабзавот	335	34,6	466	55,5	543	60,9	1517,6	61,3
Полиз	230	15,2	283	32,1	366	46,4	926,2	48,1
Мева	717	-9,7	843	8,5	1119	38	1117,4	39,2
Узум	846	10,6	1247	7,9	1448	51,6	2458,9	47,6

*Республика қишлоқ ва сув хўжалиги вазирлиги маълумотлари асосида тузилган.

Жадвал маълумотлари барча ўсимликчилик маҳсулотларининг таннархи ошганлигидан далолат бермоқда. Шу йиллар ичида 1 центнер картошканинг таннархи 1,4 марта, сабзавот маҳсулотларининг ўртача таннархи 3,5 марта, полиз маҳсулотлариники эса 3 марта ошган. Ўсимликчилик маҳсулотлари таннархларининг ошиши шу маҳсулотлар самарадорлигига ҳам таъсир этган. Яъни маҳсулотларни сотиш натижасида олинishi мумкин бўлган фойда суммаси унчалик кўпаймаган. Лекин, сўнгги йилларди қишлоқ хўжалик корхоналари экинларнинг серҳосил, кам сув талаб этадиган, қисқароқ муддатларда пишиб етиладиган навларини экиш, янги техникалардан, самарали технологиялардан ва меҳнатни ташкил этишнинг илғор шаклларида фойдаланиб, уларнинг ҳосилдорлигини ошириш ва ҳосилини сифатига путур етказмаган ҳолда тезроқ йиғиштириб олишга ҳаракат қилмоқдалар. Шунингдек, давлат томонидан сотиб олинаётган деҳқончилик маҳсулотларининг харид баҳолари ҳам йил сайин оширилмоқда. Чунончи, 2000-2002 йилларда пахта хомашёсининг харид баҳоси ўртача 101,3 фоизга, башоқли дон маҳсулотлариники эса 142,8 фоизга оширилган. Бу хўжаликлар муайян даражада фойда олишини таъминламоқда. Дарвоқе, 1995-1999 йилларда пахта хомашёсини етиштириш зарар келтирган бўлса, 2000 йилдан бошлаб маълум миқдорда фойда бермоқда. 2001 йилда 1 центнер пахта хомашёсини сотиш натижасида 86 сўм, дон маҳсулотларини сотишдан эса 657 сўм фойда олинган. 33-жадвал маълумотларининг далолат беришича, республика деҳқончилигининг асосий тармоқлари фойда келтириб, рентабелли тармоққа айланган, бироқ барча тармоқларнинг рентабеллиги бозор иқтисоди талабларига тўлиқ жавоб бермайди. Аниқроғи, муайян соҳалар (пахтачилик, ғаллачилик, ем-хашак етиштириш) дан олинаётган фойда хўжаликлар фаолиятини кенгайтирилган такрор ишлаб чиқариш асосида ривожлантиришни таъминлай олмайди. Шундай экан, келажакда ўсимликчиликнинг барча соҳаларини ривожлантириш ва самарадорлигини юксалтириш лозим.

14.3. Ўсимликчилик тармоқлари иқтисодиётини ривожлантириш масалалари

Ўсимликчилик тармоқларининг республика ҳамда қишлоқ хўжалик корхоналари иқтисодиётидаги ўрнини, аҳамиятини эътиборга олган ҳолда келажакда уларни ривожлантириш ва самарадорлигини юксалтириш энг асосий вазифалардан биридир. Бу муаммони ижобий ҳал этиш учун, аввало, эркин бозор талабларини эътиборга олган ҳолда қандай турдаги деҳқончилик маҳсулотларини ва қанча миқдорда етиштириш зарурлигини аниқлаб олиш лозим. Бунда давлатнинг қандай маҳсулотларга ва қанча миқдорда эҳтиёжманд эканлигини аниқлашга алоҳида эътибор бериш лозим. Чунки давлат ўз эҳтиёжини қондирадиган товар ишлаб чиқарувчилар учун имтиёзлар яратмоқда. Хўжаликлар бошқа истеъмолчиларнинг қисқа ва узоқ муддатли талабларини ҳам чуқур ўрганишлари, ўз ички ишлаб чиқариш эҳтиёжлари ҳамда бошқа талабларини аниқлаб

олишлари лозим. Қайси маҳсулотни ва қанча миқдорда етиштириш мақсадга мувофиқ эканлигини аниқлашда уларнинг самарадорлигини, албатта, эътиборга олиш зарур. Бозор иқтисодиёти шароитида ҳар бир хўжалик ўз талабини қондирадиган миқдорда фойда келтирадиган маҳсулотларни етиштириш билан шуғулланиши лозим. Юқорида таъкидланган масалаларни ҳал этишда экинларни алмашлаб экишнинг назарий ҳамда амалий жиҳатдан асосланган тизими жорий этилишига ҳам алоҳида эътибор бериш керак. Чунки бу тупроқнинг унумдорлиги ошишини таъминлайди.

Ўсимликчилик маҳсулотларини белгиланган миқдорда етиштириш учун зарур бўлган ишлаб чиқариш воситаларини: уларнинг турларини, миқдорини ҳамда ҳолатини аниқлаб олиш алоҳида аҳамиятга эгаллигини унутмаслик зарур. Чунки шулар ёрдамида маҳсулот етиштириш жараёнлари белгиланган муддатларда, сифатли бажарилиши таъминланади. Натижада ишлаб чиқариш ва бошқариш харажатлари маълум миқдорда тежалиши мумкин.

Барча воситалардан йил давомида тўғри, тўлиқ ҳамда самарали фойдаланиш орқали талабни қондирадиган миқдорда сифатли ўсимликчилик маҳсулотлари етиштириш, уларнинг самарадорлигини юксалтириш учун муайян чора-тадбирларни амалга ошириш мақсадга мувофиқдир (22-чизма).

22- чизма

Ўсимликчилик маҳсулотлари етиштиришни ривожлантириш ва уларнинг самарадорлигини юксалтириш йўллари

Экстенсив ва интенсив йўллар:

а) Ўсимликчилик маҳсулотлари ялпи ҳосилини кўпайтириш учун:

- экин майдонларини кенгайтириш;
- экинларнинг ҳосилдорлигини ошириш зарур.

б) Ҳосилдорликни ошириш учун:

- экин майдонларининг мелиоратив ҳолатини яхшилаш;
- экин майдонларини сув билан таъминлаш;
- уруғларни сермахсул, тезпишар навларини экиш;
- минерал ва органик ўғитлардан оқилона фойдаланиш;
- бошқа кимёвий воситалардан самарали фойдаланиш;
- агротехник тадбирларни муддатида ва сифатли бажариш;
- алмашлаб экишни жорий этиш;
- ишчи ва хизматчиларни моддий ва маънавий рағбатлантириш;
- ишлаб чиқариш воситаларидан тўлиқ ва самарали фойдаланиш лозим.

в) Маҳсулот етиштиришда харажатларни тежаш учун:

- янги техникаларни, илғор технологияларни жорий этиш;
- маҳсулот етиштириш жараёнларини тўлиқ механизациялаштириш;
- меҳнатнинг янги шакллари ташкил этиш керак.

г) Ишлаб чиқаришни ихтисослаштириш ва экинларни мақсадга мувофиқ жойлаштириш зарур.

д) Етиштирилган ҳосилни ташиш ва сақлаш жараёнларини самарали ташкил этиш лозим.

е) Маҳсулотларни бозор талаблари асосида сотишни амалга ошириш керак.

Ўсимликчилик маҳсулотлари етиштиришни, 22-чизмада кўрсатилганидек, икки йўли – **экстенсив ва интенсив** йўли мавжуд.

Экстенсив йўлда маҳсулот миқдори асосан экинлар майдонини кўпайтириш ҳисобига, **интенсив** йўлда эса экинларнинг ҳосилдорлигини ошириш ҳисобига таъминланади. Маҳсулот миқдорини интенсив йўл орқали кўпайтириш учун тупроқ унумдорлиги ошишини таъминлашга қаратилган тадбирларни амалга ошириш, масалан, ирригация-

мелиорация тизимини куриш, таъмирлаш, ерларни текислаш, шўрини ювиш, ўғитлардан самарали фойдаланиш, алмашлаб экишни жорий этиш керак.

Етиштирилаётган маҳсулотлар самарадорлигини юксалтириш учун эса ишлаб чиқариш ва бошқариш харажатлари тежалишини таъминлайдиган ишларни, тадбирларни оқилона амалга ошириш зарур. Бунинг учун меҳнатни ташкил этишнинг пудрат, ижара каби мақсадга мувофиқ шакллари татбиқ қилиш, ишлаб чиқариш, ҳосилни йиғиштириб олиш, сақлаш жараёнларини механизациялаштириш, ишлаб чиқариш воситаларидан тўлиқ ва самарали фойдаланиш, янги техника, илғор технологияларни жорий этиш, ишчи-хизматчилар моддий ва маънавий рағбатлантирилишини изчиллик билан амалга ошириш керак.

Дехқончилик маҳсулотлари етиштиришни ривожлантириш, унинг самарадорлигини юксалтириш мақсадида хўжаликларда фаолият кўрсатаётган барча аъзоларнинг ишлаб чиқаришга бўлган муносабатларини бозор талаблари асосида тубдан ўзгартириш лозим. Яъни, улар маҳсулот етиштириш, йиғиштириб олиш, сақлаш ва сотиш билан боғлиқ бўлган муносабатларни вақтида, оқилона амалга оширишга алоҳида эътибор беришлари керак.

Юқорида таъкидланган барча тадбирлар вақтида, сифатли амалга оширилиши натижасида ўсимликчилик маҳсулотлари миқдори кўпайиб, уларнинг самарадорлиги юксалиши таъминланади.

Таянч иборалар:

Ўсимликчилик, картошқачилик, канопчилик, ғаллачилик, экстенсив йўл, интенсив йўл, сабзавотчилик (карамчилик, памидорчилик; ...); полизчилик (қовунчилик, тарвузчилик; ...); боғдорчилик (узумчилик, ўрикчилик, олмачилик; ...)

Қисқача хулосалар

Ўсимликчилик мамлакат қишлоқ хўжалигининг асосий тармоғидир. Унда ялпи қишлоқ хўжалик маҳсулотининг 80 фоизи етиштирилмоқда. Ўсимликчиликнинг иқтисодий самарадорлигини аниқлаш зарур. Бунда кўрсаткичлар тизимидан фойдаланиш лозим. Ўсимликчилик таркибида ғаллачилик ривожлантирилиб, ғалла мустақиллиги таъминланмоқда. Лекин пахтачиликнинг ривожланиш даражаси, иқтисодий самарадорлиги муттасил ошиб бораётган талабни қондира оладиган даражада эмас. Келажакда самарали турларнинг диверсификациясини амалга ошириш мақсадга мувофиқдир.

Мамлакатда ўсимликчилик тармоқларини ривожлантириш, уларнинг самарадорлигини юксалтириш учун ҳуқуқий, ташкилий, технологик ҳамда иқтисодий тадбирлар тизимини оқилона амалга ошириш зарур.

Назорат ва муҳокама учун саволлар

1. Ўсимликчилик тармоғининг мамлакат иқтисодиётидаги ўрнини, аҳамиятини тушунтириб беринг.
2. Ўсимликчилик маҳсулотларининг инсон ҳаётидаги аҳамиятини изоҳлаб беринг.
3. Ўсимликчилик тармоқлари деганда нимани тушунаси?
4. Ўсимликчилик маҳсулотлари миқдорининг ўзгаришини кўрсатинг.
5. Ўсимликчилик маҳсулотлари самарадорлигини қандай кўрсаткичлар ифодалайди?
6. Ўсимликчилик маҳсулотларининг иқтисодий самарадорлик даражасини тушунтириб беринг.
7. Маҳсулотлар етиштиришни ривожлантириш, самарадорлигини юксалтиришнинг қандай йўллари мавжуд?

Асосий адабиётлар

1. И.А. Каримов. «Қишлоқ хўжалиги тараққиёти тўқис хаёт манбаи - Т.: 1998.
2. Каримов И.А. Ўзбекистон XXI асрга интилмоқда - Т.: 1999.
3. Каримов И.А. Иқтисодни эркинлаштириш–фаровонлик манбаи, Сайланма асарлар. Т.: - Ўзбекистон, I Том 2001.
4. Каримов И.А. Кичик ва хусусий тадбиркорликни ривожлантиришнинг навбатдаги тадбирлари. Сайланма асарлар, 9-том. Т.: 2001.
5. Каримов И.А. Жамятда тадбиркорлик руҳини қарор топтириш – тараққиёт гарови. Сайланма асарлар. 9-том. Т-2001.
6. А.Абдуғаниев, А.А.Абдуғаниев, «Қишлоқ хўжалиги иқтисодиёти», Т.: «Ўзбекистон Ёзувчилар уюшмаси Адабиёт Жамғармаси», 2004
7. Н.А. Коленсниковой, А.Д. Миронова, «Бизнес–план. Методические материалў», - М.: Финансў и статистика, 2004
8. М.И. Леҳенко, «Основў лизинга: Учебное пособие», - М.: Финансў и статистика, 2004
9. И. Минаков, «Экономика сельскохозяйственного предприятия», Учебник, М.: Колос, 2004.
10. Л.И. Макавец, М.Н. Макавец, «Экономика производства сельскохозяйственного производства», Санкт_Петербург, 2002
11. Т.Ю. Мазурина, Л.Г. Скамай, «Финансў фирмў», Практикум: Учеб. пособие. - М.: ИНФРА-М, 2004
12. И.А. Напетова, «Анализ финансово хозяйственной деятельности», - М.: Форум-Инфра-М, 2004

Интернет сайтлари:

1. Московская сельскохозяйственная академия. www.ecfak.timacad.ru
2. Приамурский Институт Агроэкономики и Бизнеса www.admin.ru
3. Петранева Г.А. Экономика и управление в сельском хозяйстве, Академия, 2003. <http://textbook.ru/catalogue/book/33320.html>
4. Экономика и управление в сельском хозяйстве, 2003, <http://psbatishev.narod.ru/library/03762.htm>
5. <http://www.bookler.ru/bookisbn/5-7695-1158-3.shtml>

XV боб

ЧОРВАЧИЛИК (ҚОРАМОЛЧИЛИК, ҚҰЙЧИЛИК, ЭЧКИЧИЛИК) ТАРМОҚЛАРИ ИҚТИСОДИЁТИ

15.1. Чорвачилик тармоқлари маҳсулотларининг аҳамияти

15.2. Чорвачилик тармоқларида етиштириладиган маҳсулотлар даражаси ва самарадорлиги

15.3. Чорвачилик тармоқларини, уларда маҳсулот етиштиришни ривожлантириш ва самарадорлигини ошириш йўллари

15.1. Чорвачилик тармоқлари маҳсулотларининг аҳамияти

Чорвачилик – мамлакат қишлоқ хўжалигининг муҳим таркибий қисмидир. Чорвачилик тармоқларининг мақсадга мувофиқ, самарали жойлаштирилиши, ривожлантирилиши республикада меҳнат тақсимоли ижобий ҳал этилишига бевосита таъсир этади. Худудларнинг табиий, иқтисодий шароитларини ҳамда бозор талабларини эътиборга олган ҳолда чорвачиликнинг қорамолчилиги, қўйчилиги, баллиқчилиги, асаларичилиги, андатрачилиги тармоқлари жойлаштирилиши ва ривожлантирилиши зарур. Чунки бу тармоқларда озиқ-овқат ва қайта ишлаш саноати корхоналари учун гўшт, сут, жун, тери, асал ва бошқа маҳсулотлар етиштирилади. Натижада саноат тармоқларининг ривожлантирилиши ҳам таъминланади, чорвачилик тармоқларида инсон саломатлиги учун зарур, оксил моддаларга бой бўлган турли хилдаги маҳсулотлар ҳам етиштирилади. 2000-2001 йилларда республикада аҳоли жон бошига ўртача 34 кг. гўшт (тирик вазнда), 148 кг. сут етиштирилган. Бу инсон организми учун зарур миқдор ёки тиббиёт нормативларидагига нисбатан анча кам. Шунинг учун республика ҳукумати мамлакатнинг барча соҳаларида чорвачиликни ривожлантиришга қаратилган йирик дастурлар ишлаб чиқиб, уларни амалиётга татбиқ этиш бўйича қатор чора-тадбирларни амалга оширмоқда.

Бундан ташқари чорвачиликда ўсимликчилик ва чорвачиликнинг айрим соҳалари ривожланишини таъминлайдиган маҳсулотлар ҳам етиштирилмоқда. Масалан, чорва чиқиндиси – гўнг тупроқ унумдорлигини оширади, ўсимликлар учун органик ўғит ҳисобланади. Чорвачилик маҳсулоти сут эса аҳоли томонидан истеъмол қилинишидан ташқари янги туғилган ёш ҳайвонларга ҳам берилади.

Чорвачилик тармоқларида ялпи қишлоқ хўжалиги маҳсулотининг 11 фоизга яқини етиштирилмоқда. Унинг 90 фоизга яқинини аҳоли хўжаликлари етказиб бермоқда. Демак, қолган қисми жамоа мулкчилигига асосланган хўжаликлар ҳиссасига тўғри келмоқда. Чорвачилик тармоқларида етиштириладиган маҳсулотларнинг асосий қисми республика аҳолиси талабларини қондириш мақсадида ички бозорларда, чекланган миқдори эса ташқи бозорларда сотилмоқда. Уларни экспорт қилиш натижасида 2000-2001 йилларда 0,2 млн. АҚШ доллари миқдорида валюта тушган. Бу талабга тўлиқ жавоб бермайди.

Келажакда бу муаммони ҳал этишга алоҳида эътибор бериш мақсадга мувофиқдир. Бунинг учун объектив имкониятлар мавжуд. Республика чорвачилигида экологик жиҳатдан барча талабларга жавоб берадиган гўшт, сут маҳсулотларини, тери, айникса, қоракўл терисини, жун етиштиришни ривожлантириб, уларни ташқи бозорда сотиш мумкин. Бунда аҳолининг чорвачилик маҳсулотларига бўлган талабини қондириш даражаси ҳам юксалтирилади. Натижада тармоқнинг мамлакат халқ хўжалигидаги ўрни, аҳамияти ортади.

15.2. Чорвачилик тармоқларида етиштириладиган маҳсулотлар даражаси ва самарадорлиги

Чорвачилик тармоқларининг ривожланишини, ишлаб чиқариш фаолияти самарадорлик даражасини қуйидаги кўрсаткичлар ифодалайди:

- **чорва хайвонлари бош сонининг ўзгариш даражаси.** Уни аниқлаш учун ҳақиқий муддатга бўлган маълумот бўйича кўрсаткични қиёсланаётган вақтдаги маълумот бўйича кўрсаткичга тақсимлаш лозим. Бу усулдан фойдаланган ҳолда етиштирилаётган чорвачилик маҳсулотлари миқдорини, тармоқ маҳсулдорлигининг йиллар бўйича ўзгаришини аниқлаш, бу борадаги кўрсаткичлар коэффициентда ёки фоизда аниқланиши мумкин;

- **чорва хайвонларининг маҳсулдорлиги.** Бу кўрсаткич етиштирилган маҳсулот миқдорининг (турлари бўйича) шу маҳсулотни берган хайвонлар бош сонига нисбати билан аниқланади. Бунда қуйидаги формуладан фойдаланиш мумкин:

$$ЧХ_{МК} \frac{Мм(Гушт, сут)}{Бс} :$$

Бунда: ЧХ_{МК}—чорва хайвонларининг маҳсулдорлиги (кг);

Мм—етиштирилган гўшт, сут, жун, тухум миқдори (центнер, минг дона);

Бс- чорва хайвонларининг бош сони.

- **чорва хайвонларининг суткалик ўртача ўсиш вазни.** У чорва хайвонларининг маълум муддатдаги ўсган вазини шу ўсишни таъминлаган муддатга нисбати билан аниқланади. Бунда қуйидаги формуладан фойдаланиш мумкин:

$$Сук \frac{Ху}{М} ; \text{ Бунда: } Су\text{—чорва хайвонларининг суткалик ўсиши (граммда);}$$

Ху—хайвонларнинг маълум муддатдаги ўсган миқдори (кг);

М—маҳсулот ўсишини таъминлаган муддат (сутка);

- **чорвачилик маҳсулотларининг 1 центнерини етиштириш учун сарфланган озуқа бирлиги.** Уни аниқлаш учун сарфланган озуқа бирлиги миқдорини шу озуқа эвазига етиштирилган маҳсулот миқдорига (турлари бўйича) тақсимлаш лозим ёки унинг аксидан ҳам фойдаланиш мумкин;

- **чорва хайвонларининг суткалик ўртача ўсиш вазни. чорвачилик тармоқларидаги меҳнат унумдорлиги (кгҒкк; ккҒкг; сумҒкк...).** У маҳсулот етиштириш учун сарфланган вақт миқдорининг шу вақтда етиштирилган маҳсулотга нисбати билан ёки аксинча аниқланади;

- **чорвачилик тармоқларининг, маҳсулотларининг (турлари бўйича) рентабеллик (фойдалилик) даражаси.** Бу кўрсаткичларни аниқлаш тартиби маърузалар матнини XIII-XIV бобларида келтирилган.

Республикада бозор муносабатларини шакллантириш чорвачилик тармоқларида ҳам давлат раҳбарлигида босқичма-босқич амалга оширилмоқда. Жумладан, давлат ва жамоа мулки ҳисобланган чорвачилик тармоқлари Республика Вазирлар Маҳкамасининг 1993 йил январдаги қарорига биноан хусусийлаштирила бошланди. Бунда сотиб олувчиларнинг маблағлари етишмаган ҳолларда кредитлар ҳам берилди. Натижада бу соҳада ҳам мулкдорлар шакллана бошлади. Аммо улкан сиёсий аҳамиятга молик бўлган бу тадбир кутилган натижаларни бермади. Чунки чорва молига эга бўлган мулкдорлар уларни ем-хашак, яъни озуқа билан таъминлай олмаганликлари сабабли кўп ўтмай зотли, сермахсул хайвонларни сота бошладилар. Бундай ҳолнинг шаклланишига чорвачиликни хусусийлаштириш жараёнида молларни озуқа билан таъминлайдиган миқдордаги экин майдонлари узоқ муддатга ижарага берилмаганлиги сабаб бўлди. Натижада Республика вилоятларининг барча жамоа, ширкат хўжаликларидаги чорва хайвонларининг миқдори 1996-2001 йилларда кескин камайди. Чунончи, қорамол бош сонлари 1095,6 минг бошдан 32,2 фоизга камайиб, 743 минг бошни ташкил этган. Шу йилларда сигирларнинг бош сони 310,2 мингтадан 236 мингтага тушиб, 23,3 фоизга камайган. Қорамоллар бош сони айрим вилоятларда кескин қисқарган. Масалан, Сирдарё вилоятида 58,6 фоизга; Жиззах вилояти хўжаликларида эса 55,6 фоизга; Фарғона вилояти хўжаликларида 40,7 фоизга; Самарканд ва Сурхондарё вилоятларидаги жамоа ва ширкат хўжаликларида 37,352 фоизга камайган (34-жадвал).

34-жадвал

Республика вилоятларининг жамоа ва ширкат хўжаликлариди қорамол ва сигирлар бош сонининг ўзгариши (минг бош)*

Вилоятлар	Қорамоллар					Сигирлар				
	1996	1997	1998	1999	2000	1996	1997	1998	1999	2000
Қорақалпоғистон Р.	109,6	107,4	96,4	91	92	33,2	28,1	26,2	26,2	25
Андижон	95,1	86,6	80,2	74	70	27,2	24,5	22,8	22,8	21
Бухоро	76,4	65	56,5	49	45	20,5	17,9	16,2	16,2	15
Жиззах	51,8	35,7	28,5	26	23	12,4	9,7	8,7	8,7	8
Қашқадарё	124	106,7	100,7	97	91	37,3	33,7	32,7	32,7	31
Навоий	27	24	21,3	20	20	8,6	7,4	7	7	7
Наманган	84,9	72,8	62,9	58	55	23,7	20,6	19,5	19,5	18
Самарқанд	95,2	73,7	71,1	66	60	21,2	21,3	21,5	21,5	20
Сурхондарё	77,2	67,6	61,4	56	55	27,6	24,2	22,9	22,9	22
Сирдарё	41,1	32,5	20,3	19	17	11,3	7,1	6,3	6,3	5
Тошкент	106,6	92,6	81,4	82	82	30,3	26,9	26,4	26,4	26
Фарғона	109,6	91,3	74,9	71	65	26,7	20,4	18,7	18,7	16
Хоразм	97,1	93	90,1	85	68	30,2	28,4	26,1	26,1	22
ЖАМИ	1095,6	948,9	845,7	794	743	310,2	270,2	255	255	236

* Республика Қишлоқ ва сув хўжалиги вазирлиги маълумотлари асосида тузилди.

Қорамолчилик асосан суғориладиган ҳудудларда фаолият кўрсатаётган жамоа ва ширкат хўжаликлариди мужассамлашган. Бу хўжаликларди ем-хашак етиштирилиб, қорамолчиликнинг ривожлантирилиши учун замин яратилади. Қорамолчилик эса, ўз навбатида, хўжаликларнинг бошқа соҳаларини ривожлантиришга ҳисса қўшади. Демак, хўжалик тармоқлари ўзаро боғлиқ ҳолди ривожлантирилиши мақсадга мувофиқдир. Лекин, ҳозирги даврди бу ҳолат илмий ва амалий жиҳатдан асосланган алмашлаб экиш талабларига тўлиқ риоя этилмаётганлиги сабабли бузилмоқди. Чунончи, экин майдонлари таркибиди ем-хашак экинларининг салмоғи меъёрга нисбатан анчага қисқарган. Масалан, 2000-2001 йилларди экин майдонлариди ем-хашак экинлари салмоғи атиги 5,3 фоизни ташкил этган. Шундан 3,7 фоизи кўп йиллик экинлар ҳиссасига тўғри келади. Айниқса, Мирзачўл, Сурхон, Шеробод ва Қарши чўллариди жойлашган ширкат хўжаликлариди у сезиларли даражададир. Оқибатди биринчидан, қорамолчилик учун тўйимли ҳисобланган ем-хашак етарли даражади етиштирилмаёттир. Иккинчидан эса, ерларнинг мелиоратив ҳолати ёмонлашиб, тупроқ унумдорлиги пасаймоқди. Алмашлаб экиш шу тарзда давом эттирилса, унда талайгина майдонлар унумдорлиги пасайиб, қишлоқ хўжалигиди фойдаланишга ярқисиз ҳолга келиши мумкин.

1996-2000 йилларди қорамоллар каби қўй ва эчкилар 3,3 фоизга камайиб, 2,9 млн. бошни ташкил этган. Уларнинг асосий қисми қоракўл қўйларидир (35-жадвал).

35-жадвал

Республика вилоятларидаги қишлоқ хўжалик корхоналарида қўй ва эчкилар бош сонининг ўзгариши *(минг бош)

Вилоятлар	Йиллар				
	1996	1997	1998	1999	2000
Қорақалпоғистон Республикаси	176,7	155,4	154,4	155	151
Андижон	86,8	77,6	75,2	75	69

Бухоро	287,1	285,9	297,5	295	302
Жиззах	338,6	297,9	296,7	297	281
Қашқадарё	546,3	545,9	556,3	556	505
Навоий	748,2	796,5	810,5	810	790
Наманган	48,3	75,8	73,3	73	71
Самарқанд	232,1	256,4	257	254	240
Сурхондарё	272,5	316,1	311,1	312	302
Сирдарё	23,5	7,5	5,6	6	5
Тошкент	138,4	125,3	125,7	125	123
Фарғона	82,2	70,7	64,2	64	58
Хоразм	29,5	25,2	21,9	23	15
Жами	3010,2	3036,2	3049,4	3045	2912

* Республика Қишлоқ ва сув хўжалиги вазирлиги маълумотлари асосида тузилган.

Кўй ва эчкилар асосан республиканинг яйлов ва чўл ҳудудларида жойлашган хўжаликларда парвариш қилинади. Бинобарин, мамлакат миқёсидаги 2912 минг бош кўй ва эчкининг 88,3 фоизи Навоий, Қашқадарё, Бухоро, Жиззах, Сурхондарё, Самарқанд вилоятлари ва Қорақалпоғистон Республикаси хўжаликларида. Эслатиб ўтиш керакки, кўй ва эчкиларнинг 27 фоизга яқини суғориладиган деҳқончиликка асосланган ҳудудлардаги хўжаликлар ихтиёрида. Аммо, уларда кўйчиликни ривожлантириш учун барча имкониятлар мавжуд эмас. Энг муҳими, яйловлар, пичанзорлар етишмайди. Республика қишлоқ хўжалик корхоналарининг аксарият қисмида чорвачиликнинг ем-хашак базаси талаб даражасида эмаслиги, улар етарли даражада ихтисослашмаганлиги нафақат чорва ҳайвонлари бош сонлари камайишига, балки уларнинг маҳсулдорлигига, оқибат-натижада эса тармоқда етиштирилаётган маҳсулотлар ҳажми қисқаришига ҳам таъсир этмоқда. Масалан, республика қишлоқ хўжалик корхоналарида бир бош сигирдан ўртача соғиб олинган йиллик сут миқдори 1996-2000 йилларда 1117 кг. дан 967 кг. га тушиб қолди. Шу йилларда бир бош сигирнинг маҳсулдорлиги 13,4 фоизга камайди. Айрим вилоятларда эса, сигирларнинг маҳсулдорлиги жуда паст бўлди. Жумладан, Жиззах вилояти хўжаликларида бу кўрсаткич 612 кг. дан 435 кг. га тушган, Сурхондарё вилоятлари хўжаликларида эса 750 кг. дан 619 кг. га пасайди. Бундай ҳолат Бухоро, Қашқадарё, Фарғона ва Хоразм вилоятлари хўжаликларида ҳам юз берди. Ҳозирги даврда мамлакат қишлоқ хўжалик корхоналарида ҳар бош сигирдан бир суткада ўртача 3-3,5 кг. сут соғиб олинмоқда. Бу жуда кам. Тошкент ва Наманган вилоятлари хўжаликларида бу кўрсаткич 28-78,9 фоиз юқори бўлиб, ўртача 4,1-5,6 кг. ни ташкил этмоқда.

Юқоридаги ҳолатлар таъсирида тармоқда сут етиштириш 355,7 минг тоннадан (1996 й.) 233 минг тоннага (2000й) тушиб қолган. Демак, беш йилда етиштирилаётган сут ҳажми 34,5 фоизга камайган. Гўшт етиштириш эса шу йилларда 33,4 фоизга қисқариб, 74,3 минг тоннани ташкил этган (2000 й.) (36-жадвал).

36-жадвал

Республика вилоятларидаги қишлоқ хўжалик корхоналарида сут ва гўшт етиштириш ҳажмининг ўзгариши*(минг тонна)

Вилоятлар	1996 йил		1997 йил		1998 йил		1999 йил		2000 йил	
	сут	гўшт	сут	гўшт	сут	гўшт	сут	гўшт	сут	гўшт
Қорақалпоғистон Р.	27,5	8,6	24,8	5	19,1	3,8	19,1	3,8	17,9	3,5
Андижон	32,9	6,7	27,9	5,3	23,9	5,4	23,9	5,4	22,9	4,9
Бухоро	25,7	7,6	29,2	5,4	16,5	4,9	16,5	5,1	15,3	4,5
Жиззах	6,5	5,7	4,2	4,1	3,5	3,3	3,5	3,4	2,8	3,2
Қашқадарё	36,8	14,1	33,4	10,8	33,3	10,1	33,3	1,1	25,5	10,6
Навоий	9,3	9	7	7,5	7	8,2	7	8,2	6,9	8,7

Наманган	30,3	7,4	25,1	5,9	23,8	4,6	23,8	4,5	24,2	3,5
Самарқанд	29,4	9,8	24,6	6,8	25,2	7,2	25,2	7	19,3	6,3
Сурхондарё	21,6	10	17	7,3	14,7	6,4	14,7	6,5	13,4	6,2
Сирдарё	9,7	3	5,4	1,6	4,3	1,1	4,3	1,1	4,7	0,8
Тошкент	53,1	11,2	43,5	8,7	40,8	8,1	40,8	8,1	40,8	9,4
Фарғона	34,8	11,4	28,3	9,3	24,1	8,5	24,1	8,5	19,8	7,6
Хоразм	38,1	7,1	27,2	4,5	24,2	5	24,2	5	19,5	5,1
Жами	355,7	111,6	297,6	82,2	260,4	76,6	260,4	76,7	233	74,3

*Республика Қишлоқ ва сув хўжалиги вазирлиги маълумотлари асосида тузилган.

35-жадвал маълумотларидан кўриниб турибдики, барча вилоятларнинг қишлоқ хўжалик корхоналарида сут ва гўшт етиштириш ҳажми қисқарган. Жиззах, Сирдарё, Хоразм вилоятлари хўжаликларида сут етиштириш 2-2,3 мартага, гўшт етиштириш Наманган вилояти хўжаликларида 2,1 мартага, Сирдарё вилоятида эса 3,7 мартага камайган.

Республика қишлоқ хўжалиги корхоналарида чорвачиликнинг бу ҳолати унинг иқтисодий самардорлигига ҳам таъсир этган. Республика Қишлоқ ва сув хўжалиги вазирлиги тизимидаги қишлоқ хўжалик корхоналарида етиштирилаётган аксарият чорвачилик маҳсулотларининг таннархлари йил сайин ошиб бормоқда. Жумладан, сутнинг 1 центнери таннархи 1997 йилда 2047 сўм бўлган бўлса, 1998 йилда қарийб 40 фоизга, 1999 йилда эса 85,3 фоизга ортиб, 3794 сўмни ташкил этган. Етиштирилаётган тирик вазндаги 1 центнери гўштнинг таннархи шу йилларда 7186 сўмдан 15441 сўмга етган ёки 114,9 фоизга ортган, 1 центнер жуннинг таннархи эса 51,5 фоизга ортиб, 5252 сўмни ташкил этган (37-жадвал).

37-жадвал

Республика Қишлоқ ва сув хўжалиги вазирлиги тизимида етиштирилган чорвачилик маҳсулотларининг турлари бўйича самардорлик даражаси*

Маҳсулот турлари	1997 йил			1998 йил			1999 йил		
	1ц.та ннарх и	фойда, зарар	ренҒд аража .	1ц.та ннарх и	фойда, зарар	ренҒд аража .	1ц.та ннарх и	фойда зарар	ренҒд аража .
Сут	2047	-628	-30,6	2865	-981	-34,2	3794	-1103	-29
Гўшт (тирик вазнда)	7186	-777	-10,8	11015	-755	-6,8	15441	-59	-0,4
Тухум (минг дона)	7607	3619	47,6	8935	4481	50,1	13378	5671	42,4
Жун	3466	-1246	-35,9	3526	-984	-27,9	5252	-659	-12,5
Пилла	10363	-3246	-31,3	18252	-3543	-11,4	10765	-2008	-18,6

*Республика Қишлоқ ва сув хўжалиги вазирлиги маълумотлари асосида тузилган.

Чорвачилик маҳсулотлари таннархининг ошишига юқорида кўрсатилганлардан бошқа омиллар ҳам таъсир этган. Масалан, корамолчилик фермаларининг, қўйчилик отарларининг моддий-техника базаси талабга нисбатан заифлиги. Бу ҳол қўл меҳнати сарфи кўпайишига олиб келади. Қайта ишлаш корхоналарида ишлаб чиқариладиган озука, маҳсулотлар баҳоларининг тез суръатлар билан ошиб бориши ва бошқалар.

Хўжаликлар аксарият чорвачилик маҳсулотлари етиштиришдан зарар кўрмоқдалар. Жумладан улар 1997 йилда 1 центнер сут етиштириб, сотиш натижасида 628 сўм зарар кўрган бўлса, 1998 йилда 981 сўм, 1999 йилда эса 1103 сўм зарар кўрган. Ҳар центнер сут етиштиришдан кўриляётган зарар миқдори йил сайин ортиб борган.

Бундай ҳол сутнинг сотиш баҳолари ўсиши натижасида таннархи юқори суръатларда ошиши сабабли юзага келган.

Хўжаликлар гўшт ва жун етиштиришдан ҳам зарар кўрмоқдалар. Лекин курилайётган зарарлар миқдори йил сайин камайиб бормоқда. Чунки 1 центнер гўштнинг (тирик вазнда) сотиш баҳоси шу йилларда 140 фоизга, таннархи эса 114,9 фоизга ошган. Демак, гўштнинг сотиш баҳоси унинг таннархига нисбатан юқори даражада ўсган. Бу фикр жуннинг сотиш баҳоси ва таннархига ҳам тегишли.

Хўжаликларда етиштирилайётган чорвачилик маҳсулотларини сотиш бозори ҳали унчалик ривожланмаган. Чунки хўжаликлар етиштирайётган маҳсулотларини туманларда ягона ҳисобланган гўшт комбинатларига, сут заводларига улар белгилаган баҳоларда сотмоқдалар.

Ҳозирги даврда қишлоқ хўжалик корхоналарида етиштирилайётган аксарият чорвачилик маҳсулотларининг самараси йўқ. Улар сут етиштиришдан 29 фоиз, гўшт етиштиришдан 0,4 фоиз, жун етиштиришдан эса 12,5 фоиз зарар кўрмоқдалар.

Фермер, деҳқон хўжаликларида эса бунинг акси: чорвачилик юқорирок суръатларда ривожланмоқда. Уларда чорва ҳайвонларининг бош сони 1999-2000 йилларда 13,5 фоизга кўпайган. Ҳар бош сигирдан 370 кг. дан сут соғиб олинган. Фермер ва деҳқон хўжаликларида ишлаб чиқариш асосан шахсий мулкка асосланганлиги учун улар харажатларни имконият даражасида тежашга, сифатли маҳсулот етиштириб, юқори баҳоларда сотишга интиломоқдалар. Шунинг учун ҳам бу хўжаликларда чорвачилик тармоқларининг рентабеллик даражаси тобора ошмоқда.

15.3. Чорвачилик тармоқларини, уларда маҳсулот етиштиришни ривожлантириш ва самарадорлигини ошириш йўллари

Жамиятнинг экологик жиҳатдан тоза маҳсулотларга бўлган талаби ўсиб бормоқда. Аммо бу борадаги талаб ҳозирги даврда тўлиқ қондирилгани йўқ. Муаммони ҳал этиш учун бир қанча ташкилий, иқтисодий, ижтимоий тадбирларни амалга ошириш, жумладан, чорвачиликда иқтисодий ислохотларни янада чуқурлаштириш керак. Бу жараёни бир неча йуналишлар бўйича амалга ошириш мумкин. Масалан, республика ҳудудларининг, хўжаликларнинг йуналишларини эътиборга олган ҳолда чорвачилик тармоқларини мақсадга мувофиқ жойлаштириб, уларни ихтисослаштириш жараёнларини ривожлантиришга эътибор бериш лозим. Чорва ҳайвонларини ижара пудратчиларига, чорвачилик фермаларини эса ижарага бериш, ижарачиларга талабини қондирадиган ҳажмдаги экин майдонларини ҳам узоқ муддатга ижарага ажратиш зарур. Бу жараёнда самарадорликка эришиш учун ижарачилар молиявий маблағлар билан етарли миқдорда таъминланишига ҳам алоҳида эътибор бериш керак. Бу тадбир очик танлов асосида шу соҳа бўйича тажрибали, билимдон, қонун устуворлигини тан оладиган, инсофли, маънавияти юқори бўлган фуқаролар зиммасига юкланиши мақсадга мувофиқдир.

Ширкат хўжаликлари маҳсулот етиштириш мақсадида чорва ҳайвонларини аъзоларига ижара пудрати асосида беришини ҳам ривожлантириш мумкин. Бунда пудратчилар чорва ҳайвонлари бош сонини кўпайтириш, зотларини яхшилаш, маҳсулдорлигини ошириб, тобора кўпроқ маҳсулот етиштириш учун қилган хизматлари ва етиштирган маҳсулотлари миқдорига кўра, рағбатлантирилишлари лозим.

Хўжаликларда бу масалаларни ҳал этишда ерлар унумдорлиги ошишини таъминлайдиган тадбирларга ҳам алоҳида эътибор қаратишлиши зарур. Бу борада ижара муносабатларини эркин бозор талабларига мослаштириш керак.

Чорвачилик фермаларининг замонавий талабларга жавоб берадиган моддий-техника базасини босқичма-босқич ривожлантиришга алоҳида эътибор бериш вақти келди. Чорвачилик бино-иншоотлари фан-техника ютуқларини эътиборга олган ҳолда мослаштирилишига, тегишли воситалар билан таъминланишга, чорва ҳайвонлари яхши парваришланиб, сифатли маҳсулот етиштиришда янги техникалар, илғор технологиялар жорий этилишига эришиш лозим. Шудагина тармоқда ишлаб чиқариш жараёнлари

механизациялаштирилиб, меҳнат унумдорлигининг ошиши таъминланади. Наслчилик ишларини ривожлантириб, сермахсул чорва зотларини яратиб, улар ишлаб чиқаришга тезроқ татбиқ этилишини таъминлаш, бунда зотли, сермахсул чорва ҳайвонларини сотиб олиш вариантдан фойдаланишни ҳам эсдан чиқармаслик кутилган натижага эришиш имкониятини кенгайтиради.

Чорвачиликнинг озуқа базасини мустаҳкамлаш учун ем-хашак етиштириладиган майдонларни кенгайтириб, экинларни алмашлаб экишни ривожлантириш лозим. Бунда ем-хашак экинлари экиладиган майдонларнинг сув таъминотиغا, мелиоратив ҳолатини яхшилашга ҳамда органик ва минерал ўғитлардан талаб даражасида фойдаланишга алоҳида аҳамият бериш зарур. Бу масалани ҳал этиш учун қайта ишлаш саноати корхоналарида ишлаб чиқариладиган тўйимли озуқа моддалари талаб даражасида олинишини, чорва молларига шаклланган озуқа рацион асосида вақтида берилишини ҳам ташкил этиш зарур. Бу масаланинг долзарблигини эътиборга олиб, республика ҳукумати хўжаликларга иқтисодий жиҳатдан кўмаклашиш йўлларини, механизмларини ишлаб чиққан. Жумладан, озиқ-овқат маҳсулотлари етиштиришни ривожлантириш учун имтиёзли кредитлар ажратиш, шу мақсадда четдан моддий-техника ресурслари келтирилса, улар божхона тўловларидан озод этилиши ва бошқа чора-тадбирлар белгиланган.

Бу жараёнда чет эл инвестициялари жалб этилишига алоҳида эътибор бериш зарур. Чунки ҳозирги даврда бу масала жуда суғ ечилмоқда.

Юқоридагилар билан бирга чорвачилик маҳсулотларининг шартномавий баҳолари инфляция даражасини эътиборга олган ҳолда оширилишига ҳам давлат томонидан ёрдам кўрсатиш мақсадга мувофиқдир. Чунки бу маҳсулотларни асосан давлат акциядорлик корхоналари сотиб олмақдалар.

Таъкидланган барча масалаларнинг ижобий ҳал этилиши тармоқларда фаолият кўрсатаётган ишчи-хизматчиларнинг муносабатларига, билимига, тажрибасига, эътиқодига, онгига ҳамда рағбатлантирилишига бевосита боғлиқ. Шундай экан, бу масалаларни ҳал этиш механизмларини, йўлларини янада ривожлантириш зарур. Ишчи-хизматчиларнинг иш ҳақларини вақтида бериш ҳамда уларни етиштирган маҳсулотлари миқдори ва сифатини эътиборга олган ҳолда мукофотлашнинг реал усулини ташкил этиш мақсадга мувофиқдир.

Чорвачилик тармоқлари ҳисобланган паррандачилик, пиллачилик, йилқичилик, асаларичилик, балиқчилик иқтисодиёти ҳақида ҳам шу мазмундаги фикрларни айтиш мумкин. Лекин бу тармоқларнинг иқтисодиётини ўрганишда уларнинг ўзига хос хусусиятларини, жумладан, паррандачиликни саноат негизида ҳамда ғаллачилик хўжаликларида ташкил этиб, ривожлантириш ва бошқаларни эътиборга олиш лозим.

Юқорида кўрсатилган масалаларнинг ҳал этилиши натижасида чорвачилик тармоқлари ривожланиб, самарадорлиги юксалиши таъминланади.

Таянч иборалар:

Чорвачилик, чорвачилик маҳсулотларининг 1 центнерини етиштириш учун сарфланган озуқа бирлиги. чорва ҳайвонларининг суткалик ўртача ўсиш вазни. чорвачилик тармоқларидаги меҳнат унумдорлиги чорвачилик маҳсулотларининг (турлари бўйича) етиштириш таннархлари; чорвачилик тармоқларининг, маҳсулотларининг (турлари бўйича) рентабеллик (фойдалилик) даражаси.

Қисқача хулосалар

Мамлакат қишлоқ хўжалиги иқтисодиётида чорвачилик тармоқларининг ўрни ва аҳамияти катта. Унда инсон саломатлиги ва қайта ишлаш корхоналари учун зарур бўлган турли хилдаги маҳсулотлар етиштирилмоқда.

Амалга оширилган ислохотлар натижасида тармоқда нодавлат мулкчилиги шакллантирилди.

Чорвачилик тармоқларининг ривожланиш ва самарадорлик даражасини аниқлашда тегишли кўрсаткичлар тизимидан фойдаланган макул.

Чорвачилик тармоқларининг ҳозирги ривожланиш даражаси талабни тўлиқ қондира олмайди. Бу муаммони ҳал этиш мақсадида тармоқда ҳуқуқий, ташкилий, техникавий, технологик ҳамда иқтисодий тадбирлар тизимини мақсадга мувофиқ равишда амалга ошириш зарур.

Назорат ва муҳокама учун саволлар

1. Чорвачилик тармоғи мамлакат халқ хўжалигида қандай ўрин тутади? Унинг аҳамиятли эканлиги нималарда намоён бўлади?
2. Чорвачилик тармоқлари ривожланишини, уларнинг самарадорлигини қандай кўрсаткичлар ифодалайди? Бу кўрсаткичлар қандай аниқланади?
3. Чорвачилик тармоқларининг ривожланишини аниқ мисоллар ёрдамида исботланг.
4. Чорвачиликнинг самарадорлик даражасини рақамлар ёрдамида тушунтириб беринг.
5. Чорвачилик тармоқларида ислохотларни қандай қилиб янада чуқурлаштириш мумкин?
6. Чорвачиликни ривожлантириш, унинг самарадорлигини юксалтириш учун қандай тадбирларни амалга ошириш лозим?

Асосий адабиётлар

1. И.А. Каримов. «Қишлоқ хўжалиги тараққиёти тўқис хаёт манбаи - Т.: 1998.
2. Каримов И.А. Ўзбекистон XXI асрга интиломқда - Т.: 1999.
3. Каримов И.А. Иқтисодни эркинлаштириш–фаровонлик манбаи, Сайланма асарлар. Т.: - Ўзбекистон, I Том 2001.
4. Каримов И.А. Кичик ва хусусий тадбиркорликни ривожлантиришнинг навбатдаги тадбирлари. Сайланма асарлар, 9-том. Т.: 2001.
5. Каримов И.А. Жамиятда тадбиркорлик руҳини қарор топтириш – тараққиёт гарови. Сайланма асарлар. 9-том. Т-2001.
6. А.Абдуғаниев, А.А.Абдуғаниев, «Қишлоқ хўжалиги иқтисодиёти», Т.: «Ўзбекистон Ёзувчилар уюшмаси Адабиёт Жамғармаси», 2004
7. Н.А. Коленсниковой, А.Д. Миронова, «Бизнес–план. Методические материалы», - М.: Финансў и статистика, 2004
8. М.И. Леҳенко, «Основў лизинга: Учебное пособие», - М.: Финансў и статистика, 2004
9. И. Минаков, «Экономика сельскохозйственного предприятия», Учебник, М.: Колос, 2004.
10. Л.И. Макавец, М.Н. Макавец, «Экономика производства сельскохозйственного производства», Санкт_Петербург, 2002
11. Т.Ю. Мазурина, Л.Г. Скамай, «Финансў фирмў», Практикум: Учеб. пособие. - М.: ИНФРА-М, 2004
12. И.А. Напетова, «Анализ финансово хозяйственной деятельности Форум-Инфра-М, 2004», - М.:

Интернет сайтлари:

1. Московская сельскохозйственная академия. www.ecfak.timacad.ru
2. Приамурский Институт Агроэкономики и Бизнеса www.admin.ru
3. Петранева Г.А. Экономика и управление в сельском хозяйстве, Академия, 2003. <http://FFtextbook.ru/catalogue/book/33320.html>

4. Попов Н.А. «Основы рыночной агроэкономики и сельского предпринимательства», М.: Тандем, 2002, <http://rbip.bookchamber.ru/description7897.htm>
5. Королев Ю.Б. и др. Менеджмент в АПК, 2002, учебник,
6. <http://web.book.ru/cgi-bin/book.pl?pageк4&bookк88899>

II БЎЛИМ

I БОБ. ҚИШЛОҚ ХЎЖАЛИГИНИ БОШҚАРИШДА МЕНЕЖМЕНТ.

1.1. Қишлоқ хўжалик қорхоналарини бошқариш тизими ва усуллари.

Ҳар қандай давлат ислохот олиб боришнинг дастлабки кунларида мустахкам, ҳар томонлама асосланган бошқарувга, мамлакатда ишлаб чиқаришни ва иқтисодий ўсишни йўлга қўйиш заруриятини сезади. Бунинг учун эса, аввало, юқори малакали, бошқарув қонуни қоидаларини мукамал биладиган профессионал бошқарувчилар, менежерлар тайёрлаш зарур бўлади.

Мамлакатимиз иқтисодиётининг бозор муносабатларига ўтиши, ўз навбатида, қорхона ва ташкилотларнинг бошқарув тизимини такомиллаштиришни талаб этади. Чунки қорхона ва ташкилотларнинг самарали ишлашини малакали ходимлар таъминлайди. Бу борада Республика Президенти бозор иқтисодиётига ўтиш, иқтисодий муносабатларни янгилаш институционал ўзгаришларни амалга оширишни бошқаришнинг тегишли структурасини яратишни тақозо этилишини алоҳида уқтирди.

Менежментнинг мазмунини ошиши билан бирга унинг икки томонини фарқлаш зарур. Яъни техник ва ижтимоий-иқтисодий жараёнларни бошқариш. Кўп усуллар, амалий тажриба шундай натижа чиқаришга ундайдики, ишлаб чиқаришнинг фаолият самарадорлиги фақат техник, технологик, ташкилий режалаштириш ва бошқа омилларга боғлиқ бўлиб қолмасдан, балки, сезиларли даражада бажарувчилар ишларининг сифатига ҳам боғлиқдир. Фаолият сифати анча кенг тушунча. Бу ишлаб чиқаришни аниқ ташкил қилиш, меҳнат жараёнининг аниқ маромига етказишни таъминлаш, технологияга риоя қилиш, моддий материалларни тежаб ишлатиш, ўзаро талабчанлик, ўзаро ёрдам бериш ва бошқалар.

Менежментнинг олидаги асосий масала замонавий билимлар мажмуасини ижодий ишлатилишига имкор яратишдир. Бу белгилар иқтисодий муносабатлар бирлашмаси ҳисобланади, яъни улар раҳбар ва иш бажарувчилар ўртасидаги муносабатлардир. Бу ўз навбатида, ишлаб чиқаришдаги муаммоларни ечиш жараёнида вужудга келади.

Менежментнинг мазмуни ишлаб чиқариш усули, ижтимоий-иқтисодий муносабатлар даражаси, ишлаб чиқариш кучлари ривожланишига боғлиқ ҳолда ўзгаради. Ишлаб чиқаришнинг ривожланиши ва иқтисодий алоқалар мураккаблашуви билан бошқарув ҳам мураккаблашади. Ишлаб чиқариш воситаларига мулкчиликнинг турли шакллари мавжуд бўлган шароитда товар ишлаб чиқарувчилар ўртасида рақобат вужудга келиб, у ишлаб чиқаришни бошқариш, фойдани қўпайтиришга йўналтирилади.

Менежментнинг асосини обектив иқтисодий, ижтимоий ва бошқа қонунларга асосланувчи ҳудудий илмийлилик ташкил этади. Бу қонунларни ўрганиш ва уларни аниқ вазиятларда намоён бўлишини ҳисобга олган ҳолда хўжалик раҳбарлари қишлоқ хўжалигини бошқаришнинг стратегия ва тактикасини белгилайдилар.

Жамият ҳаётининг барча томонлари демократик янгиланиш шароитида асосий масала иқтисодий, илмий-техникавий, ижтимоий тараққиётни рағбатлантириш, бошқариладиган бозор билан шахс ва жамоа манфаатларини самарали боғлаш масалаларидан иборатдир. Назарий ва амалий нуқати назардан ишлаб чиқариш эгалари бўлган меҳнаткашлар манфаатлари энг муҳим манфаат экалиги, ижтимоий-иқтисодий ва илмий-техникавий тараққиётни жадаллаштирувчи қидратли ҳаракатлантирувчи куч эканлиги шубҳасиздир. Бошқарувни ислоҳ қилишнинг стратегик ғояси меҳнаткаш кишининг обрўсини кўтаришдир. Чунки, виждон ва маъсулият билан меҳнат қилиш иқтисодиётни соғломлаштириш учун хизмат қилади. Ходимнинг меҳнатидан манфаатдорлигини кескин ошириш. Унинг ўз қонуниятини тўлиқ намоён етишига шароит яратиш, жамиятни ҳаракатлантирувчи кучларнинг умумий тизимига қўйишдан иборат. Бунга фақат ходим ишлаб чиқаришнинг ҳақийқий эгаси сифатида меҳнат қилган ҳолдагина эришиш мумкин. Кишилар ўртасидаги иқтисодий ва ижтимоий муносабатларни акс эттирувчи манфаатлар, уларнинг мақсадлари, меҳнат интизоми, ваоллигига бевосита таъсир кўрсатади ва ҳаракатларини тартибга солади.

Бозор муносабатларига ўтиш ишлаб чиқариш ва бозорнинг самарали ўзаро таъсирини, давлат бошқаруви ва корхоналарнинг ўз-ўзини бошқаришнинг мутаносиб нисбатда бўлишини таъминловчи такомиллашган хўжалик механизмини яратишга йўналтирилгандир. Мамлакатда амалга оширилаётган иқтисодий ислохотларнинг асл мақсади барқарор ижтимоий йўналтирилган бозор иқтисодиётини кучли демократик ҳудудий давлат ва фуқаролик жамиятини куришдан иборатдир.

1.2. Қишлоқ хўжалигини бошқаришда менежмент ва унинг вазифалари.

Менежментнинг мазмунини иқтисодиётни бошқаришнинг менежмент тизимлари ва уни тузишнинг ташкилий шакллари, хўжалик механизми ва бошқарув ислублари, бошқарув техника ва техологиясининг назарий ва методологик асосларини ўрганиш ташкил этади. Менежмент бошқарув фаолиятининг умумий қонуниятлари ва тамойиллари, бошқарув тизимига таъсир усулларини шакллантиради, бошқарув аппаратининг аниқ вазиятлардаги ҳаракатлари ва ўзини тутиш ҳолларини умумлаштиради. Бошқаришнинг назарий ва амалий томонларини ўрганади. Шунингдек, бошқарув фаолиятининг қирраларини бутун бир мажмуа кўринишида, назарий таҳлил ва мантиқий услуб асосида бошқаришнинг асосий қонунлари ва усулларини ажратиб ўрганади. Менежментнинг амалий томонлари бир қатор аниқ вазифаларни

хал этишга, жумладан, иқтисодий бозор муносабатларига ўтишида, фойда олишда, ишлаб чиқариш самарадорлигини ошириш, аҳоли ижтимоий химоясини кучайтиришга, кишилар маънавий даражаларини ўстириш ва бошқаларга қаратилгандир.

Қишлоқ хўжалигида менежментнинг асосий вазифаси жамият ривожланишининг объектив қонунлари талабларини ҳисобга олган ҳолда ва менежмент амалиётини умумлаштириш асосида агроиқтисодий самарали бошқариш учун зарур бир масалада йўналтирилган ҳаракатлар тамойилларини ишлаб чиқаришдан иборат.

1.3. Менежментнинг объекти ва субъекти, уларнинг ўзаро алоқадорлиги.

Менежмент меҳнати ҳамкорлик билан узлуксиз боғлиқдир. Ҳар қандай бошқарув тизими кўйилиши ва ечилиши керак бўлган масаладан қатъий назар икки тизимни бирлашишини билдиради: бошқарилувчи (Бошқарув объекти) ва бошқарувчи (бошқарув субъекти).

Менежмент объекти деганда ишлаб чиқариш жараёнлари элементлари мажмуасини кўз олдига келтириш мумкин. Вунда техник, иқтисодий ва ижтимоий элементлар киради. Масалан, техник элементлар ўз ичида асосан таҳникани, ишлаб чиқариш технологиясини иқтисодий элементлар – режалар, молия, моддий рағбатлантиришлар, ижтимоий элементлар ходимлар ва улар ўртасидаги муносабатлардир. Бу эса бир бутун тизимни ташкил қилади.

Менежмент соҳасида одамларни мураккаб ва кўп қиррали меҳнат фаолиятини икки йирик турга ажратиш мумкин: ишлаб чиқариш жараёнини бевосита амалга оширувчи меҳнат ва ишбу жараёнларни бошқаришга йўналтирилган фаолият. Менежмент фақатгина бошқарувчи ва бошқарувчи тизимлар орасидаги муносабатларни ўз ичига олмасдан, балки, улар орасидаги ўзаро боғлиқлик ишлаб чиқариш муносабатларига мақсадга йўналтирилган таъсир кўрсатиш ҳамдир.

Менежмент субъекти – бу барча ишлаб чиқариш савиядаги мажбурият ва ҳуқуқларга эга мунтазам, вазифавий бошқарувчилардир. Менежмент тизимида субъект қўйилган мақсадга эришиш учун қарорлар ишлаб чиқариш ва уларни амалга ошириш маъсулиятини олади. Бошқарувчи тизимнинг самарадорлиги менежмент субъектининг ишини ташкил қилиш савиясига, турли менежмент усулларини оқилога ишлатишга ва бошқа омилларга боғлиқдир.

Менежментнинг объект ва субъектидаги муносабатлар бир - бирига яқин, эгилувчан ва органик ўзаро алоқада ва ўзаро боғлиқликда бўлмоғи керак. Бу эса уларнинг самарали тараққиётини белгилайди. Бу дегани энг аввал бошқарув тизимидаги барча ўзгаришлар ўз вақтида менежмент объектида ҳам ўз аксини топмоғи керак. Бу вақтда бошқарувчи тизим ўзидаги элементларда бўлиб турадиган ўзгаришларни зийраклик билан сезиб билиши зарур.

Менежмент объекти ва субъекти ўртасидаги ўзаро алоқа ва ўзаро боғлиқлик амалиётда базада шунда намоён бўладики, агар бошқарувчи тизимни кўлами кенгайтириладиган бўлса, менежмент объектининг ўлчамини кўпайишига олиб келади.

Шундай қилиб, менежментнинг объекти ва субъекти асосий элементлари ўзаро боғлиқ турли бўлинмалар ва хизматларнинг ишлаб чиқаришдаги жамоалардир.

1.4. Бошқарув концепциялари ва уларнинг асосчилари.

Менежмент асосини ташкил этган қонун қоидалар хусусиятида боғлиқ равишда хорижий бошқарув мактаблари турлича гуруҳларга бўлинади. Классик мактаб намоёндалари америкалик муҳандис ва тадқиқотчилар Ф.Тейлор, француз олими А.Файол, инглиз Л.Ирвин, немис иқтисодчиси М. Вебер, Г.Форд, Г.Эмерсонлардир. Бошқарувнинг классик мактаби тўрт муҳим элемент – меҳнат тақсимоти, бошқарувнинг табақалашуви, ва кўп бўғинлилигини, ташкил этиш таркиби, бошқарувнинг мумкин бўлган чегараларини ўрганайди. Шундай қилиб бошқарувнинг “классик” унинг инсоннинг турли-туман фаолиятини бошқаришга қўллаш мумкин бўлган тоамойилларини асослаб беришга ҳаракат қилган. У бошқарувни ташкил этишнинг қатор тамойилларини ўрганган. Бу мактаб ҳақийқий илмий бошқарув назарияси даражасига кўтара олмади. Классик мактабга хос бўлган инсон омилини ҳисобга олмаслик, кишилар фаолияти сабабларига соддалаштирилган нуқтаи назаридан ёндашиш америка менежмент назариясида янги йуналиш –“инсон муносабатлари” мактаби вужудга келишига сабаб бўлди. Бу йуналишнинг асосчилари-америкалик олимлар Е.Меё, Ф.Ротлисбергер, Дж.Лизли ва бошқалардир.

Гарвард университети профессори Е. Меё “Инсон муносабатлари “назариясини илгари сурган. Унинг ғояларининг моҳияти шундаки, меҳнат жараёни психологик ва ижтимоий омиллари йтакчи аҳамиятга эга. Шу сабабли, Меё фикрига биноан ишлаб чиқариш ва бошқарувнинг барча муаммоларга инсон муносабатларига инсон муносабатлари нуқтаи назаридан қараш лозим. Бу назария инсоннинг маълум ижтимоий ва психологик эҳтиёжларини қондириш йўли билан уни янада унумли меҳнат қилиши мумкин деган ғояга асосланган.

Лекин бу назариянинг асосий жихати шундаки, “Инсон муносабатлари” мактаби вакиллари ижтимоий муаммоларни бутун жамият миқёсида эмас, балки аҳолида корхона миқёсида ҳал этадилар. Меҳнаткашлар ижтимоий аҳолига комплекси равишда ҳал этилиши лозим бўлган ижтимоий-иқтисодий муаммо сифатида эмас, балки кишиларнинг гуруҳий муносабатлари сифатида қаралган.

“Эмперик” мактаб менежмент зарурлигини умумман инкор этиб, очик “эмперизмни” тарғибот қилади. У менежментнинг мақсади – раҳбарлик қилиш бўйича ижобий тажриба ва аниқ хатоларни ўрганишдан иборат деб такидлайди. Бу мактаб вакиллари камроқ назарий

маслаҳатлар бериб, кўпроқ аниқ вазиятларни таҳлил этиш билан шуғулланиш керак дейдилар, албатта тажриба ўрганиш жуда муҳим. Лекин фақат амалиётга асосланиб менежментни шакллантириш мумкин эмас. “Эмперик” мактабнинг энг ёрқин намоёндалари- Т.Дракер, Р.Девис, Л.Нюман, Д.Миллаер ва бошқалар.

Юқорида санаб ўтган хорижий менежмент мактабларининг энг асосий камчилиги ҳар томонлама чуқур ўрганилмаганлигидир. Бу янги йўналиш “ижтимоий тизимлар” мактаби вужудга келишига туртки бўлди. Унинг энг таниқли намоёндалари Д. Марч, Г. Саймон, А. Этсиони ва бошқалардир.

“Ижтимоий тизимлар” мактаби, “инсон муносабатлари” мактаби хулосаларига асосланиб, корхонага ўзаро боғлиқ ва ўзаро таъсир кўрсатувчи омиллар мажмуидан иборат комплекс тизим сифатида қараб, инсон бу омилларни бири деб ҳисоблайди. Социологларнинг катта гуруҳи саноат социологияси соҳасида тадқиқот олиб бордилар.

“Ижтимоий тизим” мактаби ўзидан аввалги мактабларга нисбатан кенг кўламдаги муаммоларни ҳал этишга менежмент назариясини яхлит ҳолга келтиришга интилган.

Агар “классик” мактаб намоёндалари низоларни моддий рағбатлантириш ёки жазолаш йўли билан, “инсон муносабатлари” мактаби ишлаб чиқариш жараёнини адолатли қилиш йўли билан ҳал қилишни тақлиф этган бўлсалар,

“ижтимоий тизимлар” мактаби ташкилоти низоларнинг мавжуд бўлиши унинг табиатидан келиб чиқувчи ҳолат деб ҳисоблаб асосий вазифа низолар ва уларнинг оқибатини юмшатишдан иборат деб такидлайдилар.

50-йилларнинг бошида менежмент назариси ривожланишига “янги” мактаб катта таъсир кўрсатган. У менежментга аниқ фанлар услуб ва услублари – қарорлар қабул қилишни математик моделлаштириш, математик мантиқ, дастурлаш, иқтисодий жараёнларни математик моделлаштириш усулларини жорий қилиш билан ажраб туради. “Янги” мактабнинг энг ёрқин намоёндалари –Р.Аккоф, Л.Клейн, В.Луис ва бошқалардир. Бу мактабнинг шаклланиши кибернетика жараёнларини ўрганиш билан боғлиқдир. Бу жараёнларни ўрганиш захиралар, ресурслар тақсимоти, эскирган ускуналарни алмаштириш, мақбул равишда режалаштиришни бошқаришни математик моделлаштириш билан боғлиқдир. Кейинчалик янги мактаб таркибида мустақил фан – бошқарув қарорларини қабул қилиш назарияси шаклланган.

II БОБ. ҚИШЛОҚ ХЎЖАЛИГИДА МЕНЕЖМЕНТ ЖАРАЁНИ МАҚСАДИ ВА ФУНКЦИЯЛАРИ.

2.1. Қишлоқ хўжалигида менежмент жараёнининг мазмуни.

Қишлоқ хўжалигида менежмент бутун бошқарув тизимининг узлуксиз амал қилиш жараёнини ифодалайди. У меҳнат жараёнининг барча хусусиятларига эга. Умуман меҳнат жараёнининг технология (қандай амалга ошириш), ташкил этиш (ким ва қандай тартибда) нуқтаи назардан тавсифлаш мумкин. Қишлоқ хўжалигида менежмент жараёни мазмунининг уч жиҳатини ажратиш мумкин: техникавий, ишлаб чиқариш, иқтисодий ва ижтимоий. Техникавий жиҳатдан бу маҳсулот етиштиришни бошқариш, ишлаб чиқариш – бу ишлаб чиқаришни ташкил этиш жараёни, яъни бўлинма, корхоналар ўзаро таъсирини бошқариш, иқтисодий жиҳатдан ишлаб чиқариш, иш кучи ва бутун иқтисодий муносабатлар тизимига раҳбарлик қилиш, ижтимоий жиҳатдан – бу меҳнат жамоаси ижтимоий эҳтиёжларини қондириш, инсонни тарбиялашдир. Менежмент жараёнининг технологияси бошқарув ходимлари томонидан бажариладиган операция ва амаллардан иборатдир.

Қишлоқ хўжалигида менежмент жараёнларини бир неча даврларга бўлиш мумкин. Жумладан, мақсад қўйиш, ахборот фаолияти, ташкилий фаолият, бошқарув тизимида ташкилий амалий фаолият ва ҳаракатлар вариантларини танлаш. Қишлоқ хўжалигида менежмент жараёни босқич ва даврлари зртасида боғлиқликни қўйидаги чизмада акс эттириш мумкин:

Бошқарув операциялари – раҳбар ва бошқарув аппаратининг оддий ҳаракатлари бўлиб, улар тартиби ва бирикиши натижасида менежмент жараёни ташкил топади. Масалан, табиий фаолият учун корхонаннинг йиллик ва ойлик ҳисоботларини олиш, улар асосида тадбирлар ишлаб чиқиш ҳамда уларни менежмент жараёнига тадбиқ қилиш лозим. Менежмент жараёнини амалга ошириш воситаларига, энг аввало, ахборотни киритиш лозим. Бошқарув операцияларининг катта қисми ахборот билан ишлашдан иборатдир. Бошқарув аппарати ишида кенг қўллайдиган техника воситалари ҳам шулар жумласига киради. Булар ахборотни олиш ва қайта ишлаш воситалари ва анъанавий ташкилий техника воситалариди. Бошқарув операциясини амалга ошириш усуллари – ахборот-тахлил ва техникавий фаолиятдир. Ахборот-тахлил фаолият ахборот йиғиш, сақлаш, тарқатиш ва қайта ишлаш, таҳлил ҳисоб, қарорлар вариантини ишлаб чиқишдан иборат, ташкилий фаолиятга - тушунтириш, ишонтириш, рағбатлантириш ва вазифаларни тақсимлаш усуллари, фаолиятни назорат қилиш, мажбурлаш ва ҳисоб–китоблар киради. Корхонада менежер учун фақат нимани қандай қилишни ҳал этиш эмас, балки ташкил этиш. Қизиқтириш ишонтириш, тушунтириш назорат қилиш ҳам зарур. Айни шу операциялар йиғиндисидан раҳбарнинг ташкилий фаолияти ташкил топади.

Шундай қилиб менежмент жараёни раҳбар ва бошқарув аппаратининг қўйилган мақсадларга эришиш учун кишиларнинг биргаликдаги фаолиятини мувофиқлаштириш бўйича мақсадли ҳаракат қилишдир. Бошқарув фаолиятини амалга ошириш тартибига кўра уни бир неча босқичларга бўлиш мумкин. Булар мақсад, вазият, муаммо, қарор қабул қилиш.

Ҳар бир таъсир этишни амалга оширишдан аввал унинг мақсади аниқланиши лозим, чунки бошқарув маълум мақсадга эришиш учун амалга оширилади. Менежментнинг кейинги босқичи менежмент жараёнидаги вазиятни ташкил этишдан иборат. У тизимнинг ҳолатини баҳолаш, уни яхшилаш йўлларини излаш ёки ундаги салбий ҳислатларни бартараф қилиш билан боғлиқ ишларни тавсифлайди. Муаммо босқичига тизимнинг ҳозирги ҳолати, уни ривожлантириш мақсадига нисбатан у қарама –қаршиликларни аниқлаш кўзда тутилдаи. Қарор қабул қилиш босқичи раҳбарнинг амалда ташкилий фаолиятига ўтишини ифодалаб, қарор қабул қилиш билан бошқариладиган тизимга таъсир ўтказилади.

2.2. Менежментнинг мақсади ва уларга қўйиладиган асосий талаблар.

Менежментнинг мақсади-кўзланган натижаларга эришиш учун талаб этиладиган куч-ғайратни ва ташкилий ҳаракатларни ўз ичига қамраб олиши лозим. Амалдаги ҳолатдан кўзланган мақсадга эришиш учун корхона барча имкониятларидан оқилона фойдаланишга, бирмунча тадбиркорроқ бўлишга, ўзининг молиявий кўрсаткичлари ва иш фаолиятини мақсадга оширишга интилади.

Режалаштирилган мақсадлар қисқа муддатга, шунингдек, узоқ муддатга мўлжалланган бўлиши мумкин. Қисқа муддатга мўлжалланган мақсадлар исталган натижаларга тезда эришиш учун йўналтирилган бўлади. Узоқ муддатлиси эса фирма фаолиятини мастаҳкамлаш учун ҳозирги кунда қандай ишларни амалга ошириш ва узоқ келажакда қилинадиган ишлар кўрсаткичларини яхшилаш устида уйлаб кўришни талаб этади. Қисқа ёки узоқ муддатли мақсадларни танлашда, узоқ муддатли мақсадни танлаш доимо устун бўлиши лозим. Агар менежер фақат бугунги кун муваффақиятларини уйлаб иш юритса фирма келажакини хаф остида қолдирса, жуда камдан кам ҳоллардагина корхона раванқ топади.

2.3. Менежмент мақсадининг турлари.

Маълумки, менежментнинг мақсади корхонани юқори натижага эришишини таъминлашдир. Жорий мақсадлар ўз ичига шундай мақсадларни оладики, уларни амалга оширилиши раҳбар ва хизматчиларнинг кундалик хизмат бурчи ҳисобланади. Бу каби мақсадларга эришишнинг усуллари воситалари ва услублари асосан маълум. Истиқболдаги мақсадлар эса корхонанинг келажакда эришиши ва қўлга киритиши лозим бўлган натижалар, имкониятлар учун ишлаб чиқилади.

Муаммовий ва инновацион мақсадлар оддийлардан сезиларли даражада фарқ қилади. Бу фарқни асл маъноси уларга эришиш тавсифидадир. Муаммовий ва инновацион мақсадлар

катта ақлий энергия сарфини талаб қилади, чунки ўзига янги элементни қамраб олади, У ижодий натижани қўлга киритиш учун аниқланади ва ишлаб чиқилади. Муаммовий мақсадлар фирманинг ёки алоҳида инсоннинг фаолияти учун зарур вазиятни ўзгариши билан боғлиқ. Масалан, бирданига товарлар сифатининг пасайиши кузатилади, табиийки, бу корхонанинг оладиган фойдасига таъсир кўрсатади. Сифатни назорат қилиш бўлими раҳбари олдида қўйилган мақсад маълум муддат давомида бунинг сабабини аниқлаш ва махсулот сифатини яхшилашдан иборат.

Муаммовий мақсадлар қаторига яна инновацион мақсадларни қўйиш керак. Улар янги усулларни излаш ва ишлаб яқариш, янги восита ва янги махсулот билан боғлиқдир. Масалан, реклама бўлими мутахассисининг мақсади, товар учун янги, самаралироқ, реклама яратиш ва уни телестудияга маълум муддат ичида йўллаш эса инновацион мақсаддир, чунки уни мазмуни бўйича далолат бериб турибди. Изланиш бўлимининг хизматчиларини инновацион мақсади қуйидаги масаладан иборат: “1 июлга учта янги товарни экспорт сотувчи учун текшириб мақомига етказиш”.

Раҳбар ёки хизматчи ўз олига қўйган мақсади қанчалик машаққатли бўлса, унда шунчалик муаммовийлик кўпдир. Шунга айтиш керакки, муаммовийлик тушунчаси фақат объектив омил бўлиб қолмасдан балки у ўзига субъектив омилни қамраб олган. Битта мақсад бир хизматчи учун оддий ҳисобланса, бошқаси учун эса муаммовий ҳисобланади. Биринчи ҳолатда хизматчи унга эришиш учун зарурий усулларга эга бўлса, қўйилган вазифани катта қийинчиликларсиз етарли билим ва қобилиятга эга бўлади.

2.4. Менежмент функцияларининг моҳияти, мазмуни.

Ҳар қандай менежмент функцияси бошқарув ходимларининг ўзига хос фаолияти туридир, меҳнатни касбий тақсимоли, бошқарув соҳасидаги ихтисосланиш натижасидир. Ушбу фаолиятни ўзига хослиги шундаки, ҳар бир функция берилган мақсадни бажарилишига йўналтирилган шунинг учун у ўзининг мавжуд ролини ўйнайди ва бошқарув ходимларининг умумий фаолиятини таркибий қисми ҳисобланади.

Функция латинча “function” сўзидан келиб чиққан бўлиб, бажо келтириш, бажариш, амалга ошириш маъносини билдиради. Хорижий сўзлар луғатида функцияни фаолият даражаси, мажбурият, мақсад ва рол деб ифодаланади. Менежмент функциялари бошқарувчи ва бошқарувчи тизимларни бир бутун қилиб боғлаб, аниқ мажбуриятлар билан тавсиялайди.

Менежмент функцияларига бир қатор мутафаккирлар ўзларининг назарий қарашлари билан асос солганлар. Ф. Тейлорнинг фикрича, ҳар бир хизматчи энг юқори лавозимдан энг паст лавозимгача имкони борича оз сонли вазифани бажарилиши керак.

Баъзи бир мутахассислар менежмент функцияларини ўз қарашларида асосий таянчли мазмуний томонга эмас, балки ахборотли томонга йўналтирганлар. Менежмент функцияси

деганда, улар энг аввал ахборотга ишлов берилишидаги ташкилий фаолият, яъни шундай зарур меҳнат фаолияти турига бевосита ахборотни ишлаб чиқаришни бошқарувнинг манфаати учун харакати ва ишлатилиши билан боғлиқлиги, шу жумладан, зарур қаторлар ишлаб чиқилиши тушунилади.

Баъзи бир муаллифлар менежмент функциясини, менежмент субъектларини харакат опреацияси деса, бошқаси ижтимоий жамият бирлашмаси фаолияти бир қисмини тартибга солиниши дейди, учинчиси эса объекти зарур, барқарор такрорланувчи харакат дейди.

Йирик мутаффакирлардан бири А.Файо бошқарувчининг корхонада бажариладиган барча функцияларини қуйидаги олтита гуруҳга бўлган:

- Техник (ишлаб чиқариш, ясаш, қайта ишлаш);
- Тижорат (сотиб олиш, сотиш, алмаштириш);
- Молиявий (капитал топиш, уни боршқариш);
- Ҳимоялаш (мулкни ва шахсни химоялаш);
- Ҳисоб-китоб (мувозанат, сарфлар, статистика);
- Маъмурий (иш олиб бориш, ташкил қилиш, фармон чиқариш ва назорат).

А.Файо бошқаришни умумий функцияларини туркумлашда бирдан-бир муаллиф хисобланган. А.Файо маъмурий функция корхона раҳбари зиммасидаги энг катта ўзрини эгалловчи мажбуриятдир ва унинг предмети деб қуйидагиларни билган:

- олдиндан кўра билиш (келажакни ўрганиш ва харакат яратиш);
- ташкил қилиш (корхонанинг моддий- техника базасини яратиш);
- фамон бериш (корхона ходимларини харакатга келтириш);
- тартибга келтириш (барча жараёнларни, харакат ва интилишларни бирлаштириш);
- назорат қилиш (қонун-қоидаларга, чиқарилган фармонларга риоя қилинишини кузатиш).

Менежментнинг функцияларини туркумлаш муаммосига билдирилган фикр-мулоҳазалар тахлили қуйидаги асосий хулосалар чиқаришга имкон яратади:

- Менежер томонидан мақбул қаторлар ишлаб чиқилади;
- Корхона тараққиётини таъминлайдиган буйруқлар чиқарилади ва баджарувчиларга етказилади;
- Меҳнат самарали ташкил қилинади ва тартибга солиб борилади;
- Қабул қилинган қарорлар бажарилиши назорат қилинади.

2.5. Менежментни асосий функцияларининг таркибий тузилиши

Менежмент жараёни, энг аввало, унинг олий мақсадини аниқлашдан ва шу билан бирга, уни амалга оширини зарурий харакатлар дастурини ишлаб чиқишдан бошланади. Маълумки, режалаштириш бошқаришнинг асосий функцияларидан бири хисобланади. Режалаштириш энг аввало, келажакни белгилаш, унинг самарадорлигини оширишнинг

истикболли йўналишини танлашдир. Қарорларнинг энг мақбул вариантларини ишлаб чиқиш ва уларни амалга оширишни таъминлашдан иборатдир. Хозирги вақтда режалаштиришнинг муҳим йўналиши келажакни башорат қилишдир. Келажакни башорат қилиш иқтисодий математик усуллар математик моделлаштириш орқали амалга оширилади.

Менежментнинг ташкил этиш функцияси қўйилган мақсадларга мувофиқ ишлаб чиқариш учун зарур бўлган моддий-техника база яратиш, бошқарув аппаратининг мақсадга мувофиқ ташкилий таркибини аниқлаш, зарур меъёрий ҳужжатларни ишлаб чиқиш ва жорий этиш, янги стандартлар, бошқарув бўлимлари тўғрисидаги қоидалар, вазифавий йўриқномалар тайёрлаш ва бошқаларни ўз ичига олади. Ташкил этиш функцияси корхонада бўлимлар фаолиятининг таркибий-ташкилий боғланишига белгиланган режани маълум тартиб ўрнатиб бажарилишини таъминлайди. Бошқача қилиб айтганда, корхонада барча жараёнларни бирлигини таъминлаб, ягона мақсадга бирлаштиради.

Менежментнинг мувофиқлаштириш функцияси белгиланган дастурни ёки мақсадга мувофиқ ёки режани амалга оширишни, ишлаб чиқариш жараёнларининг бир меъёردа боришини таъминлайди ва ўрнатилган меъёрдан ошишини бартараф этади. Бу корхонада зарурий тартиблилик ва барқарорлик ҳолатини ўрнатади. Ишлаб чиқаришни тараққий этиши билан бошқарувчи ва бошқарилувчи тизимлар ўртасидаги алоқалар доимо ҳам бир меъёردа давом этмайди. Бўлимларнинг вазифавий мажбуриятлари тўлиқ бажарилмасликлари ўзаро алоқаларда узилишлар, жараёнларга оғишлар вужудга келади. Бу масалалар мувофиқлаштириш функцияси орқали ечилади. Мувофиқлаштириш функцияси бозор иқтисодиётига ўтиш шароитида катта аҳамиятига эга. Унга ишлаб чиқариш кўлами ошган, мураккаблашиб бораётган иқтисодий алоқалар вужудга келган сари катта талаб қўйилмоқда. Менежментнинг мувофиқлаштириш функцияси орқали корxonанинг динамикасини бошқарув тизимини турли қисм ва бўлимлари билан алоқасини бир текислиги таъминланади.

Менежментнинг назорат қилиш функцияси амалда белгиланган топшириқларнинг бажарилишини, ишлаб чиқаришнинг бир меъерда давом этишини кузатиш, узилиш ҳолатини, ўрнатилган талаблардан оғиш сабабларини аниқлаш, бартараф этиш, уларни олдиндан билиш ва огоҳлантириш, ишлаб чиқаришнинг бажарилишини таъминлашдир. Ўзининг моҳиятига кўра назорат функцияси универсал ҳисобланади, чунки, корxonанинг функцияси барча бўғинлари ва бўлимларига (технологик жараёнларнинг назорати, техник ҳужжатлар ҳолатини назорат қилиш, бўлим ва бўлимлар ҳолатини назорат қилиш, маҳсулот сифатини назорат қилиш ва хоказо) кириб боради ва менежментни бошқа функциялари билан яқин боғланган бўлади. Шундай қилиб, менежментнинг назорат функцияси корхона фаолиятининг ҳақийқий ҳолатини ўрнатилган талаблардан оғишдан доим хабардор бўлиб туриш имконини беради.

Хулоса қилиб айтганда, менежментнинг функциялари бир-бири билан узвий боғланган бўлиб, корхонанинг маҳсулот ишлаб чиқариш хажмини кўпайтириш, самарадорлигини оширишга хизмат қилади.

III БОБ. МЕНЕЖМЕНТ ҚОНУНЛАРИ ВА ТАМОЙИЛЛАРИ.

3.1. Иқтисодий қонунларни билишнинг аҳамияти.

Менежмент жамият қонунлари тизимига асосланади. Назарий жиҳатдан тушунмай ва асосланмаган ҳолда бирорта йирик амалий масала ҳал этилиши мумкин эмас. Назария янгиликларнинг муҳим усулидир. Фан эса воқелик ҳақида обектив билимларни ўрганиш ва тартибга солишга қаратилгандир. Буларнинг тартибга солиниши қонунларда ифодланади.

Қонун фалсафий категория бўлиб, борлиқ воқеаларнинг бақарор, такрорланувчан алоқаси ва муносабатларини, ҳодисалар юз беришининг аниқ тартибда бўлишига олиб келувчи томонларини акс эттиради. Қонунларни билиш, ривожланишнинг обектив йўналишларини аниқлаш, амалий вазифаларни ҳал этиш имконини беради. Шу сабабли иқтисодиётни бошқариш қонунларини билиш, уларни амалда моҳирлик билан қўллаш олишга асосланиши керак.

Иқтисодиётни бошқаришда қонунлардан қанчалик тўлиқ изчил фойдаланилса, меҳнат сарфи шунчалик самарали бўлади. Ва, аксинча, менежмент жараёнида иқтисодий қонунларни ҳисобга олмаслик жамият учун қутилмаган, салбий оқибатларга олиб келади. Шу сабабли менежментнинг қонунларини ўрганишда фақат амал қилиш эмас, балки менежмент жараёнида онгли равишда қўлланилиши ҳам кўзда тутиш лозим. Бошқарув қонунларидан онгли равишда фойдаланиш, кўп жиҳатдан уларни ўрганиш билан боғлиқ. Қонунлар қанчалик чуқур ўрганилса, улардан амалда тўғри фойдаланиш имкониятлари ортади.

Лекин менежмент қонунларини билиш уларни аниқ амалиётга муваффақиятли қўллаш учун қафолат бўла олмайди. Қонунлардан фойдаланишда назария амалиётдан ажраб қолиши фойдасиздир. Демак, қонунлардан фойдаланиш, уларни билиш, тушуниш, амалда ўз вақтида ва тўғри қўллаш олишга боғлиқ экан. Бу менежмент самарадорлигини оширишда ҳал қилувчи омилдир.

Иқтисодий қонунлар тизимидан фойдаланишнинг асосий элементлари ва босқичлари қуйидаги чизмада акс эттирилган.

3.2. Умумий фалсафий ва иқтисодий қонунлар.

Умумий фалсафий ва иқтисодий қонунлардан тўғри фойдаланилган ҳолдагина иқтисодиётни муваффақиятли бошқариш мумкин. Умумий фалсафий қонунлар таъсири амалиётда иқтисодий ривожланиш қонуниятлари ва йўналишларини аниқлаш шаклида намоён

бўлади. Ишлаб чиқаришни бошқаришдаги турли туман ижтимоий муносабатлар умумий фалсафий, ҳам иқтисодий қонунларга бўйсунди.

Умумий фалсафий қонунлар, бу аввало, қуйидаги материалистик диалектирика қонунларидир:

1. Миқдор ўзгаришларининг сифат ўзгаришларга ўтиш қонуни нарса ва ходисаларнинг миқдор ва сифат жиҳатларини ўзаро боғлиқлиги, таъсирини тавсифлайди.

2. Қарама –қаршилиқлар бирлиги ва кураши қонуни характлантирувчи куч, ўз – ўзидан харакат қилиб амалга ошувчи ривожланиш манбаини кўрсатади.

3. Инкорни-инкор этиш қонуни чексиз ривожланиш ва такомиллашиш йўналишини белгилайди. Эскирган нарсани инкор этмай ривожланишга эришиб бўлмайди, чунки инкор натижсида янги нарса учун жой яратилади. Шунинг учун инкор янги билан эски боғланган вақтдир. Бозор муносабатлари шароитида менежмент эски буйруқбозлик, шакл ва услубларни инкор этиб, улар илмий асосланган янгилари билан алмаштиради.

4. Ижтимоий борлиқнинг ижтимоий онгдан бирламчи эканлигини белгиловчи қонун меҳнат жамоаси, алоҳида меҳнаткаш ҳаётининг бирламчи эканлигини кўрсатди. Бошқарувни умумлаштириш зарур бўлган ижтимоий жамоа-шахсий манфаатларни аниқлашда бу қонун амал қилишини ҳисобга олмай амалга ошириб бўлмайди.

5. Ишлаб чиқариш кучларининг ижтимоий-иқтисодий муносабатларга нисбатан белгиловчи эканлигини ифодаловчи қонун бошқарув учун катта аҳамиятга эга. Айнан бошқарув воситасида ишлаб чиқаришнинг икки томони ишлаб чиқарувчи кучлар ва ижтимоий-иқтисодий муносабатлар алоқаси юз беради.

Юқорида санаб ўтилган умумий фалсафий қонунлар менежмент методологияси асосини ташкил этади. Улар менежментда марказий категориялар бўлиб, унинг концепцияси бирлигини мустаҳкамлаш, барча категориялар ўртасидаги боғлиқликни аниқлашга имкон яратади. Иқтисодиётни бошқариш тизимида иқтисодий қонунлар етакчилик қилади. Инсонлар меҳнатини эркин бирлаштирувчи ва тартибга солувчи бошқариш тизими мақсадларни аниқ белгилаш, уларни амалга ошириш йўлини излаш, улар эришилган натижаларига баҳо бериш, иқтисодий самарадорлигида акс этувчи иқтисодий қонунлар талаблари аниқ ҳисобга олиниши лозим.

1. Жамият эҳтиёжларини мумкин қадар кам ресурслар сарфлаб иложи борича тўлиқ қондириш қонуни. Жамиятдаги барча иқтисодий-ижтимоий қонунлар уларни амалга ошириш қонунлари бу қонунга амал қилади, чунки у қуйидагиларни ифодалайди:

- Ишлаб чиқаришнинг объектив йўналиши, унинг халқ фаровонлигини ошириш, шахсий хар томонлама ривожлантиришга қаратилганлигини;

- Инсонлар хўжалик фаолиятининг асосий сабаблари умум халқ иқтисодий манфаатларининг етакчилигини;

- Ишлаб чиқариш самарадорлигининг ижтимоий-иқтисодий моҳиятини.

2. Қиймат қонуни ёки нарх қонуни. Товарларнинг пулда ифодаланган қиймати нарх деб аталади. Нарх эса талаб ва таклифга боғлиқ равишда аниқланади. Нарх бозор барометрида, яъни агар талаб ва нарх юқори бўлса, ишлаб чиқариш кенгаяди. Талаб ва нарх пасайганда ишлаб чиқариш қисқаради. Талаб хажми ва таркиби таклиф хажми ва таркибига тенг бўлган ҳолдаги нарх мувозанат нархи дейилади.

Ишлаб чиқариладиган ҳар бир товар тури, хажми уларга бўлган ижтимоий эҳтиёжларга тенг бўлиши, яъни тўлов қобилиятига эга талабга тенг бўлиши керак.

3. Талаб қонуни. Унинг мазмуни шундан иборатки нарх қанча юқори бўлса талаб шунчалик кам бўлади. Талаб харидорнинг тўлов қобилиятини ифодалайди.

4. Таклиф қонуни. У нарх ортиши билан таклиф ортишини ифодалайди. Таклиф- бу бозордаги товар ва хизматларнинг хажмидир.

Шундай қилиб, бозор муносабатлари шаклланаётган шароитда иқтисодий қонунлардан фойдаланиш имкониятлари ҳар томонлама кенгайиб боради.

3.3. Менежмент қонунлари.

Менежмент қонун ва қонуниятлари ўз моҳиятига кўра объектив жараён ҳисобланади. “Қонун” ва “қонуниятни” умумий ва хусусий тушунчаларга киритиш мумкин.

“Қонун” умумий тушунча бўлса, “қонуният” унинг бир қисми ҳисобланади. Иқтисодий қонун ва қонуниятлар инсон онги ва савиясидан ташқарида амал қилади. Инсон уни тўғри тушуниши ва ундан ўз фаолиятида оқилона фойдаланиши лозим. Бозор иқтисодиётини тизими уни тўғри тушуниш ва ундан оқилона фойдаланишни талаб қилади.

Менежментнинг қуйидаги қонунлари мавжуд:

- Ихтисослаштириш қонуни;
- Интеграция қонуни;
- Марказлаштириш қонуни;
- Демократизациялаш қонуни;
- Вақт қонуни (вақтни иқтисод қилиш қонуни).

Ихтисослаштириш қонунининг моҳияти шундаки, корхонани бошқариш маълум миқдордаги бошқарувчилар, раҳбарлар томонидан амалга оширилади. Улар ўз фаолиятлари жараёнида меҳнат тақсимооти асосида ўзига хос қуйидаги функциялар бўйича (режалаштириш, ташкил этиш, мувофиқлаштириш, фаоллаштириш, назорат), меҳнат воситалари бўйича (ахборотларни йиғиш, қайта ишлаш, таҳлил қилиш усуллари), функцияларни бажариш хажми

ва меҳнатга бўлган талаб бўйича (бўлим раҳбарлари ва унгабўйсинувчилар), менежмент ваколати бўйича (менежмент даражаси, ҳуқуқи, масулияти ва бошқалар) амалга оширилади.

Менежмент тизимида ҳар хил функциялар тақсимоли мавжуд бўлади. Хусусан корхонани бошқаришнинг умумий вазифалари – ишлаб чиқариш жараёни, молия, сотиб олиш, сотиш, маркетинг, кадрларни ўқитиш, илмий фаолият, ахборотлар тизимини бошқариш кабилар мавжуд бўлади. Бу ўз навбатида бошқаришнинг ихтисослашуви бўлиб улар ёрдамида бошқаришнинг самарадорлиги таъминланади. Менежментнинг ихтисослашган функциялари шу соҳани билган тажрибали ва малакали ходимлар томонидан амалга оширилади. Интеграция қонуни – бу объектив қонун бўлиб, менежмент барча бошқарувчи ходимлар фаолиятини интеграцияси асосида амалга оширишни кўрсатади. Бундай эҳтиёж ишлаб чиқариш ва бошқаришга бўлган талабдан келиб чиқади ва амалга оширилади.

Менежментнинг интеграцияси унинг қуйидаги таркибий қисмлари ёрдамида намоён бўлади:

1. Мақсад – бошқаришнинг интеграцион омил сифати;
2. Менежмент механизми – баланслашган усули ва менежмент жараёни сифатида;
3. Структуравий бўлинмалар ва уларнинг функцияларини мувофиқлаштириш сифатида;
4. Ахборотлар билан таъминлаш-менежмент бўлинмалари ўртасида боғлаш сифатида

Менежментнинг марказлаштириш қонуни. Бу қонун марказдан ва қуйидан бошқаришнинг оптимал (энг қулай) вариантини топишни талаб этади. Бу қонун бир томондан марказдан, яъни юқоридан пастга, иккинчи томондан пастдан юқорига менежмент жараёнини ўзида акс эттиради

Бошқаришнинг объектив тизими марказлаштирилган шаклда бўлади. Масалан, биологияда биринчи тизим фаолият кўрсатиши учун марказ, яъни мия ишлаши керак.

Корхонани бошқаришда, муҳим қарорлар қабул қилишда вакилликнинг аксарият қисмини ўз зиммасига оладиган бошқарув тизими марказлашган бошқарув деб аталади. Корхонани бошқариш ваколатлари асосан қуйи бошқарув органларига берилган бўлса, буни марказлашмаган яъни қуйидан бошқарув дейилади.

Марказлашган бошқарувнинг афзалликлари қуйидагилар:

1. Ихтисослашган бошқарув хизмати фаолиятини мувофиқлаштириш ва назорат қилиш имкони туғилади.
2. Харакатнинг ягона келишилган тартиби таъминланади.
3. Менежмент меҳнати билим ва тажрибадан унумлироқ фойдаланиш имконини беради.

Куйидан бошқаришнинг афзалликлари куйидагилар:

1. Муаммони яхшироқ биладиган раҳбар томонидан қарор қабул қилиш имкони туғилади.
2. Йирик корхоналарни ахборотлар ҳажми кўплиги сабабли бошқариш ва менежмент қарорларини ишлаб чиқариш қийинлашади.
3. Куйидан бошқариш раҳбарлик лавозимидаги шахснинг маъсулиятини оширади, ўзига нисбатан талабчанлик кучаяди ва ўз иш жойида мастахкам бўлиш имконини беради.

Деморактизациялаш қонуни. Менежмент самарадорлиги одамлар манфаатига мос тушадиган бўлишини таъминланиши лозим. Манфаатдор ҳар бир шахс, бошқарув ходими меҳнат жамоаси учун хос бўлган жараён ҳисобланади. Бу эса бошқариш жараёнини нафақат малакали, қолаверса демократик бўлганда таъминланади. Бу қонун моҳиятига кўра жамоада одамларнинг бир бирига бўлган ўзаро муносабатини акс эттиради, яъни раҳбар ва бўйсинувчилар ўртасидаги ўзаро алоқани акс эттиради.

Вақт қонуни “вақтни иқтисод қилиш қонуни”-бу бозор иқтисодиётини муҳим қонунидир. Вақт иқтисодий категория бўлиб, унинг кадр-қиммати корхона фаолиятининг барча томонларини ўз ичига қамраб олади, жумладан, ишлаб чиқариш тезлиги, капитал айланмаси, меҳнат унумдорлиги, меҳнат қуролларидан фойдаланиш харажатлари ва бошқалар.

3.4. Менежментнинг асосий тамойиллари.

Тамоил бу фаолият юриштишнинг асосий қонидаси, етакчи қонидалар. Илмий адабиётларда одатда бошқарув тамойиллари деганда иқтисодиётда раҳбарлик қилишда асосланиладиган асосий қоида, йўл-йўриқ, ҳуқуқ меъёрлари тушунилади. Бошқарув тамойиллари иқтисодиёт қонунлари таъсири натижасида бошқарув усулларига боғлиқ ҳодисалар моҳиятини акс эттиради. Бошқарув механизмини куйидагича ифодалаш мумкин:

Қонунлар ---- тамойиллар ---- усуллар ---- услублар

Бошқарув тамойиллари ўзаро боғлиқ ва биргаликда қўлланилиши лозим.

Менежментнинг асосий тамойилларига куйидагилар киради:

1. **Бошқарувда яккабошчилик ва коллегиялик тамойили.** Яккабошчилик тамойили бевосита ишлаб чиқаришда ходимларнинг ягона раҳбар буйруқларига қатъий бўйсунушни талаб қилади. Юқори даражадаги раҳбар қуйи бўғин раҳбари ваколатига кирувчи масалаларни ҳал этмаслиги лозим. Бу тамойилни амалга оширишнинг асосий шarti ҳар бир ижрочининг ҳуқуқ, бурч, мажбуриятларини қатъий белгилаб қўйишдир. Ягона бошчилик коллегиялик, қабул қилинадиган қарорлар ошқоралиги билан қўшиб олиб борилиши керак. Коллегиялик интизом, раҳбар, ягона шахс иродасига сўзсиз бўйсунуш билан бирга амалга ошириш керак.

Демократия, ошкоралик хар бир кишига ўз фуқаролик қарашларини намоён қилиш, бошқарув қарорларини ишлаб чиқиш ва қабул қилишда фаол қатнашиш учун имкон яратиш.

2. **Илмийлик тамойили.** Бошқарув тамойиллари орасида валютаризмни инкор қилувчи хар бир рахбар иқтисодий қонунлар, жамият ривожланишининг объектив йўналишларини, бу соҳада миллий ва чет эл тажрибасини қўллашни тақозо қилувчи ўрин эгаллайди.

3. **Режалилик тамойили.** Бозор иқтисодиёти шароитида ишлаб чиқарувчи режали бошқариш –бизнес ва стратегик режасини тузиш-иқтисодий сиёсатларни амалга оширишнинг муҳим шартидир. Бу тамойил ишлаб чиқариш ривожланишининг узок муддатга мўлжалланган йўналишлари.

4. **Бошқарув шакли усулларини такомиллаштириб бориш тамойили.** Бозор иқтисодиёти шароитида бошқарувнинг уч шакли мавжуд, жумладан, хусусий, жамоа, давлат бошқаруви. Бошқарувнинг хусусий шаклида мулкдор якка ўзи қарор қабул қилади ва бутун иш учун жавобгар бўлади. Бошқарув хусусий шаклининг ижобий томони мулк эгаси ишлар боришини ўзи тўлиқ назорат қилиш имкониятига эгаллиги, камчилиги эса сармоянинг инча катта бўлмаслиги ва бир бошқарувнинг турли вазифаларини бажаришга мажбурдир.

Бошқарувнинг жамоа шаклида икки ёки ундан кўп жисмоний ва ҳуқуқий шахслар бошқарув қарорларини биргаликда қабул қиладилар ва корхона ёки акционерлар жамияти фаолияти учун жавобгар бўладилар. Шерикчилик нисбатан малакали бошқарув қарорларини қабул қилиш, бошқарувнинг хусусий шакли камчиликларини бартараф этишга имкон яратади. Бошқарувнинг жамоа шаклининг афзаллиги шериклар акция сотиш йўли билан қўшимча сармоя жалб қилиш имкониятига эга бўладилар.

Давлат бошқарув шакли давлат ёки маҳаллий мулк бўлган корхоналарда амалга оширилади. Давлат бу корхоналар фаолияти учун тўлиқ жавоб беради.

5. **Кадрлар танлаш ва жойлаштириш тамойили** муҳим аҳамият касб этади. Бозор муносабатлари бошқарув кадрларига қатъий талаблар қўйади, уларни ишбилармонлик сифатлари, ишлаб чиқариш олдида турган масалаларини белгилайди.

6. **Шахсий ташаббус тамойили.** Бозорда ишбилармон, омилкор, шахсий фойда учун ҳаракат қилувчи, тадбиркор кишилар фаолият юритиши керак.

7. **Жавобгарлик ва таваккалчилик тамойили.** Тадбиркор ўз фаолияти учун жавобгар бўлади, бунда маълум таваккалчилик ҳам ҳисобга олиниши, яъни тадбиркорнинг ўз ҳуқуқ ва мажбуриятлари бўлиши керак.

IV БОБ.МЕНЕЖМЕНТДА АХБОРОТ ВА КОММУНИКАЦИЯ.

4.1. Ахборот ва коммуникация хақида тушунча.

“Ахборот” - атамаси лотинча сўз бўлиб, хабардорлик, бирор ходиса ёки бирор киши фаолияти хақида хабарга эга бўлиш маъносини билдиради. Ахборот бошқарув тизимида уни ривожлантириш ва такомиллаштириш мақсадида фаол таъсир этиш учун зарур маълумотлар йиғиндисидан иборатдир. Етарли ва аниқ ахборотга эга бўлмай туриб корхонани бошқариш мумкин эмас.

Ишлаб чиқариш ахбороти бошқарувчи ва бошқарилувчи тизимлар ўртасида алоқа усулидир. Бошқарувчи тизим бошқариладиган тизимдан ишлаб чиқариш ҳолати ва унинг хўжалик фаолияти тўғрисида ахборот олади. Бошқарувчи тизим олинган ахборот асосида бошқарувчи тизим фаолиятига баҳо беради, бошқарувни янада такомиллаштириш мақсадида кўрсатма, фармойишлар чиқариб, бошқарувчи тизимга ижро учун юборади.

Ахборот менежмент тизимида алоҳида бўғин бўлиб ҳисобланади. Унда қатор ўзига хос хусусиятларга эга бўлиб, улар ахборот бошқарувининг барча бўғинлари, барча вазифаларини қамраб олишга боғлиқдир. Ахборот – бу бошқарув аппарати фаолиятининг ҳам дастлабки нуқтаси, ҳам натижасидир, шунингдек, амалга оширилаётган ҳаракатлар мавжудлиги шарти, мустаҳкамлаш усулидир. Ахборот ортиши билан бошқарув ахборотининг сифат кўрсаткичларига бўлган талаб ҳам ортиб боради.

Менежмент жараёни бошқарув қарорларини қабул қилиш мақсадида ахборот тўплаш, узатиш ва қайта ишлаш, бошқарув буйруқлари кўринишида ахборот бериш ва уни ижрочиларга етказишдан иборат.

Ахборотнинг бир неча турлари мавжуд, жумладан, статистик, оператив, иқтисодий, ҳисоб, молия, таъминот, кадрлар бўйича, технологик, конструкторлик, маркетинг, ижтимоий ва бошқалар.

Менежментда иқтисодий ахборот алоҳида ўрин эгаллайди, чунки у кишиларнинг моддий бойликларини ишлаб чиқиш, тақсимлаш, айрбошлаш ва истеъмол қилиш жараёнидаги муносабатларни акс эттирувчи илмий-техникавий ахборот ахамиятини ҳам таъкидлаб ўтиш лозим.

Келиб чиқиш манбасига боғлиқ равишда ахборот ташқи ва ички ахборот турларига бўлинади. Ташқи ахборот ташқи муҳитдан олинладиган хабарлардан иборат бўлади. Булар жумласига юқори ташкилотлар фармойишлари, режа топшириқлари, маҳсулотни сотиш шартлари хақида ахборотлар киради. Ички ахборот корхона ёки унинг бошқарув бўғинида шаклланиб истеъмол қилинади. Корхона миқёсида улар жумласига режанинг бажарилиши,

моддий-техникавий, таъминот, махсулот таннархи, кадрлар, меҳнат унумдорлиги ҳақида ахборотлар киритиш мумкин.

Йўналиши бўйича ахборот – бошқариш ва бошқарувчи (раҳбарлик) ахбороти турларига бўлинади. Раҳбарлик ахбороти бошланғич ахборотни қайта ишлаш асосида қарор қабул қилиш натижасидир. Бошланғич ахборот доимо бошқарув тизимининг қуйи даражасидан юқорирок даражага қараб ҳаракат қилади, раҳбарлик ахбороти эса тескари йўналишда ҳаракатланади.

Ахборот вақт ўтиши билан турлича аҳамият касб этади. Барқарорлик даражаси бўйича барқарор шартли-барқарор, ўзгарувчантурларга бўлиш мумкин. Барқарор ахборот изоқ муддат давомида ўз аҳамиятини ўзгартирмайди (корхона, унинг бўлинмалари номи, махсулот тури) Шартли-барқарор ахборотнинг аҳамияти маълум муддат давомида сақланиб туради. Корхона миқёсида бундай ахборот тури меъёр ва меъёрий ҳужжатларни (моддий, меҳнат сарфи, тарифлар меъерлари)ни киритиш мумкин. Ахборотнинг бундай тури корхона бўйича умумий ахборотнинг 35%дан кўроғини ташкил этади. Ўзгарувчан ахборот менежмент объекти фаолияти ва унда мос ҳолда бошқарув жараёнлари ўзгарувчанлигини акс эттириб, қарор қабул қилиш учун тез қайта ишлашни талаб этади.

Менежмент фаолиятида, шунингдек, бошланғич ахборотни қайта ишлаш натижасида олинган ҳосила (иккиламчи) ахборотдан ҳам фойдаланилади.

Коммуникация – бу ахборот ақлмашлашдир. Ана шу ахборот негизида раҳбар маълумотлар олиб, самарали қарорлар қабул қилади ва ички ходимларга етказди.

Раҳбарлик фаолияти самарали ахборот алмашинувни талаб қилади. Агар инсонлар ўзаро ахборот алмашинмаса, улар биргаликда ишлай олмайди ва олдиларига қўйган мақсаднинг шаклланиши, унга эришиши қийин бўлади.

Менежмент фаолиятида ахборот алмашуви муҳим аҳамиятлилиги учун раҳбар ўзини вақтининг 50%-90% ни коммуникацияга сарфлайди. Ахборот алмашинишнинг сифати бошқарув қарорларига таъсир кўрсатади.

Корхона ташқи муҳит билан алоқа боғлашда, турли-туман воситалардан фойдаланилади. Мавжуд харидорлар билан улар реклама орқали боғланибгина қолмай, махсулотни бозорга олиб қирадиган бошқа дастурлардан ҳам фойдаланади.

Бозор муносабатлари шароитида ҳар бир корхона ўз вақтида ахборотни тўплаш ва шунга мос равишда махсулот ишлаб чиқаришни ёки хизмат кўрсатишни ташкил этиш лозим. Бироқ тўпланаётган ахборотлар ҳам бир қатор талабларга жавоб бериш керак. Шу боис ҳам бозор муносабатларининг қарор топиши натижасида ахборотлар сифатида янада юқори талаблар қўймоқда. Ахборотнинг сифатига қўйиладиган талаблар қуйидагилар:

-ахборотнинг долзарблиги;

-ўз вақтида келиши;

- ахборотдаги маълумотларнинг тўғрилиги;
- ахборотдаги маълумотларнинг етарлилиги;
- маълумотларнинг ишончлилиги;
- ахборот тизимининг мажмуавийлиги (объект тўғрисидаги барча маълумотларни қамраб олиши);
- кўп мартаба фойдаланишлик;
- қайта ишлаш ва бир тизимга келишнинг қулайлиги.

4.2. Бошқарувни ахборот билан таъминлаш жараёнлари.

Ахборот йиғиндиси бошқарувнинг ахборот тизимини ташкил этиб, у бошқарув жараёнини ахборот билан таъминлаш шаклида намоён бўлади. Ахборот тўғри, аниқ, ўз навбатида, объектив, мазмунли ва қарорларни қабул қилиш учун тушунарли бўлиши керак. Ахборот хажми жиҳатидан кичик, мазмун жиҳатидан чуқур, унинг матни тушунарли ва содда бўлиши лозим. Корхонани ахборот билан тўғри алоқалар кўринишидаги турли-туман ахборот оқимлари воситасида таъминланиб, улар аниқ ишлаб чиқариш вазифасини хал этиш имконини беради.

Бошқарув тизимини ўз вақтида ахборотлар билан таъминлаш менежмент жараёнида қабул қилинадиган қарорларнинг белгиланган муддатда бажарилишини таъминлаш имконини беради. Корхона ва ташкилотларнинг фаолияти тўғрисидаги ахборотларнинг юқори поғоналарига узатишни ва унинг ташкилий тизими орасидаги маълумотларни айланиб юриши технологияси ёрдамида амалга оширилади. Ахборотлар керакли қарор қабул қилиш учун зарур бўлади. Бошқарув тизимини ахборотлар билан таъминлаш – барча вазифалар ичида энг муҳимларидан бири ҳисобланади. Чунки, бошқарув тизимининг самарадорлиги ахборотлар таъминотига кўп жиҳатдан боғлиқдир.

4.2. Коммуникацион жараён.

Ахборотлар корхона ичида босқичма-босақич, янги вертикал коммуникациялар орқали ўтади. Ахборотлар юқори бошқарув органларидан пастки органларга ўтади. Шунингдек пастки органлардан юқори бошқарув бўлимларига ахборотлар оқими келади. Айнан иккинчи жараён корхоналарда ижобий ўзгаришларга олиб келади.

Корхонада вертикал коммуникациялардан ташқари, горизонтал коммуникациялардан ташқари, горизонтал коммуникациялар ҳам мавжуд. Маълумки, корхоналарда турли-хил функционал бўлимлар, цехлар ва бошқа бўлимларнинг мавжудлиги улар ўртасидаги ахборот оқимининг кераклигини англатади. Масалан, фундаментал технология асосида, корхона турли

хил махсулотлар ишлаб чиқариши мумкин, шунинг учун ҳам маркетинг бўлимининг ахборот аҳамиятлигини сақлаб қолади ва унинг талабларини ўз вақтида қондирилишини таъминлайди.

Коммуникация – бу ахборот алмашинуви бўлиб, унинг асосида раҳбар ўзига керакли бўлган ахборотларни олиб, қарор қабул қилгач, уларни ижрочи ёки ишлаб чиқарувчиларга йўналтиради. Коммуникация мураккаб жараён бўлиб, ўзаро боғлиқ ишлардан иборат. Бошқарув поғоналарида ахборот алмашинуви энг мураккаб муаммолардандир. Ахборотлар билан алмашув жараёнида қуйидаги 4 та элементларни ажратиш олиш мумкин:

Жўнатувчи – бу шахс ҳамма ғояларни жамловчи ёки ахборотларни йиғиб, уларни узатиб боровчи.

Хабар – бу ахборотларнинг ўзи.

Канал – бу ахборотларни узатиш воситаси

Олувчи – ахборотларни қабул қилувчи ва ўзгартирувчи шахс.

Ахборот алмашув жараёнида улар йўналтирувчи ва олувчи ўзаро боғлиқ бир неча босқичларни босиб ўтишлари керак. Уларнинг вазифаси

Хабарни шундай тузиш ва каналларни шундай танлаш керакки, ҳар иккала томон бошланғич ғояни билишлари, тушунишлари керак. Бу жуда мураккаб, чунки ҳар бир нуқтада ахборотлар мазмуни ўзгариб ёки бутунлай йўқолиши мумкин.

Амалда бошқарувчи тизим бошқарилувчи объектлардан ижтимоий, иқтисодий, ташкилий-худудий, техник-технологик кўрсаткичларга оид ахборотларни олиб туради. Зарурат туғилганда олинган ахборотлар асосида бошқарувчи тизим объект учун керак буйруқлар тайёрлайди ва уни бажариш учун объектга узатади.

Мураккаб ва кўп қиррали ташкилотларни менежмент катта ҳажмдаги бирламчи ахборотларни кўриб чиқишни талаб қилади. Уларга қуйидагилар киради: статистик, ореатив – ҳисобот, режа-иқтисодий, бухгалтерик молиявий, моддий-техника таъминоти, капитал қурилиш, технологик конструкторлик ва бошқалар.

Ахборот бошқарув жараёнининг асосидир, бошқарувчининг меҳнати уни таҳлил қилиш ва қайта ишлашдан иборат. Хозирги жамиятни “ахборот жамияти” деган фикр ҳам тўғри. Бошқарув муаммоларидан йироқ бўлган кишилар, ҳатто кичик фирманинг маъмурияти катта ҳажмли ахборот билан ишлашиши тасаввур қилолмайди. Масалан, 200-300 одам ишлайдиган ўрта меъёрадаги тижорат ташкилотидаги расмий ва норасмий ахборот оқими қайта ишлашини ҳисобга оладиган бўлсак, унда жуда катта рақам юзага келади.

Корхонани бошқарувда ишлаб чиқариш суваффақиятли кечиши учун моддий, меҳнат, хом ашё, молия ресурслари қаторида ахборот ресурслари бирламчи амалиётга эга. Илмий-техник ахборот янги технологиялар, ишлаб чиқариш воситаларининг асоси бўлиб хизмат қилади.

4.3. Бошқарув техникаси ва унинг турлари.

Бошқарув техникаси – бу ақлий меҳнат техникаси, бошқарув тизимида ахборотни қайта ишлаш воситаси. Техника воситалари қанчалик такомиллашган бўлса, бошқарув технологияси, бошқарув меҳнاتини ташкил этиш ва бутун бошқарув жараёни шунчалик самарали бўлади. Ҳисобларга асосан мамлакат иқтисодиётини мақбул бошқариш учун йил давомида 1000 та элементлар арифметик операция бажариши зарур бўлса, бошқарув аппарати ходимлари 10% ни бажариш қобилиятига эга эканлар. Бу муаммони муваффақиятли ҳал этиш учун бошқарув меҳнатини такомиллаштириш, ахборот тўплаш ва қайта ишлашни механизациялаш ва автоматлаштириш зарур. Бошқарув техникасини фақат ҳисоблаш машиналари билангина боғлаш нотўғридир. Дастлабки техника воситасидаги 100 йил олдин пайдо бўлган ручка, чизғичан тортиб ЭХМ ва компютерларгача бўлган техника воситаларини қуйидаги икки гуруҳга ажратиш мумкин: ташкилий техника ва ҳисоблаш машиналари.

Ташкилий техника воситаларига жуда турли-туман ускуна қуроллар (оддий қурол ва восита, ахборот олиш ва қайта ишлаш, кўчириш, кўпайтириш, алоқа воситалари ва ахборот узатиш, хизмат кўрсатиш, хизмат хоналари ускуналари) киради. Бошқарув меҳнати турли қурол ва ускуналардан (калам, ручка, идора дафтари, жадвал, график ва бошқалар) фойдаланишга асосланган. Ҳисоблаш машиналарига компютерларни киритиш мумкин. Ҳозирги кунда уларнинг имконияти жуда кенгайиб бормоқда.

4.4. Менежмент тизимида ахборотларнинг аҳамияти.

Корхонада менежмент учун зарур бўлган барча турдаги ахборотлар мажмуи ахборот тизимини вужудга келтиради ахборот тизимлари бошқаришнинг ҳар қандай босқичида бир бутун бўлиб фаолият кўрсатади. Аммо улар ўзининг вазифаси ва таркиби билан ҳар хилдир. Мисол учун, менежмент тизими корхона фаолияти кўлами, техник даражаси ва соҳа турига қараб ҳар хил бўлиши мумкин.

Ҳозирги замон тараққиётида корхонани ахборотлар билан таъминлаш катта аҳамиятга эга бўлиб қолмоқда. Ишлаб чиқариш жараёнида маҳсулот хажмини режалаштиришда ахборотлар жуда зарур. Бунда қарор қабул қилишда, янги илмий билимларга, янги ихтироларни ўз ичига олган илмий-техник ахборотлар олинади. Мунтазам равишда ўз вақтида ахборотлардан фойдаланиш фирмани рақобатбардошлигини оширади. Ҳисоботлар тайёрлаш ва бошқарув қарорларини ишлаб чиқишнинг асосини ахборотлар ташкил этади.

Ҳозирги замон шароитида юқори самарали корхоналарда ахборотлардан кенг фойдаланиш, уларни тараққиёти учун жуда муҳим аҳамиятга эгадир. Уларни қўллаш замонавий техник воситалар, матн ва рақамли ахборотларни автоматлаштирилган қайта ишлашга, корхонанинг ички ахборотлари тизимида бирлаштириш асосида ташкил этилгандир.

Корхоналарда бошқарув ахборотлар тизими бу турли жараёнларни бирлигидан иборатдир. Ахборотлар тизими ахборотларни қайта ишлаш, ички ва ташқи ахборотларни узатиш алоқа

каналларидан ташкил топади. Бошқарув ахборотлар тизими бирин-кетини ишлаб чиқариш жараёнини амалга ошириш учун техник воситалар ёрдамида ахборотларни йиғиш, тўплаш ва уларни қайта ишлаш учун ташкилий усуллар, математик, статистик ва истиқболни аниқлаш усуллари қўллаш билан бирга олиб боришга мўлжалланган.

Ахборотлар тизимининг самарадорлигини ошириш йўллари уларни тўғридан-тўғри бири-бири билан келишилган ҳолда қўриш, ахборотларнинг қайтарилмаслиги, уларни кўп мартаба ишлатиш, уларни бирлаштириш кўрсаткичларини чеклаш, ахборотлар оқимини қисқартиришдан иборатдир. Ахборотлар бошқарув жараёнида қуйидаги масалаларни ечиш учун кенг фойдаланилади:

- қарорлар қабул қилиш;
- маъмурий-ташкилий ишлар;
- илмий тадқиқот ишлари;
- ишлаб чиқариш тадбирларини амалга ошириш учун.

Ахборотларнинг автоматлаштирилган тизимидан фойдаланиш ишлаб чиқариш самарадорлигини оширишда муҳим омил ҳисобланади.

Менежмент ахбороти жуда хилма-хил бўлиб, маълумотлардан ташкил топади ва улар қуйидагича тавсифланади:

- объект фаолиятини бошқаришга бевосита алоқадор бўлади;
- бошқарувдан объектнинг ўзига хос алоҳида хусусиятларини, унинг ички ва ташқи тавсифларини ақс эттиради;
- объект фаолияти давомида содир бўладиган вақеаларни ва жараёнларни тавсифлайди.

Ўнлаб, баъзида юзлаб миқдорлар, товарларнинг кенг ассортименти миқдорлар билан ҳисоб-китоб қилиш, маош ҳисоб китоблари, қиймат ва натурал ифодасидаги товарларнинг омборхонадаги ҳаракатини ҳисоблаш, маркетинг, яъни бозорни тадқиқ қилиш, реклама, рақобатчиларни хатти ҳаракати, ўзгарувчан қонунлар, солиқ қоидалари, божхона тарифлари ва шу каби ахборотларни фирма маъмурияти бир йилда миллиондан ортиғини қайта ишлайди. Бозорнинг доимо ўзгарувчанлиги маъмурият эътиборининг тезкорлигини талаб қилади, агар шу ўзгариш ҳақидаги ахборот кечикса ёки аста-секин қайта ишланса уларнинг натижаси фирма фаолиятига жуда салбий таъсир кўрсатади.

Маълумотлар шуни кўрсатадики, 90-йиллар бошида АҚШдаги 60% ишчи жойлар ахборотни қайта ишлаш хизматига боғлиқ бўлган ва бунга миллий ялпи даромаднинг 70% сарфланган эди. Шу билан бирга АҚШ, Япония ва Европанинг йирик фирма ва компаниялари шу ҳаражатни фарқлайди.

V БОБ. МЕНЕЖМЕНТ МАДАНИЯТИ ВА УСЛУБИ.

5.1. Менежмент ва унинг маданияти .

“Маданият” тушунчаси ривожланиши даражасининг умулаштирувчи кўрсаткичи бўлиб, бир қанча маънони билдиради. Масалан, жамият маданияти, айрим шахс маданияти, ва ниҳоят, инсон фаолиятининг айрим тури маданияти ҳақида сўз юритиш мумкин. Инсон фаолияти моддий ва маънавий бойликлар яратувчи турларга бўлинади. Шу сабали, моддий ва маънавий маданият фарқ қилинади.

Моддий маданият инсон томонидан табиатни бўйсундириш даражаси кўрсаткичидир. Унга ишлаб чиқариш воситалари ва меҳнат предметлари киради. Маънавий маданиятга фан, аҳоли маълумот даражаси, медицина хизмати даражаси, санъат даражаси, ахлоқий меъёрлар, маънавий эҳтиёжлар ва мафаатлар ривожланиши даражасини киритиш мумкин. Шундай қилиб, маданият инсоннинг ҳам маданий ишлаб чиқариш, ҳам маънавий ҳаёт сифатида ривожланиши жараёнидаги ютуқларини қамраб олади. У инсоният билимлари, унинг меҳнати моҳиятидан иборат бўлиб, кишиларнинг аввалги авлодлари томонидан яратилади.

Инсоният маданияти ўсувчан, ўзгарувчан, чунки ҳозирги авлод аввалги авлодлар маданияти кадрларидан ижобий фойдаланиш асосидаги янада ривожланиши мумкин.

Инсон ҳаёти фаолиятининг муҳим таркибий қисми бутун инсоният томонидан жамланган маданий бойликка эга бўлиши, шу жумладан менежмент маданиятини эгаллашдир.

Менежмент маданияти жуда муҳим. Инсоният ўз ривожланиш жараёнида жуда катта менежмент тажрибасини жамлаган. Бозор шароитида бу тажриба менежмент тажрибасини жамлаган . Бозор шароитида бу тажриба менежмент самарадорлигини оширишга хизмат қилиши керак. Менежментнинг вужудга келиши ва ривожланиши, аввало менежмент маданияти даражаси юксалиши билан боғлиқдир. Чунки менежмент йўллари, усуллари, восита ва услубларига танқидий баҳо бериш йўли билан, уларнинг энг яхшилари жаҳон тажрибасида кўлланиши учун ажратиб олинган.

Менежмент маданияти инсон маданиятининг таркибий қисми бўлиши билан бирга қатор ўзига хос хусусиятларига ҳам эга. Маданиятга эга бўлиш раҳбар учун фақат зарур эмас, балки шартдир, чунки ҳар бир ташкилотнинг, ҳар бир бўлинмаси самарали ишлаши учун унинг ходимлари юксак маданиятга эга бўлиши керак.

Менежмент маданияти даражаси ходимлар, айниқса, раҳбарлар маданиятини, менежмент жараёни маданияти, менежмент жараёни маданияти, менежмент техникаси, менежмент шароитини акс эттирувчи кўрсаткичлар бўйича баҳоланади. Менежмент маданияти унсурларнинг турли-туманлиги менежмент жараёнида турли-туман меъёрларга, жумладан, ахлоқий, ҳудудий, иқтисодий, ташкилий, техникавий, эстетик меъёрларга риоя қилиш заруриятини келтириб чиқаради.

Ахлоқий меъерлар инсонинг ахлоқ ва одоб соҳасидаги хулқини тартибга солади. Улар жумласига ижтимоий бирчани тўғри тушуниш, кишилар ўртасида инсоний муносабатлар ва ўзаро хурмат, виждолилик, ҳақиқатгўйлик, камлартик ва х.к.киради. Менежмент жараёнида ахлоқий меъерларга риоя қилиш унинг маданияти юқори даражасидан далолат беради.

Менежментда ҳуқуқий меъерлар давлат-худудий ва ташкилий-худудий меъерий ҳужжатларда акс этади. Унинг жумласига “Корхоналар тўғрисида”ги “Тадбиркорлик тўғрисида”ги, “Мулкчилик тўғрисида”ги қонунлар киради. Лекин қонунлар ҳар ибр корхонанинг ўзига хос хусусиятларини ҳисобга ололмайди. Шу сабабли, ҳар бир корхона, қонунга асосланган ҳолда, корхонада ишлаб чиқаришнинг ўзига хос хусусиятларини ҳисобга олувчи меъерий қоидалар ўрганилади.

Иқтисодий меъерлар корхона фаолияти жараёнида эришилиши лозим бўлган иқтисодий кўрсаткичларни белгилайди. Улар жумласига молия-кредит меъерлари, ссудадар лиш тартиби, амортизация меъерлари, маҳсулотнинг ҳисобланган баҳоси, фойда меъери, рентабеллик меъери, фондлар учун тўловлар, бюджет тўловлар, иқтисодий рағбатлантириш меъерлари киради.

Ташкилий меъерлар ташкилот таркибини, алоҳида бўлинма ва шахслар фаолияти таркиби ва ички тартиб фаолияти турлари, ходимлар вазифалари, ахборотни қайта ишлаш ва фойдаланиш жараёнини белгилайди.

Техникавий меъерлар корхона ва унинг бўлинмаларини бошқариш учун зарур искуна, техника ва транспорт воситалари, ахборот билан қуролланганлик даражасини билдиради.

Эстететик талаблар ва меъерлар ҳам менежмент бошқариш жараёнида қўлланиладиган техника воситалари ва ускуналари, ҳам раҳбар ходимларини ўраб турувчи ташқи муҳит учун белгиланади.

5.2. Менежмент маданиятининг асосий элементлари.

Менежмент маданияти таркибига бошқариш ходимлари маданияти, бошқариш жараёнлари маданияти, меҳнат шароити маданияти ва ҳужжатлар юритиш маданияти киради.

Менежмент маданияти элементлари ўзаро боғлиқ ва ўзаро таъсир этувчидир. Шу билан бирга улар орасида менежмент ходимлари маданияти етакчи аҳамиятга эга. Раҳбар бошқарув жараёнининг юқори даражасига эришиши ва ўз меҳнатини ташкил этишни такомиллаштириб бориши керак.

Менежмент ходимлари маданияти кўп омилларга боғлиқ, умумий маданият даражаси, ишбилармонлик сифатлари, менежмент илмини чуқур ва ҳар томонлама билиш ва уни ўз фаолияти жараёнида қўллай олиш билан характерланади.

Ҳар бир корхона ва ташкилот раҳбари ўз вазифасини бажариш жараёнида жамоанинг бошқа аъзолари билан муносабатда бўлар экан ишбилармон кишилар ўртасида мавжуд ахлоқий

қоидаларга бўйсунди. Ҳар бир жамоада хайрхоҳлик, инсонга хурмат муҳити мавжуд бўлиши керак. Менежмент маданияти сансалорлик, манбапарастлик, шафқатсизлик, қўполликка зиддир. Амалий меҳнатга ижодий ёндашиш, тадбиркорлик, жавобгарлик, ташаббус ва мустақиллик, виждонийлик, камтарлик ва оддийлик менежмент ходимлари маданиятини ифодалайди.

Бошқарув ходимлари маданиятини таъминлашнинг асосий йўллари .- менежмент илмини чуқур егаллаш, умумий маданий даражаси ва малакасини мунтазам ошириб бориш, ўз фаолияти натижаларини таҳлил этиш ва тушуниш, ижобий шахсий сифатларни ривожлантиришдан иборат.

Менежмент маданияти учун бошқариш жараёнини ташкил этиш маданияти даражаси муҳим аҳамиятга эга. Бошқариш жараёни маданиятига риоя қилиш корхонада замонавий замонавий бошқариш жараёни қоидаларини билдиради.

Бошқариш жараёни маданияти шунингдек, бошқариш меҳнатини (бошқариш меҳнатини мақбул тақсимлаш, кооперация қилиш ва чегаралаш, ишчилар сонини меъёрлаш, кадрларни тўғри жойлаштириш ва улардан фойдаланиш) ва ишловчи иш жойини (иш жойи ва бинонинг қулайлиги, уларнинг санитария-тозаллик талабаларига жавоб бериши), мақбуллаштириш, мажлисларни, суҳбатларни ташрифчиларни қабул қилиш, учрашув, телефон орқали сўлашиш, ходимлар хатлари билан танишишни тўғри ташкил этиш ва расмийлаштиришни ҳам қамраб олади.

Бошқариш жараёнида турли-туман техника – оддий калкулятордан Ёртиб мураккаб ЭХМларгача қўлланилади. Раҳбарлар бу техника имкониятлари ва мақбул фойдаланиш соҳаларини билишлари лозим бўлиб, бу менежмент маданияти даражасини билдиради.

Менежмент маданиятининг ажралмас элементи – ҳужжатлар юритиш маданиятидир. Ҳужжатларнинг бошқариш жараёнидаги аҳамияти жуда катта, чунки менежментнинг бирор бир вазифасини ҳужжатлар асосида етказиб бёрувчи ахборотсиз амалга ошириб бўлмайди. Ҳужжатларда ахборот корхона ташқи ва ички фаолиятининг ҳамма томонини қамраб олади.

Бошқарув жараёнининг барча операциялари амалда ҳужжатлардан бошланиб, ҳужжатлар билан тугайди. Шу бўш ҳужжатлар билан ишлаш ҳам менежмент маданиятининг жиҳатларидан биридир.

5.3. Бошқарув ходимларининг маданияти.

Техника тараққиёти, ишлаб чиқаришнинг доимий ўсиб бориши, технологитя жараёнларини механизациялашуви ва автоматлаштириши, ихтисослашиш ва кооперациянинг ривожланиши менежмент ходимларининг ролини кескин оширмоқда ва ишлаб чиқаришда раҳбарларнинг функцияларини янада мураккаблаштирмоқда. Демак, раҳбар ишлаб чиқариш техникаси, технологияси ва иқтисодини яхши билиши, ишлаб чиқариш самарадорлигини оширишга

кўмаклаша олиши лозим. Лекин, хозирги кунда раҳбар ичун юқорида қайд этилганларни билиш кифоя қилмайди, аксинча, у яна одамларни менежмент “технологиясини” ҳам мукаммал эгаллаган бўлиши, шу билан бирга, ҳар ҳил техникавий, иқтисодий, ижтимоий, худуддий ва бошқа кўпгина масалаларни ҳал эта олиш лозим. Шундай қилиб, раҳбар ишлаб чиқариш жараёнларини ва одамларни менежмент бўйича меҳнат тақсимотининг мавжудлиги туфайли фақат белгиланган режалар ва ишлар чиқариш дастурларининг бажарилишини талаб қилмасдан, бундан ташқари ижтимоий вазифани ҳам бажаради.

Раҳбарнинг ижтимоий вазифаси, аввало, уюшган ва ишга қобилиятли меҳнат жамоаси вужудга келтирилишдан иборат. Қарор топган жамоада раҳбарнинг ижтимоий вазифаси шундан иборатки, умумий ижтимоий гуруҳ аъзолари ўртасидаги ўзаро муносабатларни мувофиқлаштирувчи бўлиб майдонга чиқади, соғлом руҳий муҳитни вужудга келтиради, хулқ-атворга ўрнак бўлади, гуруҳнинг ўзига хос рамзини ифодалайди, маъсулият ва новаторлик намунасини кўрсатади. Иқтисодий ислохотлар корхона раҳбарларига хўжалик сиёсатини амалга оширишда катта мустақиллик берди. Бу ҳол раҳбарга қўйиладиган талабларни, шу жумладан, юксак меҳнат унумдорлигига эришиш мақсадида бошқаришнинг ижтимоий-психологик омиллардан фойдаланиш соҳасида қўйиладиган талабларни ҳам оширди.

5.4. Бошқарув услуги тушунчаси, хусусиятлари ва туркумланиши.

Ишлаб чиқаришда бошқарув услуги раҳбар ва мутахассислар фаолиятини катта ва сермашаққат томонларини акс эттиради. Бошқарув услуги – бу раҳбарнинг менежмент фазиладир. Маълумки, ҳар бир раҳбарнинг ўзига хос менежмент услуги мавжуд. Янги жамоага келган раҳбар олдидаги раҳбарнинг ўрнини тез боса олмаслиги мумкин. Шу боис у, биринчи навбатда, жамоага мослашиши, мавжуд услубларни ўзгартириши ва бутун жамоага ўрганиб олиши керак. Ўз навбатида, унинг ишлаш услуги, албатта, бутун меҳнат жамоаси услубига таъсир кўрсатади.

Бозор иқтисодиётига ўтиш шғароитида ишлаётган раҳбар-мутахассисларга янада кўпроқ талаблар қўйилади. Улар юксак даражада ишчанлик ва ахлоқ сифатларига, уддабурон, жипслашган жамоани ташкил эта оладиган, меҳнат жамоаси ва давлат манфаатларини тўлиқ тушунадиган қобилиятга эга бўлишлари керак. Замонавий раҳбарда касб маҳорати, иқтисодий тафаккурга, келажакни кўра билувчи ва самарали хўжалик юритиш, шахсий интизом, топширилган ишга юксак маъсулият, ғояларни ишлаш қобилияти бўлиши керак.

Раҳбар ўз ишига муносабатини шундай ташкил этиши керакки, унинг қўл остидаги ундан ҳеч тортинмасдан ва қўрқмасдан маслаҳат ва насиҳатлар олиш. Раҳбар қўл остидагиларни билиш, улар қобилияти ишга мослиги, билим кўникма ва ахлоқларини эгаллаб турган

мансабларга мослиги ёки аксарият ана шу хусусиятларни тўлиқ намоён эта олаётгани деган саволга жавоб топиши керак.

Раҳбар шахсий намуна кўрсатмаса обрў топа олмайди. Менежмент санъатини билмаган раҳбар, қабул қилинган қарорлар самарасини таъминлай олмайди. Раҳбарнинг бошқарув услуги ишлаб чиқаришни менежмент функцияси орқали корхона фаолиятини бошқаришнинг ягона механизми бўлиб ҳисобланади.

Шундай қилиб, ишлаб чиқариш натижаси раҳбарнинг билими ва кўникмалар, бошқарув жараёни технологияси, меҳнат интизоми, у қўллаётган усуллар билан белгиланади.

Бошқаришда ичта аниқ услуб бор: авторитар, демократик ва либерал.

Авторитар – яккахокимлик тушунчасини билдиради, яъни ҳукмронликни ишлаб чиқарувчи ва амалга оширувчи биргина одам. Бундай раҳбарлар менежмент гуруҳининг диққат марказида ва фаолиятида туради. Барча ҳукмронлик унинг қўлида бўлиши керак. У остидагиларни ўта рақиб, агар остидагиларнинг фикрларини эшитишга тўғри келса: у буни ўз обрўйига путур етказаяпти деб тушунади.

Авторитар услубда қуйидаги хислатлар хусусиятлидир:

- Яккахокимлик билан қарор қабул қилади;
- Маъмуриятчи, қўл остидаги ходимларнинг ишига доим аралшиб туради;
- Барча катта-кичик муаммоларни қўл остидаги камтар, талабчан, гоҳида тазйиқ отқариш йўли билан якка ўзи ҳал қилади;
- Ўз қўл остидаги ходимларнинг фаолияти учун ҳамма жавобгарликни ўз зиммасига олади, бутун ахборотни ўзи орқали ўтқаришга ҳаракат қилади;
- Жамоа аъзоларининг бевосита фикр алмашувини чеклаб қўяди, ўзини хатти-ҳаракатини танқид қилишига чидаб тура олмайди, лекин ўз қўл остидаги кишиларнинг хатти-ҳаракатларини ва ҳулқ-атворини кескин танқид қилади;
- Камгап, унинг ходимлар билан алоқаси бошлиқларга ҳос оҳангда бўлади;
- Ходимларнинг қарашлари, мулоҳазалари, ўз фикрларини билдиришлаглигини ёқтирмайди;
- Қўл остидагилар билан совуқ муомалада бўлади, қабулга кирувчилар учун қўшимча расмийчиликлар кўрсатади.

Авторитар раҳбар камдан-кам ҳолларда очик чегарада бўлади, унинг кўриниши доим иш балн банд бўлган кишининг қиёфасини акс эттиради. Унинг асосий белгиси шундаки, унда билими саёз бўлса ҳам, итоаткор ва сўзини икки қилмайдиган ходим ёқади. Авторлар раҳбарнинг салбий сифати тўғрисида кўп маълумот бериш мумкин, чунки, унда ташкилотчилик қобилияти, бошқарувнинг умумий маданияти- касб тайёргарлиги етишмайди, ўз-ўзини қилолмаслиги ва золимга айланиши, ишловчиларни, инсон қадрини пастга урувчи бўлиши

мумкин. Лекин, шу билан бирга, ушбу услубда ижобий белгиларни ҳам топиши мумкин. Масалан, бу турдаги одамлар чаккон ва доно, қийинчиликларни дадил бартараф эта олади ва катта таваккалчилик талаб қиладиган ишларни қўрқмасдан амалга ошириш хусусияти бор. Бундай раҳбарлар тез ва дадил қарорлар қабул қиладилар ва уларни бажарилишини қаттиқ назорат қилиб амалга оширадилар. Улар ўзларига ишонадилар ва жамиятга раҳбарлик қилиш қобилиятига эришадилар. Демак, бу каби услубда хабарлар қўл остидагилар билан муносабат маданиятини тушуниб етишмаслиги, қаттиқ маъмуриятчиликка айланишига олиб келади ва жамоанинг фикри билан ҳисоблашмаслик, жамоанинг ишлаш қобилиятига салбий таъсир кўрсатади.

Демократия халқ ҳукмронлигини одамлар манфаатини ақс эттиради. Раҳбарликнинг “демократик” услуби шу билан характерланадики, раҳбар ўз фаолиятида гуруҳ аъзоларига таяниб фаолият юритади. У жамоа аъзолари ўртасида бевосита фикр алмашишни маъқуллайди, уларнинг фикрига қулоқ солади, улар билан маслаҳатлашади. Раҳбарнинг ана шундай услуби коллективнинг таркибидаги ҳамма элементлар бир-бири билан ижобий равишда боғлиқ бўлади. Бундан ташқари, мана шу ҳолда раҳбар ўзининг тарбиявий функциясини ҳам тўла-тўқис амалга оширади. Демократик услуб “раҳбар бўйсунувчи” ўзаро муносабати ўзаро ҳурмат, ишонч асосида кўрилади, жамоа фикри билан ҳисоблашиш асосида иш юритади.

Демократик услубларнинг қуйидаги белгилари бор:

- Муаммоларни биргаликда ҳал этади;
- Қабул қилинган қарорларни иш бажарувчиларга яхшилаб тушунтиришга интилади;
- Қўл остидагилар ташаббусини қабул қилади ва қўллайди;
- Демократик раҳбар қарор қабул қилишдан аввал, уни хизматчилар орасида кенг доирада муҳокама қилади;
- Қўл остидагилар ташаббусини қабул қилади ва қўллайди;
- Демократик раҳбар қарор қабул қилишдан аввал, уни хизматчилар орасида кенг доирада муҳокама қилади;
- Раҳбар ўз томонига айтилган танқидга тўғри ёндошади, хизматчилар билан бўладиган муомалада ўзининг устунлигини сездирмайди;
- Ўзи қабул қилган қарорлар учун жавобгарликдан қочмайди;
- Қўл остидагилар хатоси учун уларнинг ташаббусларини тараққий этишда ўз ҳуқуқлари доирасида ўзларини эркин тутишлари учун яхши шароит яратади. Шундай қилиб, бу касбда бошқарув жамоаларининг дунёқарашлари умумийлиги ва раҳбарнинг юқори обрўга эгаллиги аниқ кўзга ташланади.

Либерал сўзи раҳимдил, саҳий, олийжаноб деган маънога эга, бу услубнинг хусусияти шундаки, раҳбар озининг раҳбарлик ҳолатини намоён этмайди, аксинча, у бундан тортинади

ва корхоналардаги ишларнинг амалга оширилишига аралашмайди. Қўл остидагиларга ҳирмат билан мурожаат қилади ва уларнинг фикрини сабр билан тинглайди, улар таркибидан фойдали фикрларини излайди ва уларни хайотга татбиқ қилишга хизмат қилади. Ўзининг тортинчоклиги учун биринчи каторлардан қочади, ўзини кўрсатишни, ошкораликни ёқтирмайди. Лекин, бу ижобий тмоонлар ходимларга ёқади ва улар унинг бу хислатларини ўзларига сингдирадilar.

Либерал услубнинг қуйидаги белгилари бор:

- Ишда унчалик фаол эмас;
- Хамма ишларга аралашини ёқтирмайди;
- Бегоналар таъсирга осонликча ўйсунди ва бевақт қабул қилинган қарорлардан тез воз кечади;
- Мураккаб вазиятларда иккилана туриб, унда бир фикрга келишлик ва изчиллик хусусияти уўқ;
- Қўл остидагилар билан муносабатни бузмаслик учун жиддий ҳаракатлардан оўини тияди.

Юқорида кўриб чиқилган иш турли услублардаги бошқарув раҳбарлари ўзларининг кундалик ишларда ўзига хос турдаги бошқарув қоидаларига суянадилар.

Учта бошқарув услубига баҳо бера туриб, асосан демократик услубда устуворлик берилади, чунки ҳозирги вақтда маъсулиятли вазифа бизнинг жамият ва ишлаб чиқариш муносабатларини демократлаштириш, яъни бошқарув тизимини демократлаштиришдир.

5.5 Бозор муносабатларига ўтиш шароитида бошқарув услубининг шаклланиши.

Ҳозирги вақтда мамлакатимиз иқтисодий тараққиётининг бирдан-бир самарали йўли – бу бозор муносабатларидир. Табиийки, бу янги бошқарув услубининг шаклланишига олиб келади. Маданий тараққиёт даражаси юқори бўлган давлатларнинг ва бу йўналишда биринчи қадамлар кўяётган мустақил республикамизнинг бозор иқтисодиёти даврини таҳлил қила туриб бошқарув услубини ташкилий профессионал хусусиятларини аниқлаб берувчи баъзи бир гуруҳ белгиларини ажэратиб кўрсатиш мумкин.

Биринчи гуруҳ белгилари – бу иқтисодий фикр юритишнинг янги тури бўлиб, бозор иқтисодиёти, яъни янги эркин тадбиркорлик фаолияти вужудга келиши билан боғлиқдир. Бундай шароитда раҳбарнинг қўл остидагилар фаолиятига аввалгидан бир оз камроқ бўлади.

Иккинчи гуруҳ белгилари – янги услубдаги бошқарувни вужудга келиши билан тавсифланади. Бунда бошқарув меҳнат билан банд ишбилармон билимдон аҳбарни киритиш мумкин. Бу, энг аввал, ўз соҳасида ўта билимдон, маданий тараққиёт даражаси юқори бўлган ривожланган давлатларда тўпланган тажрибани ўзлаштирган бозор иқтисодиётини барча

замонавий соҳаларини, жумладан, тадбиркорлик, менежмент, маркетинг, банк иши, солиқ ва бошқаларни чуқур ўрганган мутахассис бўлмоғи лозим.

Учинчи гуруҳ белгилари – бу шерикларга нисбатан тартиблилик, маъмуриятчилик, расмийчиликни йўқолиши, қўл остидагилар ҳақида ғамхўрлик, маданиятчилик билан тавсифланади. Бу гуруҳ белгиларининг мазмуни шундаки, замонавий бизнесга иқтисодий алоқаларни тартиблиликни ўта зарур, ўз-ўзи билан керакли бўлган сифати деб қаралади.

Демак, ҳақийқий тадбиркор ишбилармонлик оламида фақат ўта юқори даромад ҳақида ўйламасдан, балки ишнинг сифати ва корхонадаги ходимларни, уларнинг фаровонлиги ҳақида ҳам ўйлаши зарур.

VI БОБ. АГРАР СОҲАДА БИЗНЕС ВА МЕНЕЖМЕНТ.

6.1. Агробизнес тушунчаси.

“Бизнес” – сўзи инглизча сўз бўлиб, у тадбиркорлик фаолияти ёки бошқача сўз билан айтганда кишиларни фойда олишга қаратилган тадбиркорлик фаолиятидир. Агробизнес дейилганда аграр соҳадаги тадбиркорлик фаолияти тушунилади. Агробизнес- бу аввало аграр соҳада ишлаб чиқаришни ташкил этиш, иқтисодий фаолият ва муносабатлар демакдир. Демак, агробизнес бу мураккаб ишлаб чиқаришни ёки хизмат кўрсатишни ташкил этиш демакдир.

Аграр соҳада агробизнес ва хусусий тадбиркорлик ўз кўлами жиҳатидан агроиқтисодиётни узлукусизлигини ва барқарорлигини таъминлашда катта ўрин эгаллайди. Агробизнес ва тадбиркорликни агроиқтисодиётга таъсир кўлами бир қатор иқтисодий, ижтимоий, маданий ва маърифий жиҳатларини ўз ичига олади.

Бизнес бозор иқтисодиётига хос иқтисодий фаолиятдир. Бошқача айтганда, у муайян ижтимоий-иқтисодий натижага эришиш мақсадида товарлар ва хизматларни ишлаб чиқариш ва айрбошлашни ташкил этишдир.

Агробизнес фаолияти жуда катта таваккалчиликка асосланади.

Қишлоқ хўжалигида мулк шакллларини қуйидаги гуруҳларга бўлиш мумкин:

- Хусусий мулк эгаси (деҳқон хўжалиги, фермер хўжаликлари мулки);
- Жамоа (ширкат) мулки (қишлоқ хўжаликлари, ккорациялари (ширкат хўжалиги) мулки);
- Давлат мулки (давлат хўжаликлари, илмий-ишлаб чиқариш бирлашмаларига фойдаланишга берилган давлат мулки);
- Қўшма (Ҳамкор) мулк (қўшма корхоналар мулки)

Хусусий мулк эгаллиги ўз манфаатлари йўлида бизнесни мустақил ташкил этиш имконини беради. Унинг афзалликлари қуйидагиларда кўринади:

- Хусусий мулк эгаллигига асосланган тадбиркорликни ташкил этиш нисбатан озод кечади, яъни уларни давлат рўйхатидан ўтказиш ва ҳисобга олиш ҳамда тадбиркорлик фаолиятини юритиш учун руҳсат берувчи ҳужжатларни расмийлаштириш тартиби енгил;
- Хусусий мулк эгаси ўз бизнесига ўзи хўжайин ва мустақил хўжалик юритиш ҳамда қарорлар қабул қилиш имкониятига эга.

Аммо шу билан бирга унинг қуйидаги камчиликлари ҳам мавжуд:

- Кўп ҳолларда хусусий корхоналарнинг кейинчалик ўз бизнесини кенгайтириш ва кўпроқ даромад топиш имкониятлари молиявий жихатдан чекланган бўлади;
- Молиявий ресурсларнинг чекланганлиги сабабли тижорат банклари ва бошқа молиявий муассасалар кўп ҳолларда хусусий тадбиркорлар билан ҳамкорлик қилишга мойил бўлмайди;
- Хусусий мулк эгаси тадбиркорлик фаолиятини ташкил этиш ва бошқариш билан боғлиқ барча вазифаларни (ҳодимларни йўллаш ва бошқариш, моддий таъминот, маҳсулотни сотиш, ишлаб чиқаришнинг технологик жараёнларини ташкил этиш, маблағларни жалб этиш, бухгалтерия ҳисоби ва ҳисобот шакллари юритиш ва ҳоказо) бир ўзи бажаришга тўғри келади ва булар кўп вақтини банд этади;
- Хусусий тадбиркорлик субъекти чекланмаган жавобгарликка эга бўлади. Ю яъни нотўловлар вужудга келганда кредиторларининг шахсий мулкига ҳам даъво қўзғатиши мумкин.

6.2. Аграр соҳада тадбиркорлик.

Қишлоқ хўжалигида асосий мақсадга эришиш учун тармоқда тадбиркорлик фаолиятини амалга оширишини тақазо этади. Тадбиркорлик-мулкчилик субъектларининг қишлоқ хўжалик маҳсулотлари етиштириш, уларни қайта ишлаш ва сотиш ҳамда хизматлар кўрсатиш натижасида фойда ёки даромад олишга қаратилган ташаббускорлик билан фаолият кўрсатишдир. Бозор иқтисодиёти шароитида тадбиркорлик қишлоқ хўжалигида ҳам юридик, ҳам ижтимоий шахслар томонидан амалга оширилади. Бу жараёнда улар Ўзбекистон Республикасининг “Мулк тўғрисида”ги, “Корхоналар тўғрисида”ги ҳамда “Тадбиркорлик тўғрисида”ги қонунлари талабларига қатъий риоя этишлари зарур. Улар фаолиятларини самарали амалга оширишлари учун мустаҳкам иқтисодий негизга эга бўлишлари керак.

Қишлоқ хўжалигида тадбиркорлар ўз ишлаб чиқаришини ривожлантириш учун четдан ўзгаларнинг маблағларини ҳам жалб этишлари мумкин. Тадбиркорларнинг мулкка эгалик қилиш ҳуқуқи, уни ташкил этиш ҳамда ундан фойдаланиш масалалари Ўзбекистон Республикасининг Конституциясида, “Мулк тўғрисида”ги қонун ва бошқа қонунларда батафсил ёритилган.

Тадбиркорлик – бу қандай шароитда амалий ҳаракат қилишни, олдида учрайдиган тўсиқларни ҳал қилиш йўллари ва қандай ютуқларга эришишга қаратилган фаолиятдир. Тадбиркор – ишлаб чиқаришни ташкил этиш ҳамда маҳсулотни сотишни билиши керак, У

бозор муносабатлари шароитида юзага келадиган аниқ шароитларни баҳолашни ва тўғри йўл танлашни билиши керак. Ҳар бир тадбиркор фақат ўз кучига, билимга ва заковатга ишониши ва суяниши лозим.

Тадбиркорлик фаолиятини акциядорлик мулки шаклида ҳам, жамоа мулки шаклида ҳам, хусусий (якка) мулк шаклида ҳам амалга ошириш мумкин.

Қишлоқ хўжалик корхоналарида банд бўлган ходимларнинг ўртача йиллик сонига кўра уларни кичик тадбиркорлик субъектлари ва йирик корхоналарга бўлиш мумкин. Ўзбекистон Республикаси Президентининг 2003 йил 30 августдаги “Ўзбекистон Республикаси Президентининг 1998 йил 9-апрелдаги хусусий тадбиркорлик, кичик ва ўрта бизнесни ривожлантиришни янада рағбатлантириш чора тадбирлари тўғрисидаги Фармонга ўзгартириш ва қўшимчалар киритиш ҳақида”ги ПФ-3305-сонли Фармонига мувофиқ 2004 йилнинг 1 январидан қишлоқ хўжалик маҳсулотлари етиштиришда:

- Дехқон хўжаликлари-якка тадбиркорлик сифатида;
- Банд бўлган ходимларнинг ўртача йиллик сони 20 кишидан ошмаган фермер хўжаликлари – мулкдорлар сифатида;
- Банд бўлган ходимларнинг ўртача йиллик сони 50 кишидан ошмаган фермер хўжаликлари – кичик корхоналар сифатида кичик тадбиркорлик (бизнес) субъектлари тоифасига киритилди. Ўзбекистон Республикасида кичик тадбиркорликни қўллаб-қувватлашга оид кенг миқёсдаги давлат дастурлари амалга оширилаётганлиги туфайли, дехқон ва фермер хўжаликлари ҳам кичик тадбиркорлик субъектлари сифатида бир қатор иктисодий имтиёзларга эгадирлар.

Тадбиркорлик субъектларини давлат рўйхатидан ўтказиш тартиби Ўзбекистон Республикаси Вазирлар Маҳкамасининг 2003 йил 20 августдаги “Тадбиркорлик фаолиятини ташкил этиш учун рўхатдан ўтказиш тартиблари тизимини тубдан такомиллаштириш тўғрисида”ги 357 –сонли қарори ва шу қарор билан тасдиқланган “Тадбиркорлик субъектларини давлат рўйхатидан ўтказиш, ҳисобга қўйиш ва руҳсат берувчи ҳужжатларни расмийлаштириш тартиби тўғрисида Низом”га мувофиқ амалга оширилади. Ушбу қарорда барча келишиб олиш тартиблари тадбиркорлик субъектларини амалдаги қонун ҳужжатларига риоя қилган ҳолда рўйхатдан ўтказадиган фақат битта ташкилот доирасида амалга ошириш белгилаб берилган.

Туман (шаҳар) хокимлари ҳузурида тадбиркорлик субъектларини рўйхатдан ўтказиш инспекциялари ташкил этилган бўлиб, уларнинг асосий вазифалари этиб қуйидагилар белгиланган:

- тадбиркорлик фаолияти билан шуғулланишни мўлжаллаётган ариза берувчининг ҳужжатларини ҳамда бунинг учун зарур бўлган асосларни қабул қилиш ва экспертизадан ўтказиш;

-тадбиркорлик фаолиятини амалга ошириш мақсадида муҳандислик-коммуникацияларига (газ, энергия, сув, канализация, иссиқлик билан таъминлаш, телефон алоқаси тармоқлари) уланиш, турар жойларини нотурар жой тоифасига ўтказиш, объектларни қўриш ва реконструкция қилиш техник шартларини белгиланган тартибда расмийлаштириш, шунингдек, муҳр ва штамп тайёрлашга рухсатнома олиш учун уларнинг ваколатлари доирасида мажбурий тартибда келишиладиган ва рухсат олинмаган тегишли ташкилотларни аниқлаш;

- юқорида кўрсатилган рухсат берувчи ҳужжатларни расмийлаштиришни хособга олган ҳолда тадбиркорлик субъектларини давлат рўйхатидан ўтказиш, реестрни юритиш, шунингдек уларни солиқ ва статистика органларида ҳисобга қўйиш;

- ариза берувчи барча рухсат берувчи ҳужжатлар билан унинг тадбиркорлик субъекти сифатида давлат рўйхатидан ўтказилганлиги тўғрисида гувоҳнома бериш.

Тадбиркорлик субъектларини ариза берган санадан бошлаб рухсат берувчи ҳужжатларни берган ҳолда давлат рўйхатидан ўтказишгача бўлган муддат техник шартлар ва бошқа рухсат берувчи ҳужжатларни расмийлаштиришнинг мураккаблигини ва ҳажмини ҳисобга олиб, 7 иш кунидан бир ойгача белгиланади.

Корхоналар ва ташкилотларнинг Ягона давлат реестри жойлардаги статистика органлари томонидан тўлдирилган рўйхатдан ўтказиш карталари асосида Ўзбекистон Республикаси Давлат статистика Қўмитаси томонидан юритилади. Тадбиркорлик субъекти давлат рўйхатидан ўтказилганлиги учун давлат божт ёки рўйхатдан ўтказиш йиғими тўланади.

6.3. Бозор иқтисодиётига хос аграр соҳани янгича бошқарувнинг шаклланиши.

Аграр соҳада амалга оширилаётган иқтисодий ислохотларнинг асосий йўналишларидан бири бўлган – бошқарувни такомиллаштириш, уни бозор шароитларига мослаш мақсадида ислох қилиш йиллари давомида Ўзбекистон Республикаси Президентининг қатор фармонлари, ҳукумат қарорлари, меъёрий – ҳудудий ҳужжатлар қабул қилинди.

Маъмурий – буйруқбозлик, режелаштириш тизимида хос бўлган Давлат агросаноат комитети тугатилиб, бозор тамойилларига мос бошқариш тизимини ислох қилишга алоҳида эътибор берилди.

Институционал ўзгаришлар жараёнидаёқ бошқарув механизмлари такомиллаштирилиб борилди, иқтисодиёт тармоқлари ва сўхаларини бошқариш борасида уларнинг хусусиятларига анча мос келадиган, хўжалик юритувчи субъектларга иқтисодий эркинликлар беришга ёрдамлашишдан, ташаббускорлик ва тадбиркорликнинг ривожланишини рағбатлантирадиган ташкилий-ҳудудий шакллар вужудга келди.

Ишлаб чиқаришни такомиллаштириш чора-тадбирлари тизимида бошқаришни изчил, босқичма-босқич ташкил этиш модели қабул қилинди. Бошқарув соҳасидаги ўзгаришлар натижасида кўплаб бошқарув бўғинларининг вазифаси ўзгарди, янги органлар тузилди.

Маъмурий буйруқбозлик тизимининг қолдиқлари, назорат қилувчи тизим, унинг ижроия органлари тугатилди.

Қишлоқ хўжалигини бошқарувчи қишлоқ хўжалиги вазирлиги, Мелиорация ва сув хўжалиги вазирликлари бирлаштирилиб, ташкил этилган янги Қишлоқ ва сув хўжалиги вазирлиги ташкилий тузилмаси ва вазирлари қайта кўриб чиқилди. Бир қатор соҳалар бўйича акционерлик уюшмалари, холдинг типигаги компаниялар, бирлашмалар ташкил этилди.

Жумладан, ислохотлар йилларига “Шахсий ёрдамси хўжаликлар егалари уюшмаси”, “Дехкон ва фермер хўжаликлари уюшмаси”га ҳамда Ўзбекистон қишлоқ хўжалиги фанлари академияси “Ўзбекистон қишлоқ хўжалиги илмий-ишлаб чиқариш маркази”га айлантирилди.

Булар фаолиятини такомиллаштиришга ҳозирги кунда ҳам катта эътибор берилмоқда. Масалан, Қишлоқ ва сув хўжалиги вазирлигининг тузилиши билан қишлоқ хўжалигини моддий-техника ресурслари билан таъминлаш, махсулотни қайта ишлаш соҳалари ривожланди. Булар аграр тармоқни бошқариш тизимида ислохотлар босқичма-босқич амалга оширилаётганлигидан далолатдир.

Ўтган давр мобайнида аграр соҳани ривожлантириш асосан қисқа 2-3 йилга мўлжалланган дастурлар аграр соҳани ривожлантириш асосан қисқа муаммолар юзага келиши ва ўтиш даврининг ўйига хос хусусиятлари узоқ муддатли дастурда тўлиқ қамраб олишнинг имкони йўқ.

Бу ўзгаришлар фақат янги вазирликлар ва ибораларни ташкил этиш эмас, балки қишлоқ хўжалигида бошқариш тизимини бозор иқтисодиётига мослаштириш, қишлоқ хўжалик ишлаб чиқариш ва саноат ўртасида интеграция жараёнларини тезлаштириш, хом ашё сотишдан тайёр махсулот сотишга ўтиш жараёнини жадалаштиришга қаратилган тадбирлардир. Булар, ўз навбатида тармоққа йирик чет эл инвестицияларини жалб этиш ва махсулотларни экспорт қилиш ҳажмини кўпайтириш имконини беради.

Бозор муносабатларига ўтишнинг бошланғич даврида институционал ўзгаришларни амалга ошириш ва бошқарув тизимини ислох қилиш тажрибаси қуйидаги хулосаларни чиқаришга имкон берди.

Биринчидан, дастлабки босқичда бошқарув тизимида жиддий бизиллишларга йўл қўймаслик, иқтисодиётни бошқаришнинг реал дастакларини қўлдан чиқариб юбормаслик.

Иккинчидан, ўтиш даврида, етик бозор муносабатлари ва механизмлари хали узил-кесил шаклланмаган бир пайтда муайян маъмурий воситаларсиз ёлғиз иқтисодий усулларнинг ўзигина иш бермайди.

Учинчидан, бошқарув органларини қайта тузиш ва улар зиммасига янги вазифалар юклаш бошқарувни ислох қилиш тугалланганлигини аниқлашмайди. Уларнинг иш услуби тубдан ўзгариши, бошқарув структуралари ҳозирги шароитларга ҳамда иқтисодий ўсишини ва ишлаб чиқаришни ташкил этиш қоидаларига тўла-тўқис жавоб бериши зарур.

Тўртинчидан, вертикал ва горизонтал ташкилий ҳамда хўжалик алоқалалри собиқ Иттифок парчаланиб кетишидан ҳам кўпроқ, иқтисодиётни ислоҳ қилишнинг, мулкни давлат тасарруфидан чиқариш ва хусусийлаштиришнинг жадаллашиб бораётган жараёнлари туфайли бузилиб кетиши бошқарув структуралари фаолиятининг бюрократик характерини ўз-ўзидан ўзгартира олмасби. Шу сабабли кўпгина бошқарув органларида хозиргача сақланиб қолаётган расмийчиликка, қоғозбозликка, қолоқликка қатъий кураш олиб боришдан иборатдир.

Бешинчидан, янги бошқарув структурасини вужудга келтириш, уларда ишлайдиган кадрларга, уларнинг касбий тайёргарлигига юқори талаблар қўяди. Хозирги давр бошқарув кадрлари юқори малакали, ташаббускор, жонкуяр, фидокор бўлишлари лозим.

VII. ҚИШЛОҚ ХЎЖАЛИГИДА МЕНЕЖМЕНТ САМАРАДОРЛИГИ.

7.1. Самарадорлик – иқтисодий категория сифатида.

Самарадорлик ҳар бир корхона фаолиятининг энг асосий вазифаси ҳисобланади. У хўжалик юритишнинг сифат ва миқдор кўрсаткичларини, шунингдек, буюмлашган ва жонли меҳнат харажатлари ҳамда олинган натижалар ўртасидаги муносабатларни ифодалайди.

Бозор шароитида “самарадорлик” тушунчаси, гарчи, даромад олиш, харажатларни камайтириш, меҳнат самарадорлигининг ўсиши, фонд қайтими, рентабеллик ва хоказолар самарадорлик табиатига мос келиб, бозор иқтисодиёти талабларига зид келмаса, баҳо, фойда, даромад, харажат каби тушунчаларга қараганда кам қўлланмоқда. Самарали ишлаш дегани ўз моҳиятига кўра, мўлжалланган йўқотишларни камайтириш, ишлаб чиқариш қувватлари ва ишчи кучидан яхшироқ фойдаланиш, меҳнат самарадорлигини ошириш, ишлаб чиқаришдан маҳсулотнинг сифатини яхшилашни англатади.

“Самара”, “самарадорлик”, ижтимоий-иқтисодий самарадорлик” каби тушунчаларнинг орасидаги фарқни англаб олиш зарур.

Самара – бу, ишлаб чиқарилаётган маҳсулот (иш, хизмат), фойда ва даромад ҳажмини ошириш, маҳсулот таннархини камайтириш, сифатсиз маҳсулот ишлаб чиқаришни камайтириш ёки умуман, йўқ қилиш билан боғлиқ бўлган корхона фаолиятининг ижобий натижаларидир. Бу ютуқлар натурал шаклда ишлаб чиқариш самарасини, пул шаклида эса иқтисодий смарани тавсифлайди.

Самарадорлик, аввало, корхона фаолиятининг сифат жиҳатларини тавсифловчи тушунчадир. У “самара” тоифасидан келиб чиқади ҳамда унга қараганда мураккаб ва комплекс тавсифга эга.

Самарадорлик, чора сифатида кўплаб техник, иқтисодий, лойиҳа ва хўжалик қарорларини аввалдан белгилаб беради. Корхона ўзининг хўжалик, идлий-техник ва инвестицион сиёсатини белгилашда самарадорликдан келиб чиқади.

Самарадорлик ўзў-ўзидан автоматик равишда келмайди. Фан-техника тараққиёти, ишлаб чиқариш қувватлари ва ресурсларидан оқилона фойдаланиш, тежамкорликка риоя қилиш, ишлаб чиқаришни интенсивлаштириш, бошқарув тизимини такомиллаштириш ва оқилона инвестицион сиёсат самарадорликни оширишнинг муҳим омили ва йўналиши бўлиб хизмат қилади.

7.2. Иқтисодий ва ижтимоий-иқтисодий самарадорлик тушунчалари

Самарадорликнинг асосий харажатларини минималлаштириш ва фойдани мукамаллаштирилишдадир. Корхона хўжалик юритишнинг самарадорлигини тавсифловчи асосий кўрсаткичлар сифатида меҳнат маҳсулдорлиги, фонд қайтими ва фонд сиғими, материал сиғими, меҳнат сиғими, рентабеллик ва хоказоларни кўрсатиш мумкин.

Самарадорлик, ўз навбатида, иқтисодий ва ижтимоий-иқтисодий самарадорликка бўлинади.

Иқтисодий самарадорлик самарадорликка қараганда бир мунча тор маънони англатади. У қабул қилинаётган қарорларнинг хўжалик хўжалик юритишда мақсадга мувофиқлигини тавсифлайди ҳамда барча ҳолларда самаранинг унга эришиш учун кетган харажатлар (ишлаб чиқариш ресурслари)га нисбати сифатида аниқланади. Харажатлар қанчалик кам бўлса (маҳсулот сифатига таъсир қилмаган ҳолда), самара шунчалик ортади, демак, иқтисодий самарадорлик ҳам ортади.

Ижтимоий-иқтисодий самарадорлик ишлаб чиқариш самарадорлигини меҳнат шароитларини, унинг ижодкорлик мазмунини бойитиш, ақлий ва жисмоний меҳнат ўртасидаги фарқни йўқотишни инобатга олган ҳолда тавсифлайди. Ижтимоий-иқтисодий самарадорлик бир вақтнинг ўзида, ишлаб чиқариш самарадорлигини кучайтириш, корхонанинг муваффақиятли фаолият юритиши, шахснинг ҳар томонлама ривожланиши ва унинг барча қобилиятларидан фойдаланишнинг сабаб ва натижаси ҳисобланади. Бевосита ижтимоий самара, ходимларнинг билим ва малакаси, тажриба ва маданиятининг ўсини, аҳоли соғлиғининг яхшиланиши ва умр кўришининг узайишида акс эттиради.

Ишлаб чиқариш самарадорлиги ижтимоий самарадорликка нисбатан бирламчи ҳолларда: иқтисодий ютуқлар корхонанинг ижтимоий муаммоларини ҳал қилишда ёрдамлашади. Масалан, фойданинг ўсиши, жамғармаларнинг ортиши корхонага ижтимоий вазифалар доирасини кенгайтириш ва уларни ҳал қилиш имконини беради.

Бироқ самарадорлик ва унинг асосий кўрсаткичи – фойда (даромад) ўз-ўзидан юзага келмайди. Турли корхоналарда самарадорликка эришиш учун мавжуд ишлаб чиқариш қувватлари ва бошқа хусусиятлардан келиб чиққан ҳолда, турли восита ва йўллардан фойдаланилади. Бунда вақт омили, яъни самарадорликка қисқа ёки узок муддатларда эришишни мўлжаллаш, асосий роллардан бирини ўйнайди. Масалан, корхона олаётган фойдаси

қисқа вақт мобайнида маҳсулот сифатини яхшилашни маблағ билан таъминлаш, ишлаб чиқаришни қайта қуроллантириш ва модернизация қилиш, ходимлар малакасини оширишга ажратилаётган маблағларни камайтириш йўли билан кўпайтириши мумкин. Узоқ муддатли режаларда эса бу, фойданинг камайишига ва хаттоки корхоналарнинг бозордаги ўрнини йўқотиш натижасида инқирозга учрашига олиб келиши мумкин.

Юқорида айтилганлардан келиб чиқадики, самара ва самарадорлик қотиб қолган категориялар қаторига кирмайди ҳамда фақатгина рул кўринишида ўлчанмайди. Самарадорлик ва сифатли меҳнат туфайли корхона биринчидан, ўзининг иқтисодий барқарорлиги ва бозордаги рақобатчиликка бардош беришини таъминлайди, иккинчидан, ўз имиджини яхшилайти ва ҳамкорлар билан алоқаларини мустахкамлайди, иккинчилан ходимларнинг иқтисодий ва ижтимоий ахволини яхшилайти. Демак, ишлаб чиқариш самарадорлигини ошириш йўллари кидириш, харажатлар ва натижаларни тўғри солиштириш, мулкчилик шакли, қайси тармоққа тегишлилиги, ҳудудий жойлашиши ва фаолият туридан қатъий назар, ҳар юир корхона учун муҳим вазифа ҳисобланади.

7.3. Менежментнинг самарадорлик мезонлари.

Менежмент тизими самарадорлигини таҳлил қилиш ва баҳолаш ҳозирги кунгача нафақат қишлоқ хўжалиги корхоналари, балки барча тармоқдаги корхона ва ташкилотларда ҳам тўлиғича ўз ечимини топмаган ўта мураккаб муаммо бўлиб ҳисобланади. Мазкур муаммони услубий ва амалий ечими бошқарув фаолиятини оқилона ташкил этиш йўналишларини белгилашга муҳим замин яратади. Аксарият тадқиқотчилар ишлаб чиқаришнинг ривожланишини фқуний натижасига бевосита бошқарувнинг таъсирини англаш лозим деган фикрни илгари сурадилар, чунки жамиятда кўплаб омиллар ўзаро алоқадорликда бўлади. Лекин у ёки бу мақсадга эришиш бошқарув самараси улушини ажратиб олиш ўта мураккаблигича қолмоқда. Ушбу муаммони ечишни топишга олимлар турлича ёндошадилар. Айримлари, бошқарув самарадорлиги масаласи ечими мавжуд эмас деган фикрни илгари сурса, бошқалари уни аниқлашда мавжуд услубиётлар (янги техника ёки капитал қўйилмалар иқтисодий самарадорлигини аниқлаш)дан фойдаланиш мумкин деган қарашларни таъкидламоқдалар. Учинчилари фақатгина бошқарувнинг қуйи бўғинлари самарани аниқлаш билан чегараланмоқда. Тўртинчилари миқдорий баҳолаш умуман мумкин эмас деган фикрни билдиришмоқда.

Қишлоқ хўжалигида бошқарув фаолияти маълум ишлаб чиқариш натижаларига эришишга қаратилган, мақсадли йўналишлардан бўлиши лозим. Шу боис ҳам бошқарув органлари ишини сифати ва уни тўғри баҳолаш ва унга эришиш йўллари аниқ белгилаб олишга боғлиқдир. Тўғри ва аниқ қўйилмаган мақсадлар кутилган ишлаб чиқариш самарасини бермайди.

Кенг маънода қишлоқ хўжалигида менежмент самарадорлиги деганда фаолиятнинг якуний натижаси, жамоанинг ҳаракати, чоралар мажмуи яхлитлигини тушуниш мумкин.

Бошқарув ходимлари меҳнати унумли бўлиб, бевосита ишчилар меҳнатига тенг баҳоланди, шу билан бирга сифат жиҳатидан улар меҳнатидан фарқ қилади, чунки, интеллектуал фаолият бўлиб бевосита таййор маҳсулот яратмайди. Бошқарув аппарати ходимлари фаолияти ахборотни йиғиш, жамлаш, сақлаш, қайта ишлаш ва тақдим этиш бўйича меҳнат жараёни сифатида намоён бўлади. Шу тариқа, мақбул бошқарув қарорларини ишлаб чиқариш ва уларни бажарилишини таъминлашга йўналтирилган ахборот жараёнлари бошқарув ходимлари меҳнати предмети бўлиб ҳисобланади.

Қишлоқ хўжалигида менежмент фаолияти натижавийлиги, аввало, менежментнинг сифат жиҳатларини акс эттирувчи самарадорлик мезонлари ёрдамида баҳоланади. Буларга қуйидагиларни киритиш мумкин:

-бошқарувнинг техкорлиги- қарорларни ўз вақтида тайёрлаш ва қабул қилиш, шунингдек, тескари алоқадорлик механизмларини яхши йўлга қўйиш;

-бошқарув тизимининг ишончилиги ахборотнинг ҳаққонийлиги ва ўз вақтида тақдим этиши, иш услуби ва қарорларни илмий-техник тираққиётнинг замонавий даражасига мувофиқлиги, ходимларни тайёргарлик даражаси, иш стажи ва ва барқарорлиги;

-бажарилаётган вазифалар сифати, техника воситалари билан таъминланганлиги;

-бошқарув тизими мақбуллиги – қарорларни қабул қилишда мақбул услубларни қўллаш даражаси, роғонавийликка (ийерархия) асосланганлиги, шунингдек, муайян шароитларда бошқарувни марказлашганлиги ва марказлашмаганлиги, бошқарув меъёрлари ва ҳакозолардир.

Қайд этилган мезонлар қишлоқ хўжалигида менежмент тизими самарадорлигини ошириш омиллари сифатида намоён бўлади. Шунинг учун уларни қишлоқ хўжалик корхоналари ишлаб чиқариш молиявий фаолиятининг якуний кўрсаткичлари билан узвий алоқадорликда кўриб ўтиш жоиз. Шу билан бир қаторда, менежмент самарадорлигини баҳолаш ишлаб чиқариш самарадорлигини ҳисобга олиш орқали ўзининг мустақил йўналишига эга бўлиши лозим.

Менежмент тизими самарадорлигини хўжалик фаолиятининг якуний натижалари ёрдамида аниқлаш, менежмент жараёни ишлаб чиқариш – хўжалик фаолиятининг ажралмас қисми бўлганлиги боис мураккаблик келтириб чиқаради. Шунинг учун унинг натижалари бир вақтнинг ўзида ишлаб чиқариш самарадорлигининг бир қатор омиллари таъсири билан боғланиб кетади. Шу боис, кўриб ўтилаётган мезон бўйича менежмент самарадорлигини баҳолаш, ишлаб чиқаришнинг муайян шароитларида хўжаликнинг қтор кўрсаткичлар бўйича таққослаш имконини ҳисобга олган ҳолда амалга ошириши лозим.

Менежмент объектини таққосланишини таъминлаш учун кўрсаткичлар орасидан ишлаб чиқаришни объектив иқтисодий шуроиларини тавсифлаб берадиганини ажратиш олиш лозим.

Мазкур шароитларни тенг таъсири, шу билан бирга, якуний кўрсаткичлар ўртасидаги фарқларни аниқлаш орқали, бошқариш тизимлари самарадорлигини баҳолаш мумкин.

Қишлоқ хўжалигида менежмент самарадорлигини баҳолашни ишлаб чиқариш самарадорлиги ва бошқариш шароитларини тавсифлаб берувчи кўрсаткичлар алоқадорлигини маълум даражада акс эттирувчи, алоҳида мезонлар бўйича ҳам амалга ошириш лозим. Менежмент самарадорлигининг асосий мезонларига бошқарув меҳнати натижавийлиги ёки унумдорлиги ва бошқарув аппарати тежамлилигини киритиш мумкин. Бошқарув ходимлари меҳнат унумдорлигини аниқлашнинг ўзига хос томонлари, бевосита аниқлаш имкони бўлмаган бошқарув фаолиятининг ўзига хослиги билан боғлиқ. Демак, меҳнатни тўғридан-тўғри баҳолаш мумкин бўлган бошқарув ходимларининг индивидуал унумдорлик кўрсаткичларини ҳисоблаш мумкин. Бошқарув ходимлари учун ушбу усул билан айрим турдаги ишлар унумдорлигини ҳисоблаш мумкин.

Раҳбар ва мутахассислар меҳнати натижаларини якуний баҳолаш билвосита қишлоқ хўжалиги корхоналари фаолиятининг пировард натижалари орқали маълум кўрсаткичлар ёрдамида амалга ошириш учун сарфланган харажатлар миқдори билан тавсифланади. Лекин бошқаришга кетган харажатлар тажамлиликини баҳолашда асосий белгиловчи кўрсаткич бўла олмайди. Шунинг учун уларни ишлаб чиқаришга сарфлашдан жами харажат ва бошқа кўрсаткичлар билан таққослаш зарур. Маълум харажатларни талаб этувси ишлаб чиқаришни баҳолашда техника воситаларини қўллашнинг иқтисодий самарадорлигини алоҳида ҳисоблаш лозим.

7.4. Менежмент тизимининг иқтисодий самарадорлигини баҳолашнинг услубий асослари.

Қишлоқ хўжалигида иқтисодий ва ижтимоий масалаларни муваффақиятли есилиши ишлаб чиқаришнинг самарадорлигини ошириш ҳисобига амалга ошириши мумкин. Ишлаб чиқаришнинг ҳар тмомнлама самарадорлигини ошириш бозор муносабатларига ўтишни ҳозирги босқичида муҳим иқтисодий масала ҳисобланади. Менежмент тизимининг иқтисодий самарасини баҳолаш ўта мураккаб масаладир. Менежмент тизимининг иқтисодий самарасини баҳолаш капитал маблағларни киритиш киритиш ва янги техника жорий қилишнинг иқтисодий самарасини ҳисобданлашдан анча мураккабдир, чунки булар ягона усулга, назарий изланишларга, уларнинг алоҳида тмонларига амалий тажрибага асосланиб олиб борилади. Шу билан бирга, менежментнинг иқтисодий самарасини баҳолаш, капитал маблағлар ва янги техникани киритиш иқтисодий самарасининг тақибий қисми ҳисобланади.

Қишлоқ хўжалигида менежмент тизимининг иқтисодий самарасини илмий асосда ҳисоблаш бир қатор услубий қоидаларга асосланиш лозим. Улар ичида энг муҳими бу бирбирлик

маҳсулотга тўғри келадиган энг юқори фойдани олишга интилишдир. Менежмент тизими мураккаб ташкилотларда кичик бир тизим ҳисобланади. Шунинг учун унинг иқтисодий самарасини асосан иккита томондан кўриб чиқмоқ керак.

Биринчи томондан, менежмент тизимининг хусусан ўзига тегишли иқтисодий самарани, шу жумладан, бошқарув жараёнини ташкил қилувчи ҳаракатлар бирлашмаси тезкор, иқтисодий бўлмоғи, қабул қилинган қарорларни мақбул бўлишини ва янада самарали бўлишини таъмин этиши керак.

Иккинчи томондан, иқтисодий самара менежмент тизимининг ишлаб чиқариш фаолиятини натижалари нуқтаи-назаридан баҳолаши зарур.

Менежмент тизимининг самарадорлигини оширишни ўзига хос бир қатор муаммоларини ечиш учун жуда муҳим бўлган томони, бу сарф-харажатлар ва улар билан боғлиқ бўлган ҳужжатлар тизими ҳисобга олиниши лозим.

Менежмент тизимининг жорий қилиниши ва такомиллашуви маълум моддий ва меҳнат харажатлари билан боғлиқ бўлгани сабабли қўйилган мақсадларнинг мақбул турларини танлашда аниқ бир ҳолатда уларни иқтисодий асосланиши лозим.

Иқтисодий самарани аниқлаш усуллари, албатта, биринчидан, капитал маблағлар киритишдаги иқтисодий самарани аниқлашда янги техника ишлатишни умумий қоидаларини ҳамда харажатларнинг иқтисодий самарасини ҳисобга олиш керак. Бошқа томондан эса, улар асосида менежментнинг ўзига хослигини тавсифловчи кўрсаткичлардан бўлиши лозим.

Менежмент тизимининг иқтисодий самараси бир дона маҳсулот учун энг кам харажатлар эвазига энг юқори даромад олишга қаратилгандир.

7.5. Менежментнинг иқтисодий самарадорлигини ошириш.

Менежментнинг вазифаси ишлаб чиқаришда максимал самарага эришиш бўлганлиги сабабли, менежмент тизими самарадорлиги ҳам нафақат бошқарув жараёнининг ўзида балки бошқарув объектидаги ўзгаришларда ҳам акс эттирилиши лозим. Бу ўринда менежмент самарадорлигининг умумий мезони, менежмент объекти олдидаги мақсадга кам харажатлар эвазига эришишни таъминловчи, менежмент тизими фаолиятининг натижаси деб эътироф этиш мумкин.

Муайян шароитда бошқарув даражаси ер, меҳнат ресурслари, ишлаб чиқариш ҳесурслари билан таққослаш орқали тавсифланади. У ишлаб чиқаришдаги юқори кўрсаткичларга, меъеридан ортиқ ресурсларни сарф қилиш эвазига эришилиши мумкин, иқтисод қилиш эса кам харажат ҳисобига раст ишлаб чиқариш кўрсаткичларига эришилади. Шундай қилиб қишлоқ хўжалигида менежмент тизимининг иқтисодий самарадорлигини баҳолаш фақатгина натижавийлик ва иқтисодий кўрсаткичлар ёрдамида амалга оширилиши лозим.

Қишлоқ хўжалигида менежментнинг иқтисодий самарадорлигини асослаш кўп ҳолларда ишлаб чиқаришнинг иқтисодий самарадорлигини аниқлаш масаласининг бир қисми бўлиб ҳисобланади ва уни аниқлаш умумиқтисодий тамойиллар асосида амалга ошириши лозим. Менежмент самарадорлигини аниқлашда, натижаларга эришишда сарфланган харажатлар ҳисобга олинади. Шу билан бирга, ишлаб чиқаришни бошқаришнинг иқтисодий самарадорлигини аниқлаш, менежмент фаолиятининг ўзига хослигидан келиб чиқувчи ва ишлаб чиқаришни бошқариш тизими натижавийлигини баҳолашга бевосита таъсир этувчи ўзига хос хусусиятларга эга.

Бошқаришни механизациялаштириш ва автоматлаштириш бошқарув меҳнати харажатларини тежаш, ишлаб чиқаришда менежментнинг иқтисодий самарадорлигини оширишни таъминлайди. Шунинг учун, бошқаришда техника воситаларини қўллашнинг иқтисодий самарадорлигини аниқлашнинг услубий тамойиллари менежмент самарадорлигини аниқлашнинг умумий тамойилларига асосланиши лозим. Ўзгарувчан кўплаб омилларга боғлиқ бўлган бошқарув самарадорлиги даражаси турли корхоналарда бир хил эмас, буни таққослама таҳлил ёрдамида аниқлаш мумкин. Шундай қилиб, бошқарув ходимлари меҳнати унумли бўлиб, бевосита ишчилар меҳнатига тенг баҳоланади.

7.6. Раҳбар ходимларнинг бошқариш самарадорлигини ошириш тадбирлари.

Бозор иқтисодиёти муносабатларининг шаклланиб бориши билан давлат ва хўжалик бошқарувнинг аҳамияти янада ошиб бормоқда. Бозорни бошқариш дастлаб бевосита юқори пировард натижаларга эришиш, қишлоқ хўжалиги ва сув хўжалиги тизимидаги корхоналар ўртасида мувозанатлашган мутаносибликни ўрнатишдир. Шу муносабат билан қишлоқ хўжалик корхоналарида бошқарув ходимларининг бошқариш жараёнидаги тутган ўрни ва аҳамияти ошиб боради. Бозор муносабатларини тартибга солиш режали – тақсимот тизими шароитларида ишлаб чиқаришни бошқаришга нисбатан мураккабдир. Шунинг учун бошқариш органлари давр талабига жавоб бера оладиган функция ва талабларга, ташкилий тизилмага ва мутахассислар таркибига эга бўлмоғи лозим. Раҳбар ходимлар ишчанлик ва малакавий қобилиятлари туфайли иқтисодий субъектлар фаолиятини мувофиқлаштириш муаммоларини ечиш қобилиятига эга бўлмоғи лозим.

Қишлоқ хўжалигида бошқариш тизимини такомиллаштириш ва унинг бошқарув органлари ўртасидаги ўзаро таъсирини мувофиқлаштириш мақсадида дастлаб вертикал тузилма бўйича ижрочиларнинг иш фаолиятини тартибга солиш ва такомиллаштириш зарур.

Қишлоқ хўжалигида хўжалик механизмининг тартибга солишдаги роли бевосита иқтисодий механизмлар ва моддий рағбатлантириш орқали ошиб бориши лозим.

Қишлоқ хўжалигида раҳбар ходимларнинг бошқариш самарадорлигини оширишда қуйидаги тадбирларни амалга ошириш ва уларга амал қилиш лозим:

- Қишлоқ хўжалик корхоналари раҳбарларини замонавий билимлар асосида мунтазам малакасини ошириб бориш;
- Хорижий мамлакатларнинг тажрибаларидан кенг фойдаланиш;
- Замонавий ахборот технологиялари ва коммуникация воситаларини бошқарув тизимига кенг жорий этиш;
- Илмий-тадқиқот ва инновацияларни жорий этиш ишларини жадаллаштириш;
- Ходимларнинг ташаббусларини қўллаб-қувватлаш ва самарали яратиб бериш;
- Ходимлар фаолияти назоратини бир меъёрга олиб бориш;
- Корхонада соғлом психологик муҳитни яратишга қаратилган чора-тадбирларни ишлаб чиқиш;
- Ходимларнинг ваколатига мувофиқ вазифа ва топшириқларни тўғри ва оқилона тақсимлаш, ортиқча вазифалар ва юктамаларни ўз зиммасига олмаслик;
- Ўз имконияти ва бажара олиши мумкин бўлган доирасидаги ишларни бажариш;
- Бошқарув қарорларини ишлаб чиқишда тизимли ёндашувдан кенг фойдаланиш;
- Корхона мақсадларини ходимларнинг шахсий мақсадлари билан мувофиқлаштириш;
- Бошқариш самарадорлигига салбий таъсир этувчи омилларни бартараф этиш;
- Ўз меҳнатининг сифати учун ҳар бир ходимга маъсулиятни ва жавобгарликни тўлиқ юклаш.

VIII. ИШЛАБ ЧИҚАРИШНИ БОШҚАРИШНИНГ ТАШКИЛИЙ ТУЗИЛМАСИ.

8.1. Бошқарувда ташкилий тузилманинг роли.

Тузилма муайян тизимнинг ташкил топган шакли, тизим элементларининг муҳим ўзаро алоқаларининг яхлитлигидир. Тузилма функционал муносабатларнинг умумий қонунларига бўйсунди.

Ҳар бир тизим бир-бирига бўйсунуш, кўп поғонали тарзда шаклланади. Бошқарувнинг сифати тизимнинг юқори халқасидан бир хил масофада узоклашган ва тенг ҳудудга эга бўлган тизим элементлари билан белгиланади. Тизим бошқарувининг функциясини амалга ошириш учун махсус аппарат ташкил этилади. Унинг тузилмаси бошқарувнинг бир-бирига тобе бўлган бўғинлари билан белгиланди.

Бошқарув тузилмасини шакллантирувчи элементлар бир-бири билан узвий алоқада бўлади. Бошқарув тизимининг оқилона ташкил этилган тузилмаси унинг самарадорлигини белгилаб беради, яъни бошқарув объектининг кўп сонли элементлар алоқаларни мустахкамланганлиги ва

тизим яхшилигини таъминлайди. У тизим элементларини бир бутун холга келтиради. Бошқарув тизим шакли ва ташкилий томонларига, ишна ташкил қилиш усулларига, мувофиқлаштиришга таъсир қилади, тизим фаолияти натижасини баҳолашга ва қиёслашга имкон беради.

Тузилма бошқарув технологиясига таъсир кўрсатади, ахборотни оқилона тарқатиш, ходимларни танлаш ва лавозимга қўйишдаги бошқарув техникаларини ишлатиш билан боғлиқ вазифалар қўяди. Тизимнинг “ички муҳитини” ундаги элементларнинг асосий функциялари ёрдамида англаб олса бўлади.

Корхона ва ташкилотларда бошқариш самарадорлигини ошириш, уларни ташкилий тузилмаларига, қай даражада таркиб топганлигига боғлиқдир. Ташкилий тузилма қанчалик мукамал, аниқ, мақсадга мувофиқ тузилган бўлса, бошқарув ходимларининг фаолияти шунчалик самарали бўлади.

8.2. Бошқарув ташкилий таркибини икки услуби.

Бошқарув икки услубда амалга оширилади, яъни раҳбар қўл остида ишловчиларни бевосита (тўғридан-тўғри) ва билвосита (тўғридан-тўғри бўлмаган холда) бошқариши мумкин.

Бошқарувнинг биринчи услубида (тўғри чизиқли тузилма) ижрочилар тўғридан-тўғри бир бошлиққа бўй сунган бўлиб, фақат индан кўрсатмалар олади. Бу услуб оддий тушунарли ва мантқиқдир. Тузилма бўлимини барча ваколатларга эга бўлган бир киши бошқарув функцияларини шахсан ўзи нинг зиммасига олади. Унинг чиқарган буйруқларини барча ходимлар бажариши керак. Бундай шароитда жамоа самарадорли бўлади. Шунини эсда тутиш керакки, ушбу жорий этилаётган бўйсунуш тамойили бир киши қўлида бутун хокимликни тўплайди, шу билан бирга, раҳбар зиммасига катта жавобгарлик юкланади. Юқорида турувчи бошқарув идораси қуйи корхона раҳбаридан сўзсиз ишбу корхона ишчиларига буйруқни бажариш ҳақида кўрсатма бериш ҳукукига эгадир.

Раҳбар жамоа фаолиятининг барча томонларига жавобгар бўлиб, бошқарув ишларининг ҳаммасини ўзи бажариши лозим ва шу туфайли баъзида меъёрдан ортқча ахборот таъсирида бўлиб қолади. Агар ижрочилар кўп бўлиб, улар турли ҳилдаги ишларни бажараётган бўлса, уларга раҳбарлик қилиш мураккаб бўлади.

Тўғри чизиқли бошқарув тизимларининг устиворлиги уларнинг оддийлигида, ташкил топиш аниқлигида, тузилма элементлари бир-бирига бўлган тобелигида ва маъсулиятлигидадир. Шу билан бирга мураккаб масалаларни ечишда пайдо бўлган қийинчиликлар туфайли уларнинг қўлланилиши чеклангандир. Бўлинмалар орасида юзага келган масалалар қийин ечилади,

рахбарларнинг иш билан банд қилиниши бир текисда эмаслиги ва жуда катта юклама билан ишлашлиги кўзга ташланади.

Бошқаришнинг иккинчи услуби (функционал тузилма) рахбар ишини анча енгиллаштиради, чунки у барча ходимлар билан эмас, балки ўзининг ўринбосарлари ёрдамида иш олиб боради. Ҳар бир ўринбосар функционал йўналиш бўйича юзага келган ишлаб чиқариш муаммоларини ўз ваколати доирасида малакали ҳал этиши керак. Бошқаришнинг функционал тузилмаси, одатда, анъанавий ёки классик деб айтилади. Бу тузилмада ҳар бир ўринбосар функционал йўналиш бўйича юзага келган ишлаб чиқариш муаммоларини ўз ваколати доирасида малакали ҳал этиши керак. Амалда ҳам турли хилдаги функционал тузилмалар қўлланилади.

8.3. Вазифавий ва дивизионли ташкилий таркиблар.

Вазифавий таркибини анъанавий ёки классик таркиб деб айтадилар. Бу турдаги таркиб бошқарувни департаментлаштириш (тақсимлаш) натижасида келиб чиққандир. Уни элементларга (бўлимларга), яъни уларнинг ҳар бири бошқарувда ўзининг аниқ вазифасига эга, ўзига буюрилган вазифани бажаради. Вазифавий таркиб бошқарувининг устиворлиги қуйидагилардан иборат:

- Ишбилармонлик ва мутахассислик ихтисослашувини рағбатлантиради. Масалан, маркетинг бўйича бу соҳадаги мутахассис ўз ишини олий рахбарликка қараганда яхши бажаради;
- вазифавий соҳаларнинг мувофиқлашувини яхшилади, хизматлар ва тизимда яхши кўникадилар;
- Харакатларнинг такрорланишини пасайтиради ёки бутунлай бартараф қилади ва моддий ресурслар сафини камайтиради.

Вазифавий таркимнинг камчиликлари қуйидагилардан иборат:

Вазифавий бўлимлар ўз фаолияти давомида фирманинг умумий мақсадларидан четлашишлари мумкин, чунки улар ўзларининг ички масалаларини амалга оширишга қизиқадилар. Бу эса, бўлимлар орасида ўзаро келишмовчиликни келтириб чиқариши мумкин;

Бўлимларнинг бирортаси ҳам ташкилотнинг умумий иш натижаларига жавоб бермайди, яъни ҳар бир бўлим ўзича жавоб беради.

Вазифавий таркибни кўпроқ кичик ва ўрта фирмалар қўллайди. Катта корпорациялар эса дивизионал таркибни қўллаб келади. “Дивизионал” сози инглизча “двизион” сўзидан келиб чиққан бўлиб, у бўлиниш, қисм, бўлим маъносини билдиради. Ташкилотни бўлимга бўлиш бу турдаги таркибда қуйидаги учта белги асосида келиб чиқади, яъни: маҳсулот, харидорлар гуруҳи ва географик ҳудуд бўйича, Бу бўлимлар гўёки мустақил ташкилотлар каби ҳаракат қилади ва фақатгина марказий бошқарув идорага ёки бош фирмага, корпорацияга бўйсунди.

Дивизионал маҳсулот таркибининг зарурати йирик фирма ва корпорацияларнинг ўсиши, уларни янги ишлаб чиқариш эскиларидан фарқли соҳаларига кириб бориши ҳисобига келиб чиқди.

Дивизионал таркибнинг устиворлиги қуйидагилардан иборат:

- Бу фирма ўсишини таъминлайдиган энг муҳим усулдир;
- Менежерлар эркинлигининг юқори даражалилиги уларнинг ишлаб чиқариш учун жавобгарлигини оширади;
- -олий звенодаги менежерларни тайёрлашда яхши шароитлар мавжудлиги;

Дивизионал таркибнинг камчиликлари қуйидагилардан иборат:

- Бўлимлар орасидаги ахборот алоқасини бўшлиги ҳисобига фаолият жараёнларида ишларнинг такрорланиши;
- Бош корхона билан заиф алоқа юзага келиши, бунинг ҳисобига бош фирма уларнинг фаолиятини тез-тез назорат қила олмаслиги, бу эса кўриладиган заранинг кўпайишига олиб келиши мумкин.

8.4. Мунтазам ва мунтазам-штабли ташкилий таркиблар.

Агар юқорида кўриб чиқилган вазифавий ва дивизионал таркиблар департаментацияга, яъни горизонтал бўйича бўлинишга асосланган бўлса, унда мунтазам таркиб бошқарувини горизонтал ўқ бўйича бўлишга асосланган. Мунтазам таркиб, шу каби номага ҳам эгаки, унинг барча элементлари горизонтал бўйсунуш бўйлаб жойлашган, яъни энг юқори савиядан то қуйи савиягача. Ҳар бир бошқарув савияси юқорироқда турганига бўсунади.

Мунтазам таркиб ўз навбатида икки турга эга: ясси (инглиз тилидаги “Флат”-ясси сўзидан келиб чиққан) ва кўп савияли (инглиз тилидан “Талл” – юқоридаги маънони билдиради)

Мунтазам ясси таркиб ўз (2 x 3) савияга эга ва катта сондаги ишловчилар битта раҳбарга бўёсунади. У шакл бўйича оддий ҳисобланади. Мунтазам кўр савияли таркиб қуйи бошқариш меъерларига эга, яъни унча катта сонда бўлмаган хизматчилар битта раҳбарга бўйсунди, Бу каби таркиб шакл бўйича мураккаброкдир.

Ясси ва кўп савияли мунтазам таркиб ташкилотга (фирмага, корпорацияга, унча катта бўлмаганда самара беради. Фирманинг ўсиши билан менежментда махсус экспорт ходимларига зарурият туғилади).

Мунтазам ва штабли бўлимлар орасидаги ўзаро муносабатлар мураккаб ва қоида бўйича ҳамма вақт ҳам дўстона бўлавермайди. Улар ҳам, булар ҳам озларининг устиворлигини ҳимоя қилишга уринадилар. Натижада эса, бундай муносабатлар жанжалга ҳам олиб келади. Штаб бўлим менежерлари ўзларини бироз малакалироқ мутахассис, мунтазам раҳбарларга кўрсатма беришга ҳуқуқли деб ҳисоблайдилар.

Кейинги мансаблардагилар эса, умумий худуларини ҳимоя қилишга уринадилар.

8.5. Лойиҳали ва матрицали ташкилий таркиблар.

Лойиҳали таркиб бу вақтинчалик ташкилотнинг аниқ масаласини ечиш учун бунёд қилинади. Унинг аъзолари ҳар ҳил саҳадаги юқори малакали мутахассислардир. Улар мураккаб лойиҳаларни амалга ошириш учун бир гуруҳга жамланадилар. Лойиҳа ниҳоясига етказилгандан кейи тарқатилиб юборилади – бир қисми янги лойиҳа гуруҳига қўшилади. Бу таркибнинг хусусияти – хизматчилар бир вақтда иккита раҳбарга бўйсундилар, лойиҳа раҳбарлари ва бўлим раҳбарига. Кўпчилик фирмалар бу каби таркибларга барча диққат эътиборини муҳим технологиялар дорий этишга, инновацияларга қаратади.

Лойиҳа таркиби ичида кенг тарқалган ва тараккий этган шакл бу матрица таркибидир. Матрицали таркиб иккитали бўйсуннишни кўзда тутуди, яъни бўлим бошлиғи (вазифавий йўналиш) ва лойиҳа раҳбари. Лойиҳа раҳбари лойиҳа стратегияси ва иш натижаларига жавоб беради. Уларнинг ихтиёрига молиявий ресурслар берилади. Вазифавий бўлим бўлим бошлиғи ишни ташкил қилишда қатнашади, ишни кетишини ва бажарилиш муҳлатларини назорат қилади маҳсулотнинг сотувини амалга оширади.

УМУМИЙ АДАБИЁТЛАР РЎЙХАТИ

1. Ўзбекистон Республикасининг «Мулк тўғрисида»ги қонуни. Ўзбекистон Республикаси қонун ва фармонлари. Тошкент, «Адолат», 1992.
2. Ўзбекистон Республикасининг «Меҳнат кодекси». «Аҳолини иш билан таъминлаш тўғрисида» ги қонун. Тошкент, «Шарқ», 1998.
3. Ўзбекистон Республикасининг Қишлоқ хўжалигида ислохотларни чуқурлаштиришга доир қонун ва меъерий ҳужжатлар тўплами. (I–II қисм). Тошкент. «Шарқ», 1998.
4. Ўзбекистон Республикасининг «Мулкни давлат тасарруфидан чиқариш ва хусусийлаштириш тўғрисида»ги қонуни. Ўзбекистон янги қонунлари. Тошкент, «Адолат», 1993.
5. Ўзбекистон Республикасининг «Тадбиркорлик тўғрисида»ги қонуни. Ўзбекистон Республикаси қонун ва фармонлари. Тошкент, «Адолат», №2, 1992.
6. Ўзбекистон Республикасининг «Ижара тўғрисида»ги қонуни. Қишлоқ хўжалигида ислохотларни чуқурлаштиришга доир қонун ва меъерий ҳужжатлар тўплами. 1-қисм., Тошкент, «Шарқ», 1998.
7. Ўзбекистон Республикасининг «Фермер хўжалиги тўғрисида»ги қонуни. «Халқ сўзи», 1998 йил, 6 июнь.
8. Ўзбекистон Республикасининг «Дехқон хўжалиги тўғрисида»ги қонуни. «Халқ сўзи», 1998 йил, 6 июнь.
9. Ўзбекистон Республикасининг «Қишлоқ хўжалиги кооперативи (ширкат хўжалиги) тўғрисида»ги қонуни. «Халқ сўзи», 1998 йил, 6 июнь.
10. Ўзбекистон Республикасининг «Қишлоқ хўжалиги корхоналарини санация қилиш тўғрисида»ги қонуни. Ўзбекистон Республикаси тадбиркорлик тўғрисидаги қонун ҳужжатлари, Тошкент, «Иқтисодиёт ва ҳуқуқ дунёси», №2, 1999 йил.
11. Ўзбекистон Республикасининг «Товар бозорларида монополистик фаолиятни чеклаш ва рақобат тўғрисида»ги қонуни. «Халқ сўзи», 1996 йил, 29 декабрь.
12. Ўзбекистон Республикасининг «Корхоналар тўғрисида»ги қонуни. Ўзбекистон Республикаси қонун ва фармонлари. Тошкент, «Адолат», 1992.
13. Ўзбекистон Республикасининг «Ер Кодекси». Ўзбекистон Республикаси «Ер кодекси» ва қишлоқ хўжалигига оид қонунлари, Тошкент, «Адолат», 1999.
14. Ўзбекистон Республикасининг «Сув ва сувдан фойдаланиш тўғрисида»ги қонуни. Қишлоқ хўжалигида ислохотларни чуқурлаштиришга доир қонун ва меъерий ҳужжатлар тўплами. 1-қисм, Тошкент, «Шарқ», 1998.
15. Ўзбекистон Республикасининг «Меҳнат Кодекси». Қишлоқ хўжалигида ислохотларни чуқурлаштиришга доир қонун ва меъерий ҳужжатлар тўплами. 2-қисм., Тошкент, «Шарқ», 1998.
16. Ўзбекистон Республикасининг «Аҳолини иш билан таъминлаш тўғрисида»ги қонуни. Қишлоқ хўжалигида ислохотларни чуқурлаштиришга доир қонун ва меъерий ҳужжатлар тўплами. 2-қисм., Тошкент, «Шарқ», 1998.
17. Ўзбекистон Республикасининг «Кооперация тўғрисида»ги қонуни. Ўзбекистон Республикаси тадбиркорлик тўғрисидаги қонун ҳужжатлари, Тошкент, «Иқтисодиёт ва ҳуқуқ дунёси», №1, 1999 йил.
18. Ўзбекистон Республикасининг «Кичик ва хусусий тадбиркорликни ривожлантириш тўғрисида»ги қонуни. «Халқ сўзи», 1995 йил, 23 декабрь.
19. Ўзбекистон Республикасининг «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги қонуни. «Халқ сўзи», 1996 йил, 26 апрель.
20. Ўзбекистон Республикасининг «Чет эл инвестициялари тўғрисида»ги қонуни. Ўзбекистон Республикаси тадбиркорлик тўғрисидаги қонун ҳужжатлари, Тошкент, «Иқтисодиёт ва ҳуқуқ дунёси», №1, 1999 йил.

21. Ўзбекистон Республикасининг «Чет эл инвесторлари ҳуқуқларининг кафолатлари ва ҳимоя қилиш чоралари тўғрисида»ги қонуни. Ўзбекистон Республикаси тадбиркорлик тўғрисидаги қонун ҳужжатлари, Тошкент, «Иқтисодиёт ва ҳуқуқ дунёси», №1, 1999 йил.
22. Каримов И.А. Ўзбекистон иқтисодий ислохотларни чуқурлаштириш йўлида. – Т.: «Ўзбекистон», 1995.
23. Каримов И.А. Қишлоқ хўжалигини ислоҳ қилиш. Аграр муносабатларнинг янги турларини шакллантириш. – Т.: «Ўзбекистон», 1995.
24. Каримов И.А. Давлатимиз мулкни хусусийлаштириш ва кўп укладли иқтисодиёт асосларини шакллантириш. – Т.: «Ўзбекистон», 1995.
25. Каримов И.А. Деҳқончилик тараққиёти–фаровонлик манбаи. Тошкент, «Ўзбекистон», 1993.
26. Ўзбекистон Республикасининг «Фуқаролик Кодекси», “Тадбиркорликка оид қонун ҳужжатлари тўплами”, Т.: “Шарқ”, 2002.
27. Ўзбекистон Республикасининг «Меҳнат Кодекси», Т.: «Адолат», 1996
28. Ўзбекистон Республикасининг «Маъмурий жавобгарлик тўғрисидаги Кодекси», Т.: «Адолат», 1995
29. Ўзбекистон Республикасининг янги таҳрирдаги 2004 йил 26 августдаги «Фермер хўжалиги тўғрисида»ги Қонуни, «Халқ сўзи» газетаси, 2004 йил 15 октябр
30. Ўзбекистон Республикасининг 1998 йил 30 апрелдаги «Деҳқон хўжалиги тўғрисида»ги Қонуни, «Ўзбекистон Республикаси банклари томонидан кичик ва ўрта бизнесни қўллаб-қувватлаш бўйича қонунчилик ҳужжатлари тўплами», Т.: «Ўзбекистон», 2002 й.
31. Ўзбекистон Республикасининг 1998 йил 30 апрелдаги «Қишлоқ хўжалиги кооперативи (ширкат хўжалиги) тўғрисида»ги Қонуни, «Ўзбекистон Республикасининг Ер Кодекси ва қишлоқ хўжалигига оид қонун ҳужжатлари», Т.: «Адолат», 1999 й.
32. Ўзбекистон Республикасининг «Акциядорлар жамиятлари ва акциядорларнинг ҳуқуқларини ҳимоя қилиш тўғрисида»ги Қонуни, «Халқ сўзи», 1996 йил 26 апрел
33. Ўзбекистон Республикасининг 2003 йил 11 декабрдаги “Хусусий корхона тўғрисида”ги Қонуни, "Ўзбекистон Республикаси қонун ҳужжатлари тўплами", 2004 йил, 3-сон, 28-модда.
34. Ўзбекистон Республикасининг 1998 йил 28 августдаги «Давлат Ер Кадастри тўғрисида»ги Қонуни, «Ўзбекистон Республикасининг Ер Кодекси ва қишлоқ хўжалигига оид қонун ҳужжатлари», Т.: «Адолат», 1999 й.
35. Ўзбекистон Республикасининг 2000 йил 25 майдаги «Тадбиркорлик фаолияти эркинлигининг кафолатлари тўғрисида»ги Қонуни, «Ўзбекистон Республикаси банклари томонидан кичик ва ўрта бизнесни қўллаб-қувватлаш бўйича қонунчилик ҳужжатлари тўплами», Т.: «Ўзбекистон», 2002 й.
36. Ўзбекистон Республикаси Президентининг «Лизинг фаолиятини ривожлантиришни янада рағбатлантириш чора-тадбирлари тўғрисида»ги 2002 йил 28 августдаги Фармони, Халқ сўзи, 2002 йил 30 август
37. Ўзбекистон Республикаси Президентининг «Қишлоқ хўжалигида ислохотларни чуқурлаштиришнинг энг муҳим йўналишлари тўғрисида»ги Фармони. «Халқ сўзи», 2003 йил 25 март.
38. Ўзбекистон Республикаси Президентининг 2003 йил 27 октябрдаги «2004-2006 йилларда фермер хўжалиklarини ривожлантириш концепцияси тўғрисида»ги Фармони, «Халқ сўзи», 2003 йил 28 октябр
39. Ўзбекистон Республикаси Президентининг 2004 йил 4 ноябрдаги «2005-2007 йилларда фермер хўжалиklarини жадал ривожлантиришга қаратилган тақлифлар тайёрлаш бўйича махсус комиссия тузиш тўғрисида»ги Фармони, «Халқ сўзи», 2004 йил 5 ноябр
40. Ўзбекистон Республикаси Вазирлар Маҳкамасининг «Фермерларни, хусусий тадбиркорларни ҳамда кичик ва ўрта бизнес бошқа субъектларини қўллаб-қувватлаш чора

- тадбирлари тўғрисида»ги 2000 йил 4 мартдаги 75-сонли Қарори, «Ўзбекистон Республикаси банклари томонидан кичик ва ўрта бизнесни қўллаб-қувватлаш бўйича қонунчилик ҳужжатлари тўплами», Т.: «Ўзбекистон», 2002 й.
41. Ўзбекистон Республикаси Вазирлар Маҳкамасининг «Кичик корхоналар, деҳқон ва фермер хўжаликларини маблағ билан таъминлаш, моддий-техник таъминлаш, уларга божхона имтёзлари бериш, банк хизматлари ва бошқа хизмат-лар кўрсатиш бўйича қўшимча чора-тадбирлар тўғрисида»ги 2001 йил 10 сентябрдаги 366-сонли Қарори, «Ўзбекистон Республикаси банклари томонидан кичик ва ўрта бизнесни қўллаб-қувватлаш бўйича қонунчилик ҳужжатлари тўплами», Т.: «Ўзбекистон», 2002 й.
 42. Ўзбекистон Республикаси Вазирлар Маҳкамасининг 2003 йил 20 августдаги «Тадбиркорлик фаолиятини ташкил этиш учун рўйхатдан ўтказиш тартиботлари тизимини тубдан такомиллаштириш тўғрисида»ги 357 - сонли қарори ва шу қарор билан тасдиқланган «Тадбиркорлик субъектларини давлат рўйхатидан ўтказиш, ҳисобга қўйиш ва рухсат берувчи ҳужжатларни расмийлаштириш тартиби тўғрисида НИЗОМ»
 43. Ўзбекистон Республикаси Вазирлар Маҳкамасининг 2003 йил 30 октябрдаги «2004-2006 йилларда фермер хўжаликларини ривожлантириш концепциясини амалга ошириш чора-тадбирлари тўғрисида»ги 476-сонли Қарори.
 44. Ўзбекистон Республикаси Вазирлар Маҳкамасининг 2003 йил 5 ноябрдаги «Қишлоқ хўжалигида ижара муносабатларини янада ривожлантириш чора-тадбирлари тўғрисида»ги 486-сонли Қарори.
 45. И.А.Каримов, «Ўзбекистон–бозор муносабатларига ўтишнинг ўзига хос йўли», Т.: «Ўзбекистон», 1996 й.
 46. И.А. Каримов.«Қишлоқ хўжалиги тараққиёти тўқис ҳаёт манбаи - Т.: 1998.
 47. Каримов И.А. Ўзбекистон ХХІ асрга интиломқда - Т.: 1999.
 48. Каримов И.А. Иқтисодни эркинлаштириш–фаровонлик манбаи, Сайланма асарлар. Т.: - Ўзбекистон, I Том 2001.
 49. Каримов И.А. Кичик ва хусусий тадбиркорликни ривожлантиришнинг навбатдаги тадбирлари. Сайланма асарлар, 9-том. Т.: 2001.
 50. Каримов И.А. Жамиятда тадбиркорлик руҳини қарор топтириш – тараққиёт гарови. Сайланма асарлар. 9-том. Т-2001.
 51. А.Абдуғаниев, А.А.Абдуғаниев, «Қишлоқ хўжалиги иқтисодиёти», Т.: «Ўзбекистон Ёзувчилар уюшмаси Адабиёт Жамғармаси», 2004
 52. Қ.С.Ҳамдамов, «Қишлоқ хўжалиги корхоналари фаолиятини бошқариш», Т.: «Ўзбекистон Ёзувчилар уюшмаси Адабиёт Жамғармаси нашриёти», 2004
 53. Королев Ю.Б. и др., «Менеджмент в АПК», М.: Колос, 2002
 54. Г.А. Петранова, «Экономика и управление в сельском хозяйстве», М.: Академия, 2003

ҚЎШИМЧА АДАБИЁТЛАР РЎЙХАТИ

1. Алан Вест, «Бизнес – план: учебно- практическое пособие» Перевод с английского Н.И.Алмазовой и Булиной И.Ю. - М.: «Проспект», 2004
2. Бланк И.А. «Основы финансового менеджмента». 2-х томах, К.: «Ника-центр» «Эльга», 1999.
3. Барнс Л.Б. и др., «Преподавание и метод конкретнўх ситуаций» – М., 2000
4. Богатин Ю.В. Швандар В.А., «Инвестиционнўй анализ. учебное пособие», - М.: ЮНИТИ, 2001
5. М.Н. Баканова, А.Д. Шереметова, «Экономический анализ: ситуации, тестў, примерў, задачи, вўбор оптимальнўх решений, финансовое прогнозирование»,- М.: Финансў и статистика, 2004
6. А.Ваҳобов, А. Ибрагимов, «Молиявий таҳлил». Т.: Шарқ, 2002.
7. В.А. Горемикин, «Лизинг», М.: Колос, 2003
8. Д.Л. Ендовский и др., «Практикум по инвестиционному анализу»- М.: ФиС, 2003

9. З.М. Ильина, И.В.Мировицкая, «Рўнки сельскохазйственнаго сўрья и продовольствия», Минск, БГЭУ, 2001
10. Л.Н. Иванов, А.Л. Иванов, «Методў принятия решений бизнес – плана» - М.: Приор - издат, 2004
11. В.В. Ковалев, «Практикум по финансовому менеджменту. Конспект лекций с задачами», - М.: Финансў и статистика, 2004
12. Н.А. Коленсниковой, А.Д. Миронова, «Бизнес–план. Методические материалў», - М.: Финансў и статистика, 2004
13. М.И. Леҳенко, «Основў лизинга: Учебное пособие», - М.: Финансў и статистика, 2004
14. И. Минаков, «Экономика сельскохазйственного предприятия», Учебник, М.: Колос, 2004.
15. Л.И. Макавец, М.Н. Макавец, «Экономика производства сельскохазйственного производства», Санкт_Петербург, 2002
16. Т.Ю. Мазурина, Л.Г. Скамай, «Финансў фирмў», Практикум: Учеб. пособие. - М.: ИНФРА-М, 2004
17. И.А. Напетова, «Анализ финансово хозяйственной деятельности», - М.: Форум-Инфра-М, 2004
18. В.С. Никляев, «Основў технологии сельскохазйственного производства: земледелие и растениеводство», М.: Бўлина, 2000
19. Н.А. Попов, «Экономика сельского хозяйства», М.: Дело и сервис, 2002
20. Б.Т.Салимов ва бошқ., «Дехқон ва фермер хўжаликлари иқтисоди», Т.: «Ўзбекистон Ёзувчилар уюшмаси Адабиёт Жамғармаси», 2004
21. Е.В.Серова «Аграрная экономика», М.: Государственнўй университет Вўсшая школа экономики, 1999
22. Г.В.Савицкая, «Анализ производственно-финансовой деятельности сельскохазйственнўх предприятия», М.: ИНФРА, 2003
23. Л.Ф. Сухова, Н.А. Чернова, Практикум по разработке бизнес-плана и финансовому анализу предприятия» - М.: Финансў и статистика, 2002.
24. Уткин Э. А., Фролов Д. А. Управление рисками предприятия. - М.: ТЕИС, 2003
25. Р.Ҳакимов ва бошқ., «Агросаноат мажмуи иқтисоди», Т.: «Ўзбекистон Ёзувчилар уюшмаси Адабиёт Жамғармаси», 2004
26. Р.Ҳ.Хусанов, М.Қосимов, «Дехқон хўжалигини юриштининг илмий ва амалий асослари», Т.: Чўлпон, 2000
27. Б.Ходиев ва бошқ., «Кичик тадбиркорлик фаолияти асослари», Т.:Консаудитинформнашр, 2004
28. Б.Ходиев ва бошқ., «Кичик тадбиркорлик менежменти», Т.:Консаудитинформнашр, 2004
29. Б.Ходиев ва бошқ., «Кичик тадбиркорликда маркетинг», Т.:Консаудитинформнашр, 2004
30. Б.Ходиев ва бошқ., «Кичик тадбиркорликнинг молиявий менежменти», Т.:Консаудитинформнашр, 2004
31. Қ. Чориев, Б. Беркинов, Дехқон ва фермер хўжаликларини ташкил этиш ва юриштининг ҳуқуқий – меъерий асослари, Т.: Шарқ, 2002.
32. Ю.А.Ципкин и др., «Агрмаркетинг и консалтинг», М.: ЮНИТИ-ДАНА, 2003
33. «Ўзбекистон Республикаси банклари томонидан молиявий лизингни утказиш тўғрисидаги 1999 йил 20 июлдаги 776-сонли Низом», «Ўзбекистон Республикаси банклари томонидан кичик ва ўрта бизнесни қўллаб-қувватлаш бўйича қонунчилик ҳужжатлари тўплами», Т.: Ўзбекистон, 2002.
34. «Тижорат банклари томонидан юридик шахс мақомини олмасдан фаолият кўрсатаётган яқка тартибдаги тадбиркорлар ва деҳқон хўжаликларини миллий ва чет эл валютасида микрокредитлаш тўғрисидаги 2000 йил 29 февралдаги 902-сонли Тартиб»,

- «Ўзбекистон Республикаси банклари томонидан кичик ва ўрта бизнесни қўллаб-қувватлаш бўйича қонунчилик ҳужжатлари тўплами», Т.: Ўзбекистон, 2002.
35. «Тижорат банклари томонидан юридик шахс макомини олиб фаолият кўрсатаётган фермер хужаликлари ва кичик бизнеснинг бошка субъектларини миллий ва чет эл валютасида микрокредитлаш тўғрисидаги 903-сонли Тартиб», «Ўзбекистон Республикаси банклари томонидан кичик ва ўрта бизнесни қўллаб-қувватлаш бўйича қонунчилик ҳужжатлари тўплами», Т.: Ўзбекистон, 2002.
 36. «Тижорат банклари томонидан фермер хўжаликларини кичик ва ўрта бизнес субъектларини миллий валютада кредитлаш тўғрисидаги 907-сонли Тартиб», «Ўзбекистон Республикаси банклари томонидан кичик ва ўрта бизнесни қўллаб-қувватлаш бўйича қонунчилик ҳужжатлари тўплами», Т.: Ўзбекистон, 2002.
 37. «Тижорат банклари томонида яқка тартибдаги тадбиркорлар, кичик ва ўрта бизнес субъектларини бюджетдан ташқари жамғармаларнинг кредит линиялари ҳисобидан кредитлаш тўғрисида янги тахрирдаги 1074-сонли Тартиб», «Ўзбекистон Республикаси банклари томонидан кичик ва ўрта бизнесни қўллаб-қувватлаш бўйича қонунчилик ҳужжатлари тўплами», Т.: Ўзбекистон, 2002.
 38. «Давлат эҳтиёжлари учун харид этиладиган қишлоқ хўжалиги маҳсулотлари билан ҳисоб-китобни амалга оширувчи Жамғарма тўғрисидаги Низом», № 612-1, 25 феврал 2000.
 39. Ўзбекистон Республикаси Адлия Вазирлиги томонидан 2004 йил 6 январ 1295- сон билан рўйхатга олинган «Фермер хужаликларининг давлат эҳтиёжлари учун харид қилинадиган пахта ва ғалла етиштириш харажатларини тижорат банклари томонидан кредитлаш тартиби тўғрисида Низом»
 40. Ўзбекистон Республикаси Вазирлар Маҳкамасининг 1999 йил 5 февралдаги қарори билан тасдиқланган «Маҳсулот ишлаб чиқариш ва сотиш харажатлари таркиби ҳамда молиявий натижаларни шакллантириш тартиби тўғрисидаги Низом (қўшимчалар ва ўзгартиришлар билан бирга).
 41. Ўзбекистон Республикаси Вазирлар Маҳкамасининг 2000 йил 2 ноябрдаги 424-сонли қарори билан тасдиқланган «Ўзқишлоқхўжаликмашҳолдинг» компанияси корхоналари томонидан ишлаб чиқарилган қишлоқ хўжалиги техникасини лизингга олиш тартиби.
 42. Ўзбекистон Республикаси Вазирлар Маҳкамасининг 2003 йил 5 ноябрдаги 486-сонли қарори билан тасдиқланган «Қишлоқ хўжалиги кооперативи (ширкат хўжалиги) томонидан ер участкасини узок муддатли ижарага олишнинг намунавий шартномаси».
 43. Ўзбекистон Республикаси Вазирлар Маҳкамасининг 2003 йил 5 ноябрдаги 486-сонли қарори билан тасдиқланган «Қишлоқ хўжалиги кооперативи (ширкат хўжалиги)нинг Намунавий Устави».
 44. Ўзбекистон Республикаси Вазирлар Маҳкамасининг 2003 йил 30 октябрдаги 476-сонли қарори билан тасдиқланган «Фермер хўжалиги томонидан ер участкасини узок муддатли ижарага олишнинг намунавий шартномаси».
 45. Ўзбекистон Республикаси Вазирлар Маҳкамасининг 2003 йил 30 октябрдаги 476-сонли қарори билан тасдиқланган «Фермер хўжалигининг Намунавий Устави».
 46. Ўзбекистон Республикаси Вазирлар Маҳкамасининг 2003 йил 30 октябрдаги 476-сонли қарори билан тасдиқланган «Фермер хўжалиги ходимларини ёллаш тўғрисида намунавий шартнома».
 47. Ўзбекистон Республикаси Вазирлар Маҳкамасининг 2003 йил 30 октябрдаги 476-сонли қарори билан тасдиқланган «Намунавий контрактация шартномаси».
 48. Ўзбекистон Республикаси Вазирлар Маҳкамасининг 2003 йил 30 октябрдаги 476-сонли қарори билан тасдиқланган «Моддий-техника ресурслари етказиб беришга намунавий шартнома».

49. Ўзбекистон Республикаси Вазирлар Маҳкамасининг 2003 йил 30 октябрдаги 476-сонли қарори билан тасдиқланган «Хизмат кўрсатишга (ишларни бажаришга) намунавий шартнома».
50. Ўзбекистон Республикаси «Ўзагросуғурта» ДАСКнинг 2003 йил 31 январдаги 03Ғ59 -сонли «Қишлоқ хўжалиги маҳсулотлари етиштирувчи хўжаликларнинг экинлардан кам ҳосил олиш натижасида кўрилган молиявий зарарни ихтиёрий суғурта қилиш Қоидалари»
51. Ўзбекистон Республикаси «Ўзагросуғурта» ДАСКнинг 2003 йил 28 февралдаги 03Ғ97-сонли «Қишлоқ хўжалиги ҳайвонларини табиий офатлар, касалликлар ва бошқа воқеалар натижасида нобуд бўлишидан ёки мажбурий сўйилишидан ихтиёрий суғурта қилиш Қоидалари»
52. Абдуғаниев А. Қишлоқ хўжалигида мулкни давлат тасарруфидан чиқариш ва хусусийлаштириш. «Иқтисод ва ҳисобот» журнали, 1997 йил 3-сон.
53. Абдуғаниев А. Ўзбекистон Республикаси қишлоқ хўжалигида ер-сув ресурсларидан самарали фойдаланишнинг айрим масалалари. ТИҚХММИ, 2001.
54. Абдуғаниев А. Фермер хўжаликларини ривожлантириш ва самарадорлигини юксалтириш йўллари. «Ўзбекистон қишлоқ хўжалиги» журнали, №4, 2002.
55. Абдуғаниев А. Иқтисодий ресурслардан самарали фойдаланишнинг айрим масалалари. «Ўзбекистон қишлоқ хўжалиги» журнали, №1, 2002.
56. Абдуғаниев А. Кадрлар – ҳал қилувчи куч. «Ўзбекистон қишлоқ хўжалиги» журнали, №2, 2002.
57. Абдуғаниев А. Суғориладиган ерлардан фойдаланишнинг иқтисодий самарадорлиги. «Иқтисодиётни эринлаштириш шароитида республика қишлоқ хўжалигини ривожлантиришнинг асосий йўналишлари», – Т.: 2002.
58. Абдуғаниев А. Тадбиркорликда харажатларни режалаштириш. «Ўзбекистон қишлоқ хўжалиги» журнали, №6, 2001.
59. Абдуғаниев А. Тадбиркорлик фаолияти самарадорлиги нималарга боғлиқ? «Ўзбекистон қишлоқ хўжалиги» журнали, №1, 2001.
60. Маматурдиев Г. Проблемы управления и моделирования экономических процессов аграрного рынка (в условиях Киргизской Республики). Экономика и управления народном хозяйством. Автореферат диссер. Доктора экон.наук. ЦЕИ КР, Бишкек, 2000.

Интернет сайтлари

1. Тошкент Давлат Иқтисодиёт Университети. www.tsue.uz
2. www.uhh.hawaii.edu University of Hawaii at Hilo – Agroecology and Environmental Quality Program.
3. www.ecfak.timacad.ru Московская сельскохозяйственная академия.
4. www.admin.ru Институт Агроэкономики и Бизнеса Приамурский.
5. Мардонова А.Т., Исҳоқова С.А. Аграр соҳада мулкний муносабатларни рўёбга чиқаришнинг долзарб услублари. www.ski.ilm.uz
6. Саратовская сельскохозяйственная академия. www.tstu.ru
7. Rozvoj integrace a infrastruktura. www.deloitte.com
8. Ikkinchi asosiy faktor esa infrastruktura va soliq yuki. www.forum.uz
9. ЛБР – сельскохозяйственная техника, комбайнў, косилки, сеялки, запчастии к сельхозтехники www.lbr.ru
10. Radio Tashkent International. http://FFinfo.uzpak.uzFuzbFeconom_uzbF
11. **Recently Published Books.** www.eastview.com
12. оковская сельскохозяйственная академия. www.ecfak.timacad.ru
13. Приамурский Институт Агроэкономики и Бизнеса www.admin.ru

14. Петранева Г.А. Экономика и управление в сельском хозяйстве, Академия, 2003.
<http://textbook.ru/catalogue/book/33320.html>
15. Попов Н.А. «Основы рыночной агроэкономики и сельского предпринимательства», М.: Тандем, 2002, <http://rbip.bookchamber.ru/description/7897.htm>
16. Попов Н.А. Экономика отраслей АПК. Курс лекции, 2002,
<http://family.taukita.ru/item/22219310.htm>
17. Коваленко Н.Я. Экономика сельского хозяйства, М. «Юркнига». 2004
<http://shopper.h1.ru/books.shtml?topic/935&page/1>
18. Королев Ю.Б. и др. Менеджмент в АПК, 2002, учебник,
а. <http://web.book.ru/cgi-bin/book.pl?page/4&book/88899>
19. Экономика и управление в сельском хозяйстве, 2003,
<http://psbatishev.narod.ru/library/03762.htm>
20. <http://www.bookler.ru/book/isbn/5-7695-1158-3.shtml>